



BIBLIOTECA

NAZIONALE

VITT. EMANUELE

84

46C


30

ROMA

XX 219

8.146.0.30







SANCTORUM PATRUM  
**BASILII MAGNI**  
*ARCHIEPISCOPI*  
CÆSARÆ CAPPADOCIÆ,  
*E T*  
**JOANNIS**  
**CHRYSOSTOMI**  
*ARCHIEPISCOPI*  
CONSTANTINOPOLITANI,

HOMILIÆ SELECTÆ.

*Clevisi Benedicti Amatori*




**PATAVII, M. DC. LXXXVIII.**

Ex Typographia Seminarii, *Sup. Permissu.*

*2-5*





# ELENCHUS

## *Orationum Sceleſtarum,*

*Quæ hoc Opuscula continentur .*

- S.** BASILII Magni , ad Adoleſcen-  
tes , quem ex profanis literis fru-  
ctum capere poſſint . pag. 1.  
**S.** Jo: Chryſoſtomi , qui ſibi ipſe non  
facit injuriam , ledi ab ullo non  
poſſe . 35  
**Ejuſdem** , in Sanctos duodecim Apoſto-  
los . 93  
**Ejuſdem** , in Domini Dei Salvatoris no-  
ſtri Jeſu Chriſti ad inferos deſcen-  
ſum , & in Latronem . 101  
**S.** Basilii Magni , Quot rationibus ma-  
la cogitationes in anima oriuntur , &  
quomodo declinentur . 113  
**S.** Jo: Chryſoſtomi , de Precatione . 117  
**Ejuſdem** , de Precatione . 131  
**S.** Basilii Magni , in S. Barlaam Mar-  
tyrem . 149  
**Ejuſdem** , de Sancto Gordio Martyre .  
157  
**Ejuſdem** , in Quadraginta Martyres .  
189  
**Ejuſdem** de gratiis agendis . 199  
Ejuſdem

*Ejusdem, in S. Julittam Martyrem.*

221

*Ejusdem, adversus iracundos.* 250

*Ejusdem, in dictum illud ex Evangelio  
secundum Lucam, destruam horrea  
mea, & majora ædificabo: item-  
que de Avaritia.* 273

*Ejusdem, quod Deus non est author  
malorum.* 294

*Ejusdem, in illum Moysis, attende  
tibi ipsi.* 322

*Ejusdem, Homilia ad eos habita, qui  
studio tenentur ditescendi.* 352

*Ejusdem, quomodo baptizetur aliquis  
baptismate, quod est in Evangelio  
Domini nostri Jesu Christi.* 380

*Ejusdem, in Martyrem Mamantem.*  
434

*Ejusdem, in Sanctum Baptisma.* 447



SANCTI PATRIS NOSTRI

BASILII

MAGNI,

Archiepiscopi Cæsareæ  
Cappadociæ, ad  
Adolescentes :

*Quem ex profanis literis  
fructum capere possint,*

O R A T I O .

*Pomponio Brunello interprete .*



Ultra me hortantur, filii,  
ut vobis ea suadeam ,  
quæ optima censeo , quæ-  
que vobis existimo salu-  
taria futura, modo ea  
vos accipere ne gravemini. Nam  
id ætatis cum sim, & in multis iam  
rebus versatus, atque adeo rerum  
vicissitudinem, quæ omnia docet,

A

fatis

2 *SANCTI BASILII*

fatis expertus, usum mihi aliquem rerum humanarum comparavi, ut vobis, qui vitam estis nuper ingressi, quamdam quasi viam possim tutissimam demonstrare. Huc accedit, quod & ego, pro naturæ propinquitate, vos proximè secundum parentes vestros attingo; ut & nihilo minore vos, quam parentes ipsi, benevolentia prosequar; & vos, (nisi quid me fallit concepta de vobis opinio) cum ad me respicitis, existimo parentum desiderio non teneri. Si ea igitur, quæ dicam, alacri animo acceperitis, in altero eorum eritis loco, qui apud Hesiodum laudantur: sin minus, nihil equidem acerbius dixerim. vos verò versus ipsos, credo, memoria tenetis, quibus ille optimum quidem illum esse ait, qui ipse per se, quæ sunt agenda, perspiciat: probum item eum, qui ab aliis, quæ præcipiuntur, amplectitur: eum esse nequam, qui neutrum possit efficere. Nolite autem mirari, si quid me utilius invenisse profitear, quam vos, qui doctores diebus singulis conveniatis, & cum veteribus oratoribus, dum illorum evoluitis præclara scripta, verie-

*AD ADOLESCENTES.* 3

verfemini . Etenim idipfum ego vobis conabor ostendere , hujusmodi hominibus mentis vestræ , tamquam navigii , gubernaculis creditis , quacumque ducunt , fequendum non efle : fed ab ipsis ea dumtaxat , quæ utilia funt , accipienda , videndumque diligenter , quid fit in illis etiam negligendum . Id verò quale fit , & quemadmodum dijudicari oporteat , jam docebo ; atque inde mihi nafce-  
tur exordium . Nos , ò filii , humanam hanc vitam nullius efle ponderis exiftimamus , nec aliquid omnino in bonis ponimus , aut nominamus bonum , quod huic tantum vitæ conducit . Itaque non majorum splendorem , non robur corporis , non pulchritudinem , non proceritatem , non honores , qui nobis ab univerfis hominibus deferantur , non regnum ipfum , non rem ullam denique , quam ex rebus humanis præftantiffimam proferre quis poffit , atque adeo ne expetendam quidem ducimus , neque fufpicimus eos , qui ifta poffideant : fed fpe longius multo provehimur , & , ut ad alteram nobis vitam aditum paremus , enitimur . quæ igitur ad eam ferunt , &

#### 4. *SANCTI BASILII*

adamanda esse dicimus, & omni studio persequenda; quæ verò ad eam non pertinent, tanquam nullius pretii; contemnenda. Porro quæ ista sit vita, & ubi, & quæ ipsius agendæ ratio futura sit; & longiorem orationem, quàm instituta disputatio postulet, & graviores auditores desiderat. Illud tamen si dixero, rem fatis fortasse pro tempore demonstravero. Si enim omnem omnium post homines natos beatitudinem quispiam oratione comprehendat, atque unum in locum conferat, ne minima quidem ex parte, cum alterius vitæ bonis exæquari posse comperiet: sed universa hujus vitæ bona ab illorum bonorum quolibet, vel exiguo, longius abesse intelliget, quàm à vero somnium putetur, atque umbra distare. Quinetiam, ut magis proprio utar exemplo, quanto præstabilior est animus corpore, tantum est inter vitam utramque discrimen. Ad hanc igitur nos literæ sacræ perducunt; dum nos mysteriis arcanis erudiunt. dum tamen earum sententiam per ætatem perspectam penitus, cognitamque habere non licet; in aliis quibusdam

non



## AD ADOLESCENTES. §

non omnino diversis, tanquam in umbris, ac speculis, animi aciem interim exercemus; ut ii facere solent, qui ad rem militarem umbratili certamine sese antea comparant. nam ii, cum fuerint ad artem gestus, ac saltationis periti, ludicrae exercitationis fructum in veris certaminibus capiunt. Ergo cum & nobiscertamen propositum esse maximum putandum sit, cujus causa nobis conandum est, laborandumque pro viribus; ad hujus certaminis præparationem cum poetis, historicis, oratoribus, cum omnibus denique est agendum, unde ad animum excolendum aliqua utilitas existere possit. Quamobrem, ut infectores lanam quibusdam antea sufficere medicamentis consueverunt, quam aut purpureum, aut alium quempiam colorem inducant; ita etiam, ut perpetua in animis nostris, quasi color, qui nunquam elui possit, opinio virtutis, atque honestatis infideat; ubi hisce profanis, externisque literis initiati, ac præparati fuerimus, tum demum sacras illas, atque arcanas disciplinas hauriemus; ac tanquam in aqua Solem intro-

spicere affneti, facilius deinde in immensum illum splendorem oculos defigemus. Quod si aliquo inter se litterarum, atque artes omnes ingeniarum communi societatis vinculo continentur, operarum pretium erit istas cognoscere: sin minus: illud quidem certe non parum ad meliora conferet comprobanda, ut, externis hisce disciplinis cum sacris conferendis, facile intelligamus, quantum sacrarum illis omnibus antecellant. Jam vero: quid simile possis afferre, quo utramque vim, naturamque perspicias? An quemadmodum arboris proprium munus est, ut pulchris, ac tempestivis pomis abundet; quemdam tamen solent ornatum etiam frondes, quæ in ramis agitantur, afferre; ita proprius quidem animi fructus est veritas, non tamen est indecorum externa quoque, ac profana sapientia esse, quasi frondibus, præditum, quæ & fructus defendat, & aspectum præbeat non injucundum? Ergo & Moses ille magnus, cujus nomen omnium sermone celebratur, cum Ægyptiorum litteras cognovisset, se se tum demum ad eum, qui est, contemplandum dicitur contulisse. cui non est

est illud de Daniele sapientissimo, et si posterioribus sæculis floruit, longè dissimile: quem ferunt Babylone Chaldaeorum scientia ante percepta, divinam tandem sapientiam attigisse. Verum satis hætenus, opinor, ostendimus, non esse externas hæc disciplinas inutiles. Reliquum est, ut jam dicamus, qua ratione sint illæ vobis addiscendæ. Ac primum quidem eos, qui poetis dant operam; (ut indecorder) quoniam magna est in his varietas, non est omnium rerum, æquè habenda ratio, quas illi persequuntur. nam cum optimorum nobis virorum vel res gestas, vel orationes proponunt, ea sunt & amanda, & imitanda pro viribus: cum se verò ad scelestos homines, nefariosque convertunt, ab eorum est imitatione, obturatis auribus, profugiendum, non secus atque Vlysses dicunt Sirenun cantus evitare. Qui enim improborum sermonibus, & consuetudine delectantur, ii sibi viam quamdam muniunt ad improbitatem. Itaque omni cura, & vigilantia custodienda mens est, ne verborum voluptate, atque illecebris capta, deterius aliquid imbibat, vel

*AD ADOLESCENTES. II*

quæ semel susceptam , facile confici posse . at fastigio superato , inquit , videre licet , quàm plana sit , quàm pulchra , quàm facilis , ac pervia , quàm jucundior ea , quæ ducit ad vitium : quam tamen facile iniri , cum sit paratior , atque expeditior , idem poeta testatur . At mihi ille , quidem videtur , cum ista prosequitur , nihil aliud spectare , nisi ut nos cohortetur ad virtutem , & omnes alliciat ad probitatem : atque adeo nos confirmare , ut ne laboribus fracti , ac debilitati , ab instituto recedamus . Jam verò si quis alius hujusmodi quidpiam de virtutis laudibus proferat , quidquid nobis usui esse poterit , amplectamur . Ut autem ipse accepi de quodam viro , in poetæ sententiis perscrutandis acerrimo , omnis Homeri poësis virtutis est laus , atque apud ipsum eo universa referuntur , jis exceptis , quæ ornamenti causa , præter argumentum accesserunt . id quod volebat de jis existimari potissimum , in quibus Cephallenorum ducem , nudum ex naufragio scribit esse servatum : & primum quidem à regina in quadam habitum veneratione , licet solus , &

nudus esset : tantum abfuit , ut ei  
 nuditas fuerit, & solitudo dedecori;  
 quoniam ipsum virtus , loco vesti-  
 um, exornarat. tum reliqui Phoea-  
 eenſes eundem tanti fecerunt , ut ei  
 è menſa , convivio , deliciſque re-  
 liſtis , aſſurgerent, & illum ſuſpice-  
 rent univerſi, ac ſtudio quodam æ-  
 mulationis afficerentur : nemoque ef-  
 ſet, qui nollet ſe Ulyſſem , quam-  
 vis ex naufragio tunc ereptum, ſie-  
 ri . Etenim hac narratione poetæ  
 mentis explanator ille agebat , Ho-  
 merum hiſce propemodum verbis ex-  
 clamantem, omnes mortales excita-  
 re voluiſſe . Vobis eſt homines; om-  
 nis cura , & cogitatio in virtute col-  
 locanda , quæ vel cum naufragis  
 enatat , & nudum hominem, ad lit-  
 tus ejectum , efficit fortunatis ipſiſ  
 Phoeaceniſibus elariorem . Sic enim  
 ſeres habet . Cæterarum rerum poſ-  
 ſeſſiones non magis eorum ſunt, qui  
 eas habent , quam cujuſlibet , ad  
 quem illæ à fortuna deferantur . quæ  
 ſcilicet huc , & illuc tanquam in  
 teſſerarum luſu commigrare ſolent,  
 atque transferri . Sola virtutis poſſeſ-  
 ſio ſtabilis eſt , ac diuturna , quæ  
 eripi nunquam poteſt, & vivos nos,  
 mor-

mortuosque comitatur. Propterea fanè mihi contra divites dicere videtur Solon:

*Ast ego divitiis ; dives amice, tuis  
Quid mutem virtutis opes ? non deserit  
ista :*

*Hic modo divitias obtinet, ille modo.*

Cum his autem illa consentiunt ; quæ à Theognide dicuntur ; qui Deum affirmat ( quemcumque tandem ille Deum dicat ) libram alias aliter appendere ; ut jam quis omni bonorum copia circumfluat , mox verò summa prematur inopia. Quinetiam Prodicus ille sophista Chius horum quamvisimillima in scriptis suis , de virtute , ac vitio philosophatur : cui viro danda est opera diligenter : neque enim ignobilis est , scribit verò in hanc sententiam , si rectè meminim , eum ipsa verba non teneam , idque tantum retinuerim , quod in animo sine ornatu poetico , ac sine metro ; ejus libris legendis , insedit. Herculi , ait, adolescenti admodum , atque eadem propemodum , qua vos nunc estis ætate , deliberanti , utram viam ingrederetur ; eamne , quæ laboribus ad virtutem ducit ,  
an

an alteram quamdam facillimam ;  
 duas sibi fœminas oblatas , virtutem  
 alteram , alteram improbitatem , quę  
 statim vel tacentes ex ipso habitu ,  
 & figura corporis , quàm inter se  
 diversę essent , ostenderent : esse  
 enim alteram calamistris inustam ,  
 ad speciem compositam , deliciis , at-  
 que luxu diffluentem , omni volup-  
 tatis comitatu constipatam : hæc illam  
 ostentare , ac multo jam plura pol-  
 licentem , ad sese Herculem conari  
 pertrahere . Alteram vero macie ,  
 ac squalore confectam , acri quodam  
 vultu , longè alia dicere , nihil pro-  
 fusum , ac molle promittere , nihil  
 jucundum ; sed sudores innumeros ,  
 laboresque proponere , gravia ter-  
 ra , marique pericula : at horum om-  
 nium præmium esse ( ut ille loqui-  
 tur ) Deum fieri : atque hoc ipsum  
 præmium Herculem vel vita fun-  
 ctum , quocumque pergeret , sequu-  
 turum . Ac fermè omnes , qui de  
 sapientiã verba faciunt , pro viribus  
 quisque in scriptis suis virtutis lau-  
 des persequuntur . His profectò fides  
 habenda , atque opera danda est , at-  
 que adeo efficiendum , ut , quę illi  
 oratione præcipiunt , nos vita , &  
 moribus

moribus exprimamus. Qui enim ab aliis, verbo tenus, tractatam philosophiam re, factisque confirmat, is unus sapit: cæteri tamquam umbræ volitant. Id quod perinde esse puto, ac si pictor pennicillo eximium quidpiam, hominis videlicet formam imitatus, talis ipse quoque re vera sit, qualem in tabella depinxerat. Nam publicè quidem laudare virtutem, ac de ea benè longam habere orationem, privatim autem voluptatem, pluris, quam continentiam putare, & nimiarum opum potentiam præferre æquitati, id equidem simile ei se dixerim ei, quod in scena faciunt fabularum actores. Illi namque regum, vel magistratum personam sustinent interdum, cum neque sint reges, neque dynastæ, ac ne liberi quidem interdum, & ingenui fortasse. Quid? incontentas fides musicus habere non facile pateretur, neque chori princeps, non habere chorum sibi quam maximè concinentem; & quisquam nostrum à se dissidebit, neque vitam suam verbis congruentem præbebit? At lingua juravit, (inquiet ne cum Euripide) mentem injuratam gero? & vehementer-



mentius contendet , ut videatur ,  
 quam ut sit vir bonus ? Atqui sum-  
 mæ id est improbitatis , si qua Plato-  
 ni fides est habenda : videri bonum ,  
 cum non sis . Quamobrem è scriptis ,  
 quæ hujusmodi continent argumenta ,  
 ista solum recipimus . Quoniam ve-  
 rò egregia veterum facinora , sive ,  
 ut quodque gestum est , & ab aliis  
 traditum , à nobis memoria conser-  
 vantur ; sive poetarum , & histori-  
 corum scriptis ab omni oblivione  
 vindicantur ; quæ inde ad utilitatem  
 nostram referri poterunt , non asper-  
 nabimur . Periclem ( ut res illustre-  
 tur exemplis ) ex foro medio quidam  
 conviciis exagitat , ille nihil commo-  
 vetur ; atque ita res ad vesperam  
 usque perdurat : illum iste maledic-  
 tis impune proscindit , ille res agit  
 alias , neque attendit , quid convicia  
 postulent . Jamque vespere vix di-  
 gradientem à se Pericles cum facem  
 præferrentem dimittit , ne occasio-  
 nem prætermitteret exercendæ  
 virtutis . Euclidi Megarensi mortem  
 minitatur quidam , idque se confir-  
 mat jurejurando facturum . Is contra  
 tamen jurat , jam daturum se ope-  
 ram , ut hominem placet , & illius  
 erga

erga se iracundiam patientia sedet, ac mitiget. Quanti tandem facienda est ei exemplorum hujuscemodi recordatio, cujus animus iracundia concitetur? Fides enim haberi tragoediæ nulla debet, cum illa proferat: Contra hostes furor arma ministrat: sed contra potius. Primum verò ne commoveri quidem nos decet iracundia. Quod si minus id facile assequi possumus; at ne illa certè longius efferratur, ratione, tanquam fræno, reprimenda est. Verum ad rerum præclare gestarum exempla, redeamus. Cædit quidam Sophronisci filium Socratem, in faciem ipsam insolenter impetum facit, is ne verbo quidem propulsat injuriam, sed eum se se debacchanti præbet, ut illum iracundiam explere facile patiatur. Jam igitur ex plagis tumet, & subputrida tota facies cernitur. Ubi verò is verberandi finem fecit, Socrates quidem non alia ratione ulciscitur injuriam, nisi quod inscribit in fronte, ut in statua fieri solet: Ille fecit. Hæc igitur, quæ eodem, quo nostra referuntur, merito vestræ huic ætati censeo imitanda. Hoc enim Socratis exemplum illi præcepto res-

pon-

pondet , quo jubemur , genam percutienti etiam alteram præbere : tantum abest , ut ullas ab eo repetere poenas liceat . Illud vero Periclis , vel Euclidis non discrepat ab eo , quo monemur , ut eos æquo feramus animo , qui nos insectantur , eorumque iracundiam facile toleremus : atque adeo illi persimile , quo inimicis jubemur vel votis conceptis bene cupere , jisque maledicere prohibemur . Quare , qui fuerit hisce antea externis exemplis eruditus , nostra ille , quasi fieri nulla ratione possint , non repudiabit . Illud autem Alexandri non tacebo , qui captas in bello Darii filias , mirabili quadam formæ pulchritudine insignes , ne aspiciendas quidem censuit : cum , qui homines cepisset , eum vinci à foeminis turpe duceret . Id namque eodem pertinet , quo illa : Qui mulierem ad voluptatem intuetur , quamvis adulter re ipsa non fuerit , eum tamen scelere non liberari , jam libidine animo concepta . Age vero Cliniae , unius ex Pythagoræ familiaribus , difficile est credere cum nostris casu , non studiosa quadam , ac diligenti imitatione congruere . Quod igitur

igitur egregium illius facinus tandem fuit? cum trium talentorum jacturam jurejurando posset effugere, solvere maluit, quam jurare; cum tamen verissimum jusjurandum facere posset: non secus ac si (ut mihi quidem videtur) præceptum illud, quo nos jurare vetamur, audisset. Verum (ut id, quod initio dicebam, itere-  
mus) non omnia nobis ex quocum-  
que scriptorum genere capienda, sed  
quæcumque nobis intelligimus pro-  
futura. Turpe est enim noxios cibos  
in mensa rejicere; nullam discipli-  
narum rationem, quibus animus ali-  
tur, ac sustentatur, delectum nul-  
lum habere; sed quidquid offendi-  
tur, torrentis instar, attrahere. Er-  
go ventis vela non temerè dabit gu-  
bernator, sed navem ad portum sem-  
per aliquem diriget: ad scopum sa-  
gittarius tela torquebit; & vero fa-  
ber quivis, aut architectus artis fi-  
nem spectabit suæ: nos in rebus no-  
stris perscrutandis, & cognoscendis  
horum artificum vincemur indu-  
stria? neque enim existimandum est,  
ipsis quidem finem aliquem opificii  
esse propositum, quem sequantur in  
opere, scopum in hominum vita  
nullum

nullum esse, ad quem verba omnia, factaque referantur ab eo, qui sibi velit nihil esse commune cum bel-luis? An verò per ignaviam, ut in navigiis non satis adhuc suburratis, ratione clavum animi non tenente, hac illac temerè agitabimur? At in ludis gymniciis, atque etiam (si mavultis) musicis, ad eos præmia deferuntur, qui se ad ludos antea exercitatione aliqua compararunt. Nemo autem est eorum, qui lucta, vel pancratio se exercent; qui cythara deinde studeat; vel tibia canere. non Polydamas id fecit, qui ante certamen illud Olympicum sistebat cur-rus incitatos, atque ita suas vires confirmabat. Milo quidem certè ex inuncto scuto nunquam protrudeba-tur; ubi verò urgeretur, non secus, ac plumbo conglutinata statua resi-stebat. Exercitatio nimirum semper apud illos certamina præcedebat. Quod si Marsici pugiles, aut Olym-pici, relicto pulvere, ac palæstra, Phrygios confectarentur sonos; citò aut victrices coronas consequerentur; & gloriam; aut certè quominus ob corporis vastitatem, ac robur irri-derentur, facile perficerent. Non  
tamen

tamen idcirco Timotheus, dulcis concentus facultate neglecta, se contulit ad palæstram. non enim si id egisset, cæteris omnibus antecellere musicæ gloria contigisset; qui tantum habuisse dicitur artificii, ut cum vellet, iracundiam, contento, austeroque cantu, concitaret; leniter, remisso, mitigaretque, cum vellet. Ergo is, hac arte, cum Phrygium apud Alexandrum caneret aliquando, dicitur eundem inter cœnandum ad arma concitasse, ac rursus, ad convivas harmonia remissa, revocasse. tantam vim ad id, quod est propositum, consequendum, in musicis, & in gymnics certaminibus affert exercitatio. Age verò, quoniam coronarum, ac præmiorum mentio facta est: illi multis in rebus difficultates innumerabiles, molestiasque perpeffi, undique sibi viribus auctis corporis, & confirmatis, multis antea gymnicorum laborum sudoribus, sæpè etiam à laniata plagis affecti, victu non iacundissimo, sed, qui à magistris præscribitur, utuntur; ac cætera (ne sim longior) ita constituunt, ut vitæ ratio, quæ certamen præcedit, quædam sit



fit meditarior, præparatioq; certaminis: ac tum demum exiuntur ad stadium, omnes labores excipiunt, omnia pericula subeunt, ut oleastri, vel apii, vel alia quapiam hujusmodi corona donentur, & proclamantur à præcone victores. Nos verò, quibus tot, ac tanta præmia sunt rectè vivendi proposita, ut verbis nequeant explicari, in utramvis aurem, ut dicitur, dormientes, animo otioso, ac securo, alterutra manu à nobis illa apprehendi posse confidimus? pretiosa profectò ignavia, desidiaque res esset in vita; & Sardanapalus certè primus omnium in beatorum numerum referendus, vel etiam (si malumus) Margites, quem negat Homerus aratorem esse, vel fossorem, aut in alia re ulla operam ponere, quæ sit ad vitam tuendam accommodata. Quod si hæc Homeri sunt, illa certè Pittaci veriora, cum dixit: Arduum esse opus, atque difficile, virtutem sequi. Enimverò multis etiam laboribus susceptis, vix tandem ea bona consequamur, quorum nullam esse in rebus humanis similem antea diximus. Non est igitur in turpi otio, atque inertivivendum,

neque

neque brevi cum requiete, atque desidia spes maximorum bonorum commutanda; si quidem velimus dedecus vitare, atque supplicia, non quæ nunc nobis hic ab hominibus impendent, (quanquam ne ista quidem sunt negligenda sapienti) sed quæ in improbos sunt in foro illo, sive sub terra, sive alibi constituta. Qui enim invitus peccat, illi quoque à Deo venia fortassè concedatur: at qui sciens, ac prudens deteriora sequitur, nullâ se ratione defendet; neque multo plura vitabit, gravioraque supplicia. Quid igitur agendum, dicat quispiam? quid aliud, nisi ut animum curemus, omni cæterarum rerum cura relicta? Itaque non corpori danda est opera, quæ non ipsi necessario debeat; sed animo sunt optima quæque suppeditanda, idemque à societate corporis, tanquam à quibusdam turbulentorum motuum vinculis, philosophiæ beneficio vindicandus est; & simul, ut corpus ipsum ne effrænatæ perturbationibus opprimatur, efficiendum. Ventri, quæ ad victum sunt necessaria, non quæ jucundissima, præbenda, ut ji facere solent, qui conviviorum magistros, epularum-



rumque architectos quærent, ac terras omnes, & maria lustrant, quasi ab illis alicui difficili, agrestique domino sint vectigalia persolvenda. ob quam videlicet occupationem miserandi sunt, quibus cum nihilo agatur levius, quàm cum jis, qui apud inferos cruciantur. Hi enim re vera ignem verberant, cribro ferunt aquam, dolio hauriunt perforato, nullumque possunt laborum exitum invenire. Et compositum quidem, ac delibutum habere capillum, vestibisque uti pretiosioribus, quam necessitas postulat, aut miserorum est hominum, (ut Diogeni placuit) aut eorum, qui nefaria facinora committunt. itaque nimis eleganter, curiosèque ornatum esse; atque hujusmodi fama celebrari, æquè turpe habendum censeo, ac luxuriosè vivere, vel aliena inire cubilia. Quid enim sapientis interest, utrum trabea induatur, an vulgari aliquo vestis genere, modo nihil desideret sive ad frigoris, sive ad coloris injurias repellendas? De cæteris eadem ratione præcipi potest, ut ne modum excedamus in jis parandis, quæ minimè necessaria sunt, neque in corpore exornando sumus,

*AD ADOLESCENTES.* 25

mus, quam animo sit utile, diligentiores. Non enim minus turpe est, quempiam venustè compositum, corporisque amantem dici, qui sit hominis re vera dignus nomine; quam si alia quapiam animi ægritudine laboraret. Etenim omne studium eò conferre, ut quamoptimè se corpus habeat, hominis est, qui seipsum minimè norit, neque sapientis dictum illud intelligat: Non id videlicet, quod oculis cernitur, esse hominem, at majore quadam opus esse sapientia, qua se quisque nostrum ipse perspiciat. Faciliùs autem, qui lippis est oculis, in Solis radios adversos figet obtutum, quàm ut quispiam se ipse noverit, nisi animo ritè priùs expiato. Animi autem expiatio (ut rem paucis perstringam, quantum vestra hæc ætas postulat) in voluptatibus jis negligendis versatur, quæ sensibus capiuntur: & in avertendis oculis tum ab earum rerum aspectu, quæ absurdè, atque indecorè proficiscuntur ab jis, qui se miranda facturos profitentur, tum ab jis corporibus contuendis, unde aliqua voluptatis quasi titillatio possit existere: abdu-

B

mu-

musicæ, qua animi labefactantur. Ex ea enim perturbationes animi, ac motus incompofiti, atque abjecti oriuntur. Verum alterius generis musica persequenda à nobis est, quæ & ipsa melior est, & ad meliora perducit. ea enim ille sacrorum carminum vates David furore percitum regem, ut est in sacris libris, ad sanitatem mentis revocavit. Pythagoras quoque fertur, cum in ebrios quosdam lascivientes incidisset, cantorem saltationis concentum aggredientem, in eos more Dorico canere iussisse. Ji verò ita dicuntur nova illa ratione cantus, ac sonorum resipuisse; ut abjectis coronis, sese inde subduxerint erubescences. At ad tibiam cæteri Corybantum more insaniunt, ac debacchantur: tantum est inter sanam, ac sobriam musicam, vitiosamque discrimen. Quocirca qua, nostra ætate, homines maximè capiuntur, ea nobis non secus ac turpissima quæque flagitia, respuenda est. Atque me jam quidem pudet odoribus, ac suffimentis, aut unguentis interdicerè, quibus sensus afficitur voluptate. Quorsum autem non esse persequendas voluptates, conemur ostendere

dere, quæ tactu, gustuque continentur, quæ cogunt eos, qui in ipsis occupantur, pecudum more, vitam agere, ad ventrem, venereasque voluptates omnia referentium? Atque, ut rem totam comprehendam brevi, negligendum est omnino corpus ei, qui voluptatum cœno volutari, atque obrui nolit: aut certè tantum corpori serviendum est, quantum est opus, ut illud philosophiæ serviat, ut sensit Plato. Idque cum Pauli præceptis congruit, qui monet, nulla ut in re corpori indulgeamus, quæ cupiditatum possit materiam suppeditare. Ji verò, qui, ut corpus quamoptimè se habeat, diligenter curant; animum verò, quem corporis opera uti oportet, ita contemnunt; quid ab jis differunt, qui, ut optima habeant instrumenta, elaborant, artem, quæ illis utitur, asparnantur? Sed contrà potius, frænare, & continere corporis, quasi belluæ cujusdam, impetus decet, & motus turbulentos, ac tumultus, qui ab ipso in animo concitantur, ratione, tanquam flagello, cohibere. non voluptatum habenis omnino laxatis, sinere mentem debemus, quasi auri-

gam ab effrænatis equis, qui violento agantur impetu, ferri transverfam. Illud Pythagoræ memoria repetendum est, qui ex familiaribus quemdam cum cognivisset exercitationibus, epulisque distendi: Non desines, inquit, difficiliorem quotidie, ac molestiorem tibi carcerem parare? Quare Platonem etiam ferunt, cum intelligeret, quid animo corpus possit officere, insalubrem Atticæ agrum, Academiam de industria delegisse, ut nimis commodam corporis affectionem, ac valetudinem, quasi quamdam vitis luxuriam, amputaret. Ego verò accepi quoque à medicis, ad summum perductam bonam corporis constitutionem, ac valetudinem abesse à periculo non procul. Quando igitur neque corpori ipsi est hæc nimia corporis cura salutaris, & est animo valdè perniciofa; illi certè succumbere, atque obsequi hominis est extrema, atque aperta dementia laborantis. At certè, si hoc negligere omninò conaremur, vix quidpiam ex hac vita suspiciendum putaremus. Quis enim divitiis relinquatur locus, corporis voluptatibus abjectis, equidem non video. Nisi  
for-

fortè aliquam voluptatem habeat, quod poetæ de draconibus fabulantur, defossis thesauris invigilare. is certè, qui liberaliter, atque ingenuè sit ad res hujusmodi institutus, non adducetur, ut humile aliquid, vel turpe, aut re ipsa suscipiat, aut oratione. Quod enim præter necessitatem redundaverit, quamvis Lydorum arenas aureas, quamvis fornicarum, aurum circumferentium, opus proponas; id totum tanto magis contemnet, quanto minus egebit, ipsumque usum naturæ necessitate, non voluptate metietur. Itaque necessitatis fines qui transiliunt, jis penè similes fiunt; qui ex prærupto aliquo loco præcipites aguntur: cum enim stabile nihil habeant, quo nitantur, nusquam contra incitatum impetum sustinentur. Sed quanto divitiarum copia majore circumfluunt, tanto majore laborant inopia, ut effrænatae libidini satisfaciant. Id Solon vidit, cum ait:

*Terminus haud ullus rebus sine fine parandis.*

Theognides quoque in his, tanquam magister, audiendus est, cum ait:

*Non amo divitias , non opto: vivere paucis*

*O utinam liceat; me mala nulla premant .*

Ego verò etiam Diogenis miror illam rerum omnium humanarum despicientiam ; qui se vel ipso Persarum rege ditiores affirmabat , quòd ad vitam paucioribus indigeret . At nobis quamvis Pythii Misii talenta sint , & jugerum sexcenta millia , & armentorum infinitus numerus , nunquam contenti sumus . Verum , ut opinor , decet , divitias quidem si absint , non expetere ; si adsint , de jis non ante , quam uti noveris , gloriari . Scitum est enim illud Socratis , qui hominem divitem se se , jactantem , non priùs admiraturum se esse dixit , quàm periculum faceret , an illis facultatibus uti nosset . Ac Phidias quidem , & Polycletus , si in auro , atque ebore se jactassent , quibus alter Heliensibus Jovem , Argivis alter Junonem finxerat ; irridendi essent , si alienis divitiis exultarent potius , quàm suo illo artificio ; quo vel aurum ipsum pretiosius efficiebatur , & gratius . Ipsi verò , si ad hominem exornandum , humana  
nam

nam minus posse virtutem existimemus, minore irrisione dignos nos esse censebimus? At enim divitias quidem despiciemus, neglectis etiam voluptatibus jis, quæ sensibus corporis percipiuntur: verumtamen assentationes, atque blanditias amplexabimur, & vulpeculæ, quæ est apud Archilochum calliditatem, atque versutiam imitabimur. at nihil est magis fugiendum sapienti, quam ex imperitorum sententia vitam ducere, ac vulgi rumusculos aucupantem, non optimam sibi rationem constituere vivendi ducem; ita ut, quamvis ab omnibus hominibus dissentiendum, quamvis malè audientium, quamvis periculum pro honestate subeundum; quod rectum semel esse perspexerit, ab eo nunquam deducatur. Quid verò dicemus inter eum, qui aliter sit affectus, & Ægyptium illum sophistam interesse, qui suo arbitrato, modò fiebat arbustum, modò fera, modò ignis, modò aqua, modò quodcumque, aliud voluisset? Siquidem & ipse modò justitiam collaudabit apud eos, qui eam habent in prætio, modò contraria dicet, (id quod adulatorum



est proprium ) quando injustitiam  
 senserit probari . Et quemadmodum  
 Polypum ajunt colorem pro subjec-  
 ta sibi terra mutare; sic ille sese ad  
 alterius non modò sensum , & vo-  
 luntatem accommodabit , ac finget;  
 sed ad vultum etiam , atque nutum .  
 At verò è sacris voluminibus hujus-  
 modi res commodiùs addiscemus ,  
 hoc verò tempore id totum , ut sit  
 quædam virtutis adumbratio , disci-  
 plinis externis inchoabimus . Qui e-  
 nim summo studio , sibi ex illarum  
 singulis utilia colligunt , ad eos , ut  
 magnis fluviis cernimus , multæ fie-  
 ri undique accessiones solent . Ete-  
 nim proverbium illud , quod est a-  
 pud poetam : Parum exiguo adjun-  
 gendum; non magis ad pecuniæ pu-  
 tandum est , quam ad cujusvis scien-  
 tiæ amplificationem pertinere . Et  
 Bias quidem ille ad Ægyptios iter  
 habenti filio , & quid agendum sibi  
 esset , quod parenti foret gratissimum  
 interroganti : Illud mihi , inquit ,  
 erit in primis gratum , si viaticum  
 tibi in senectutem paraveris : vir-  
 tutem videlicet viaticum appellabat.  
 Sed nimirum exiguis illam terminis  
 definivit, cum ejus fructum, & emo-  
 lu-

Iumentum, humanæ vitæ finibus circumscripsit. Ego verò etiamsi Tithoni quispiam ætatem proferat, etiamsi Arganthonii, etiamsi Mathusalæ illius, qui apud nos diutissimè vixit, quem ad mille annos, demptis triginta, vitam perduxisse accepimus; etiamsi omne post homines natos tempus emetiatur, ut ludicram istam sententiam, puerilemque ridebo: quippe qui diuturnum illud respiciam spatium, ac sempiternum, cuius non magis ullum terminum hominis cogitatio capiat, quam possit immortalis animi obitum comprehendere. Ad hoc vos ævum, ut viaticum paretis, hortabor, atque ut omnem, ut dicitur, lapidem commoveatis, nihilque omninò prætermittatis, unde ad illud utilitas aliqua manare possit. Neque verò, quòd ista difficilia sint, atque ardua, proptereà cessandum est: sed illud memoria repetentibus nobis, oportere optimè vitam unumquemque suam instituere; sperare tamen consuetudine jucundiolem, ac leniorem fore; optima quæque, ac præclarissima sunt aggredienda. Turpe est enim, nos præsentì tempori servientes, id spe-

34 *S. BASIL. AD ADOLESC.*  
rare, quod præteriit, posse revocari, quando nihil nobis ulla res proderit, ad levandum dolorem. Atque ego quidem, quæ optima esse duco, partim jam dixi, partim in omni reliqua vita vobis indicabo. Ipsi verò ex tribus morborum generibus nolite, videri vos eo potissimum genere, quod est insanabile, laborare: cavete ne in animi ægritudinem incidatis, illi per similem morbo, qui est in corpore gravissimus, nam qui levi aliquo tantum morbo laborant, ad medicos adeunt ipsi per se: qui verò gravius ægrotant, eos accersunt, à quibus curari possint. At, qui sunt in extremum salutis adducti discrimen, ac de sede mentis ægritudinis impetu deturbati; medicos ne accedentes quidem ad se sanandos admittunt. Quod jam ne vobis contingat, si optima rejeceritis consilia, providete.

SAN-



SANCTI PATRIS NOSTRI

IOANNIS

CHRYSOSTOMI,

Archiepiscopi Constantinopolitani

O R A T I O.

*Qui sibi ipse non facit injuriam, lædi ab ullo non posse.*

*Pomponio Brunello interprete.*



Ideo equidem fore, ut nova, & admirabilis videatur oratio mea rudioribus quibusdam, quique rebus præsentibus inhiantes, jacent humi defixi, corporis voluptatibus serviunt; rebus,

B 6 quæ

quæ intelligentia continentur, non admodum adhærescunt : scio, inquam, fore, ut nos ex ipso nostræ propositionis exordio rideant, temeritatique condemnent, qui ea dicamus, quæ incredibilia videantur. Neque tamen à proposito recedemus, quin etiam ea, quæ polliciti sumus, vel ob hanc ipsam potissimum causam, magno studio, & alacritate comprobare conabimur. Si enim voverint, qui ita sunt affecti, non tumultuari, vel turbas concitare, sed orationis exitum expectare, non dubito fore, ut partes nostras sequantur, seque ipsi condemnent, quippe qui fuerint antea decepti, atque adeo, ut tanquam velificatione commutata, quod minus rectè antea senserint, resipiscant, veniam deprecantur; nobis gratiam plurimam habeant, ut medicis ægroti, morbis nimirum liberati, quibus antea conflictabantur. Neque verò præjudicatam mihi aliquam jam afferas opinionem, sed orationis nostræ cursum præstolare; tum demum syncerè poteris ferre sententiam, cum nihil te ob inscitiam, quo minus rectè judices, impederit. Qui enim in  
huma-

humanæ vitæ causis dijudicandis versantur , quamvis priorem oratorem orationis copia fluere , obruereque omnia eloquentia viderint ; priùs tamen , quàm alterum diligenter audierint , extorqueri sibi sententiam non patiuntur . Verum quamvis orator prior æquissima dicere , iterum atque iterum videatur , aures tamen integras , & incorruptas alteri quoque conservant . Illa enim maximè propria est judicum virtus , ut patienter utriusque antea causa cognita , suam ipsi demum sententiam dicant .

Quoniam igitur communis opinio , multorum mentibus præcepta , ac diuturno tempore confirmata est ; oratoris more , toto terrarum orbe hujusmodi verba facit : Omnia , inquit , humana , divinaque jura violantur , perturbatur humanum genus , vehementerque jactatur ; multi quotidie afficiuntur injuriis , vexantur , exagitantur , violantur , à valentioribus imbecilli , pauperes ab opulentis . Atque ut maris fluctus numerari non possunt , ita neque illorum multitudinem satis novimus , quibus parantur insidiæ , qui contumeliis

melius jactantur , qui calamitatibus opprimuntur . Non legum descriptio , ac moderatio , non judiciorum metus , non aliud quidpiam pestem hanc reprimat ; sed longius serpit in dies , ac robustius efficitur malum : atque eorum , quibus fiunt injuriæ , gemitibus , querimoniis , lachrymis omnia commiscentur . Quin etiam judices ad hæc dirigenda , conformandaque delecti , concitatam augent tempestatem , ac morbum producunt longius .

Hinc verò ex jis complures , qui stultius sunt , miseriusque affecti , novo quodam furore perciti , Dei providentiam accusant , dum virum bonum , ac moderatum cernunt agitari sæpè , angi , lacerari ; audacem verò , multitudini fordimabilem , truculentum : ignobilem , atque obscuro loco natum , magnas divitias , opesque nancisci , atque ab eo moderatiores infinitis vexari molestiis , facinora in civitatibus , in agris , in solitudinibus , terra , marique perpetrari . Quare necessario hæc nobis oratio instituitur ad ea , quæ diximus , confutanda , & ad causam novam quidem agendam , ( quod initio dixi )

dixi) atque à vulgi opinione abhorrentem ; sed utilem tamen , ac veram , & jis , qui velint attendere , atque assentiri , perutilem . Recipit enim illa , se probaturam , ( verum ne perturbemini ) neminem , qui violetur injuria , ab alio violari , sed à se ipso lædi . Atque , ut planior fiat oratio , age , primum quid sit injuria , inquiremus , & quam tandem ei materiam natura subjecerit ; quidnam humana sit virtus , quid eam lædat , quid id sit , quod etiam si lædere videatur , non tamen lædit , indagemus . Exempli causa , ( est enim exemplis oratio illustranda ) res singulæ quiddam habent , unde vitentur : rubiginem ferrum , tineam lana , lupos ovium greges . ac vini quidem virtuti officitur , cum evanescit vetustate , & coacescit : mellis , cum dulcedinem insitam perdit , & in amarum succum commutatur . segetum verò ubertatem ærugo , & squalor ; vinearum fructum , frondes ; palmites improbus ille locustarum exercitus populat : alias etiam arbores brucus oppugnat . multa animalia variis morborum generibus extinguuntur . Atque



que (ne, si omnia conſectenter, longius excurrat oratio) etiam naturæ noſtræ febres, nervorum diſſolutiones, aliorumque morborum quamplurima genera adverſantur. Quoniam igitur ſingula aliquid habent, quo ipſorum vis, ac virtus labefactatur; age jam quid ſit etiam hominum generi detrimento, quidve ſit humanæ virtuti contrarium, videamus.

Ac vulgo quidem, nescio quæ alii alia opinantur, oportet enim falſas quoque opiniones recensere, jūſque proſtigatis, id, quod re vera virtutibus noſtris officiit, in medium afferre, planèque oſtendere, neminem eam nobis iniuriam facere poſſe, neque detrimento eiufmodi, ſi minus nos ipſi prodiderimus, afferre. Et verò vulgo falſa quadam opinione decepti, quæ virtuti noſtræ obſint, alii alia eſſe opinantur: alii paupertatem, alii corporis morbum, alii facultatum iacturam, alii calumniam, mortem alii eſſe arbitrantur, eaque deplorandi, ac lamentandi nullum finem faciunt. Ac dum eos, quibuſcum malè agitur, miſerantur, ac lugent: dumque ſe inter ſe per-

terre-

terrefaciunt, ista solent mutuis usurpare sermonibus : Qua ille tandem premitur calamitate ? omnibus est repente spoliatus bonis. Alius de alio : Ille verò , inquit , in gravem morbum , periculosumque prolapsus , abjis est , qui adhibebantur , medicis desperatus . Atque alius in carcere detentos , alius expulsos è patria , & in exilium ejectos ; alius libertate , orbatos , alius ab hostibus captos , & in servitutem abductos ; alius naufragio demersum , sive combustum ; alius ædium ruina oppressum , lamentis , gemitibusque prosequitur . Atqui turpiter viventes deplorat nemo . Quin etiam ( quod est omnium indignissimum ) eos sæpè permulti beatos prædicant : quæ profectò est malorum omnium causa . Age igitur ( at , quod in exordio rogavi ; ne tumultuemini ) ostendamus , nulla re harum , quas diximus , lædi moderatum , probum virum , nulla re illius virtutem posse convelli . Quid enim obsecro ei , qui omnia bona perdidit , aut cui sit omnis vel à calumniatoribus , vel à furibus , vel ab improbis etiam famulis res direpta familiaris : quid , inquam , ei ,

ei, si hominis propriam virtutem spectes, hæc jactura attulit detrimento? Verum demonstremus potius, si videtur, primum, quidnam sit hominis virtus, in rebus aliis orationem prius exercentes, ut ipsa facilius intelligatur à populo, illustriorque reddatur. In quo igitur equi virtus exempli causa, consistit? an ut aureum frenum habeat, aurea lora, instratum sericum, stragulam vestem ornatam, variam, auroque contextam, gemmatas phaleras, iubar aureis funiculis intertextas? an potius ut ad cursum sit expeditus, rectis præditus cruribus, ad numerum ingrediatur, ungulas habeat generoso equo congruentes? ut robur & in longis itineribus, & in bellis obtineat? ut in acie, ac prælio spiritus, audaciamque conservet, suumque possit in fuga servare sessorem? Nonne perspicuum est in his rebus, non in illis equi versari virtutem? asinorum verò, ac mulorum quam tandem dixeris? nonne ut expedite onera ferre possint, facile itinera facere; utque robustis, solidisque ungulis sint præditi? num externa, quæ illis adjiciuntur, quidpiam ad  
pro-

propriam illorum virtutem conferre dicemus? nequaquam. Quam verò vineam suspiciemus? eam ne, quæ frondibus, palmitibusque luxuriet; an quæ fructu, racemisque deprimatur? Quam oleæ virtutem dicimus? quando ne patulis diffusa est, procerisque erecta ramis, & densam habet frondibus comam; an quando suos fructus uberes, ac lætos ostentat? Eandem porrò rationem in hominibus adhibeamus: virtutem hominis expoliamus, ac dijudicemus, & illud esse duntaxat detrimentum censeamus, quo ipsa labefactetur.

Quæ est igitur hominis virtus? *Virtus*  
 non divitiæ; ut paupertatis timor *homi-*  
 invadat: non corporis valetudo, ut *nis*.  
 morbum reformides: non vulgi ex-  
 stimatio, ut infamiam timeas: non  
 temerè acta vita, ut mortis horrore  
 concutiaris: non libertas, ut fugias  
 servitutem; sed verarum sententia-  
 rum, consiliorumque perfectio, ac  
 recta vitæ traducendæ moderatio.  
 hæc autem ne diabolus quidem ipse  
 diripiat, si is, qui ea possidet, qua par  
 est diligentia, tueatur. At hæc dæ-  
 mon etiam ille improbissimus, atque  
 imma-

immanis novit. Propterea enim Jobi fortunas evertit, non ut illum paupertatis onere premeret; sed ut aliquod ab eo verbum in Deum contumeliosum extorqueret. corpus etiam laceravit, non ut illum morbo implicaret, sed ut animi virtutem labefactaret. Verumtamen omnes machinas admovit ille quidem, & ex divite pauperem reddidit, multorum filiorum prole felicem (id quod omnium profectò videtur esse maximè formidabile) liberis orbavit; ejus præterea corpus totum, gravius, quàm lictores in foris judicialibus, laceravit. Non enim tantum tortorum ungues effodiunt eorum latera, qui in ipsorum incidant manus, quantum illius carnes ore vermium dilaniarant. Idem ipsi ille præterea ignominiae inussit, & infamiae notam. In congressu enim amici dicebant: Nondum poenas sceleribus tuis debitas persolvisti, ac pluribus verbis illum accusabant. Neque illum urbe, ac domo solùm dæmon ejecit, & in aliam urbem transtulit; sed sterquilinum illi pro domo, ac civitate constituit. Non modò tamen ipsi damnum non intulit, sed per eas ipsas, quatenus

debat

debat infidias, illum reddidit illustriorem. Ille verò non modò jacturam nullam ex jis rebus, quarum potiebatur, non fecit, quamvis tam multis spoliatus; sed majores sibi virtutis divitias comparavit. Etenim postea cœpit libertate frui majore, quippe qui graviore in pugna decertasset. Ergò si tot, ac tanta perpeffus nihil est ille violatus; quamvis præsertim non ab homine, sed à nequiore cunctis hominibus dæmone vexatus; quis ex jis, qui dicunt: Ille me injuriis, ac detrimento afflixit; excusatione scilicet dignus erit? Nam si diabolus tanta nequitia refertus, omnibus adhibitis machinis, telisque omnibus contortis, & quæcumque in hominibus essent acerba, affatim in viri justî domum, & caput effusis; nihil tamen homini nocuit, sed, ut jam diximus, profuit potiùs; qua tandem ratione quidam poterunt modò hunc, modò illum criminari, quasi qui ab aliis, non à se ipsi violentur injuria? Quid? nonne diabolus (dixerit quispiam) Adamum violavit, decepit, extrusit paradiso; minimè is quidem, sed ejus, qui accepit injuriam, languor,

&

& ignavia. Etenim cum dæmon,  
*Iob. 1. i* tot, ac tantis machinis admotis, Jo-  
 bum prostertere minimè potuerit;  
 quinam Adamum per infermiora vi-  
 cisset, nisi se ille per suam ignaviam  
 prodidisset? Quid? ergò ille, qui in  
 calumniatores inciderit, & cui publi-  
 cata sint bona, non violatur; quam-  
 vis fortunis omnibus evertatur, &  
 patrimonio expellatur; quamvis ei  
 sit cum extrema egestate certamen?  
 Nulla violatur injuria, sed lucrum  
 facit, si excubet, vigiletque. Quid  
 enim, obsecro, id Apostolis obfuit?  
 nonne cum fame, siti, nuditate assi-  
 duè dimicabant? quin etiam ob ea  
 ipsa illustris fuit illorum gloria, &  
 magnam sibi apud Deum auctorita-  
 tem conciliarunt. Quid Lazaro mor-  
 bus, ulcera, inopia, solitudo abjjs,  
*Luc. 16. e* qui præsto essent, detrimenti attulit?  
 nonne inde pulchriores ipsi nectaban-  
 tur coronæ? Josephus verò, quid  
*Ge. 36. & 39. d* tandem damni fecit, quòd & domi-  
 suæ, & alienæ laborarit infamia?  
 Etenim & adulter, & impurus ama-  
 tor est habitus. Quid verò eidem  
 servitus nocuit? quid patria pelli,  
 & exulare? nonne illum propterea  
 maximè admiramur, atque suspici-  
 mus?

mus ? Verum quid ego de profectio-  
ne in exilium dico , de egestate , de  
ignomia , de servitute ? Ipsa enim  
mors Abelem qua tandem injuria per-  
culit , violenta , immatura , ipsius ma-  
nu fratris allata ? Nonne propterea  
ubique terrarum canitur , ac cele-  
bratur ?

Gen.  
4.6

Vides , ut plura , quam recepit  
jam perfolvit oratio ? Non modò e-  
nim neminem à quoquam lædi pla-  
num fecit ; verum etiam plus lucri-  
facere illos , qui attendant , atque a-  
nimis excubent.

Quorsum igitur animadversiones ,  
atque supplicia ? quorsum gehenna ?  
quorsum tot , ac tantæ comminatio-  
nes , si nemo accipit , neque facit in-  
juriam ? Quid ais ? quid orationi te-  
nebras offundis ? neque enim inju-  
riam facere neminem , sed nemini  
fieri confirmavi . Qua ratione , dices ,  
hoc fieri potest , ut tam multis vio-  
lantibus , nemo violetur injuria ? nem-  
pe ob eam causam , quam modò ex-  
plicavi . Quoniam injuria quidem  
Josephum fratres affecerunt , is verò  
non accepit injuriam : & Abeli para-  
vit quidem Cainus insidias , ipse ve-  
rò nullis est insidiis circumventus .

Pro-



Propterea sunt animadversiones, atque supplicia constituta. Neque enim Deus ob illorum, qui vexantur, virtutem, supplicia subtrahit, sed ob illorum improbitatem, qui peccant, supplicia, poenasque constituit. Nam, tametsi qui appetuntur insidiis, illustriores fiunt; non tamen est id eorum consilii, qui parant insidias, sed illorum virtutis, quibus tendantur insidiæ. Propterea his quidem philosophiæ, virtutisque præmia; illis verò improbitatis poenæ proponuntur, & comparantur. Fortunæ tibi, & opes ereptæ sunt? dic: Nudus egredius sum ex vtero matris meæ, & nudus revertar. Adde illud Apostolicum: Nihil enim intulimus in hunc mundum; haud dubium quod nec auferre quid possumus. Malè audis, ac sexcentis te onerant maledictis? Revoca in mentem vocem illam: Væ vobis, quando benè dixerint vos omnes homines. & illud: Gaudete, & exultate, quando ejecerint, & exprobraverint nomen vestrum, tanquam malum. In exilium pulsus es? cogita hic te patriam non habere. Quod si sapientiæ te studiosum profiteris esse cultorem, vel omnes terras

ras externas juberis existimare. At 2. Cor.  
morbo gravi conflictaris? Vsurpail-4. d.

Iud Apostoli: Quanto magis exterior  
homo noster corrumpitur, tanto ma-  
gis interior renovatur de die in diem.

At mortem quis pertulit violentam?

Joannes tibi in mentem veniat, &

in custodia caput abscissum, quod

in disco allatum meretriciæ merces

saltationis fuit. Cogita qua ratione

hæc mala compensentur; nam omni-

bus hujusmodi perpeffionibus, siqui-

dem immerito contingant, & pecca-

ta expiantur, & virtus excercetur:

tanta in eos, qui animo elato, ma-

gnoque hæc ferunt, ex jis utilitas e-

manat. Cum igitur non divitiarum

jactura, non calumniæ, non convi-

cia, non exilium, non morbi, non

t tormenta, non ipsa mors, quæ rerum

omnium videtur esse maximè formi-

dabilis, noceat jis, quibus hæc ac-

cidunt, atque adeo magis profit, un-

de mihi probaveris, injuria quem-

piam affici, cum inde nulla injuria

afficiatur? Ego enim contra probare

conabor, eos nimirum vexari inju-

riis, detrimentum capere, & extre-

ma quædam supplicia perpeti, qui

horum malorum sunt auctores, ac

C

duces.

duces. Quid enim Caino, qui ita fratrem accepit, fingi miserius potest? quid Philippi uxore, quæ Joannem obtruncavit, miserabilius? quid Josephi fratribus, qui eum divendiderunt, & in exilium ejecerunt? quid verò diabolo, qui Jobum tot malis affecit? Is enim & aliorum flagitiorum, & harum quoque insidiarum pœnas dabit non exiguas, non qualescumque.

Vides, ut plura etiam hoc loco, quam proposuit, ostendit oratio? non solum illos, qui illuduntur, nullam ferre jacturam ab insidiatoribus istis, verum totam perniciem in ipsosmet insidiatores solere recidere? & in eorum caput omnia redundare? nam quoniam non divitiis, non libertate, non patrio domicilio, non aliis, quæ recensui, sed animi officiis virtus hominis constat; meritò, quando hæc læduntur, nullum virtus hominis patitur detrimentum. Quid sit igitur, quo ille animi vigor à quopiam infringatur? Nec ab alio, si is quidem violetur, sed intrinsecus, & à se ipso violatur. Quo modo intrinsecus, & à se ipso dixerit quispiam? si quis cæsus ab aliquo, spoliatus fortunis, gravem

vem aliquam cuiuspiam vexationem  
 perpeſſus, probrum aliquod, vel ma-  
 ledictum proferat; accipit hic, ille  
 quidem detrimentum, non ab eo ta-  
 men, qui illud, ſed à ſui ipſius a-  
 nimi ignavia, & abiectione. Quod e-  
 nim ante dixi, iterare non verebor.  
 Nemo omnium, quantumlibet impro-  
 bus, nefario illo dæmone, ac diabo-  
 lo, qui hoſtis eſt in nos implacabilis,  
 ſceleſtiùs, vel graviùs in quemquam  
 impetum faciat. Sed tamen lævus  
 hic dæmon non potuit illum, qui  
 legis, qui gratiæ tempora præceſſit,  
 tot undique in ipſum, tanquam a-  
 cerbis telis contortis, labefactare, vel  
 dejicere: tanta eſt animi nobilitas,  
 atque præſtantia. Quid verò Paulus?  
 nonne tantas calamitates pertulit;  
 quas ne percenſere quidem facile quis  
 poſſit, dum retineretur in vinculis,  
 vinciretur catenis, duceretur, cir-  
 cumduceretur, à Judæis cæderetur,  
 lapidibus appeteretur, non loris tan-  
 tùm, ſed virgis quoque verberare-  
 tur, naufragio jactaretur, sæpè in  
 latrones, & graſſatores incideret, à  
 ſuis tribulibus oppugnaretur, ab ini-  
 micis, à notis affiduè jactaretur, sex-  
 centis premeretur inſidiis, cum fame,

ac nuditate pugnaret, crebras alias incursiones, animi, & corporis ærumnas, atque incommoda pateretur: quid multa? cum quotidie moreretur? Veruntamen, cum tot, ac tanta sustineret, non modò verbum nullum impium, vel contumeliosum protulit, sed gaudebat propterea, & gloriabatur. Ac modò quidem ait: Gaudeo in passionibus meis; modò rursus: Neque id solùm, sed gloriemur in tribulationibus. Quod si, cum tot cruciatus ille perferret, lætabatur tamen, & sibi propterea placebat; quam tu veniam, quam defensionem habebis; qui cum ne minimam quidem illorum partem feras, non tamen te maledictis abstineas? At alia ratione afficior, dices, injuria, quamvis maledicta contineam. Divitiis spoliatus ad eleemosynam reddor imparatus. meræ nugæ, & causæ sunt istæ. Si enim propterea doles, intellige planè paupertatem non esse eleemosynæ impedimentum. nam quamvis paupertate premaris, mulieris illius paupertatem certè non superabis, quæ farinæ pugillum duntaxat unum habebat: neque adeo alterius mulieris, cui tantùm duo erant oboli.

qua-

*Col.*  
*1. d.*

*2. The.*  
*1. b.*

quarum utraque, ubi in indigentes omnem facultatem effudisset, miris laudibus est elata: neque tantæ benignitati tanta offecit, aut obstitit paupertas. Verùm duorum obolorum tam liberalis fuit, atque ampla donatio, ut omnes divites obscuraret, eosque, qui multos numos conjecerant excelsi animi divitiis, & alacritatis præstantia, superaret. Quare neque hic tibi injuria facta est, sed quæstus majores, uberioresque fecisti, qui exigua largitione illustriores coronas capias, quam ji, qui plurima conferant. Verùm, quoniam (licet hæc millies iteremus) homines plus æquo corpori indulgent, seque in rebus hujus vitæ libenter ingurgitant; rerum præsentium voluptatē illecti, non faciliè se à putrescentibus flosculis patiuntur avelli, (tales enim sunt hujus vitæ deliciae) neque umbras de manibus deponere volunt. Verùm paulò moderatiores humana, & divina complectuntur: qui verò sunt magis adhuc perditī, ac miserandi, illis, majore ex parte, his verò multo se minùs, ac leviùs tradunt. Age jam; turpium harum, & contemptarum rerum speciosa abjecta

persona; turpitudinem impudicæ mulieris aperiamus. Est enim tale quiddam hujusmodi vita, quæ deliciis, & principatibus inhiat. Est, inquam, res turpis, fœda, execranda magnoperè, injucunda, gravis, acerbitalis plena. Hoc enim illud est, quod ea captis nullum veniæ relinquit locum: quod, cum hæc vitæ ratio tanta molestia sit, & acerbitate repleta, expetenda tamen eis videatur, & summo studio persequenda; & quamvis sexcentis sit calamitatibus, capitis periculis, casibus, scopulis, cædibus, timoribus, horroribus, invidiæ, obrectationi, insidiis, curis perpetuis, angoribusque proposita: quamvis nullum habeat quæstum, nullum fructum percipiat ex tantis calamitatibus, præterquam supplicia, animadversiones, tormenta perpetua: cum talis, inquam, sit, optanda tamen, & expetenda vulgo censetur: id, quod ex illorum stultitia, qui ea capiuntur, non ex rei dignitate proficiscitur. Etenim pueruli quoque ad res ludicras, & inanes rapiuntur; rerum graviorum, & quæ viros deceant, ne sensum quidem ullum percipere possunt. At illis

lis venia propter ætatem immaturam datur . Hi , qui perfecta in ætate puerilem animum gerant , nullam habent excusationem , quique sint etiam longè , quam pueri , stultiores . Nam cur tandem obsecro , sunt expetendæ divitiæ ?

Hinc enim disputationis primor-*Divit.*  
dia capienda . Etenim valetudine , vita , populari gloria , bona existimatione , patria , propinquis , amicis , affinibus , aliisque universis rebus , morbus iste plerisque eorum , qui eo laborant , videtur esse præstantior . Atque adeo ad ipsas jam nubes rogi videlicet ascendit , jamque terras , & maria fornax ista complectitur . Neque est ullus , qui flammam tantam restinguat : qui verò inflammet , atque incendat , nemo non est ex omnibus , qui partim jam irretiti tenentur , partim nondum retenti , nihil non agunt , ut capiantur . Atque singulos quisque viderit , viros , fœminas , servos , liberos , divites , pauperes conari pro viribus , atque onera comportare , quibus alimentum plurimum huic incendio dies , noctesque suppeditent : onera sunt non lignorum , non sarmento-  
C 4 rum ,



rum , ( non enim his rebus constat hæc flamma ) sed animorum , corporum , sceleris , improbitatis . His enim excitari solet hujus flammæ natura . Nam , qui divitiis affluunt , nullo modo cupiditatem istam effrænatam sedant , quamvis vel orbem terrarum sibi subjecerint universum . Pauperes verò assequi opulentos , & exæquare conantur ; ac rabies quædam dira , effrænatus , ac præceps furor , morbus insanabilis in omnium animis dominatur . Quin etiam alium quemlibet amorem amor hic superat , & expellit ex animo . Non habetur amicitiae ratio , non affinitatis . Quid dicam amicitiae , quid affinitatis ? non uxoris , non filiorum , quibus quid carius , aut amabilius hominibus contingat ? Cuncta jacent humi perculsa , atque prostrata , immani hac , & agresti mancipiorum domina omnium animos occupante . Etenim ut istorum domina quædam inhumana , ut immitis regina , ut barbara quædam , & crudelis , ut vulgare scortum , & profusum , decorat , ac prosternit , innumeris periculis , atque suppliciis eos cruciat , qui sibi voluerint inservire , cumque  
formi-

formidabilis quædam sit, implacabilis, agrestis, crudelis; cumque larvâ barbarem habeat, vel belluarum potius figuram induat, lupo, leoneque immaniolem; mitis tamen, amabilis, ac melle dulcior jis videtur, qui ab ipsa sunt in servitutem redacti, quæ cum gladios, ac tela contra eos quotidie fabricetur, ac fauces, hiatusque præcipientes effodiat, & in loca aspera, in syrtem, in scopulos agat, atque deturbet; cum sexcentos illis paret suppliciorum laqueos: beatos tamen eos, ac fortunatos existimatur efficere, tùm ab jis ipsis, qui jam sunt ipsius studio implicati, tùm ab jis, qui se cupiunt implicari. Et quemadmodum, cum in cloaca suæ, cœnoque voluntantur, gaudent, & scarabei, dum perpetuò stercus versant, oblectantur: ita nimirum sunt, qui avaritia detinentur, istis animantibus miserrimos. Est enim in hujusmodi re major turpitudine, cœnumque putidius. Etenim cum ægritudine, ac perturbatione conflctantur, magnam putant voluptatem se inde percipere: quod non rei naturæ, sed laborantis animi vitium est; imò verò id

est illarum animantium stupore deterius . Ut igitur illud non cœno , & fimo est , sed ipsarum bestiarum stupori tribuendum ; ita de hominibus ratiocinare . Verum qui ita sunt affecti , qua eos tandem ratione sanabimus ? Si nobis aures nimirum præbere voluerint , mentis aciem intendere , & admittere in animum , quæ dicuntur . Neque enim pecudes ab impura consuetudine licet abducere , cum sint rationis expertes : verum genus hoc cicur , & ratione , atque oratione præditum ; ( humanam dico naturam ) si voluerit , à cœno , à fœditate , à fimo , ab illa turpitudine , facile , ac nullo negotio poterit revocari . Cur enim tibi , obsecro , videntur expetendæ divitiæ ? An omninò ob voluptatem illam , quæ ex mensis , atque epulis capitur ? An , ut honori tibi sint , ac satellitum comitatu stipatus incedas , qui te propterea colant , atque observent ? An , ut eos faciliùs ulciscaris , qui tibi molestiam exhibent , atque ut sis omnibus metuendus ? Neque enim aliam causam afferas , præterquam voluptatis , adulationis , formidinis , ultionis . Non enim sapien-

pientior, non temperantior, non  
 moderatior, non prudentior omnino,  
 divitiis, quisquam fieri, non vir  
 frugi, non humanus confuevit: non  
 illæ possunt iracundiam coercere fa-  
 cilius, non ventris, non gutturis  
 vitia cohibere: non modestiam do-  
 cent, non animi demissionem: non  
 partem ullam virtutis in animos in-  
 ferunt. Neque verò dixeris, quid  
 horum sit, quod eas tibi reddat ama-  
 biles, & expetendas. Nihil enim bo-  
 ni solitæ sunt aut ferere, aut cole-  
 re: atque adeo, si qua confita offen-  
 derint, corrumpunt, prohibent, la-  
 befactant; quædam verò evellunt  
 etiam, inferuntque contraria, im-  
 mensam scilicet quamdam intempe-  
 rantiam, excandescientiam animi in-  
 tempestivam, iracundiam injustam,  
 arrogantiam, superbiam, dementiam.  
 Sed hæc tacebo; neque enim qui hoc  
 morbo conflictantur, de virtute, ac  
 vitio audiant orationem, qua & accu-  
 sentur, & arguantur; cum ad unam  
 omnia referant voluptatem, cumque  
 propterea voluptatis mancipia vilissi-  
 ma sint. Age verò jam reliqua, his  
 omissis, in medium adducamus, &  
 videamus, an voluptas ulla, vel

honor divitiis contineatur . Cerno enim contraria omnia .

Ac primum , si placet , divitum mensas , inopumque perpendamus , & convivas percontemur , utri maxime liquidam , ac germanam percipiant voluptatem . An qui , usque ad inclinatum jam in occasum diem , stratis decumbunt , prandia cum cœnis jungunt , ventrem distendunt , sensus hebetant , ingenti epularum pondere navigium obruunt , ac depressunt , illudque tanquam in naufragio corporis demergunt : compedes , manicas , linguæ impedimenta moliuntur , totumque corpus ebrietatis illo deliciarum vinculo constringunt , catena ferrea graviore ? qui non syncerum capiunt , non verum somnum , non horribilibus liberantur somniis , & furentibus inferiores ? qui dæmonem ultrò quemdam in animum admittunt , famulorum turbæ risum movent , vel trœdiam potius excitant , lachrymarumque causam modestioribus præbent ? qui nihil intelligunt rerum humanarum , non dicere quidpiam valent , non audire , sed raptim incubile ex mensa feruntur ? An vera volupta-

voluptate perfunduntur , qui animo  
 semper excubant , languore omni ab-  
 jecto , atque desidia , qui modum ne-  
 cessitate metiuntur , secundis ventis  
 utuntur in cursu , cibi , potionisque  
 condimentum , & voluptatem in fa-  
 me , ac siti sibi maximam ponunt ?  
 nihil enim æquè tum voluptati , tum  
 valetudini conducit , atque esurien-  
 tem , ac sitientem , quæ sint apposi-  
 ta , & parata contingere , satietatem  
 in una necessitate collocare , necessi-  
 tatis fines non transilire , neque cor-  
 pori majus onus imponere , quam vi-  
 res ferant . Quod si hæc minus mea  
 tibi persuadet oratio , utrorumque cor-  
 pora , & singulorum animos explo-  
 rato . Neque mihi , quod rarò ac-  
 cidit , ac si qui , altera quapiam de  
 causa , minus valent , adducas ; sed  
 ex his , quæ perpetuò , frequenter-  
 que contingunt , subducito rationes .  
 Nonne firma sunt illorum corpora ,  
 qui moderatum adhibent cibum , &  
 sensus integri , quique suo facillimè  
 funguntur officio ? aliorum verò e-  
 nervata , languida , cera ipsa mol-  
 liora , & morborum turba circum-  
 fessa ? Etenim ad illos podagræ illi-  
 cò volitant , tremor membrorum in-  
 tem-

tempestivus, senectus immatura, capitis dolores, nervorum distentiones, ac dissolutiones, stomachi vitia, cibi fastidium; assidua medicorum opera indigent, assiduis medicamentis, quotidiana curatione. Ista ne sunt, obsecro, voluptatis?

*Voluptas.* Quis hoc tandem dixerit, modò norit, quid sit voluptas? tunc enim oritur voluptas, cum præeunte cupiditate, sequitur illud, ut re concupita fruaris. quod si fruaris, nullo tamen appetitu; voluptas omnis pereat, & evanescat, necesse est. Propterea sanè etiam ægroti quam lautissimos cibos appositos ita degustant, ut nauseare, turbarique videantur; quoniam abest desiderium, quo fit, ut cum jucunditate potiamur. Neque enim cibi, potionisque natura, sed vescentium appetentia cupidatem parere, & voluptatem efficere consuevit. Quocircà vir ille sapiens, qui ea optimè norat, quæ pertinent ad voluptatem, ac de jis præclatè disputare poterat, aiebat: *Prou. 2.<sup>a</sup> Vulgata editio habet: cabit favum* Anima satiata favis illudit. Quibus verbis ostendit, voluptatem non natura mensarum, sed eorum, qui concupiscunt affectione contineri. Quapropter

propter etiam vates , cum res illas admirabiles , quæ tum in Ægypto , tum in solitudine contigerant , recenseret ; id quoque inter alia commemoravit , videlicet ; Ex petra melle saturavit eos . Atqui petram melle manasse nusquam legitur . quid ps. 80.  
d. est igitur , quod ait ? Nimirum quoniam labore confecti , fessi de via , siti ingenti enecti , aquam gelidam nacti sunt , cum sitim pro magno quodam haberent condimento , cumque aquarum illarum propheta vellet jucunditatem ostendere , mellis nomine aquam vocavit ; non quod esset in mel aquæ natura conversa , sed quod voluptas aquæ cum dulcedine illa certaret , quodque illi sitientes , aquarum , in quas inciderant , potirentur . Cum igitur ita res habeat , nec ullus , vel sensus totius expers , quidquam possit objicere ; nonne perspicuum est , liquidam , synceram , ingentem ex pauperum mensis manare voluptatem ; ex divitum verò epulis fastidium , satiетatem , foeditatem : atque adeo ( ut sapiens ille vir ait ) res etiam jucundas videri fastidiis adhærescere ? At enim divitiis efficitur , ut colamur ,  
& ini-



& inimicos ulciscendi facultatem paremus . An propterea quæso expectandæ nobis , ac certatim conquiendæ divitiæ , quòd gravissimas in nobis alant perturbationes , quòd iracundiæ facinora proferant , quòd furentis animi fluctus extollant , ad arrogantiam excitent , atque confirment ? imò verò propterea sunt velis , remisque , ut dicitur , fugiendæ ; quia belluas quasdam immanes , agrestes , diras in animos nostros deducunt , quæ vero nos honore dissipoliant , & falsum quemdam veri honoris coloribus adumbrant , illique contrarium effingunt , atque jis proponunt , quos semel deceperunt ; ut verum esse persuadeant , qui fucatus , & adulterinus est honor . Et enim quemadmodum impuræ mulierculæ fucis , & tinguentis oblitæ , formosæ re vera non sunt : sed efficiunt , ut aspectus alioqui deformis , jis pulcher , venustusque videatur , qui fuerint illo decepti : ita divitiæ adulationem ita pingunt , ut honor , ejus videlicet forma e mentita , videatur . Neque enim mihi manifestas illas acclamationes intuearis , & plausus , à metu , & assentatione profectos ,

fectos, hæc enim sunt pigmenta, & fucati medicamenta candoris. Verum retege, atque explica conscientiam singulorum, qui tuam benevolentiam hujusmodi blanditiis, & assentationibus colligunt, atque sexcentos interius accusatores videbis, qui contra te voce contendunt, qui que te magis, quam gravissimi inimici, & hostes, oderunt, & averfantur. Quod si rerum commutatio veritatem, (veluti Sol illos, fucatis coloribus, oblitos vultus) ardentiore aliquo appulsu prodiderit, tum demum aperte perspicies, maximo te semper antea in dedecore, ignominiaque versatum apud eos, qui te colebant; ac te honorem tibi ab his deferri putasse, qui te maxime oderant, & sexcentis tacitis conviciis, & contumeliis verberabant, gravissimasque tibi calamitates optabant. Nihil enim honorem solet ita, ut virtus, efficere, honorem inquam, non coactum, non simulatum, non veluti deceptionis persona contextum; sed verum, germanum, quique nullis temporum prematur angustis. At ulcisci vis eos, qui graves fuerunt, ac molesti. Imò

mo verò hoc ipso nomine , ut ante dixi , sunt fugiendæ divitiæ , gladium enim parant , quem ipse distringas : ut in posterum severius à te vitæ actæ ratio repetatur , efficiunt ; & supplicia intoleranda constituunt . Etenim tantum est ulciscendo flagitium , ut vel Dei clementiam repellet , & veniam delictorum innumerabilium , jam concessam abroget . Is enim , cui innumera talenta fuerant condonata , quique perexigua deprecatione , tanto munere potitus erat ; ubi centum denarios à conseruo repetiit , hoc est , ubi acceptarum injuriarum pœnas à conseruo , tanta acerbitate , cœpit exigere ; sua se ipse sententia condemnavit . Neque ob aliam ullam causam tortoribus traditus , atque constrictus est , jussusque infinita illa talenta restituere ; nullam veniam impetravit , nullam defensionem , sed extrema supplicia perpeti coactus est , atque omne debitum solvere , quod antea Dei benignitas condonarat . An igitur propterea , quæso te , sunt expetendæ divitiæ , quòd te ita proclivem reddant ad facinus hujusmodi conciscendum ? Atqui hoc ipso nomine

ne

ne ab his, perinde atque ab inimico,  
& hoste, ac multa inquinatum cæ-  
de, refugiendum.

At rerum inopia, dicat quispiam,  
stomachari nos cogit, & indignari:  
sæpè etiam maledicta, & verba con-  
tumeliosa proferre, ac turpia quæ *Luc.*  
que flagitia committere: Non ino- *16. •*  
pia, sed abjectio animi. Nam Laza-  
rus quoque pauper erat, & sanè val-  
dè pauper, & cum inopia morbus  
erat, omni gravior egestate, conjun-  
ctus, qui paupertatem etiam ejusmo-  
di acerbior, molestioremque red-  
debat. Nemo illi præsto erat, nulli  
famuli aderant, id, quod inopiam si-  
mul, ac morbum exulcerabat. Est  
enim horum unumquodque per se ip-  
sum calamitosum: jam verò omni  
famulatu remoto, augetur calamitas,  
gravius fit ardoris incendium, dolor  
acerbior, tempestas immanior, tur-  
bulentior procella, fornax luculen-  
tior. Quod si quis accuratè perpen-  
dat; aliud etiam quarto loco acces-  
serat, hominis nimirum, qui omni  
copia circumflueret, inter vicinos  
impunitas, atque deliciae. Quinetiam  
si quis aliud præterea vel quinto lo-  
co velit invenire, eas quoque in-  
cendii

cendii faces illi planè fuisse videbit  
 adjectas . neque enim dives ille deli-  
 catè duntaxat ipse vivebat , ac mol-  
 liter ; verùm etiam cum ipsum ite-  
 rum , ac tertio , atque adeo quotidie  
 sæpiùs cerneret ; ( jacebat enim an-  
 te vestibulum projectus , eratque sa-  
 nè acerbum spectaculum , ac mise-  
 randum , quod , vel aspectu ipso , pe-  
 ctus quamvis lapideum emollire po-  
 tuisset ) non tamen agrestis , & inhu-  
 manus permotus est unquam , ut tan-  
 tæ inopiæ subveniret . verùm ei qui-  
 dem exornabatur amplè , magnificè-  
 que triclinium , pocula coronaban-  
 tur , affatim pretiosa vina propina-  
 bantur : splendidos cocorum habebat  
 greges , parasitos , assentatores , pri-  
 mo diluculo concinentium choros ,  
 pincernas , mimos , scurras ; omnia  
 denique intemperantiæ genera exco-  
 gitabat , temulentie , crapulæque de-  
 ditus , vestitu , mensa , aliisque re-  
 bus quamplurimis perpetuò ad deli-  
 cias abutebatur . Cumque illum acri  
 fame enectum , acerbissimo confectum  
 morbo , tot ulceribus obsessum , des-  
 titutum ab omnibus , reliquis præ-  
 terea calamitatibus , quæ inde pro-  
 ficiscuntur , oppressum , diebus singu-  
 lis

lis cerneret ; ne animadvertibat quidem . at parasiti , & assentatores vino , ciboque completi disrumpebantur : pauper verò , atque ita pauper , qui- que tot miseriis conflictaretur , ne mi- carum quidem ex illa mensa ca- dentium , quamvis valdè cuperet , potiebatur . Neque tamen illum ex his quidpiam læsit ; non acerbius il- li verbum excidit , non impium , aut contumeliosum ; sed ut aurum , quo ardentiore flamma purgatur , & splendescit illustrius ; ita is , cum hu- jusmodi cruciatibus torqueretur , om- nes tamen & perturbationes , & mo- lestiarum turbas illas , quæ inde pas- sim oriri solent , faciliè superabat . Si enim , qui una tantum paupertate laborant , cum divites cernunt , invidentia contabescunt , stomachan- tur , vitam sibi esse acerbam putant ; dum tamen illis necessaria suppetunt , nec famulis carent ; cum inops esset iste , & ita inops , ut omnes inopia superaret : nec solum inops , sed etiam ægrotus , qui haberet neminem , qui præsto esset , qui consolaretur : qui- que in media urbe , in extrema so- litudine jaceret , & acerbissima con- ficeretur fame , atque alteri , tan- quam

quam è fontibus, affluere omnia cer-  
neret, nullo ipse omnium solatio  
frueretur, sed canum linguis, tan-  
quam perpetua mensa, proponere-  
tur; ( ita enim erat membris omni-  
bus captus, ac debilis, ut ne illos  
quidem posset abigere ) qua tandem  
ratione perturbatus esset, nisi animo  
elato, ac generoso fuisset? Vides  
ne, qui sibi ipse non facit injuriam,  
quamvis omnium provocetur inju-  
riis, nihil adversi sustinere? Eodem  
enim revertetur oratio. Quid mor-  
bus? quid famulorum inopia? quid  
canum accessus? quid improba divi-  
tis vicinitas? quid illius deliciæ, su-  
perbia, arrogantia hunc athletam læ-  
sit? An remissiore cursu ad virtutis  
præmia contendit? Quid verò potuit  
illius vigorem infringere? nihil us-  
quam; sed illis potius corroboratus est,  
& verò etiam illa rerum adversa-  
rum vis, illa divitis hominis ferit-  
as, plurimarum fuit ei coronarum  
causa, præmiorum exaggeratio, mer-  
cedis additamentum, majoris remu-  
nerationis materia. Neque enim ob  
inopiam, famem, ulcera, canum  
linguas, tantum coronatus est; sed  
quia, cum ejusmodi vicinum habe-  
ret,

ret, ab eoque diebus singulis cerne-  
retur, ac perpetuò despiceretur;  
tentationem illam magno, excelsos-  
que animo, magnaue constantia per-  
tulit: quæ nimirum tentatio non exi-  
guam, sed maximam flammam pau-  
pertati, morbo, solitudini adjicie-  
bat. Quid, oro te, beatus Paulus?  
Nihil enim nos impedit, quominus  
faciamus iterum tanti viri mentio-  
nem. Nonne sexcentas tempestates,  
ac procellas tentationum subjecit?  
quam propterea jacturam fecit? Non-  
ne inde potius majus sibi præmio-  
rum cumulum auxit, quod famem  
pertulit, quod frigore, & nuditate  
obriguit, quod virgis est sæpenume-  
rò cæsus, quod lapidibus obrutus,  
quod pelago demeritus?

Verum ille, dicat quispiam, erat  
Paulus, & à Christo vocatus. At-  
qui Judas quoque in duodecim disci-  
pulorum numero fuit. Nec tamen  
illi profuit, quod inter duodecim nu-  
meraretur, non quod esset à Chri-  
sto vocatus; quoniam animo, & con-  
silio ad virtutem idoneus, paratus-  
que non fuit. At Paulus quando cum  
fame decertabat, & necessario ege-  
bat cibo, atque tot, ac tanta quo-  
tidie



tidie mala perferebat; via, quæ recta ducit in cœlum, magna alacritate currebat. Ille verò, cum & ante Paulum esset vocatus, & jisdem beneficiis, quibus Paulus, affectus; cum esset supremæ illius philosophiæ mysteriis initiatus, mensæque sacræ, ac sacrosanctæ illius cœnæ particeps effectus; cum tantum beneficium accepisset, ut & mortuos posset excitare, leprosos curare, dæmones profligare; cum sæpè Christum audisset de voluntaria paupertate disserentem, ac tandiù esset familiariter cum illo versatus; cum pauperum pecunias sibi creditas accepisset, ut inde sui morbi solatium caperet; (fur enim erat) non tamen potuit ad meliorem frugem revocari, quamvis tantam in se benignitatem expertus, atque clementiam. Nam quoniam illius Christus avaritiam noverat, eumque propter amorem pecuniæ periturum: non modò tunc pœnas ab illo non sumpsit; verùm, ut illius etiam ægritudinem mitigaret, pauperum quoque pecunias ipsius fidei commisit, ut esset, unde pecuniarum cupiditatem expleret, neque in horrendum illud barathrum præcipita-

cupitaret ; atque ita leviori malo ,  
majus , graviusque prohiberet . Ita ubi-  
que , qui sibi ipse non facit injuri-  
am , ab alio illatam non accipiet :  
qui verò excubare animo , & inte-  
riora animi bona ultrò adhibere no-  
luerit , ei nemo unquam ulla re pro-  
derit . En tibi propterea mirabilis  
voluminum sacrorum historia , tan-  
quam in imagine quadam excelsa ,  
& ampla , latèque patente , prisco-  
rum virorum facta describit , ab Ada-  
mo usque ad Christi adventum nar-  
ratione producta ; tibi que illos , qui  
supplantati sint , quique coronis do-  
nati , proponit , ut te , omnium exem-  
plo , doceat , qui in se ipse non sit inju-  
riosus , nullius injuria posse violari :  
quamvis grave bellum ipsi totus ter-  
rarum orbis indicat . Non enim re-  
rum difficultas , non temporum vi-  
cissitudines , non principum impor-  
tunitas , non insidiarum procellæ ,  
non vis calamitatum , non ex malis  
omnibus conflata colluvio , vel tan-  
tulum quidem loco eum movere  
poterit , qui animo forti , magnoque  
sit , qui vigilet , qui animo semper  
excubet : ut contra ignavum homi-  
nem , ac meticulosum , quique se ip-

D

se

*le* prodat , vel sexcentæ adhibitæ  
*Matt.* cautiones, nihilo tamen faciunt me-  
*7. d* liorem . Ergò id illa nobis similitudo  
*Luc. 6.* declarat, de jis hominibus, quorum  
*c* alter in petra , alter in arena do-  
 mum suam ædificarat ; non ut pe-  
 tram nos , & arenam cogitemus ,  
 non ut saxorum ædificium , & cul-  
 men , non ut fulmina, aquas, plu-  
 vias, ventosque vehementes, qui in  
 ædificia impetum faciant, sed ut vir-  
 tutem , & vitia ex jis intelligamus;  
 atque adeo vel hinc doceamur , qui  
 sibi ipse non facit injuriam , à nemi-  
 ne lædi posse . Quare non imber ,  
 quamvis violentus, ac vehemens, non  
 fluvii, qui concitato cursu laberentur ,  
 non venti , qui impetu summo fer-  
 rentur , domum illam ulla ex parte  
 labefactarunt ; sed integra perstitit ,  
 & immota , ut intelligas , qui se ip-  
 se non prodat, nulla posse oppugna-  
 tione convelli . At alterius domus  
 est facilè dejecta , non tentationum  
 insidiis , ( alioquin idem alteri quo-  
 que contigisset ) sed sua profectò de-  
 mentia . Neque enim quia ventus  
 flavit, proptereà corruit; sed quia erat  
 in arena , hoc est in otio , & im-  
 probitate fundata , id illi jure op-  
 timo

timo contigit: nam etiam antequam illa tempestas ingrueret, & infirma erat, & ad ruinam proclivis: hujusmodi enim ædificia, etiam nulla re urgente, sua sponte decidunt, cum fundamentum illis desit, ac diffluat. Et quemadmodum araneorum telæ, etiam nullo disturbante, dissolvuntur, adamas verò vel malleo percussus resistit; ita sanè illi, qui se ipsi non lædunt, quamvis à sexcentis cædantur, firmiores redduntur: qui verò manus dant, etiam si negotium faceffat nemo, ultrò tamen ad terram feruntur, dilabuntur, pereunt; non secùs ac Judas quoque, qui non modò, dum nulla re hujusmodi molesta tentaretur, sed etiam cum maximè coleretur, ac mulceretur, interiit.

Vis ne, ut hanc tibi orationem populorum quoque ipsorum exemplis illustrem? Quanta fuit erga Judæorum populum divinæ providentiæ cura? Nonne res creatæ omnes, quæ sub aspectum cadunt, ut eis ministrarent, comparatæ sunt? Nonne nova quædam jis, & admirabilis victus ratio suppeditata? Neque enim in forum ventitantes, re-

bus venalibus fruebantur , non argentum deponebant , non sulcos agebant , non aratrum trahebant , non terram proscindebant , non sementem faciebant ; non pluvias , non ventos , non anni tempora , non Solis radios , non Lunæ curlum , non æris naturam , non aliud hujusmodi quidpiam desiderabant : non aream parabant , non fruges terebant , non ventulis opes erat ad triticum à paleis segregandum , non molam versabant , non furnum ædificabant ; non ligna , non ignem domi adhibebant , non arte pistoria egebant ; non ligonem tractabant , non acuebant falcem ; non ullius denique artis , textrine videlicet , futoriæ , frabrilis indigebant ; sed illis Dei verbum erat instar omnium . Mensam habebant semper paratam , laboris , ac sudoris expertem : ea enim erat mannae natura , cibi quotidie recentis , quæ eis neque laborem usquam , neque molestiam exhiberet . Jam verò vestes illis , & calcei , ipsaque corporis natura suæ videbatur infirmitatis oblita . Tanto enim spatio temporis neque indumenta , vel calceamenta sunt attrita ; neque eorum pedes

*Exo.*  
16. d

*Deut.*  
8. b  
29.  
a

des tam longo itinere callum obduxerunt. Medicorum inter illos, medicinarum, & cuiusvis in huiusmodi arte studii ne mentio quidem inter eos ulla fiebat: ita erat omnis morbus explosus. Eduxit enim, inquit, eos cum argento, & auro, & non erat in tribus eorum infirmus. Verum non secus, ac si ex hoc mundo in alium longè meliorem commigrassent; ita cibo utebantur, & potu. Neque ardentior Solis radius illorum capita feriebat. etenim extensa undique nubes, tecti cuiusdam instar, universum populum protegebat, & cum illo, quocumque pergeret, ferebatur. Quin etiam neque facibus noctu opus erat, quibus tenebræ pellerentur; sed ignea utebantur columna, unde lux effulgebat immensa, quæ simul eos dirigeret, & illustraret. Neque enim lucida solùm erat, verum etiam quovis duce meliùs multitudinem propè innumerabilem per illam solitudinem deducebat. Neque verò in terris tantum, sed in mari quoque, tanquam in terris, iter agebant; & superare naturæ fines audebant, cum seivum illud pelagus ita calcarent, ut si in dura aliqua, solidaque petra grade-

D 3      rentur.

rentur. Dum mare ipsos exciperet, solidam terram, & camporum planiciem Elementum illud imitabatur: at ubi hostes admittebat, maris officio fungebatur; illis erat pro vehiculo, ipsorum hostibus pro sepulcro; dum illos facile trajiciebat, hos vehementi impetu demergebat. Itaque aquarum inconditi fluctus quasi ratione, & intelligentia præditi, moderationem, & obedientiam præstiterunt; qui modò custodis, modò carnificis partes, ac munus explerent; atque uno, eodemque die contraria simul munia exquerentur. Quid commemorem petras, è quibus aquarum flumina manarunt? quid narrem avium turmas, quarum est ingenti multitudine terra contexta? Quid ea persequar, quæ in Ægypto admiranda contigerunt? quid ea, quæ in solitudine, supra hominum fidem? quid trophæa quid victorias, non profuso sanguine, illis partas? Non enim, ut pugnantes, sed ut choreas agentes, adversarios invadebant, & sine armis suos dominos superabant: eos verò, qui secum extra Ægyptum decertarunt, tubarum sono canentes vicebunt; ut chorus ille potius, quam bel-

*Exo.*  
16. c

*Exo.* 5.  
6. 7.  
*Gen.*  
*Num.*  
12.

*Ios.* 6.  
a b

bellum, sacrorum initia, quàm pugna videretur. Omnia enim illa portenta acciderant, non modò ut illis omnia suppeterent, quibus indigebant; verùm etiam, ut ita meliùs, & commodiùs ea conservarentur, quæ illis Moses de divinarum rerum cognitione tradiderat. Quin etiam vocibus undique omnia personabant, quæ Dominum prædicabant. Etenim id mare clamabat, cum se modò pedibus calcandùm præberet, modò rursus maris naturam indueret. Nili fluentia hanc ipsam vocem edebant, cum in sanguinis naturam verterentur: ranæ, & illi locustarum greges, brucus, ærugo hæc præconia universo populo prædicabant. Solitudinis verò prodigia, manna, columna, nubes, coturnix, cætera omnia, liber illis erant, ac literæ, quæ nullo unquam tempore delerentur. Hæc illis quotidie rerum memoriam renovabant, eorumque mentem, quasi vocibus, informabant. Verumtamen post huiusmodi paternæ in eos providentiæ argumenta, post ingentia illa beneficia, post rerum mirabilium magnitudinem, post illam procurationem,



studiumque inexplicabile , post assiduum illam doctrinam , post institutionem illam , & cohortationem tum verbis , tum rebus adhibitam , post illustres , insignesque victorias , post inaudita , & incredibilia trophæa , post epularum copiam , post illorum fontium ubertatem , post illam gloriam , qua cunctis gentibus antecellebant ; quoniam ingrati , ac stolidi esse cœperunt ; vitulum coluerunt , bovisque capiti divinos ritus , ac ceremonias adhibuerunt , ut sibi dji fierent , postularunt : idque recentibus adhuc acceptis in Ægypto beneficiis , cumque novis aliis multis prætereà fruerentur .

*Niniv.* At Ninivitarum populus , licet  
*sa.* barbarus , & qui nullius harum re-  
*Ion. 3.* rum , non parvæ , non magnæ , non  
 miraculorum , non factorum , non  
 verborum particeps fuerat ; ubi viderunt hominem ex naufragio conservatum , qui nunquam esset cum eis ante versatus , qui tum primum  
*Vulg.* visus esset , & ingressus diceret : Ad-  
*habet:* huc tres dies , & Ninivē subverte-  
*Qua-* tur ; ita , nudis hisce verbis auditis ,  
*dragin-* commutati sunt , & meliores effecti ,  
*sa dies,* ita improbitate abjecta , ad virtutem  
*6*

se per pœnitentiam receperunt , ut  
 divinam sententiam revocarint , la-  
 bantem urbem confirmarint , Deum  
 iratum placarint , ab omni se scelere  
 vindicarint . Vidit enim , inquit , <sup>Ion. 3.</sup>  
 Deus cunctos à via sua mala re-<sup>c.</sup>  
 cessisse , seque ad Dominum convertis-<sup>Vulg.</sup>  
 se . Quinam , obsecro , recessere ? <sup>Et vi-</sup>  
 Atqui magna erat eorum improbi-<sup>dit De-</sup>  
 tas , nequitia inexplicabilis , insana-<sup>us ope-</sup>  
 biles plagæ . Idque vates ut ostende-<sup>ra eo-</sup>  
 ret , ait : Ascendit eorum malitia <sup>rum ;</sup>  
 usque ad cœlum , ut loci intervallo , <sup>quia co-</sup>  
 illorum nequitia magnitudinem de-<sup>versi</sup>  
 clararet . Verumtamen tantam impro-<sup>sunt de-</sup>  
 bitatem , quæ adeo creverat , ut ad <sup>viasua</sup>  
 cœlum usque pervenire videretur , <sup>mala</sup>  
 tribus diebus , exiguo temporis mo-<sup>Io. 3. c.</sup>  
 mento , paucis unius hominis , igno-<sup>Ion. 3.</sup>  
 ti , peregrini , naufragi verbis , ita <sup>c.</sup>  
 est expiata , deleta , profligata , ut <sup>Vulg.</sup>  
 ejusmodi voce perfruerentur , vide-<sup>Et mi-</sup>  
 licet : Vidit Deus unumquemque re-<sup>sertus</sup>  
 cessisse à via sua mala , & pœnituit <sup>est De-</sup>  
 illum supplicii , quo eos affecturum <sup>us su-</sup>  
 se esse confirmarat . Vides eum , qui <sup>per ma-</sup>  
 excubet , & attendat , non solum <sup>litiam,</sup>  
 nulla re lædi ab hominibus posse , <sup>quam</sup>  
 verum etiam iram cœlitus imminen-<sup>locutus</sup>  
 tem vitare ? qui verò spontè det ma-<sup>fuerat,</sup>  
 nus <sup>ut face-</sup>  
 ret eis.

nus , ac sibi ipse noceat , etiam si innumeris beneficiis cumuletur , nullam ei magni quæstus fieri accessionem ? Ergò neque illis tot prodigia profuerunt , neque his ipsis prodigiorum non fuisse participes obfuit . Sed quoniam erant sua sponte memores beneficiorum , vel exiguam occasionem nacti , redierunt in viam , cum tamen essent barbari , externi , quibus divina essent oracula inaudita , qui terras à Palæstina longius remotas , ut opinor , incolerent .

Quid verò trium puerorum virtuti , obsecro , quæ ipsis acciderunt adversa , detraxerunt ? Nonne ahhuc adolescentes , ac pœnè pueri , in ipsa ætatis imbecillitate , illud grave supplicium , servitutemque subjerunt , longam peregrinationem confecerunt , procul à patria , domo , templo , altari , Sacrificiis , oblationibus , libationibus , & verò etiam ab ipsis canticis , sunt in alienas terras abducti ? Neque enim jis domum remeandi tantummodò potestas erepta , sed multa etiam religionis , Sacrorumque genera , quæ domo adduxerant , interdicta . Nonne barbaricis manibus , ac lupis potiùs , quàm homi-

mi-

minibus traditi , atque in longinquam  
 prætereà , ( id, quod gravissimum est )  
 ac barbaram regionem , & in acer-  
 bissimam traducti servitutem ? Non  
 doctorem habebant, non vatem, non  
 magistratum . Non enim est , in-*Dan. i.*  
 quit, Princeps , non Propheta , non *b*  
 dux ; neque locus Sacrificandi coram  
 te , & misericordiam inveniendi .  
 Quin etiam in regias sedes , quasi in  
 scopulum quemdam , fyrtim , pela-  
 gus , saxi , & cautibus plenum addu-  
 cti sunt , sine gubernatore , sine pro-  
 reta , sine nautis , sine velis ; cum  
 infestum illud mare trajicere coge-  
 rentur , & regiis conclavibus , tan-  
 quam carcere , inclusi tenerentur .  
 Nam quoniam cœlestem quamdam  
 noverant exercere Philosophiam ,  
 res humanas , fragilesque contemne-  
 re , fastum omnem , atque superbi-  
 am proculcare , ac velut alis quibus-  
 dam extolli ; ex illa commoratione  
 magnum cumulum putabant ad suas  
 calamitates accedere . Etenim procul  
 à regia , in privato aliquo domici-  
 lio , majorem fuissent habituri , ar-  
 bitratu suo , vivendi potestatem . At  
 in carcerem illum coniecti , ( nam  
 totam illam veluti commentitiam

84 *SANCTI JOANNIS*

gloriam nihil arbitrabantur à carcere, nihil à syrtibus, scopulisque differre) æumnas continuò graves, acerbæque subjerunt. Imperaverat enim Rex, ut suæ illius mensæ sybariticæ, impuræ, profanæ participes essent: at id erat illis interdictum, ac propterea morte ipsa gravius videbatur: solique veluti agni inter lupos coercebantur. Quin etiam aut fame confici, vel potius morte multari necesse erat, aut interdictis cibis omninò vescendum. Quid igitur agunt adolescentes, orbati parentibus, captivi, extorres, eorum denique servi, qui res hujusmodi imperabant? Non sibi necessitatem, non illius regnum, qui urbi præfesset, ad excusationem satis posse crediderunt. Verùm omnes adhihent machinas, omnia tentant, ut peccatum vitent, cum tamen undique circumsepti, ac proditi teneantur. Non enim poterant imperantium ferocitatem lenire pecunia, quippe captivi; non amicitia, & familiaritate, peregrini; non imperio superare, mancipia; non multitudine vincere, nimirum non plures tribus. Quare eunuchum, cujus erant potestati commissi

missi, conveniunt, ac verbis persuadent. Ubi enim formidantem illum, ac verentem offenderunt, atque de sua salute sollicitum, cui mortis ingens timor proponebatur, qui ejus animum percellebat: Timeo enim, inquit, ego dominum meum Regem, ne videat facies vestras tristiores cæteris adolescentibus coævis vestris, & condemnetis caput meum regi. At illi hominem metu liberant, ac beneficium impetrant. Quare, cum omnia pro virili parte ipsi fecissent, Deus quoque, quod suum est, in eos contulit. Neque enim Dei duntaxat illud officium erat; sed ab eorum voluntate sumpsit exordium; (quod enim illi essent alioqui præmium consequuturi?) quam cum generosam, fortemque præbuissem, & Dei opem impetrarunt, & quod contendebant, facile perfecerunt.

Vides ne, qui se ipse non lædit, ab alio lædi non posse? En tibi igitur adolescentes captivi, orbatii parentibus, in alienas terras abducti, omnium ope destituti, gravi edicto, & acerbo urgente, eunuchi animo, magno mortis metu, perculsi, inopes

pes, pauci, inter barbaros, in hostium dominatu, in regiæ manus potestate, à suis omnibus divulgati, à Sacerdotibus, Prophetis, ab aliis, à quibus juvarentur, quam remotissimi, nullis libationibus, sacrificiis nullis, Procul à templo, Procul à Canticis, atque Psalmidia: neque tamen in hujusmodi rerum ulla, ullum incommodum acceperunt; sed contra potius, majorem tum gloriam adepti, quam cum rebus illis domi suæ, atque in patria potirentur. Atque ita in primo hoc certamine, re benè gesta, illustri corona revincti, legibus patriis etiam in aliena regione servatis, tyranni edicto contempto, metu hominis impii superato, nulla tamen usquam facta jactura; atque perinde, ac domi suæ versarentur, omniumque illarum rerum copia circumfluerent, ita præclaro facinore tutè, liberèque perfecto, deinceps ad novos provocantur labores: iidem tamen sunt, qui semper fuerant, sui que simillimi. Difficilius priore proponitur, graviusque certamen: accenditur fornax, barbarorum acies cum ipso rege contra illos instruitur: omnes Persarum vi-

res expediuntur: omnia ad fraudem,  
 & vim faciendam comparantur: mu-  
 sicæ varia genera, variæ supplicio-  
 rum rationes, minæ, conspectus un-  
 dique truculentus, verba formidabi-  
 liora conspectu. Verumtamen quo-  
 niam ipsi se non prodiderunt, sed  
 pro viribus contenderunt, nihil il-  
 los unquam læsit; sed coronas prio-  
 ribus digniores, illustrioresque pro-  
 merentur. Vinxit enim Nabuchodo-  
 nosor illos quidem, & in fornacem  
 conjecit, nec tamen læsit, sed ju-  
 vit, ac reddidit clariores. Cumque  
 templo carerent, (eadem enim sæ-  
 pius recensebo) patria, Sacerdotibus,  
 vatibus, in externis, & barbaris lo-  
 cis, imò verò in ipsa fornace me-  
 dia, in illius exercitus universi cons-  
 pectu, rege, quo hæc auctore fie-  
 bant, inspectante; præclarum tro-  
 phæum constituerunt, insignemque  
 sibi victoriam pepererunt, carmen  
 illud admirabile concinentes, quod  
 jam inde ad hanc ætatem toto ter-  
 rarum orbe decantatur, & à pos-  
 teris quoque in omnes ætates decan-  
 tabitur. Quamobrem, quando, qui  
 ipse sibi non nocet; nihil ei ab ullo  
 noceri poterit. Neque enim ab hu-



jus verbi assidua iteratione desistam. Nam si captivitas, servitus, solitudo, exilium, charorum omnium absentia, mors proposita, tantus exercitus, tam crudelis tyrannus, tribus pueris, captivis, servis, peregrinis nihil obesse potuerunt ad eorum virtutem labefactandam; sed illos potius insidiæ confirmarunt, illisque libertatem auxerunt; quid tandem offendere poterit vigilantem? nihil omninò; quamvis terrarum orbis in eum conspiret universus. At enim Deus tunc illis adfuit, & flammæ subduxit. Imò verò tibi quoque, si contendas pro viribus, à Deo, quæ sunt opus, expectare omnia licebit. Verumtamen pueros illos ego non propterea suspicio, beatosque prædico, quòd flammæ calcarint, quòd ignis vim fregerint; sed quòd veritatis, religionisque causa vincti, & in fornacem injecti, flammisque traditi sunt. Hinc enim illis omnia sunt constituta trophæa, & quo tempore in fornacem demittebantur, corona illis imponebatur; atque adeo post verba illa, etiam ante rerum ipsarum exitum, contexti cœpta est; quæ nimirum verba magna libertate

te

te in medium producti , pronuntiarunt . Nihil est , quod tibi Rex , hac de re nos respondeamus . Potest enim Deus noster , qui est in cœlo , quem colimus , ex ardenti fornace liberare . Quin etiam ille nos è tuis manibus eripiet : sin minus ; scito , Rex , deos à nobis tuos non coli , neque imaginem auream adorari , quam statuisti . Propter hæc verba illos laudibus prosequor : propter hæc verba , arrepto victoriæ præmio , ad insignem martyrii coronam cucurrerunt , verborum confessioni , rerum ipsarum , factorumque comprobationem adjungentes . Quod si eorum corpora veritus est ignis attingere , vincula dissolvit , potestatem liberè ambulandi dedit , suarum virium oblitus ; atque adeo fornax ignis aquarum gelidarum induit naturam : hoc videlicet admirandum fuit divinæ benevolentiae munus . Athletæ quidem certè , vel antequam hæc illis acciderent , statim ut in flammam ingressi sunt trophæum possuerunt , victoriam reportarunt , corona donati sunt , ac tum in cœlo , tum in terris sunt laudes amplissimas consequuti : neque jis quidquam de-

defuit ad summam gloriam cumu-  
landam.

Quid igitur ad ista dicas? In exi-  
lium pulsus es, & è patria ejectus? isti quoque. In servitutem adductus,  
& barbarorum vinculis obstrictus? hoc ipsum quoque his accidisse com-  
peries. At neminem habes ibi præ-  
sentem, qui rebus tuis consulat, qui  
te moneat, qui erudiat; illi quoque  
hujusmodi procuratione caruerunt.  
At es religatus? at combustus? at  
mortuus? nihil enim his mihi gra-  
vius objeceris. En illi quoque cuncta  
hæc incommoda perpeffi, majorem  
sibi gloriam ex his omnibus pepere-  
runt, ac longè clariores, & celebri-  
ores effecti, majores in cælo sibi di-  
vitiis congefferunt. Ac Judæi quidem,  
quibus erat templum, erat altare,  
erat arca, propitiatorium, velum,  
& infinita sacerdotum multitudo, quo-  
tidianæ cerimonie, ritus, sacrificia,  
tum matutina, tum vespertina; cum  
eos prætereà audirent, qui & vivorum,  
& mortuorum vatum scripta assidue  
recitarent, quibus eorum aures perso-  
nabat; cumque rerum mirabilium  
apud eos vigeret memoria, quæ tum  
in Ægypto, tum in solitudine, tum  
aliis

aliis temporibus contigissent . eaque  
 perpetuò & manibus tererent , & in  
 ædium haberent postibus inscripta :  
 cumque hisce rebus admirandis , a-  
 liisque beneficentiæ divinæ muneribus  
 fruerentur ; non modò nihil  
 utilitatis perceperunt , verùm etiam  
 in deteriora prolapsi sunt ; ut in tem-  
 plo ipso statuas collocarent , filios  
 sub arboribus , filiasque mactarent ,  
 in omnibus ferè Palæstinæ locis , ini-  
 qua illa , & execranda facerent sa-  
 crificia ; alia sexcenta immaniora  
 scelera perpetrarent . Illi verò cum  
 in media barbarorum regione , ad-  
 versa , hostili , in domo regia ty-  
 ranni versarentur , omni illa procu-  
 ratione spoliati abducerentur , com-  
 burerentur ; non modò nullam om-  
 nino jacturam fecerunt , sed ma-  
 jorem inde gloriam sunt adepti .  
 Quæ cum ita esse intelligamus , &  
 alia horum simillima è Sacrosan-  
 ctis , Divinisque voluminibus col-  
 ligamus : ( licet enim in aliis quoque  
 personis hujusmodi plurima docu-  
 menta reperire ) non in temporum ,  
 vel rerum difficultate , necessitate ,  
 vi , eorumque tyrannide , qui po-  
 tiantur rerum , idoneam nobis esse  
 possi-

positam excusationem putemus, si quando peccemus. Unde enim exordium duxi, in eodem quoque perorabo. Si cui quid fuerit detrimento, vel injuriæ, intrinsecus id à se ipsi penitus accidit, non aliunde; quamvis innumerabiles illi sint, qui eum lædere, ac violare conentur. Quod si hoc à se ipsi homini minus acciderit, etiamsi quicumque terras omnes, ac maria incolunt, uno omnium consensu, una in eum conspiratione irruerint, ne minimo quidem damno hunc afficere possint, qui sit sobrius animo, atque in domino vigilet. Vigilemus igitur, oro, & perpetuò excubemus, & adversas res omnes, animo forti, magnoque perferamus; ut sempiterna illa, & immortalia bona consequamur in Christo Jesu Domino nostro, cui gloria, & imperium nunc, & in omnem æternitatem. Amen.





SANCTI PATRIS NOSTRI  
**IOANNIS**  
 CHRYSOSTOMI

In Sanctos duodecim  
 Apostolos

O R A T I O .

*Pomponio Brunello interprete.*

**D**Um Spiritus Sanctus adve-<sup>Luc. 5.</sup>  
 nit, meritò etiam hodierna<sup>b</sup>  
 die, hæc piscantium sagena  
 completur: dum ipsi nos  
 ultrò in illam rationis compotes pis-  
 ces infilimus. Nam Verbi verbum <sup>Act. 2.</sup>  
 cum illiteratos sapientia informaret, <sup>a</sup>  
 linguisque igneis eorum ora, qui  
 tardè loquerentur, aperiret; ad rem  
 diviniorem illorum opificium tradu-  
 xit

*Matt.*  
4. c

xit his verbis : Venite post me , & faciam vos fieri piscatores hominum . Dixit : Venite post me ; & omnia repente sunt in melius commutata . Duodecim erant athletæ selecti , & ex his nemo prorsus fuit expers coronæ . Etenim unum simul omnibus beneficium datum est , & singulorum victoriam reddidit clariorem . Unus infelix Judas ab hujusmodi se anchora divellit , cum ovem lupis osculo indicavit , ac dominum triginta nummis argenteis venundedit , cujus divenditi sanguis mundum redemit . Verum ò beatam , Apostoli , vestram , illustremque societatem ! Quia omnibus omnia per gratiam facti estis , qui hominum greges non arundineo estis baculo , sed verbo , scitè venati . Vos enim immutabiles estis rectæ doctrinæ columnæ , Ecclesiæ petræ , & hujus gregis potissimum vigiles præsules , ægræ humanitatis non mercenarii medici , nostræque indulgentiæ apud Deum indulgentes fidejussores . Etenim tanquam incudes quædam animatæ cum sitis , dum cædimini , eos , qui vos cædunt , ad cognitionem instituitis . Hinc Petrus urbis Romæ doctor extitit ; hinc Euangelio

lio Paulus orbem terrarum confirmat; Andreas dirigit Græciæ sapientes; Simon barbaris Deum demonstrat; baptismo Thomas albos reddit Æthiopes; Judæa Jacobi cathedram colit; Marci solium, quæ ad Nilum est, Alexandria veneratur: Lucas, & Matthæus Euangelia scribunt, Joannes, qui adhuc facit verba de Deo, & post exitum vitæ, tanquam vivus Ephesum curat; Bartholomæus sapientia vera imbutus Licaones instituit; Philippus admiranda patrans Hierapoli salutem affert: universi in universos ubique conferre beneficia non desistunt. Immortalem in sepulchris pulverem reliquerunt, qui hoc tempore nos tuentur, sed paulo post orbis terrarum iudices futuri. Ad hunc pedibus captus accedebat; pedes rectos, ac firmos, dissoluto vitio, referebat. In illum incidens paralyticus, lectum gestare jubebatur. Alius mortuos evocabat; illi statim dicto audientes erant. Hujus vel umbra ipsa morbos pulsabat: illius nomen imploratum dæmones perhorrescebant. Aliorum sudaria morborum curationem distillabant. Quippe qui fuerant illius discipuli, cujus

*Matt.*  
9. c  
fimbria



fimbria clandestino mulieris tactu ,  
quæ sanguinis fluxu laborabat , ru-  
beum illud sanguinis mare siccavit .

Verum ut ad Apostolorum principes  
revertatur oratio , illius propheticæ

*Ps.* 132. vocis in memoriam redeo : Ecce  
quàm bonum , & quàm jucundum ,  
habitare fratres in unum . Quare  
orationis dux Petrus esto , quo-  
niam primus est in Domini vineam  
mercede conductus . Petrus , ovis è  
præclari pastoris grege primogenita :  
Petrus , qui è lacu ascendit in cœ-  
lum ; qui nautis dimissis , angelorum  
consuetudine dignus est habitus : qui ,  
navicula relicta , ecclesiæ guberna-  
cula regenda suscepit : qui cœlorum  
claviger est appellatus , quique rece-  
pit in terris vincendi , solvendique  
potestatem : qui ad vocationem ce-  
ler , ad fidem dubitationis expers ;  
atque in rebus omnibus magistri sui  
defensor ardentissimus fuit , cum di-  
ceret : Tu es Christus filius Dei vi-  
vi : qui sibi moriendum esse cum  
domino statuit , in aulam Caiphæ  
cum redemptore victo simul ingre-  
ditur : qui cum inficiatur , venia  
dignus est , cum resipiscit , admira-  
tione . Neque enim tam dedecore  
di-

dignus , negando : quam laude , re-  
 fipiscendo . Nobis enim etiam pro-  
 fuit , quia crimen celeri lachrymarum  
 obruit profusione ; & ad exiguum  
 tempus agitatus , in omnem æterni-  
 tatem fidelium repertus est funda-  
 mentum . Nam si diligentius , charif-  
 sime , occasionem illam timoris atten-  
 das ; non sanè magnoperè Petrus ac-  
 cusandus esse videatur . Nam quo  
 tempore Sol ipse fugiebat , cœlum  
 latebras quærebat , concutiebatur ter-  
 ra , petræ scindebantur ; quippe  
 quæ creatoris injuriam ferre non pos-  
 sent : tum Petrus defecit , tum Chris-  
 tum negavit primus , statimque diei  
 nuncium , rationis expertem , nactus  
 est accusatorem , qui eum negatio-  
 nis admoneret , quæ fuerat ante præ-  
 dicta . Antequam gallus cantet , ter  
 me negabis . Verùm qui primus ne-  
 gaverat , ad sepulcrum cucurrit pri-  
 mus . Illum , qui à mortuis vivus in  
 lucem prodierat , per quem vita  
 redditur mortuis , primus vidit ; cum  
 ex Maria cognovisset arcanum , quod  
 illi ipsi supra lapidem confidens An-  
 gelus non commiserat . Jam verò  
 secundum illum prodeat in medium  
 Paulus , sapientissimus orbis terrarum

*Matt.*

26. g

*Luc.*

22. f

*Joan.* 18.

6

*Ioan.*

20. a

orator, qui agnus è lupo, è spinis racemus, è zizaniis frumentum, amicus ex hoste, Hebræus permanet ex Hebræis: qui apud illos Saulus

- Act. 9.* minas, cædemque spirabat; apud nos  
*a* verò Paulus, Jesu Christi vocatus Apostolus: qui ex blasphemo Theologus, ex persecutore Evangelista: qui ex pyrata gubernator, ex proditore miles: qui Romam cum Petro sepulturam sortitus est. cumque illo & hanc despexit, & Sichem: qui secundum Benjamin frater Josephi, & secundum Theclam, & filiorum pater, & magister fuit: apud Damascum cæcus, in singulis uribus oculus prædicationis; è cælo vocatus, idemque raptus in cælum: Qui Paradisum vidit, priusquam illic veniret; atque victoriæ coronam, dum adhuc luctaretur, accepit; quæ iterum, ut ait, ipsi debetur. Quid enim ait? Quam reddet mihi Dominus in illa die. Paulus è novissimis primus, ex abortivo partu perfectus vir: dum insequitur, jucundus; dum persecutiones patitur, dulcis: Romanus, & Pharisæus; qui omnibus, fidei beneficio, omnia factus est. Nam Christus, qui dixit  
 Petro:

Petro: Te pati oportet; dixit etiam de Paulo, quæ illum pro ejus nomine pati oporteret, ut alter affixus cruci, alter capite obtruncatus, unam fidem suo præconio promulgantes, uno cursu perfecti, veri testes forent ejus, qui passus esset, qui sepultus, qui, ut viderat, in vitam rediisset, atque in patris sinum se contulisset; quem tamen nunquam ante reliquerat. Illos Dominus Prophetæ verbis alloquitur: Circumdate <sup>Pf. 47.</sup> novam hanc Sion, complectimini <sup>b</sup> eam. hoc est, custodite, tuemini, precibus munite; ut quando irascar in tempore, & concutiam orbem terræ, aspiciens vestrum sepulchrum, æterna memoria dignum; & quas ultrò propter me cicatrices geritis; iram indulgentia superem, vestram deprecationem, quæ illa nititur, legationemque suscipiam. Etenim sacerdotium, ac regnum cum video collachrymari, illicò miseratione permotus flector, ac vocem illam meam in memoriam revoco: Protegam urbem hanc propter David servum meum, & Aaron sanctum meum. <sup>4. Reg. 19. f.</sup> Quicumque scilicet, ut vos, fidei consensione, dignitatis gradus, honores-

100 S. JOAN. CHRYS. OR.  
noresque , spontè suscepta demissio-  
ne, tegentes, animique abjectionem  
veste significantes , multa mihi dis-  
cipulorum millia junxerint, qui me  
ferant; quique à me orbi terrarum  
misericordiam flagitent . Dixi

*Matt. 7.*  
*b*

enim: petite, & dabitur vo-  
bis; quærite, & invenie-  
tis. Ipsi gloria, & im-  
perium nunc, &  
semper in sæcula  
sæculorum .

Amen.



SAN-



SANCTI PATRIS NOSTRI  
**IOANNIS**  
 CHRYSOSTOMI,

In Domini Dei Salvatoris  
 nostri Iesu Christi ad in-  
 feros descensum ,  
 & in latronem

O R A T I O .

*Pomponio Brunello interprete.*



Res novas, & admirabi-  
 les! Latro cum Christo,  
 cum diabolo discipulus  
 Judas. Lux est in tene-  
 bras conversa, tenebræ  
 sunt in lucem commutatae; agnus  
 lupus, & lupus agnus: latro, dum  
 clavis affixis manibus penderet, Do-

E 3 minum

*Lu. 23.* minum salutabat, cum, voce fidei  
*f* plena, diceret: Memento mei Domine in regno tuo. Discipulus la-

*Vulg.* biis oscula defert, animo crucem  
*dū ve-* parat: labiis salvere jubet, animo  
*neris in* dolum eructat, dicens: Ave Rabbi.  
*regnū* Deinde illum etiam osculatur; &  
*tuum* conversus, Judæis dicit nūtu, non

verbo: Vincite, abducite. O scelestè Juda, qui abduci imperas illum, qui dixit: Cælum mihi sedes est, terra autem scabellum pedum meorum. At vestrum video studium alacrius ad audiendum, & os mihi concludi, & sanè dicendi finem facere velim; sed quoniam attentio vestra me hortatur, ut orationem producam ad reliqua persequenda revertamur. Ave, inquit, Rabbi: At benignissimus Dominus proditoris nequitiam tolerantia superans, præclare dixit: Amice, quorsum ades? Complector te Juda, non ut Charitatem tribuam, quam abjecisti, sed ut exhauriam gratiam, quam tibi tribueram. Vas enim indignum cælestè mysterium gestare non potest. Quid dicam de Juda? Petrus, qui claves regni acceperat, cum gloriæ Regem in crucem actum videret,

deret, abjectis clavibus, se coniecit in fugam. At latro Cœlorum januas referans, claves ipse rapuit Paradisi. Petrus, qui dicebat: Etiam si oportuerit me commori tecum, non te negabo; tertium abnegavit: Latro, qui, non promiserat verbo, re ipsa moriens una cum vitæ, resurrectionis auctore: Memento, inquit, mei Domine in regno tuo. Latro magistratus, & principes non veritus est. Petrus minas puellæ non tulit. Latro clamavit: Memento mei Domine: at Petrus: Nescio hominem hunc, quem paulo ante Dei filium vocarat. Petrus, qui paulo ante in mare intulerat pedem, negavit illum, qui naturam humidam ingressus erat. At latro, qui non in dorso maris, sed divitum januis ambulabat, clamabat: Domine. Quin etiam Zebedæi filii, qui dicebant: *Matt. 20. c* Possumus bibere calicem, quem bibiturus es; (hic enim erat calix salutaris in tempore) fugerunt. At Latro è manu Zebedæi salutaris calicem arripuit, dicens: Calicem salutaris accipiam, & nomen Domini *Pf. 115.* invocabo. Thomas mysterii, quod <sup>a</sup> comprehendendi non potest, curiosus



*Joan. 11.* investigator , condiscipulis dicebat :  
*b* Eamus & nos , ut moriamur cum  
*vulg.* eo : affixum cruci conspicatus , au-  
*o* fugit . In crucem sublatum aspicit ,  
 & fugit ; resurgentem cernit , ac  
*o a 20.* dubitat , dicens : Nisi mittam digi-  
 tum meum in locum clavorum , &  
 manum meam in latus ejus ; non cre-  
 dam . Verum benignus Deus , qui  
 ob unam ovem descenderat , ovem  
 unam non est aspernatus ; sed illam  
 in humeros tollit , atque ait : infer  
 digitum tuum in latus meum : lan-  
 ceam sustinui militarem , manum  
 Apostolicam non feram ? Verum o  
 rerum præclarissimarum latro , ( nam  
 ad te mea se convertit oratio ) qua  
 tandem ratione ad rapiendum eru-  
 ditus es , & institutus ? Discipulus  
 non fuisti ; quomodo opificem im-  
 ploras dicens : Memento mei Do-  
 mine in regno tuo ? præclarè locu-  
 tus es , piè credidisti . Prædatus es  
 periculolè persæpè , divitum sæpè  
 thesauros reserasti ; ejusmodi mar-  
 garitam , qualem Christum non re-  
 peristi . Apostolus non fuisti ; non  
*Dent.* audisti legislatorem dicentem : Vide-  
*28. g* bitis vitam vestram appensam ; Vi-  
 tam verò pendentem è ligno vin-  
 demi-

demiaſti . Non Iſaiam audiſti pro- *Vulg.*  
nuntiantem : Livoribus perpeſſionis *Et erit*  
ipſius , hominum morbi curantur *vita*  
Quo tandem modo medicinam dolo- *tua ,*  
ribus invenifſti ? Sanè , inquit , cerno *quaſi*  
res creatas agitari , & contremiſce- *pendēs*  
re , propter eum , qui pendet in li- *Iſa. 53.*  
gno : rerum eſſe creatarum opificem *b*  
agnosco . Niſi enim eſſet hic rerum *Vulg.*  
omnium procreator , Sol nudi aspec- *Livore*  
tum erubescens , ſuos radios non oc- *ejus ſa-*  
cultaret , neque tenebras Dei hoſti- *nati ſu-*  
bus offunderet : niſi eſſet hic terræ *mus .*  
dominus , illa ſanguinem è latere  
fluentem excipiens , non è funda-  
mentis exclamaret : niſi eſſet hic opi-  
fex cœli , ac terræ , dum illum af-  
picit , tenebras , quaſi ſaccum , non  
indueret : niſi eſſet hic vitæ domi-  
nus , & mortis , mors ad eum acce-  
dens , prorsùs non evanesceret , neque  
ſanctorum ſepulchra aperirentur : ni-  
ſi eſſet hic templi dominus , tem-  
plum , dum illum in crucem actum  
videt , non ſuum velum diſcinderet :  
niſi eſſet hic ille , qui pro peccato-  
re velit mortem ſubire , pro pecca-  
toribus non ſupplicaret , dicens : Pa- *Luc. 23.*  
ter dimitte illis , quia neſciunt , quid *e*  
faciunt . Hujus enim mors omnes

conciliat, atque confirmat. Namque descendit ad inferos, & cum omnibus ascendit. Quare exclamans latro, non dixit: Memento mei Domine, quando bene tecum agetur; sed memento mei in regno tuo, Domine. At quid ad illum Dominus? Amen dico tibi, hodie mecum eris in Paradiso. Quando igitur vidit diabolus cuncta ex ordine, ac dispensatione geri, & quæ prodigia fiebant in cruce, Solem obliuisci, terram concuti, templi velum diffringi, petras findi; vel illusum ad infernum confugit, & ait: Heu me miserum, sum in fraudem inductus, sum deceptus: misero mihi subveni: obstruamus fores; ne huc ingrediatur; vestibis communito; atque omnibus copiis resistamus, ut ne illum recipiamus. Occurrit infernus, fores occlusit, vestibisque communivit. Ecce autem Dominus adit infernum, diabolum insequitur: copiarum præcurrebant. Ecce tibi occlusæ portæ, & exclamarunt exercitus, dicentes: Attollite portas principes vestras, & elevamini portæ æternales, & introibit Rex gloriæ. Infernus intus respondens: Quis est, ait, iste Rex glo.

gloriæ? Rursus ajunt exercitus: Dominus virtutum, ipse est Rex gloriæ. Infernus verò: quis est iste, quem dicitis? quod si est ejusmodi, quid quærit hoc loco? quid cælum reliquit? quid huc descendit? Ajunt exercitus: quoniam est Rex gloriæ, ut eum vinciat, huc accessit, qui illi adversatur; tibi que illum tradat, suosque milites à te auferat, ac revocet. Infernus verò respondens dicit diabolo: Triceps Beelzebub, Angelorum lapsus, imbecille, nequam, nonne te monui, ne cum illo certares? Ecce nunc adsunt, quæ prædixi tibi; quid ages miser? cur mihi dicto audiens non fuisti? En venit, ut te quærat, ac vinciat, tuaque causa, captivus fio. Egredere, si potes, eique obviam prodi. Ego enim opem tibi ferre non possum. Diabolus verò flens, ac lugens, respondet: Misèrere interim parumper mei: ne aperias; interdum opera mutat, interim certa pro me: quanquam illus sum, quis enim non ejus falleretur verbis? Nam aliquandò mortis timore perculsus ait: Tristis est anima mea usque ad mortem, aliquandò verò ad patrem

supplex his verbis accessit : Pater ,  
 si fieri potest , transeat à me calix  
 iste . Hæc me verba , tanquam esca  
*Matt.* ceperunt . Ille respondens : Hæc ait ,  
 26. *d* ego quoque suspicabar miser , eo  
 quod mortem timens , angebatur .  
 Cum hæc illi dicerent , exercitus  
 urgebant , his verbis : Attollite por-  
 tas principes vestras , & elevamini  
 portæ æternales , & introibit Rex  
 gloriæ . Jam verò Prophetæ , cum  
 de Rege gloriæ voces acciperent ,  
 gaudebant , & exultabant . Dicebat  
 Joannes : Nonne hoc vobis confirma-  
 vi , venturum illum , ac vos exem-  
 pturum ? Lætabantur omnes , & in-  
 ferno , aperi , aiebant , portas tuas ,  
 ut Rex gloriæ ingrediatur . At in-  
 fernus id non ferrebat . Vates au-  
 tem David in hæc verba respondit :  
 Nam vaticinium meum re ipsa com-  
 probari necesse est . Cum enim in  
 terris essem , quod jam fit , ipse præ-  
 vidi : illum videlicet ultrò non re-  
 feraturum , ac dixi : Dominus con-  
 trivit portas æreas , vectes ferreos  
 confregit : inferni nimirum copias  
 proculcavit , mortis dolores dissol-  
 vit , stimulos inferni comminuit . At-  
 que illud est comprobatum re ipsa  
 sacra-

Sacrarum literarum monumentum.

Ubi est, mors, stimulus tuus? ubi tua, <sup>1. Cor.</sup>  
 ò inferne, victoria? Obviam illi va- <sup>15. e</sup>

tes prodire, gaudio triumphantes, <sup>Vulg.</sup>  
 exultantes, canticis, & laudationibus <sup>ubi est,</sup>

Dominum celebrantes: Benedictus, <sup>mors</sup>  
 qui venit in nomine Domini, osan- <sup>vic-  
torias</sup>

na in excelsis. Tum correptum dia- <sup>ubi est,</sup>  
 bolum Dominus conjecit in vincu- <sup>mors,</sup>

la nullo unquam tempore dissolven- <sup>stimu-  
lus tu-</sup>

da; eumque immenso, perpetuoque <sup>us?</sup>  
 igne, ac vermibus nunquam inter-

morituris constravit; ibique fletibus,  
 ac gemitibus interclusus tenetur. Do-

minus verò, vates omnes assumptos  
 ex inferno eripuit, ut pergerent in

Paradisum. At illi elati gaudio ex  
 inferno exiluerunt. Primus David

fidibus canens, perfusus lætitia; Ve- <sup>Pf. 94.</sup>  
 nite, aiebat, exulemus Domino, <sup>a</sup>

jubilemus Deo salutari nostro: quo-  
 niam Rex noster bello gesto victo-

riam est adeptus. Tum succinuerunt  
 omnes, Alleluia. Et rursus idem:

Omnes gentes plaudite manibus, ju- <sup>Ps. 69.</sup>  
 bilate Deo in voce exultationis: quo- <sup>a</sup>

niam Rex noster, pro nobis pugnans,  
 victor evasit. Atque ita lætitia exul-

tantes, contenderunt ad Paradisum.  
 Illuc ingressi, offenderunt Latronem:

cum

eum admirati , ita sunt alloquuti :  
 quis te huc introduxit ? quis tibi  
 portas aperuit ? quid fecisti , cur  
 ante nos in hunc locum intrares ?  
 An huc etiam ad latrocinandum ve-  
 nisti ? an , ut , quæ hic sunt , depræ-  
 deris , accessisti ? non contentus ter-  
 restribus , etiam cœlestia diripere vis ?  
 narra nobis ; quis te huc introduxit ?  
 non invidemus tibi adventum istum ,  
 sed inquirimus causam . Respondit is :  
 Factorum quidem meorum causa ,  
 indignus sum , qui huc ingrediar ;  
 sed qui benignus est , ac misericors ,  
 huc me admisit ; ego enim nihil bo-  
 ni habeo : quocirca me quoque Iudæi  
 cum Rege immortali condemnarunt ,  
 cumque me simul cum Christo in  
 crucem egissent , cumque viderem  
 ipse prodigia , quæ in cruce accide-  
 rent , & intelligerem illum esse fi-  
 lium Dei , voce in hæc verba con-  
 tendi : Memento mei , Domine ; in  
 regno tuo : is continuo meis preci-  
 bus admissis , ait mihi : Amen dico  
 tibi , hodie mecum eris in Paradiso :  
 mihiq; crucis tradidit signum , cum  
 diceret : Hoc accepto , in Paradisum  
 perge . quod si te ingressu igneus  
 gladius prohibuerit , regium illi si-  
 gnum

gnum ostende, tibi que portas aperiet. Accessi, statimque ut me igneus gladius, qui in Paradiso excubias agit, portas occlusit. Ego verò me ab eo Rege, qui modò cruci affixus est, missum esse confirmavi, & signum prætuli: tum ille confestim aperuit. Huc ingressus offendi neminem, obstupui, atque illa mecum ipse: Ubi Abrahamus, Isaacus, Jacobus? ubi vatum multitudo? Dum hæc mecum admiror, & cogito, ecce mihi, ad partem dexteram orientis Solis, affecta ætate duo cernuntur viri, ac forma admirandi, aspectuque venerabiles, qui me his verbis interrogant. Tu quis es? Abrahamus non es; illius enim sacerdotalis est habitus. Moses non es; nam ille gracilis erat voce, & hæsitabat lingua: tu verò expressè, clarèque pronuntias. Tu nobis latro videris; nam tua figura latrocinantis est. Latronem esse me non negavi; meque dixi à Rege Paradisi huc esse missum; quoniam me illi comitem præbuerim ad interitum, quem nostri causa per tulit. Atque illis ego: Vos verò, inquam, quinam obsecro? atque alter eorum respondens: Ego sum, ait,

Helias



## 112 *SANCTI JOANNIS*

Hælias Thesbites , ignitoque curru  
 huc elatus , interitus adhuc expers  
 vivo. Hic verò mecum Enochus est,  
 huc Dei jussu, translatus . His auditis  
 vates Dominus laudibus celebrarunt  
 pro eo munere , ac beneficio , quod  
 facinorosis dedisset hominibus . At  
 Dominus morte spoliata , inferno pro-  
 culcato , vèctibus confractis ,  
 obstricto Diabolo , in liberta-  
 tem homine vindicato, om-  
 nes in cœlum , excitatus  
 ab inferis deduxit; cui  
 gloria , & imperi-  
 um in sæcula  
 sæculorum .  
 Amen .



SAN-



SANCTI  
 BASILII  
 MAGNI  
 FRAGMENTVM.

*Quot rationibus malæ cogitationes in animo oriantur, & quo modo declinentur.*

*Ex Bibliotheca Vaticana,*

*Pomponio Brunello interprete.*

**I**Am verò, quoniam, quæ ad cognitiones pertinent, expendimus, non tamen adhuc quot rationibus malæ cogitationes existant, persecuti sumus; id jam faciendum nobis esse censuimus, ut partitionis nostræ quæ-  
 tio

tio profligetur. Duæ igitur rationes sunt, ex quibus cogitationes absurde rectas rationis functiones, actionesque perturbant: vel quando animus in iis, quæ non sunt opus, sua ipsius ignavia, incuriaque vagatur; & ex inanibus visis, ac temerè in ipsum admissis, incidit in ea, quæ item inania sunt; vel quando diaboli insidiis capitur, qui rerum absurditates menti subicere, eamque à contemplatione eorum, quæ laudantur, conatur abducere. Quando igitur animus mentis vim, contentionemque remittens, quasculumque, vel rerum quarumcumque recordationes admittit; tunc ratiocinandi facultas, cum imperitè, & illiberaliter ad ea, quæ in mentem veniunt, fertur, iisque diutius immoratur; in errores ex erroribus incidit, atque in turpitudines sæpè, cogitationesque absurdas ad extremum fallacesque convertitur. Verumtamen huiusmodi animi contemptus, despicientia, & effusio, vehementissimo, accuratissimoque animi studio dirigenda, & revocanda est; atque honestarum, laudabiliumque rerum consideratione in re præsentī semper detinenda. Quando

do verò Diabolus insidias parat, ac magna vi cogitationes suas, quasi ignita quædam tela in animum quiescentem, & otiosum intorquere conatur; eumque inflammare repentè, atque infames, ac diuturnas recitationes eorum, quæ sunt semel ejecta, renovare; tunc vigilantia, curaque vehementiore, hujusmodi sunt insidiæ repellendæ; perinde, ac si quis athleta, diligentissima custodia, corporisque celeritate adversariorum captiones declinet. Et pia precatione, in qua sunt omnia, & præsidii superni invocatione agendum est, ut belli profligandi facultas impetretur. Hoc enim nos Paulus docuit, cum ait: in omnibus sumentes scutum fidei, in quo possitis omnia tela nequissimi ignea extinguere. Quare quamvis in ipsis precibus improbas cogitationes ipse injiciat; animus tamen, cum intelligat, id esse illius impudentiæ, quæ est vitiorum auctor, absurdarumque cogitationum; vehementiùs preces intendat, Deoque supplicet, ut à se improbam machinationem repellat, quæ ex absurdarum cogitationum recitatione confurgit, ita ut mentis impetu,

petu , qui impediri non possit , sine mora , atque omni abjecta cunctatione , ad Deum perveniat ; neque perversis recordationū aggressionibus impellatur . Quod si hujusmodi cogitationum vexatio , & improbitas , oppugnantis augeatur impudentia , ne ita quidem animus despondendus neque imperfecta certamina relinquenda ; sed usque eo vires sunt adhibendæ , ut nostra Deus perspecta constantia , Spiritus Sancti munere nos illustret , quòd & insidiatorem convertat in fugam , & mentem puram , integramque reddat , ac divino lumine repleat , placida cogitationum tranquillitate ; utque Deum ipsi cum lætitia colamus , & veneremur .





S A N C T I

I O A N N I S

C H R Y S O S T O M I

D E P R E C A T I O N E

O R A T I O P R I M A .

*Pomponio Brunello interprete.*

Uas ob causas Dei cultores admirandi sunt, ac beati judicandi : tum quòd spem salutis in sanctis precibus collocabant; tum quòd , cum hymnos , & precandi formulas literis mandatas , quas Deo cum lætitia , ac timore offerebant, nobis quoque suum thesaurum tradiderunt: ut omnem posteritatem possent ad se imitandos allicere. Par est enim doctorum mores ad eos pervenire , qui  
 ipsi

ipsis dant operam: itemque par est,  
 prophetarum discipulos, imitatores  
 eorum esse justitiæ; ita ut vitam nos-  
 tram in precibus, Deique cultu per-  
 petuò traducamus, atque in ea re  
 vitam, valetudinem, divitias, bo-  
 norum finem positum esse censeamus;  
 ut Deum puro, & incorrupto ani-  
 mo deprecemur. Etenim, ut corpus  
 Solis lumine, sic animus precationum  
 radiis illustratur. Si ergò cæci ca-  
 lamitas est Solem aspicere non pos-  
 se, quanta tandem est Christiani vi-  
 ri jactura, non assiduè Deum pre-  
 cari, Christi que splendorem in ani-  
 mum precibus inferre? Jam verò  
 Dei benignitatem, atque clementiam  
 quis non admiretur, quis non suspi-  
 ciat, quam nobis ostendit, cum tan-  
 tum honorem hominibus deferat,  
 ut eos precatione, ac sua consuetudi-  
 ne dignetur? Etenim cum Deo re-  
 vera precationis tempore colloqui-  
 mur, qua cum Angelis quoque con-  
 jungimur, qua longè à pecudum com-  
 munionem recedimus. Angelorum est  
 enim precatio, quæ vel eorum su-  
 perat dignitatem; si quidem cum Deo  
 loqui præstantius quiddam est. id  
 tamen ipsi nos docent, qui magno  
 timo-

timore preces offerunt , nosque admonent , nobis , qui ad Deum accedimus , timorem esse simul , & lætitiā adhibendam : timendum quidem verentibus , ne precatione indigni esse videamur ; lætitiā nos tamen ex honoris magnitudine perfundi oportere , quòd tanta , ac tali providentia mortale genus honestetur , ut assiduò Dei perfruatur , ex quo & à mortalitate , & à vitæ curriculo , exiguo tempore circumscripto , recedimus , quippe qui , tametsi natura mortales , ob Dei tamen consuetudinem familiarem ad vitam progredimur immortalem . Etenim qui cum Deo familiariter versatur , morte illum , omnique interitu potiorē esse necesse est . Atque , ut est omninò necesse , qui Solis radiis potitur , à tenebris procul abesse ; ita omninò , Dei consuetudine fruētem oportet non ampliùs esse mortalem ; nos enim ad immortalitatem ipsa honoris magnitudo traducit . Nam , si qui regem familiariter alloquuntur , & apud illum locum obtinent dignitatis , fieri non potest , ut inopia laborent ; fieri omninò longè difficiliùs potest , ut qui supplices ad Deum

acce-



accedunt , & cum eo colloquuntur , mortales animos nanciscantur. Mors enim est animi vita à pietate , ac legibus aliena : ejusdem igitur animi vita constat & religione , & actionibus vivendi , quæ cum religione consentiant , atque vivendi rationem sanctitate illustrem , ac divino cultui congruentem , preces afferunt , & in animos nostros mirificam rerum omnium pretiosarum copiam recondunt. Nam si quispiam virginalem pudicitiam adamarit , si nuptiarum temperantiam colat , si iracundiam continere , vitamque mansuetè traducere , si invidentia vacare nitatur ; precatione duce hujusmodi vitæ viam præmuniente , expeditum habebit , & facilem pietatis cursum : non enim fieri ullo modo potest , ut qui temperantiam , justitiam , mansuetudinem , benignitatem à Deo contendunt , non voti compotes fiant. Petite enim , inquit , & dabitur vobis ; omnis enim , qui petit accipit , & qui quærit invenit , & pulsanti aperietur. Et alibi rursum : quis est , inquit , ex vobis , à quo si petierit filius suus panem , num lapidem dabit ei ? vel si piscem petierit , num

ser-

serpentem dabit ei ? Si igitur vos , cum mali sitis , nostris dona bona dare filiis vestris , quanto magis pater vester cœlestis dabit Spiritum Sanctum petentibus se ? His verbis , & hac spe proposita , ad precationem nos rerum omnium Dominus cohortatur . Nos verò decet obtemperantes Deo , in laudibus , ac precibus perpetuò vivere ; ita ut Dei cultu , quam animis nostis , arctiùs teneamur : ita enim licebit nobis vitam hominibus dignam agere : nam quicumque Deum non precatur assidue , neque divino colloquio frui cupit , mortuus est , & anima , sensuque penitus caret ; illud enim est maximum stultitiæ , ac stuporis argumentum ; si honoris hujus magnitudo ignoratur , si precatio non amatur , si non animæ mors esse existimatur , Deum precando non venerari . Ut enim corpus hoc nostrum , opinor , cum animus abest , mortuum est , ac fœtidum : ita nisi se aminus ad precationem excitat , mortuus est , miser , ac fœtidus . Atqui quavis morte acerbius putandum esse precatione spoliari , vates ille nos Daniel docet , qui mori maluit , quam tribus die-

F                      bus

bus à precibus retardari . Neque enim ut contra pietatem aliquid faceret , præcepit Rex ille Persarum , sed illud agebat , ut trium dierum cessationem reperiret ; nam sine divino nutu bonum nullum in nostros animos venerit , nutus verò divinus labores nobiscum aggreditur , eosque præclare sublevat , si preces videat à nobis diligere , nosque assidue Deum orare , ac sperare tunccta inde ad nos bona descensura . Quando igitur aliquem video à precationis studio abesse , neque illius ardenti , ac vehementi amore teneri ; jam mihi exploratum est , nihil ab eo magnificum , nihil præclarum possideri . Quando verò aliquem cerno in Deo colendo sine satietate persistere , quique non precari assidue in magnis numeret detrimentis , omnium illum virtutum acerrimum cultorem , Deique templum esse conjicio . Quod si amictus hominis , pedum gressus , & risus dentium , quæ in eo celantur intus , reteggit , sapientis Salomonis sententia , multò magis precatio , Deique cultus est justitiæ argumentum ; cum illa vestis quædam sit spiritualis , ac divina , quæ mentes nos.

nostras magno decore, ac pulchritu-  
 ne induit, & exornat; quæ singulo-  
 rum vivendi rationem aptam efficit,  
 atque compositam: quæ non patitur  
 ulla re vili, & absurda mentem oc-  
 cupari: quæ persuadet, ut Deum,  
 ac dignitatem, quæ ab illo in nos  
 derivatur, vereamur: quæ docet,  
 ut omnem hostis improbi præstigias,  
 atque fallacias depellamus: quæ  
 turpes, & indignas cogitationes abi-  
 git: quæ in voluptatis despicientia,  
 animum cujusque constituit. Hæc  
 enim una superbia decet eos, qui  
 Christum colunt, ut nulli turpitu-  
 dini serviant; sed animus in liberta-  
 te, vivendique ratione integerrima  
 conservetur. Et fieri quidem omni-  
 nò non posse, ut sine precibus vita  
 cum virtute ducatur, perspicuum  
 esse omnibus existimo. Etenim quo-  
 modo quis virtutem colat, qui non  
 accedat, seque abjiciat supplex assi-  
 duè ad eum, qui eam nobis suppe-  
 ditat, atque largitur? Qua ratione  
 quis temperantem, & justum se es-  
 se cupiat, qui non assiduè cum illo  
 versetur, qui & hæc, & plura his  
 à nobis exigit? Volo autem paucis  
 ostendere, nos, quamvis culpis, &

sceleribus coopertos precatio deprehendat, illicò tamen expiari. Jam verò quid precatone majus, vel divinius fiat, quando medicinam quandam, expultricem ægritudinum esse constat jis, qui morbis animi conflictantur? Ergò notum est, Nini-vitas primos à plurimis per precatorem delictis, & sceleribus liberatos. Statim enim ut illos deprecatio occupavit, justitiæ participes effecit, & civitatem, quæ cum intemperantia, nequitia, vivendique ratione nefaria degere consueverat, celeriter correxit, veteri consuetudine plus valens, cœlestibus civitatem legibus explens, temperantiam, benignitatem, clementiam, procuratorem pauperum secum ducens, sine his enim animam incolere nequaquam potest. Verùm in quamcunque mentem commigrarit, omni eam probitate cumulat, ad virtutem informat, nequitiam pellit. Et sanè si quis tunc Ninivem ingressus esset, qui illam antea probè nosset, civitatem profectò non agnovisset; ita repente à nequiore vita ad pietatem transilivit. Ut enim fœminam inopem, ac pannosam, aureis postea vestimen-

timentis exornatam si quis aspexerit, mulierculam non agnoscat; ita qui civitatem illam antea vidisset egentem, ac spiritualibus destitutam thesauris, ignorassent omnino, quænam esset civitas, quam ita precatio commutare, & illius mores, vivendique rationem ad virtutem traducere potuisset. Et verò mulier quædam, quæ in intemperantiam, & meretricio quæstu omnem antea actæ vitæ cursum confecerat, simul atque se ad Christi pedes abjecit, salutem consecuta est. Atqui non modò criminum culpas, ac maculas delet, sed magna etiam pericula repellit. Rex ille simul, ac vates admirabilis David plura, & gravia bella precatione profligavit, his telis duntaxat exercitum præmunens, & efficiens, ut per quietem, & securitatem sui milites victoria potirentur. Nam alii quidem reges in ducum experientia, & artificio, in sagittariis, peditibus, equitibus spem salutis habebant: at magnus David Sanctis precibus exercitum muniebat; non ducum, centurionum, præfectorum, equitum supercilia intuebatur, non pecunias conficiebat, non arma comparabat; sed è cælo

divina illæ armorum genera universa deducebat . Cuncta enim re vera celestium armorum genera divinis precibus continentur ; quæ vel solæ possunt eos tueri , qui se Deo tradiderunt : nam peditum quidem robur , atque peritiam , sagittariorum experientiam , in prodendo hoste calliditatem sæpè vel hostilis obtutus , atque adversariorum ardor animi , aliæque præterea inanem reddunt : at precatio telum est insuperabile , tutumque præsidium , quod æquè militem unum , ac multa millia profligat . Nam & admirabilis David Goliadem illum , ut metuendum quendam Dæmonem irrudentem , non armis , non gladiis , sed præcatione dejecit . Ita telum est acerrimum & regibus in præliis deprecatio , & nobis ad dæmonum impetum propulandum . Ita etiam rex Ezechias victor è Persarum bello discessit , non acie instructa , sed una præcatione hostium copiis opposita : idem hac una ratione mortem evitavit , Deum congrua pietate veneratus : atque ita una precatio Regem vitæ restituit . Et sanè animum peccatorum sordibus inquinatum facile precibus expiari ,

testis


testis est Publicanus, qui cum à Deo veniam precatus esset, voti compos discessit: testis leprosus, qui simul atque se ad Dei pedes abjecit, illicò curatus est. Quod si à corpore Deus vitiato, atque corrupto morbum celerimè depulit: multo magis animo vitiis infecto curationem humaniter adhibebit: nam quo præstantior est animus corpore, eo magis par est ardentius à Deo in illo studium collocari. Et sanè sexcenta quispiam tum vetera, tum nova proferre possit exempla, si quibus preces saluti fuerunt, enumerare voluerit universos. At fortassè quispiam è segnioribus, & ex jis, qui accuratè, ac studiosè precari nolint, sibi persuaserit illa verba Deum idcirco esse proloquutum, videlicet: Non omnis, qui dicit mihi, Domine, Domine, intrabit in regnum cœlorum, sed qui fecerit voluntatem Patris mei, qui est in cœlis. Ego verò si in una precatione ad nostram salutem satis esse virium putarem, meritò hæc objici dicerem: quoniam verò bonorum omnium caput precationem esse confirmo, atque rationis honestè, laudabiliterque vivendi, fun-



damentum, atque radicem, nemo ad excusationem inertiae illis verbis abutatur. Neque enim unam temperantiam sine aliis bonis, non unam pauperum providentiam, non benignitatem, non aliud quidpiam ex his, quae sunt cum honestate conjuncta: sed omnia una, eodemque concursu oportet in animos nostros influere: verum precatio tanquam radix subjicitur, & fundamentum. Et quemadmodum navigium, ac domus inferioribus partibus firmatur, & constat; ita precibus vitae nostrae ratio continetur, sine quibus nihil nobis boni contingat, nihil salutare. Propterea nos Paulus urget his verbis: orationi instate, vigilantes in ea, in gratiarum actione; & alibi: sine intermissione orate, inquit, in omnibus gratias agite, haec enim est voluntas Dei; & alibi rursus: orate omni tempore in spiritu, & in ipso vigilantes in omni instantia, & obsecratione. Sic plurimis, divinisque vocibus ad preces nos semper dux Apostolorum cohortatur. Quare nobis, qui ab illo instituimur, vita est in precibus traducenda, jisque mens perpetuo irriganda; non enim minus, quam arbores aquis, illis

lis nos indigemus universi. Nam neque illæ possunt esse fructuosæ, nisi humorem radicibus ebibant; neque nos pretiosissimas pietatis fruges fundere, nisi precibus irrigemur. Quamobrem & cum lectulo surgimus, antevertere Solem oportet Dei cultu, & cum mensæ accumbimus, & cum somnicausa cubamus: imò verò singulis horis precatio est aliqua ad Deum adhibenda, & in ea diei cursus conficiendus. Hyberno verò tempore plurimam noctis partem in precibus traducamus, & magno cum timore genua flectentes, precationi operam demus, ac beatitudine nos ipsi dignos, Deo colendo, reddamus. Age verò quo modo Solem aspicias, non illum ante veneratus, qui oculis tuis lucem Solis dulcissimam profert? Quanam ratione mensa perfrui audebis, non ante veneratus tantorum bonorum fontem, & auctorem? Qua spe ad tempora nocturna pervenies? quæ tibi visa secundum quietem objectum iri suspicaris, si nullis precibus præmunitus, nullo præsidio septus quieti te tradas? facillimè te improbißimi dæmones contemnent, & implicabunt, qui oberrant assiduè, qui occasionem

captant, observantes, ut, si quem  
 precatione destitutum deprehende-  
 rint, sine mora corripiant. Quare,  
 siquidem septos nos precibus vide-  
 rint, continuo tanquam fures, ac  
 scelesti resiliunt, qui gladium militis  
 capiti appensum cernant. Quod si  
 contigerit, ut aliquis sit precibus nu-  
 dus is, à dæmonibus abripitur, &  
 in scelera, exitia, calamitates im-  
 pellitur. Hæc igitur metuentes, pre-  
 cibus, atque hymnis nos ipsos tuea-  
 mur, & muniamus. oportet, ut sua  
 nos Deus misericordia, & cœlorum  
 regno dignetur per unigenitum suum,  
 cui gloria, & imperium in sæcula sæ-  
 culorum. Amen.





S A N C T I

I O A N N I S

C H R Y S O S T O M I

D E P R E C A T I O N E

O R A T I O A L T E R A .

*EODEM INTERPRETE .*

Uanquam video neminem  
 ignorare cum bonorum  
 omnium caput , ac fon-  
 tem , tum salutis , im-  
 mortalisque vitæ conci-  
 liatricem esse precationem ; de eâ ta-  
 men , quæ nostra feret facultas , di-  
 cenda sunt : ut & qui mente tota ,  
 omnique animi studio in eam incum-  
 bere consueverunt , vehementius in-  
 flammentur , & qui vitam abjectiore  
 animo , à precibusque remoto tra-  
 duxerunt , præteriti temporis jactu-  
 ram

ram agnoscant , salutemque suam  
 reliquo vitæ tempore minimè affli-  
 ctam , ac desertam esse patiantur .  
 Principio igitur illud in primis de  
 precatione dici potest , eum , qui pre-  
 catur , cum Deo colloqui . Quantum  
 verò sit , hominem in divinum col-  
 loquium venire , nemo est , qui nesci-  
 at . Verùm rei dignitatem quis ver-  
 bis assequatur ? Etenim hujusmodi  
 honos etiam Angelorum amplitudi-  
 nem facile superat : id , quod illi ,  
 cum probè intelligant , omnes ferè  
 apud prophetas , cum laudes , &  
 cultum domino adferunt , summo  
 cernuntur timore correpti ; dum ora,  
 pedesque præ veneratione tegunt :  
 dum volata , motuque assiduo , sum-  
 mam religionis trepidationem præ se  
 ferunt , Quin etiam nos , ut opinor ,  
 monent , ut precandi tempore huma-  
 næ naturæ obliviscamur ; atque ve-  
 neratione , ac timore perculsi , nihil  
 ante oculos positum aspiciamus , sed  
 in medio Angelorum choro nos esse ,  
 & eundem , quem illi , cultum Deo  
 nos persolvere arbitremur . Etenim  
 cætera illorum omnia , & nostra ,  
 ut natura , victus , sapientia , &  
 quidquid dixerit quispiam , longo  
 inter-

intervallo inter se distant: precationis autem officium est hominibus commune cum Angelis, neque est aliquid, quod sit intermedium in iis, quæ ad precandum pertinent. Hac segregaris à pecudibus, hæc te Angelis jungit, hac brevi sanè illorum reipublicæ, illorum vitæ, vivendique rationi, dignitati, nobilitati, sapientiæ, intelligentiæ adjungetur, qui omnem sibi vitam in precibus ponendam putabit. Quid enim sanctius iis fiat, qui Dei consuetudine perfruuntur? quid justius, ornatius, sapientius? Nam si iis, qui sapientibus hominibus familiariter utuntur, ex assidua consuetudine, illorum prudentiæ participes celeriter fiunt; quid de iis dicendum est, qui divina consuetudine fruuntur, & cum Deo ipso colloquuntur? Quanta sapientia, quanta virtute, prudentia, probitate, moderatione replet ipsos oratio, & obsecratio? Itaque non sanè is aberret, qui omnis virtutis, justitiæque materiem esse precationem affirmet; neque posse eorum aliquid, quæ ad pietatem conducunt, precatione, & obsecratione nudum animum penetrare. Verùm ut urbs mœnibus minimè septa facile in ho-

hostium potestatem venerit ; quod ita nemo illos propulsare possit ; sic pre-  
 catione animum non communitum  
 facile diabolus in suam redigit pote-  
 statem , facileque contaminat om-  
 nium turpitudine flagitiorum . Pri-  
 mam enim cum animam precibus  
 viderit circumseptam , veritus robur,  
 ac vim , quam preces illi suppedi-  
 tant ; quæ animum magis alunt ,  
 quam cibus corpora ; propius non  
 audet accedere : deinde , qui omni  
 animi cura preces adhibent , non  
 patiuntur aliquid precatione indi-  
 gnum in se admittere , sed Deum  
 veriti , qui cum modo colloquuti  
 sunt , omnes repente improbi hostis  
 conatus repellunt , cum secum ipsi  
 cogitent , quanti sceleris sit , eum ,  
 qui nuper & Dei colloquio frueba-  
 tur , & pro temperantia , & sanctita-  
 te impetranda illum obsecrabat , ad  
 diabolum repente transfugere , & ob-  
 scænis voluptatibus animum tradere  
 constringendum ; inque mentem ,  
 quam Deus nuper invisit , aditum  
 diabolo patefacere , dæmonesque ad-  
 mittere in animum , quem spiritus  
 sancti gratia benignitate summa , ac  
 providentia decoraverit . Id verò qua  
 ratione

ratione fiat, accipe. Fieri nullo modo potest, ut homo sine divini spiritus ope divinam ferat consuetudinem: verum oportet hac præsente, & sanctos conatus prosequente, rem aggredi, genua flectere, obsecrare, precari. Cum enim res humanas longè superet divinus congressus; ingrediente in nos Spiritus Sancti gratia, confirmemur, corroboremur, honoris magnitudinem doceamur, necesse est. Itaque, cum tibi esse cum Deo sermonem intellexeris, teque precaturum sancti spiritus efficacitatem excipere; omnes aditus diabolo in animum jam divino spiritu expiatum intercludes. Ut enim, qui sunt cum rege colloquuti, & illius humanitatis, facilitatis, honoris fructum ceperunt, à mendicorum, abjectorumque hominum congressu abhorrent; ita, qui Dei colloquio dignus est habitus, adduci non facile poterit, ut improbum dæmonem, & impium in suam recipiat necessitudinem. Etenim, qui se voluptatibus mancipat, is re vera dæmonibus familiariter utitur, eorumque insaniam æmulatur: ut contra is, qui temperantiam, & justitiam colit,

Angelis



Angelis familiaris efficitur, & ad eorum amplitudinem contendit. Quod si quis animi nervos preces appellaverit, mihi profectò verè dicere videatur. Etenim, ut corpus, opinor nervorum beneficio constat, currit, stat, vivit, compactumque est, jisque incisis, omnes corporis numeri dissolvuntur; sic animi per sanctas preces & conglutinantur, & constant, cursumque habet pietas facilem, ac secundum. Quod si te ipsum precatione spoliaveris, perinde feceris; ac si piscem ex aquis extraxeris: ut enim hic aqua vivit, sic tu precationibus: per has tanquam per aquam evolare, orbis cœlestes superare, ad Deum propius licet accedere. Ut igitur sanctæ precationis robur ostendatur, vel quæ diximus satis sunt: præstabit tamen fortassè, ut ad sancta volumina accedentes ex Christi verbis divitias agnoscamus, quas preces comparant jis, qui omnem ætatem in ipsis ponere velint. Dicebat autem, inquit, & parabolam ad illos, ut semper precandum esse demonstraret. Judex quidam erat in quadam civitate, qui Deum non timebat, & hominem non reverebatur.

tur . Vidua autem quædam erat in civitate illa , & veniebat ad eum dicens : vindica me de adversario meo , & nolebat per multum tempus . Post hæc autem dixit intra se ; Etsi Deum non timeo , nec hominem revereor , tamen quia molesta est mihi hæc vidua , vindicabo illam : ne in novissimo veniens , fugillet me . Ait autem dominus : audite , quid iudex iniquitatis dicit . Deus autem non faciet vindictam electorum suorum clamantium ad se die , ac nocte , & patientiam habebit in illis ? Dico vobis , quia citò faciet vindictam illorum . Nos verò , fratres , abditam sapientiam in sermonibus spiritus addiscamus , & pro facultate nostra investigemus , non quantum in ipsa sit , sed quantum nobis assequi licet . Atque illi quidem , qui in mari vitam degunt , ipsum pelagus penetrantes , gemmas adferunt ad eos , qui sunt in terris , nos verò divinarum literarum pelagus perlustremus , & ad ipsum profundum spiritualis scientiæ , quantum in nobis est , decurramus , ut vobis thesaurum præstantissimum adferamus , qui animos ornet melius , quàm capita regum præclaris .

clarissimis gemmis distinctæ coronæ:  
 namque harum præstantia hujus vi-  
 tæ cancellis circumscribitur: qui ve-  
 rò sermonibus spiritus coronat ani-  
 mum, is & jam securus vivit, &  
 vita functus fidenti animo ad Chri-  
 sti tribunal accedit, refertus virtuti-  
 bus, & ab omni labe integerrimus.  
 Ergò quem tandem thesaurum è sa-  
 crorum voluminum profundo vobis  
 offerimus? non ipsum sapientiæ pro-  
 fundum attingentes; sed eo delapsi,  
 quo licet. Ad precationem Christus  
 homines cum vellet allicere, & ejus  
 commoda nostris mentibus propone-  
 re; judicem inducit quendam im-  
 probum, sævum, qui pudorem om-  
 nem ab oculis abjecisset, Dei timo-  
 rem expulisset ex animo. Atqui sa-  
 tis fuit justī, & clementis cujuscūque  
 personam inducere; ut ejus justitia,  
 si cum divina clementia conferre-  
 tur, vim precationis ostenderet. Etenim  
 si vir bonus, & mitis eos humaniter  
 excipit, qui ad se supplices veniunt;  
 quanto magis excipiet Deus, cujus  
 benignitatis magnitudo non modò  
 mentem nostram, sed ipsos Angelos  
 fugit? Satis igitur fuit, ut modò di-  
 cebam, justī judicis personam pro-  
 pone-

ponere : jam verò judicem crudelem , impium , inhumanum inducit ; in alios quidem immitem , in obsecrantes certè benignum , ac facilem ; ut intelligas oratione naturam vel improbam ad lenitatem , clementiamque traduci . Quorsum igitur Christus id fecit ? ut nemo esset omnium , qui vim precationis ignoraret . Cum verò propterea in conspectu judicis acerbissimi viduam constituisset , ipsumque præter ejus naturam humanum ostendisset ; à scelesto judice ad patrem suum orationem traducit , optimum , mansuetum , mitem , humanum , scelera superantem , multa peccata condonantem , quotidianas in se contumelias , dæmonis honores , in filium maledicta , & sexcenta nefaria facinora perferentem : qui que cum tantis contumeliis appetatur , his perferendis ita se clementem , ac mansuetum præbet : is verò , si nos debito timore ad se accedentes viderit , non ne subita misericordia capietur ? Audite , inquit , quid judex iniquitatis dicat . Etsi Deum non timeo , nec hominem revereor , tamen quia molesta est mihi hæc vidua , vindicabo eam . Quid di-

dicis? quod non potuit timor, id obsecratio potuit? Non minæ, non supplicii metus hominem ad æquitatem deduxit: at vidua ubi supplex accessit, hominem ex agresti, & immani mitem reddidit, ac mansuetum. Quid igitur de Deo in hominem benignissimo censendum est, cum vidua se ad pedes abjiciens, ferum, ac ferreum hominem lenierit, ac mitigarit? Quantum bonitatis, quantum benignitatis, atque amoris in nos patefaciet Deus, qui solum vult perpetuò misereri, punire nunquam? Qui & supplicia nobis ob eximiam humanitatem comminatur, & magnos habet paratos honores; ut cum timor, tum spes honoris rectà nos deduceret, & spes quidem ad virtutem excitaret, metus verò à vitiis deterreret. Non queo ab iniquitatis iudice avocare mentem, dum in illius mansuetudine, quæ præter naturam erat, inexplicabilem Dei humanitatem erga homines, amoremque contemplor. Nam si is, qui nihil unquam boni præstare voluerat, immutatus repentè, illius, quæ rogabat, misericordia commotus est; quantum felicitatis è cælo in nos precibus

## DE PRECATIONE. 141

cibus redundabit? Sanctarum igitur precationum robur, ac vim quivis facile cernet, qui quanta bonorum copia, diebus, atque horis singulis fruuntur ji, qui se quocunque tempore ad Dei pedes abjiciunt, consideraverit. Quis enim lucem Solis, Lunæ, atque Stellarum; cœli temperationem, varia ciborum genera, divitias, vitam, innumerabilia bona omnibus hominibus, & probis, & improbis à Deo æquè dari, & impertiri non videt? idque propter eximiam suam in nos benignitatem. Quod si eos qui minimè rogant, aut petunt, ita miseratur in dies, ac reficit; quantis bonis eos frui par est, qui in precibus, & obsecrationibus ætatem agunt. Jam verò quantus iustorum virorum sit numerus, quibus licuit piis precibus gentes, urbes, terrarum orbem conservare, vobis tandem aperiamus. Et quidem de precatione cum agitur, de Paulo primùm agendum est, de Paulo, inquam, illo, qui in Deo colendo, ac precando nunquam defatigabatur, communi patre, & principe servorum Christi. Ille igitur universi terrarum orbis custos assiduis precibus omnes  
gen-

gentes tutatus est; cum nobis ita testatum reliquerit; Propterea flecto genua mea ad patrem domini nostri Jesu Christi, unde omnis paternitas in cœlo, & in terra nominatur, ut det vobis secundum divitias gratiæ suæ, ut virtute corroboremini per spiritum ejus in interiori homine, ut per fidem Christus in cordibus vestris inhabitet. Vides igitur, quantum virium habeat, atque nervorum precatio, & obsecratio? Templâ Christi homines efficit. Atque ut auro, & lapidibus præstantissimis, marmoribusque domus regiæ constant; sic templâ Christi precationibus. Ut inhabitet, inquit, Christus in cordibus vestris. Quæ major precationis laus esse possit, quam quod Christi templâ ex ea fieri soleant? Quem non capiunt cœlestes orbes, is animo, qui in precatione vitam ducat, continetur. Cœlum est mihi sedes, inquit, terra verò scabellum pedum meorum. Qualem domum ædificabitis mihi, ait dominus, vel quis locus commorationis meæ? Qualem domum Paulus Sanctis precibus ædificavit? Flecto, inquit, genua mea ad patrem Domini nostri Jesu Christi,

ut

ut Christus per fidem in cordibus vestris inhabitet. Atque hinc etiam Sanctarum precationum vim quisque cognoverit: nam cum idem Paulus omnem orbem terrarum, quasi volucris aliqua pervolaret, in carcere versaretur, flagella perferret, catenas gestaret, in cædibus, ac periculis viveret, dæmones expelleret, homines à mortuis excitaret, morbos curaret; ad hominum tamen salutem harum rerum nulla confidebat, sed precibus terras communiebat, & post edita miracula, vitamque mortuis restitutam, ad preces recurrebat, non secus atque athleta ad pâlèstram, partà victoria. Etenim vitæ mortuis restituendæ, aliarumque rerum omnium vim precatio una supeditat. Quam enim vim in arboribus habent aquæ, eandem in hac vita Sanctorum virorum precationes. Noctu cum his animum Paulus irrigaret, difficultates facilè superabat, & plagis dorsum tanquam statua præbebat. Ita in Macedonia custodiam concussit; ita vincula precibus confregit, ut leo; ita carcêris custodem ab errore liberavit; ita dæmonum tyrannidem delevit, atque dissoluit.



luit . Et sanè nota sunt ea , quæ ad omnes homines scribit , ad orationem incumbite vigilantes in ea , in gratiarum actione : simul etiam pro me orate ; ut mihi sermo detur in apertione oris mei cum fiducia , ut loquar Evangelii mysterium . Quid ais ? tantam nobis audaciam preces tribuunt , ut Deo pro Paulo supplicare audeamus ? Quis miles regem pro summo duce audeat obsecrare ? At nullus miles regi ita charus , & amicus fuit , ut Paulus Deo . Sed tamen preces tantum nobis afferunt dignitatis , ut divinum auxilium Paulo implorare non dubitemus . Ita Petrus ille summus , cœlo splendidior , carcerem effugit ob suam quidem virtutem , probitatemque potissimum , & ob communem hominum salutem ; deinde verò Ecclesiæ deprecatio celeriter carceris fores aperuit : non enim temerè scripsit Lucas , preces pro Petro assiduas ab Ecclesia fusas , sed ut à nobis intelligeretur , quantam vim habeant preces in cœlo , ut à periculis Petrum , & Paulum eripiant , Ecclesiæ columnas , Apostolorum principes , in cœlo celeberrimos , terrarum orbis mœnia , com-  
mu-

mune totius terræ, marisque propugnaculum. Age verò Israëlẽ Mose in bellis qua ratione servavit? non ne arma quidem, & exercitum discipulo tradidit; ipse verò hostium multitudini preces opposuit? quippe, nos ut doceret, multò majorem in precibus justorum virorum, quàm in armis, equitatu, copiis vim inesse: propterea universus etiam exercitus, multaque hominum millia in Prophetæ precibus spem salutis habebant. Nam, precante Mose, Judæi victoriam reportabant; à precibus desistente, erant hostibus inferiores. Nos quoque si versemur in precibus, facile Diabolum superabimus: at si segniores simus, in nos hostem improbum exercemus. Atqui Mose populum quoque impia perpetrantem, una præcatione servavit; divinumque aspectum, & innumerabilia bona per preces tantum consequutus est: hæc enim illi vitam quoque conciliavit incolarum cœli persimilem. Precaio ignis vim superat, Leones edomat: quorum alterum Danieli, alterum tribus pueris contigit. Ex his igitur, ut arbitror, omnibus patet, quoscunque illa periclitantes

exceperit, eos facile impendentibus difficultatibus liberari. Precatio salutis est occasio, immortalitatis animorum conciliatrix, ecclesiæ murus firmissimus, propugnaculum inconcussum; terrori dæmonibus, piis nobis saluti. Hæc Sanctum vatem genuit Samuelem: nam, cum ad sobolem natura matri adversaretur; precatio exorta naturæ vitium repente correxit. Talis ex precatione fructus extitit, talen deprecatio vatem procreavit. Itaque celebris in Cælo Samuel factus est, cum Angelorum naturam, imitando, supra humanas vires expresserit. Oportuit enim, opinor, ut is, tanquam spica quædam precationis existeret, ceteris virtute, morumque integritate præstantior, eoque Sanctis hominibus, qui illum ætate præcesserant, superior esset, quò magis in segetibus quædam uberrimæ spicæ, atque altissimæ solent inter cæteras eminere. Hac David tot, ac tanta bella profligavit, non armorum strepitu, non hastarum conflictu, non stricto gladio, sed precationum præsidio communitus. Hac Ezechias Persarum multitudinem celeriter vertit in fugam.

gam . Et illi quidem ad evértenda  
 mœnia machinas adhibebant : ipſe  
 verò precibus mœnia muniebat . Ita-  
 que extinctum eſt bellum precatio-  
 ne , non armis , non tubæ clango-  
 re , terra ſanguine non aſperſa , exer-  
 citu conquieſcente , hoſtibus una pre-  
 catione perterritis . Precatio Ninivi-  
 tas etiam conſervavit , è cœlo concita-  
 tam iram repente ſedavit , deprava-  
 tam vivendi rationem ſubitò correxit .  
 Tantum enim precatio valet , ut ,  
 cum turpiſſimam , & improbiſſimam  
 vitam Ninivitæ duxiſſent , ea tamen  
 in civitatem ingreſſa , omnia com-  
 mutarit ; temperantiam , juſtitiam ,  
 amicitiam , concordiam , pauperum  
 providentiam , omniaque bona ſimul  
 attulerit . Nam quemadmodum re-  
 gina quæpiam urbem ingreſſa , om-  
 nes in eam divitiæ conſluent neceſ-  
 ſe eſt : ſic ubi precatio in animum  
 ſemel intrarit , virtutes eum omnes  
 comitantur . Quod enim eſt in do-  
 mus ædificio fundamentum , id eſt  
 in animo precatio . Itaque nos om-  
 nes hac primùm , tanquam baſi , ac  
 fundamento , in animo collocata ,  
 ſtrenuè oportet ædificare ; & tempe-  
 rantiam , manſuetudinem , juſtitiam ,

148 S. JO. CHRYS. DE PR.  
pauperum providentiam, Christique  
leges universas imponere, per  
quem, & cum quo Patri  
cum Sancto Spiritu glo-  
ria, & imperium  
per sæcula sæ-  
culorum.  
Amen.



SAN-



SANCTI  
 BASILII  
 MAGNI  
 IN S. BARLAAM  
 MARTYREM  
 ORATIO.

*Pomponio Brunello Interprete.*



Uctu Sanctorum homi-  
 num obitus, priscis tem-  
 poribus, & lachrymis  
 ornabatur. Jacobi mor-  
 tem Iosephus deflevit :  
 Moyfis interitum non mediocriter  
 luxerunt Judæi, ac multis Samue-  
 lem flectibus cohonestarunt. At nunc  
 in sanctorum virorum obitu exulta-  
 mus : Etenim post Crucem est mo-  
 lestiarum commutata natura. Non

amplius sanctis viris mortuis, ejulati-  
 bus, lamentationibusque parentamus;  
 verum ad eorum sepulchra divinas  
 quasdam choreas agimus. Mors au-  
 tem justorum somnus est, atque adeo  
 in meliorem vitam commutatio. Quo-  
 circa exultant martyres, quando ma-  
 ctantur. Nam vitæ beatioris amor,  
 dolorem mortis extinguit. Non dis-  
 crimina spectat martyr, sed victo-  
 rias, & coronas: non plagas horret,  
 sed præmia numerat: non infra fla-  
 gellantes carnifices, sed supra  
 Angelos acclamantes, mentis oculis  
 intuetur: non discrimen attendit,  
 momento temporis circumscriptum,  
 sed præmiorum æternitatem. Præ-  
 clarum etiam apud nos arrabonem  
 capit, quum ab omnibus divinis  
 laudibus celebretur, & innumerabi-  
 les mortales sibi devinctos capiat è  
 sepulchro. Hoc ipsum porro, ho-  
 dierna die generoso illi contigit Bar-  
 laamo. Etenim bellicum cecinit mar-  
 tyris, tuba militaris; & pietatis mi-  
 lites, ut cernitis, convocavit. Denun-  
 tatum est Christi militem adesse:  
 & ecclesiæ theatrum patefactum.  
 Atque ( ut fidelium Dominus ait :  
*Qui credit in me, etiam si mortuus*  
 *fue-*

*fuerit vivet*) moritur præclarissimus Barlaamus: & omnium ordinum, ac generum convocat cætus: conditus est monumento, & invitat ad epulas. Jam vero nobis tempus est exclamandi: Ubi sapiens? Ubi literatus? Ubi sæculi hujus inquisitor? vir nobis agrestis hodierno die proponitur, invictæ pietatis exemplum. Illum quidem tanquam facilem captu prædam Tyrannus attraxit: at post venationem militem insuperabilem agnovit. Illum incisim, ac rusticè loquentem irridebat: at eundem de rebus Angelicis alacriter agentem perhorrescebat, neque enim contraxerant mores cum linguæ instrumento barbariem: neque mens una cum syllabis claudicare cernebatur: verùm alter Pauluserat, qui cū Paulo dicebat: *etsi imperitus sermone, non tamen scientia*. Carnifices verberando torpebant: at martyr vegetior existerat. Verberantium manus enervabantur: at vapulantis animus, & ratio non flectebatur. Nervorum contextum flagella dissolvebant: at fidei robur vehementiùs intendebatur. Virgis effossa latera consumebantur: at mentis, consiliique philosophia ef-



florescebat . Maxima illius corporis pars interierat : & tamen vigeat , quasi nondum esset certamen aggressus . Etenim pietatis amore semel animus inflammatus , omnia bellorum genera facile ridet : Et quicumque illum divexant ejus causa , quem amat , oblectant potius , quam cruciant . Testis mihi Apostolorum amor , qui jucunda illis Judæorum verbera reddebat . *Ibant enim* , inquit , *gaudentes à conspectu concilii , quia digni habiti sunt pro nomine ejus contumeliam pati* . Talem se nobis , quem colimus , hodiernus quoque miles exhibuit : quum supplicia , & cruciatus duceret esse animi oblectamenta : quum censeret se flagellis , tanquam rosis quibusdam appeti : quum impietatis tenebras , tanquam tela declinaret : judicis iram fumi umbram putaret : satellitum acies efferatas rideret : in periculis , quasi in coronis , triumphisque choreas ageret : plagis , non secus , atque honoribus lætaretur : cruciatibus acerrimis , non aliter , ac præmiis amplissimis exultaret ; districtos gladios nihili faceret : carnificum manus , ut cera ipsa molliores exciperet : pati-

bu-

bulum, tanquam salutare amplecteretur : carceris claustris , tanquam pratorum viriditate oblectaretur : tormentorum commentis , tanquam florum varietatibus gauderet : igne, dexteram haberet fortiolem : quæ postrema illi est ab adversariis adhibita machina. Etenim ara ad Dæmonum libationem incensa , eo martyr adducitur : eumque manum resupinam attollere jubentes , pro aereo altari , abutuntur manu deflagrante , thure in eam astutè coniecto. Sperabant enim fore , ut ignis viribus manus expugnata, illicò thus in altare demittere cogeretur . O vafrum impiorum hominum , veneficumque consilium ! Quando, inquit , sexcentis animum vulneribus non fleximus : flectamus vel manum flamma pertinacis athletæ . Quando animum variis admotis machinis minimè concussimus , dexteram certè in ignem coniectam agitemus . Verùm hæc etiam spes homines miseros fefellit. Flamma enim manum excedebat : at manus flammam , quasi cinerem gestans , persistebat . Non terga vertit , more fugitivorum , igni oppugnant : sed

contra flammam præstitit immota strenuèque decertans, atque illas prophetæ voces martyri suggerens : *Benedictus Dominus Deus meus, qui docet manus meas ad prælium, & dignitos meos ad bellum.* Ignis manui applicabatur : at ignis ex pugna discedebat inferior : lucta flammæ, cum martyris dextera intercedebat, sed novam quandam victoriam dextera ex certamine referebat ; dum flamma mediam manum trajiceret ; manus tamen adhuc se intentam præberet ad luctam. O manus, quæ ignem superare contendit ! O manus, quæ se igne flecti nescit ! O ignis, qui dextera didicit superari ! Ferrum mollescit, atque ignis potentia, imperioque succumbit : ipsa lapidum durities igne vinci consuevit ; & tamen ignis robur, quò cuncta violantur, nunc martyris manum extensam comburendo non flectit. Enimverò Dominum jure martyri fas est his vocibus compellare : *Tenuisti manum dexteram meam, & in voluntate tua deduxisti me, & cum gloria suscepisti em.* Quo tandem te nomine generose Christi miles appellem ? num statuam ? at illa fortitudine tua mul-  
to

to inferior est: illam enim, si semel ignis occupet, emollit: dexteræ tamen tuæ non persuasit, ut vel paululum commoveretur. Quod si te ferreum nominem: hujusmodi quoque similitudinem fortitudinini tuæ imparem esse comperio. Tu enim unus flammæ, ne manum violaret, persuasisti. Tu unus altaris loco manum habuisti: tu unus dæmonum faciem, flagrante dextera, cæcidisti. Ac tum quidem adusta manu, illorum capita labefactasti: jam verò, hac eadem in cinerem redacta, eos inspergens, illorum copiis tenebras cæcitatis offundis. Sed quid ego herois laudes pueri more balbutientis obscurem? Hunc igitur cæteris, qui sint eloquentiæ ornamentis illustriores, celebrandum relinquamus. Oratorum præstantiorum artificium, vocem, ac latera ad illum uberiore verborum copia exornandum alliciamus. Eja nunc præclari pictores athleticorum facinorum, hanc à me vix adumbratam ducis imaginem vestro artificio perpolite. Coronatum pugilem à me obscurius adumbratum, vestræ sapientiæ coloribus illustrate. Discedam pictura vestra

superatus, qua quidem res martyri  
 præclare gestas expresseritis. Gau-  
 deam ego me hodierna die, hujus-  
 modi vestra virtute devictum. Cer-  
 nam manum cum igne colluctantem  
 à vobis describi luculentiùs: cernam  
 in imagine vestra luctatorem illu-  
 striùs, expressum. Doleant vel nunc  
 dæmones præclaris se apud nos mar-  
 tyris facinoribus verberari, ostenda-  
 tur illis rursus ardens manus, & vi-  
 ctrix. Appingatur etiam tabulæ  
 certaminum præfectus, & ar-  
 biter Christus, cui glo-  
 ria sit in omnem  
 æternitatem.  
 Amen.





EJUSDEM SANCTI

BASILII

MAGNI

ARCHIEPISCOPI

Cæsareæ Cappadociæ

DE SANCTO GORDIO

MARTYRE

ORATIO.

*Eodem Pomponio Brunello Interprete.*



Atura est hoc apibus infi-  
tum, ut ex alvearibus an-  
te non prodeant, quam  
earum Rex Ducem se ipsis  
præbeat ad volandum. Quare quum  
Domini populum videam ad flores

coe-

cœlestes , nimirum Martyres ; pro  
 deumtem ; ductorem requiro . Quis  
 magnum hoc examen excitavit ?  
 Quis hibernum mœrorem in veris  
 convertit hilaritatem ? Nunc enim  
 primùm , populus tanquam ex ur-  
 bis alvearibus effusus , suburbanum  
 decus , & grave hoc , præclarumque  
 Martyrum stadium , ex omnium ge-  
 nerum , ordinum , ætatum homini-  
 bus occupavit . Quoniam igitur etiam  
 nos excitans Martyris huc admirabi-  
 litas adduxit nostræ infirmitatis obli-  
 tos ; eia ipsi quoque pro viribus in  
 hujus viri rebus gestis , tanquam in  
 aliquo flore , bombum instar apis ,  
 edamus . Ita enim & piè nos agemus ,  
 & jîs gratificabimur , qui adsunt .  
 Etenim quum justus laudatur , læta-  
 buntur populi , ut nobis audientibus  
 modò sapiens ille Salomon testaba-  
 tur . Veruntamen non satis mihi con-  
 stare potuit , quidnam velit hujusmo-  
 di ænigmate proverbiorum auctor in-  
 dicare . An quod , quum orator gra-  
 vis , aut scriptor vehemens oratio-  
 nem habet accommodatam ad admi-  
 rationem in auditorum animis effi-  
 ciendam ; & velut Echo lepidè , ac  
 scitè perstrepernte , aures personant ;  
 oble-

oblectari populos ait : dum inventionem, ac dispositionem sententiarum, verborum ornatum, numerorum concentum, plausumque percipiunt ? An id nequaquam dixit, qui hujusmodi verborum genere nusquam sit usus, neque nobis suaferit, ut in beatis viris collaudandis ( quod in panegyricis fieri solet ) orationis pompam ostentemus, qui pedestre semper, ac tenue orationis genus, & vocis in affectatam, naturalemque rationem potissimum adamavit ? Quid igitur illud est, quod ait ? lætari nimirum populos lætitia spiritali, una rerum bonis viris rectè gestarum recordatione, ad quas æmulandas, & imitandas audiendo permoventur. Etenim insignium virorum historia, quasi lumen aliquod ad vitæ rationem jis, qui sunt salutis participes, ostendit. Nam ut Moyfis vita, Spiritu sancto narrante, ad aures nostras perfertur, statim ejus virtus amorem in nobis excitat sui ; & illius mores placidi, ac mites imitatione omnibus videntur, ac prædicatione dignissimi. Aliorum enim hominum laudationes, verborum amplificationibus constant : at bonis viris rerum gestarum veritas



tas satis est ad eximiam ipsorum virtutem declarandam. Quocirca dum eorum vitam persequimur, qui pietate præstiterint: primùm quidem Dominum ipsum famulis celebrandis extollimus: deindè earum rerum laudibus, quas novimus, sanctis viris testimonium damus: populos demùm, rebus honestis, ac præclaris audiendis, exhilaramus. Est enim vita Josephi ad temperantiam colendam incitamentum: & ad fortitudinem ea nos, quæ de Sampsonè dicuntur, hortantur. Non ergò laudationum legibus divina schola subjicitur; sed laudationum loco ducit rerum gestarum testimonium. Quippe quod & ad laudem viris sanctis, & ad emolumentum sit satis jis, qui ad virtutem contendunt. Etenim laudationum lex est patriam exquirere, indagare genus, & vitæ institutum percensere. At leges nostræ propinquorum rationes reticent, & ex jis, quæ sunt cujusque propria, testimonium adornant. Cur enim propterea sim ipse præstantior, & gravior; quòd olim patria in difficilibus certaminibus, magnisque discriminibus versata, trophæa præclara in hostes erexit?

erexit ? Quid , si opportunitate loci rectè se habeat : ita ut sit ad hyemis , æstatisque molestias vitandas , ac tolerandas idonea ? Quid , si eadem sit & hominum ferax , & ad pecoris pabulum fertilis ? quæ inde tandem in me redundat utilitas ? At etiam equorum gregibus cæteras vincit . Quid hæc nos meliores , ac probiores effecerint ? An fortè montis item finitimi cacumina recensentes , quòd superent nubes , & in celsam cœli regionem asurgant , nos ipsi fallemus , ac si hujusmodi rebus hominum laudes hauriamus ? Stultum profectò est , quum universa hæc terrestria spreta sint à bonis viris , ac pro nihilo habita , eorum à nobis laudationes ex paucis quibusdam rebus neglectis , atque abjectis expleri . Quamobrem rerum commemoratio satis est nobis ad utilitatem perennem . Neque enim illis opus est ad existimationis , ac dignitatis accessionem verborum amplificatio : sed nobis est , qui in hac vita versamur , ad imitationem necessaria recordatio . Nam ut ignem lux , & unguentum suapte sponte fragrantia sequitur ; ita rectè facta necessario consequitur emolumentum . At-

qui

qui ne id quidem exiguum est omnino putandum; si eorum, quæ tum gesta sunt, veritatem assequamur: fama enim quædam ad nos obscura pervenit: quæ hujus viri fortitudinem in certaminibus exhibitam conservat. Ut nescio quo modo idem nobis, quod pictoribus, contigisse videatur. Illi enim si quando ex imaginibus imagines pingendo describunt; à prima illa effigie, aberrant ferè longissimè: nos item, quibus ipsis rerum spectaculo interesse non licuit, non leve credo periculum proponitur, ne veritatem non satis assequamur. Verùm quoniam dies illuxit, quæ martyrem in memoriam revocet, qui palam ut daret Christo testimonium, decertavit, quæcumque novimus, afferamus. Natus est ille quidem in hac urbe: id, quod majorem nobis erga ipsum amorem, studiumque conciliat: quòd ad nos ejus laus, ac decus permanere videatur. Nam ut ex arboribus frugiferis quicumque fructus efferuntur, in terram, qua aluntur, recidere, deponique solent; ita quum hic ex patriæ nostræ visceribus extiterit, & summam sit gloriam consecutus; illi

illi ipsi patriæ, quæ illum protulit, atque aluit, suos attribuit pietatis fructus percipiendos. Nam præclari quidem illi quoque sunt fructus, quos tellus longinqua produxit; si quidem & ad vescendum jucundi, & ad alendum sint accommodati; multo tamen jucundiores sunt nostrates, & nativi, quàm externi, atque adventitii, quippe qui ornamentum nobis, ac decus quoddam afferunt, eo quòd nobis domi nascantur. Ille verò in militum numerum illustris exercitus, adscriptus, ut Centurionis esset etiam munus illi commissum, quum & corporis robore, & animi fortitudine cæteris omnibus antecelleret, qui militiæ nomina dedissent; illius temporis tyrannus animi acerbicatem, ac sævitiam ad oppugnandam quoque ecclesiam intendit, & contra pietatem, & cultum divinum manum extulit impiam, atque sacrilegam. Ubique proponebantur edicta, ac toto foro, locisque omnibus celeberrimis promulgabantur decreta: ne Christo divinus cultus adhiberetur, illis etiam morte proposita, qui eum venerari auderent. Contra verò jubere

bebantur omnes Deorum simulacra  
 colere, illosque credere Deos, qui:  
 è lapidibus, ac lignis sculpendi ar-  
 te essent expressi, ac deformati.  
 Alioquin in eos, qui detrectarent im-  
 perium, quique id agere recusarent,  
 extrema erant supplicia constituta.  
 Totam porrò urbem confusio, ac per-  
 turbatio, piorumque virorum di-  
 reptiones invaserant. Eripiebatur res  
 familiaris: verberibus Christum co-  
 lentium corpora cædebantur. Per me-  
 diam urbem foeminae pertrahebantur:  
 non miserationem faciebat juvenus:  
 non venerationem habebat senectus.  
 Sed qui nihil peccaverant, facinoroso-  
 rum subire supplicia cogeantur: car-  
 ceres angustabantur: domus erant o-  
 pulentorum desertæ: solitudines pro-  
 fugis complebantur: Unum verò cri-  
 men erat eorum, qui hæc perferebant,  
 religio. Filium prodebat pater: patrem  
 filius indicabat: mutuò inter se fra-  
 tres insaniebant: famuli in Dominos  
 irruebant: atra quædam nox, ac fu-  
 nestæ omnes invaserat, quum nemo  
 quenquam agnosceret, mentibus oc-  
 cupatis, ac læsis nefario diaboli cona-  
 tu, atque consilio; sacræ disturbaban-  
 tur ædes impiorum manibus: ever-  
 te-

tebantur altaria. Nulla erat oblatio : nullum incensum , sacrificium : nullum , nullus primitias offerendi locus : sed mœror gravis , quasi nubes quædam occupaverat universa . Ejiciebantur divini numinis cultores ; omnis pietatis libertas exterrebatur . At dæmones choreas ducere , omnia nidore , & cruore polluere . Tum vir hic generosus judiciorum necessitatem antevertens , abjecta toga , solum mutavit : spretis honoribus , aspernatus gloriam , divitias varias , affinitates , amicos , familiares , voluptatem vitæ ; res denique omnes , quæ maximè sint hominibus expetendæ , se in abditissimas , & ab omnium accessu remotissimas solitudines abdidit : satius arbitratus ad animi tranquillitatem vitam agere cum belluis , quam ullum cum idololatriæ habere commercium ; Helix illius exemplo , qui Zélotes est dictus , qui , ut idololatriam vidit Sidone dominantem , secessit in montem Chorebum : & in spelunca , perquirendo Deo , tandiù vitam egit , quoad aspexit , quem aspicere maximè concupivit . Talis Gordius fuit , dissensiones civiles declinans , tumultus  
fo-

forēſes, Principum faſtus, Judicium  
 confeſſus, calumniatores, vendito-  
 res, emptores, jurantes, mentien-  
 tes, turpem ſermonem, dicacita-  
 tem, aliaque omnia, quæ tanquam  
 ſarcinas attrahunt urbes, multitudi-  
 ne civium refertæ: & ſimul aures,  
 atque oculos, in primis verò men-  
 tem, atque animum expians; ut &  
 Deum cernere poſſet; & fieri bea-  
 tus: eum contemplationum benefi-  
 cio cernebat, non ab hominibus in-  
 ſtitutus, ſed veritatis afflatus ſpiri-  
 tu, divinis myſteriis imbuebatur.  
 Ergo cum vitæ hujus illum ſubjiſſet  
 cogitatio, quam ſit inutilis, quam  
 inanis, & ſomno, atque umbra qua-  
 vis exilior, acriore vocationis ſu-  
 pernæ ſtudio elatuseſt. Ac tanquam  
 athleta ſe ſatis inſtitutum, ac pa-  
 ratum intelligens, ad certamen  
 jejuniis, vigiliis, deprecationibus,  
 aſſidua, & nunquam intermiſſa ſpiri-  
 tus ſancti oraculorum commenta-  
 tione, hodiernum diem observa-  
 vit: quo urbs univerſa, effuſo po-  
 pulo, diem dæmoni belli ſtudioſo,  
 ac patrono ſacrum, feſtumque pera-  
 gens, ludis operam dabat, eque-  
 ſtri ſpectando certamine. Quare  
 quum

quum totus populus convenisset ,  
 ubi non Judæus aberat , non Græ-  
 cus, quibus se non exigua Christia-  
 norum multitudo adjunxerat : qui  
 vitam incautè traducebant, & con-  
 fidebant, ipsi quoque in eo confessu,  
 ubi nullum erat consilium , nulla  
 prudentia : neque aversebantur im-  
 proborum hominum coetus , qui tunc  
 aderant, equorum celeritatem, au-  
 rigarumque peritiam intuentes. Quin  
 etiam famulos domini vinculis rela-  
 xarant, & è gymnasiis pueri ad spe-  
 ctaculum convolarant . Neque verò  
 vulgares fœminæ deerant, ac minus  
 insignes. Erat stadium refertum, &  
 omnes jam in equorum certamen a-  
 nimos intendebant. Tum verò gene-  
 rosus ille vir , atque alta quadam  
 mente præditus , è cellis montibus  
 in theatrum descendens, non popu-  
 lum horruit: non secum reputavit,  
 quam sese multorum hostium in ma-  
 nus traderet: sed forti animo, atque  
 constanti eos, qui confidebant in sta-  
 dio , tanquam petras quasdam con-  
 tinentes, aut multas arbores præte-  
 riens in medio constitit, verba confir-  
 mans paroemiaſte: Juſtus confidit ut  
 leo: tantaque erat in eo animi ma-  
 gni-



gnitudo, atque ab omni metu remota, ut quum esset in aperto theatro, imperterrita libertate in ea verba proruperit, quæ adhuc nonnulli sunt, qui audiere, superstites. *Inventus sum à non quærentibus me, palam apparui jis, qui me non interrogabant*; quibus verbis ostendit, se in discrimina non necessitate coactum vocari; sed spontè incertamen descendisse, Domini vestigia persequutum, qui nocturnis tenebris, quum à Judæis non agnosceretur, se ipse patefecit. Quamobrem ex inopinato, admirandoque spectaculo, theatrum in se unum convertit, vir alioquin agrestior aspectu, ob assiduam in montibus commorationem, squalore obstituto capite, promissa barba, vestitu sordido, toto corpore obrigescente, bacillum manu gestans, humerisque appensam peram: quæ tamen omnia, venustate quadam ex occulto perfusa, hominem illustrabant. Ergò ubi constitit omnibus quis nam esset, vox illicò confusa est ab omnibus excitata, tum eorum, quibus fides erat cum illo communis, quòd nimia plauderent lætitia, tum eorum, qui veritatem oppugnabant, ut ad illius

cæ-

cædem judicem incitarent, eumque suæ vocis præjudicio condemnarent. Personabant igitur omnia clamore, ac tumultu: despiciebantur aurigæ; curruum ostentatio, ac pompa frustrâ perstrepebat. Nullius enim oculis aliud quidpiam præter Gordium spectandi dabatur otium, neque aliud poterant omnium aures nisi ejus verba percipere. Strepitu quodam obscuro, veluti quadam aura toto theatro volitante, Circus personabat. At silentio per præcones populo indicto, illicò tibiæ consopitæ, illicò variorum concentuum instrumenta conticuerunt. Audiebatur Gordius, in Gordium omnium oculi convertebantur. Tum verò confestim ad magistratum ibi confidentem, ludosque moderantem abreptus est. At primò quidem humaniter, ac placidè, quissnam, & cujas esset interrogatur: ubi verò patriam protulit, genus, & gradum dignitatis, qua erat ornatus, fugæ causam, & reditum: & adsum, inquit, reipsa tum decretorum vestrorum contemptionem, tum fidem in Deum, in quem credidi, demonstraturus. Etenim perlatum est ad me, ait, multis te immanita-

H

te

*quoniam tu mecum es*, aliaque horum similia, quæ ad fortitudinem cohortantur, quæ divinis erat oraculis edoctus: & quidem tantum aberat, ut minis ille cederet, ac metu terreretur; ut vel in se supplicia provocaret. Quid cunctamini, ait, quid cessatis? Dilaceretur corpus, torqueantur membra, discrucientur, ut vobis lubet: ne mihi beatam spem invideatis: quo enim me gravioribus suppliciis afficitis, eo mihi majora præmia comparatis. Commercia nobis hæc sunt, permutationesque cum Domino; pro vibicibus, quæ existant in corpore, indumentum in Resurrectione clarissimum efflorescet: pro dedecore coronæ succedent: pro carcere Paradisus, pro damnatione, qua cum facinorosis mulctamur, Angelorum consuetudo. Serite in me plurima, ut multiplicem fructum, atque uberrimum demetam. At, ubi minis, ac suppliciorum metu hominem capere non potuerunt, illum demulcere, agendi ratione commutata, cœperunt, hoc enim est artificium diaboli, meticulousum terret, fortem emollit: cujus modi tunc artibus, ac dolis versutus

utebatur : ubi enim ipsum minis videt non cedentem , fraudibus , atque illecebris circumvenire conatur ; munera partim pollicetur , partim defert : alia ei regis nomine spondet , in exercitu splendorem , facultatum vectigalia , denique quicquid expeteret . Ubi verò frustra se tentare animadvertit , ( auditis enim promissis vir beatus , ejus dementiam deridebat : siquidem quippiam se daturum esse cenleret , quo cœleste Regnum compensaretur ) tum verò impotens iræ stringit gladium , carnificem sistit , manu , & lingua cædem intentans , beatum virum capite damnat . Porro illuc totum theatrum deflexit , & quicumque reliqui fuerant incolæ , extra mœnia effusi magnum illud , æmulandumque certamen intuebantur , Angelis , totique mundo admirandum , funestum diabolo , dæmonibus horrendum . Urbs civibus exhausta est , quum hominum multitudo eo repentè , torrentis instar confluxisset : non fœmina se privari spectaculo passa est , non vir si ve obliquus , si ve insignis . Prodibant ædium custodes , patebant mercatorum officinæ : projectæ jacebant in  
fo-

foro res venales: una erat omnium custodia, una tutela in eo sita, ut omnes æquè ita prodirent, ut ne scelestus quidem ullus in urbe remaneret. Dominorum cultum famuli deferrebant: quicunque inquilini, quicunque indigenæ aderant, eò se ad virum illum spectandum conferebant. Tunc in virorum conspectum virgo prodire non verita, & senes, atque ægri imbecillitati corporis vim afferentes, extra mœnia egressi sunt. Jam verò, quum virum beatum per mortem ad vitam contendentem, familiares, ac necessarii convenissent, eum complectebantur venerantes, & extremum vale dicentes cum gemitu supplices, vimque lacrymarum profundentes, obtestabantur, ne se se in ignem projiceret, ne juventutem suam immatura morte pessundaret, ne se jucunda hac lucis usura privaret. Alii verò eum consiliis in speciem probabilibus in fraudem impellere nitebantur. Verbo tantum agebant, inficias ito, animo verò fidem retine ad arbitrium tuum. Omnino non linguam Deus, sed loquentis mentem attendit: ita enim tibi & judicis hujus animum mitigare lice-

bit , & Deum habere propitium .  
 At verò ille nec flecti , nec frangi ,  
 nec ullo tentationum ictu vulnerari  
 poterat . Per similem ejus animi forti-  
 tudinem invictam diceret . illius viri  
 prudentis . ædibus , quas neque vento-  
 rum impetus acerrimi , neque imbres  
 maximi è nubibus erumpentes , neque  
 torrentes irruentes possunt , quòd in  
 petra firmissima jecerit fundamen-  
 ta , convellere . Ejusmodi erat vir  
 ille , qui firmamentum immotum in  
 Christo per fidem tueretur : qui men-  
 tis oculis interim circumcursantem  
 diabolum cerneret , lacrymas aliis  
 excitantem , aliis ad fidem faciendam  
 opitulantem . At ille quidem objecit  
 Domini verbum : *Nolite flere super*  
*me* : sed flete super eos , qui Deo ad-  
 versantur , & qui talia in eos moliri  
 non dubitant , qui religionem , ac pie-  
 tatem colunt : qui gehennæ ignem  
 sibi ipsi comparant per hujusmodi  
 ignem , quem nobis accendunt . Desi-  
 nite deplorare , mihi que animum la-  
 cerare : equidem non solum ad unam  
 mortem , sed ad sexcentas , si fieri  
 posset , perferendas pro Domini Iesu  
 nomine sum paratus . At jis , qui ut  
 lingua abnegaret , suadebant , id u-  
 num

num respondebat : linguam videlicet à Christo conditam non pati à se quidpiam contra conditorem proferri .  
*Nam corde credimus ad justitiam , ore autem confessio fit ad salutem .*  
 An fortè desperanda salus est ordinis militaris ? nullus ne religiosus Centurio reperietur ? Reminiscor Centurionis primi , qui cum Christi cruci adstaret , ex rebus admirandis , divinæ potentix cognitionem adeptus ; quum recens adhuc esset nefarium Judæorum facinus , neque illorum iracundiam timuit , neque subterfugit ; quo minus id , quod verum erat , palam prædicaret : sed confessus est , & non negavit : *quia verè filius Dei erat iste .* Alium quoque Centurionem novi , qui adhuc vivum Dominum agnovit , & copiarum Regem , & jussu tantum per spiritus sibi deservientes posse deprecantibus opem ferre : cujus etiam fidem Dominus majorem esse vniuersi fide Israelis asseruit . Nonne Cornelius , quum esset ipse Centurio , Angeli conspectu dignus est habitus , ac salutem tandem est , Petri beneficio , consequutus ? Nam ejus eleemosynæ à Deo fuerant , & preces auditæ . Illorum ego volo esse

discipulus. Qua ratione igitur Deum meum negabo, quem à pueritia colui? nonne Cœlum desuper perhorrescet? nonne me astra tenebris involuent? Nonne me obruet terra dehiscens? Nolite errare, Deus enim non irridetur: ex ore nostro nos iudicat: ex verbis absoluit: ex oratione condemnat. Nonne metuendas Dei minas legistis? Nempe qui *me negabit coram hominibus, negabo & ego eum coram patre meo, qui est in Cœlis*. Cur mihi, ut ista callidè dissimulem, & e mentiar, suadetis? An fortè, ut me ipsum hac arte potissimum liberem? ut paucorum dierum lucro vitam prorogem? at totius jacturam faciam æternitatis. An ut corporis ærumnas, & labores effugiam? at justorum hominum bona non videbo. Apertæ dementiæ est, artificiosè perire, seque in æterna supplicia per scelus, fallaciamque conjicere. At vobis do etiam ipse consilium; si quidem malè sentitis, percipite animis religionem. Quod si pro tempore dissimulatis; abjecto mendacio loquimini veritatem: Dicite, Dominus Iesus Christus in gloria est Dei patris. Hanc enim vocem omnis edet



det lingua, quando in nomine Iesu omne genuflectetur, cœlestium, terrestrium, & infernorum. Mortales quidem sunt omnes homines, at martyres pauci. Ne patiamur nos fieri mortuos; sed de vita in vitam commigremus. Cur mortem sua sponte advenientem expectatis? Caret fructu, caret lucro, hominibus est cum pecudibus communis. Etenim qui nascendo sunt in hanc vitam ingressi, eos vel tempus absorbet, vel morbus dissolvit, vel major quæpiam vis, ac necessitas abripit. Quoniam igitur moriendum est omnibus, vitam nobis morte comparemus: facite volentes, quod est necessario faciendum. Nolite vitæ parcere, cujus est privatio necessaria, quanquam si res humanæ pariter perdurarent, studendum tamen esset, ut eas cum cœlestibus commutarem. At si brevi sunt permansuræ, si ab illarum dignitate longissimè distant; maximæ est, gravissimæque dementiæ, propter earum cupiditatem eorum bonorum facere jacturam, quæ in beata vita speramus nobis esse proposita. His dictis, crucis signo communitus; ad mortiferam plagam accipiendam perrexit:

neque colore ulla ex parte immutato, neque hilaritate vultus imminuta. Ita enimerat affectus, non ut is, qui esset in carnificis potestatem venturus: sed ut se in Angelicas manus traditurus: à quibus se tanquam Lazarum alterum è recenti nece receptum, in beatam vitam translatum iri sciebat? Quis illius populi clamorem persequatur? quod non tonitru, tantum aliquando è nubibus in terram sonitum demisit; quantus ex jis, qui erant in terris tunc est elatus in Cœlum? hoc est victoris illius, & corona donati curriculum. Hæc dies spectaculum illud admirandum vidit, quod neque tempus obscuravit, neque consuetudo dissolvit, neque ulla posteritas abolevit. Vt enim Solem semper suspicientes, semper admiramur; ita & viri illius recentem semper memoriam conservamus. *Nam in memoria eterna erit justus*; sive apud eos, qui versantur in terris, quamdiu terrarum stabit orbis, sive in cœlis, sive apud justum Judicem, cui gloria, & imperium in æterna tempora debetur. Amen.



Ejusdem Archiepiscopi

SANCTI

BASILII

MAGNI

IN QUADRAGINTA

MARTYRES

ORATIO.

*Eodem Pomponio Brunello Interprete.*



Cqua tandem satietate,  
commemorationis marty-  
rum studiosus marty-  
rum teneatur? Nam qui  
honor probis conservis  
habetur, is amorem in communem  
dominum declarat. Neque enim est  
obscurum, eum, qui claros viros am-

H 6 ple-

plectatur, & probeat, eorum vestigia,  
 ubi res tulerit, persequuturum. Bea-  
 tum illum prædica, qui martyrii  
 coronam est adeptus, ut voluntate,  
 & consilio ipse martyr evadas, di-  
 gnusque sis, cui sine pressura, sine  
 igne, sine flagellis, eadem laus, ac  
 merces persolvatur. Nobis verò non  
 unus proponitur admirandus, non  
 duo tantum, neque ad decem usque  
 laudandorum numerus ascendit: ve-  
 rum quadraginta quasi unum ani-  
 mum una conspiratione, & fidei  
 consensione distinctis corporibus com-  
 plexi unam, eademque ad res du-  
 ras, & asperas fortitudinem, unam  
 pro veritate contentionem præsetule-  
 runt. Omnium erat una mens, om-  
 nes unum, atque idem sentiebant,  
 unum studebant; una omnium pu-  
 gna, atque certamen fuit; eodem igitur  
 gloriæ præmio jure optimo do-  
 nati sunt. Quis igitur eorum digni-  
 tatem dicendo consequatur? ne qua-  
 draginta quidem linguæ tot, tanto-  
 rumque virorum virtutem satis col-  
 laudare queant. Quod si vel unus  
 esset nobis laudandus, nostram ta-  
 men dicendi facultatem facile supe-  
 raret, non modò tanta multitudo,  
 mili-

militaris phalanx, insuperabilis manipulus, cum in bellis invictus, tum quavis laudatione superior. Age verò in medium ipsos huc, eorum repetenda memoria, proferentes, communem, quæ ex eis promanat, utilitatem proponamus iis, qui adsunt: eorum præclara facinora tanquam in tabula describentes, quandoquidem quæ fortiter, feliciterque etiam in bellis gesta sunt, tum historiici sæpenumerò, tum pictores adumbrant, atque exprimunt: illi quidem ornatu verborum, hi verò tabularum pictura: atque ita multos ad fortitudinem excitant; quæ enim ex historia in auditorum animis inferit per auditam oratio, ea pictura tacens imitando demonstrat. Ita igitur nos quoque horum virtutem in eorum mentes, qui adsunt revocabimus, & eorum facta quasi in aspectum proferentes, ad imitandum illos, potissimum concitabimus, in quibus generosior est, & horum similior animus, ac voluntas: Martyrum enim laudatio eò spectat, ut auditores ad virtutem cohortetur. Neque enim orationes, quæ de sanctis viris habentur, encomiorum te-  
le.

legibus teneri patiuntur . Nam qui laudationes instituunt ex hujus mundi rebus exordiorum capita petere solent; at quibus mundus est crucifixus, qua tandem ratione res hujusmodi materiam illis dicendi supeditarent? Non una fuit hisce sanctissimis viris patria; nam alii aliunde orti erant. Quid? extorres igitur illos appellabimus? an mundi cives? nam ut in pecuniis collectitiis quidquid à singulis confertur, commune eorum fit, qui illud conferunt: ita horum beatorum virorum uniuscujusque patria omnium communis est; & omnes undique sunt tradentes sibi mutuo patrias singuli singulas. Vel ut melius dicam, cur patriæ sint in terra positæ perquirendæ, quum illam ipsam eorum esse civitatem, ac patriam, cujus nunc sunt incolæ, intelligere liceat? Ergò martyrum civitas, Dei civitas est, cujus opifex, & conditor Deus, Hierusalem superior, libera, Pauli, omniumque ejus similiū mater. Genere verò, quatenus homines, alii alio orti erant: At quod ad spiritum spectat, unum erat omnium genus, nam communi patre nati Deo,

&

& omnes fratres , non ex uno , & una geniti , sed ex adoptione Spiritus sancti in charitatis conjunctionem cooptati : chorus paratus , magnum eorum , qui post homines natos honorem Deo detulerunt , additamentum : non sigillatim congregati , sed repente translati . Quæ porro fuit ratio translationis ? Hi quum corporis magnitudine , atque ætatis robore , ac flore omnibus æqualibus antecellerent ; jussi sunt nomina in militiam dare : quippe qui , & propter militarem peritiam , & propter animi fortitudinem , primos jam erant apud reges honores adepti , iidemque erant propter virtutem celebres apud omnes . Ubi verò sacrilegum illud , & impium edictum promulgatum est , ne Christum homines confiterentur , alioquin jis supplicia esse subeunda : quum omnia cruciatuum genera intentarentur : quum vehementi iracundia , & efferata acerbitate adversus pietatis cultores iniqui judices concitarentur , insidiæ in eos , dolique struerentur , varia quæstionum genera compararentur , carnifices implacabiles , ignis esset in promptu , exacueretur gladius , crux de-

defigeretur, fovea, rotæ, flagella expedirentur: alii profugiebant, alii succumbebant; percellebantur alii; nonnulli antequam periculum facerent, vel minis ipsis deterrebantur: alii trepidabant, ubi ad supplicia propius accessissent: alii certamina jam ingressi, cum deinde usque ad finem laborum perdurare non possent, in media pugna turpiter animos abicientes, non secus, atque ii, qui in mari tempestate jactantur, si quas jam haberent patientiæ merces, earum jacturam turpiter faciebant. Tum verò invicti illi, ac generosi Christi milites in medium prodeuntes, cum magistratus, regiis literis prolatis, exigeret obedientiam: voce libera, audacter, ac fortiter, nihil eorum, quæ cernuntur metuentes, nullis comminationibus territi, Christianos se esse proclamaverunt. O linguas beatas, quæ sacram illam vocem pronunciarunt! quam quidem excipiens aer consecratus est, Angeli audientes applauferunt, quæ diabolus est cum dæmonibus vulneratus, quam Dominus in cælo descripsit. Unusquisque igitur ex iis in medium prodians ait,



ait, Christianus sum: atque, ut jū,  
 qui in stadiis versantur ad certamen  
 prodeunt, simulatque sua quisque  
 nomina proferunt, in locum certa-  
 minis migrant; ita etiam tunc hi,  
 abjectis nominibus, quæ in ipso or-  
 tu fuerant ipsis imposita (à commu-  
 ni omnium conservatore singuli  
 nomen ducebant) idque ita præsti-  
 terunt omnes; ut eum, qui præivit,  
 deinceps singuli sequerentur ex or-  
 dine. Quare uno omnes nomine  
 nuncupati sunt: non enim hoc, vel  
 illo nomine, sed Christianos se uni-  
 versi contenta voce nominabant.  
 At quidnam ille, qui eo tempore  
 dominabatur? (sævus enim erat,  
 & astutus) blanditiis partim eos ag-  
 gredi, partim deterrere minis. Pri-  
 mum quidem eos illecebris demul-  
 cens, pietatis robur labefactare co-  
 nabatur. Nolite (ait) juventutis ve-  
 stræ proditores esse; neque mortem  
 intempestivam cum hac jucunda vi-  
 ta commutare. Turpe enim est, qui in  
 bellis præclarè se gerere consueve-  
 runt, eos mortem obire scelestorum.  
 Ad hæc opes alias pollicebatur, a-  
 lias tribuebat; honores illis à rege,  
 magistratuum distributiones: sexcen-  
 tis.

tis denique illos commentis oppugna-  
bat . At ubi manus ipsi , hac admo-  
ta machina , non dederunt ; alterum  
machinæ genus aggreditur : verbera  
ipsis , & mortem intentare , & in-  
tolerabilium cruciatuum faciendum  
esse periculum confirmare . Atque il-  
li quidem hæc : martyrum verò quæ ?  
Quid ( ait eorum quispiam ) blan-  
diris nobis , Dei hostis , ut à Deo  
vivo deficiamus , ac perniciosus , fu-  
nestisque dæmonibus operam nave-  
mus , tuis bonis propositis , scilicet ?  
Quid enim nobis tantum tribuis ,  
quantum conaris eripere ? odi munus ,  
quod mihi afferat detrimentum : odi  
honorem dedecoris parentem : fortu-  
nas caducas , fluxasque largiris , glo-  
riam deflorescentem : Regi me con-  
cilias , & me à Rege vero alienas .  
Quid accuratiùs de rebus minimis dis-  
ferens pauca quædam ex terra pro-  
ponis ? universus à nobis mundus iste  
despicitur . earum rerum expectatio-  
nem petimus , ea , quæ oculis  
non adæquantur . Cœlum  
quam viderum aspectu ,  
numquam orbem ter-  
ræ continen-  
torum , cum  
ho-

hominū iustorum beatitudine conferri potest : hæc enim prætereunt , nostra verò permanent . Vnum expeto munus , iustitiæ videlicet coronam . Vni gloriæ inhio cœlestis regni : expeto superos honores : cruciatum timeo , qui est in Gehenna , ignis ille mihi terrori est : quem enim mihi minitamini , conservus est : consuevit simulacrorum contemptores venerari : vestra verbera , stultorum jacula puto . Verberas enim corpus , quod quo diutiùs perpeti potest , eo illustriùs coronatur . Quod si citiùs occumbit , excedit , & à iudicibus tam violentis eripitur , qui corporum opera , & officio non contenti , etiā animis imperare contenditis : qui nisi Deo nostro anteponamini , quasi maximis à nobis injuriis affecti , graviter , molestè que fertis , atque huiusmodi sævas in nos animadversiones intenditis , pietatem nobis crimini vertentes . At enim non in timidos , non in vitæ propagandæ studiosos , non in meticulosos homines incidistis : ecce nos pro nostra in Deum charitate , parati sumus rotam perpeti , torqueri , comburi , omnia tormentum genera subire . His auditis, tyr-

ran-

tis denique illos commentis oppugnabat. At ubi manus ipsi, hac admotâ machina, non dederunt; alterum machinæ genus aggreditur: verbera ipsis, & mortem intentare, & intolerabilium cruciatuum faciendum esse periculum confirmare. Atque illi quidem hæc: martyrum verò quæ? Quid (ait eorum quispiam) blandiris nobis, Dei hostis, ut à Deo vivo deficiamus, ac perniciosi, funestisque dæmonibus operam navemus, tuis bonis propositis, scilicet? Quid enim nobis tantum tribuis, quantum conaris eripere? odi munus, quod mihi afferat detrimentum: odi honorem dedecoris parentem: fortunas caducas, fluxasque largiris, gloriam deflorescentem: Regi me concilias, & me à Rege vero alienas. Quid accuratiùs de rebus minimis differens pauca quædam ex terra proponis? universus à nobis mundus iste despicitur: earum rerum expectationi, quas expetimus, ea, quæ oculis cernimus, non adæquantur. Cælum hoc intueris? quam pulcrum aspectu, quam magnum? Cernis orbem terrarum, & ea, quæ ipso continentur admiranda? nihil horum, cum ho-

hominū justorum beatitudine conferri potest : hæc enim prætereunt , nostra verò permanent . Vnum expeto munus , justitiæ videlicet coronam . Vni gloriæ inhio cœlestis regni : expeto superos honores : cruciatum timeo , qui est in Gehenna , ignis ille mihi terrori est : quem enim mihi minitamini , conservus est : consuevit simulacrorum contemptores venerari : vestra verbera , stultorum jacula puto . Verberas enim corpus , quod quo diutiùs perpeti potest , eo illustriùs coronatur . Quod si citiùs occumbit , excedit , & à iudicibus tam violentis eripitur , qui corporum opera , & officio non contenti , etiā animis imperare contenditis : qui nisi Deo nostro anteponamini , quasi maximis à nobis injuriis affecti , graviter , molestè quæ fertis , atque hujusmodi sævas in nos animadversiones intenditis , pietatem nobis crimini vertentes . At enim non in timidos , non in vitæ propagandæ studiosos , non in meticulosos homines incidistis : ecce nos pro nostra in Deum charitate , parati sumus rotam perpeti , torqueri , comburi , omnia tormentorum genera subire . His auditis , tyr-

ran-

rannus insolens, ac barbarus tantorum virorum fiduciam non tulit, & iracundia flagrans, secum reputare coepit, ecquam reperire machinam posset, qua jis mortem diuturnam simul, atque acerbam afferret. Cepit porro consilium, videte quàm dirum. Etenim cum regionis naturam animadverteret esse perfrigidam, tempestatem hybernâ, expectata nocte; qua maximè vis frigoris deseviret (quum eam præsertim perflaret Boreas) iussit eos, detractis vestibus, in media palude, sub dio congelatos interire. Nostis verò, quicumque hyemis injurias experti estis, quam sit id tormenti genus intolerandum: neque enim fieri potest, ut aliis demonstretur, nisi iis, qui factò periculo, exempla habent eorum quæ dicantur, sibi ante oculos posita: corruens enim corpus alget: ac primum quidem, sanguine concrecente, totum livescit: deinde concutitur, & ebullit; dum dentes inter se colliduntur, nervorum fibræ veluntur, tota corporis moles invita contrahitur: acerbus quidam profectò dolor, & labor inexplicabilis medullas ipsas pertingens, ac penetrans

in-

intolerandum affert congelantibus sensum doloris. Deinde obrigescunt extremæ corporis partes; dum tanquam igni quodam aduruntur. Etenim calor ab extremis corporis locis in ima confugiens, partes, unde discessit, mortuas relinquit, eas, in quas compellitur, doloribus afficit; morte sensim concretionis opera progrediente. Tunc igitur sub dio pernoctandi pœna mulctati sunt, quando palus, circa quam urbs est exædificata, ubi sancti decertarunt, erat, veluti campus ad equitandum aptus, quum cum glacies immutasset, & effectus ob gelu continenti persimilis, calcabilem se incedentibus incolis exhiberet: fluviorum quoque perennium glacie constrictorum cursus constiterat, atque aquæ mollis natura erat in lapidum firmitudinem, duritiemque conversa. Boreæ porro flatus acerrimi cunctas animantes ad interitum impellebant. Tunc igitur edicti promulgatione audita (attendite autem invictum, & insuperabilem animum) abjicientes singuli cum gaudio vel intimam tunicam, ad mortem sibi per glaciem inferendam accesserunt: quum se inter se

tan-

tanquam ad prædam aliquam incitarent. Non indumentum ajunt exuimus, sed hominem veterem deponimus, qui fallacibus cupiditatibus depravatur. Gratias tibi Domine agimus, quoniam simul cum hoc vestimento, peccatum abjicimus: quoniam, quod serpentis fraude indueramus, jam Christi beneficio illud exuimus. Ne nos Paradiso, quem olim amisimus, prohibeant indumenta. Quam parem aliquandò gratiam Domino referemus? Dominus etiam noster exutus est. Quid magnum famulo ea pati, quæ Dominus passus sit? vel potius nos, nos inquam jismus, qui Dominum spoliavimus. Fuit enim militum illud facinus: ab illis exutus, ab illis vestimenta divisa sunt. Ergò nobis jam crimen adscriptum, relatum jam in acta, nos ipsi deleamus. Acris est hyems? at dulcis est, jucundusque Paradisus. Est molesta concretio? at fructus jucundus. Sustineamus parumper, & sinus nos Patriarchæ confovebit: noctem unam cum tota æternitate commutabimus. Adurantur frigore pedes, ut perpetuas cum Angelis choreas ducant: diffluant manus, quo  
ic



se ad Dominum tollere liberiùs audeant. Quam multi nostrorum com-  
 militonum in acie ceciderunt, ut fi-  
 dem regi mortali servarent? Nos,  
 ut in verum Regem retineamus fi-  
 dem, non hanc vitam abjiciemus?  
 quam multi scelestorum hominum,  
 mortem, in sceleribus deprehensi,  
 subjerunt? Nos eam pro justitia non  
 feremus? Ne declinemus de via com-  
 militones: ne locum diabolo demus:  
 membra hæc habemus, & corpus,  
 ne illi parcamus. Quoniam omnino  
 moriendum est, moriamur, ut vi-  
 vamus. Fiat sacrificium nostrum co-  
 ram te Domine, & excipiamur tan-  
 quam viva hostia tibi grata: dum  
 hujusmodi glacie, instar holocausti,  
 comburimur. Præstans oblatio: no-  
 vum holocaustum, quod non per i-  
 gnem, sed per glaciem immolatur.  
 His cohortationibus quum se mutuis  
 inflammarent, alijque urgerent alios,  
 & incitarent, quasi quandam in bel-  
 lo vigiliam, & custodiam explentes,  
 noctem traducebant: quum forti, ma-  
 gnoque animo res præsentes subirent,  
 summo earum, quas sperabant ela-  
 ti gaudio, adversarium irridentes.  
 Una verò erat omnium hæc depre-  
 ca-

catio. Quadraginta in stadium ingres-  
si sumus; quadraginta Domine co-  
rona donemur: Ne unus quidem  
huic numero desit. Est in honore,  
numerus, quem quadraginta dierum  
jejunio decorasti: per quem legum  
latio ingressa est in orbem terrarum.  
Quadraginta in jejunio dies quum De-  
um exquireret Helias, illius est as-  
sequutus aspectum. Atque hæc qui-  
dem erat illorum supplicatio. At u-  
nus ex numero, rerum asperitate, gra-  
yitateque deficiens recessit, statione  
deserta, intolerando dolore Sanctis  
viris relicto. Veruntamen illorum  
preces Dominus irritas esse non est  
passus. Etenim is, cui Martyrum fue-  
rat commissa custodia, quum in quo-  
dam se balneo propinquo calefaceret,  
rerum attendebat eventum, eos mi-  
lites, qui ad se confugissent exceptu-  
rus. Consulto enim factum erat; ut  
baliæum illud adesset propius, quod  
celerem opem jis, qui sententiam  
mutarent, polliceretur. quod qui-  
dem adversarii callidè, atque astutè  
excogitarant, ut ejusmodi videlicet  
locum ad certamen invenirent, ubi  
præsens, paratumque solatium decer-  
tantium virtutem dissolueret, & con-  
stan-

stantiam labefactaret. Id verò Martyrum patientiam maximè illustravit: neque enim est ille fortis, qui rebus caret necessariis, sed qui in rerum copia, quæ ad fruendum proponuntur, ardua, & gravia fortiter, ac strenuè tolerat. Atque illi quidem in eo certamine ita pugnabant: is verò rerum exitum observabat, quum ecce tibi novum, & admirandum spectaculum: aspexit copias quasdam è cœlo delapsas, easque militibus magna munera quasi regis nomine distribuentes: qui cæteris quidem omnibus munera diviserunt: unum verò duntaxat indonatum reliquerunt, quasi cœlestibus illum honoribus indignum esse censerent. Is laboribus illicò cedens, ad hostes defecit. Miserandum justis illis viris profectò spectaculum: miles perfuga, veteranus captivus, Christi ovis ferarum præda: quodque est miseratione majore dignum, & à cœlesti vita aberravit, neque hujus lucis usura perfrui potuit: statim ejus corpore in ipso balnei vestibulo dissoluto: & quidem is vitæ amator inanis admisso scelere concidit. At lictor ubi eum vidit defecisse, & in balneum confu-

I gisse,

gisse, se ipsum in ejus, qui discesserat, locum suffecit, & abjectis vestibus, nudus se adjunxit socium, eandem, quam sancti viri vocem effundens: Christianus sum; atque ita repentina mutatione eos, qui aderant, in admirationem adducens, & numerum explevit, & consolatus est sui accessione dolorem, quem cæteri ex illius, qui ad mollitiem deflexerat, infirmitate perceperant: eos quippe milites imitatus, qui ubi in acie quispian juxta anteriorem clypeum ceciderit, phalangem illicò explent, ne acies propter eum, qui defecit, interrumpatur. Is igitur tale quippiam fecit; vidit res cœlestes admiratione dignissimas, veritatem agnovit, confugit ad Dominum, in martyrum numerum relatus est. Discipulorum gesta renovata. Defecit Judas, Matthias suffectus est: factus est hic Pauli imitator; qui paulò ante fuerat persecutor, hodie Evangelia prædicat: vocatus est ipse quoque divinitus, non ab hominibus, neque per homines: credidit in nomen Domini nostri Jesu Christi: baptizatus est in eundem non ab alio, sed ab ipsa fide sua, non in aqua, sed in sanguine

ne suo. Atque ita prima luce adhuc spirantes in ignem coniecti sunt, & quæ ex igne reliquæ fuerant in flumen projectæ: ut cum omni rerum creatarum genere Martyres decertarent. In terra prælia commiserunt, aerem fortiter superarunt, igni traditi sunt, aqua ipsos excepit, Eorum est illa vox, Transivimus per ignem: & aquam, & eduxisti nos in refrigerium. Hi sunt, qui nostra hæc inter se loca distributa, regenda, ac defendenda susceperunt, ac veluti quædam turres continentes, atque arces, ab hostium incursum incolas tuentur, incolumesque conservant: neque se in unum abdidere locum; sed jam locis plurimis peragratis, plurimas patrias exornarunt: &, quod est planè admirandum, non singuli divisim migrant ad eos, à quibus excipiuntur, sed inter se copulati, atque conjuncti proficiscuntur. O rem admirabilem! nec numero addi quidpiam, neque detrahi patiuntur. Si eos vel in centum partes distribueris; suum ipsorum numerum non excedunt. Quod si in unum locum reduxeris, quadraginta item permanent, ut est ignis natura: is enim & ad eum, à quo ac-

cenditur, transit, & apud eum est totus, qui illum habet. Quadraginta itidem, & simul sunt universi, & cuncti sunt apud unumquemque. O beneficium eximium, ò munus inexhaustum, paratum Christianis præsidium, martyrum conventus, exercitus trophæa referentium, cœtus celebrantium Dominum; quantum elaborares, ut vel unum nancisceretur, qui pro te Domino supplicaret? Quadraginta sunt, qui uno ore preces fundunt. Ubi duo, vel tres sunt congregati in nomine Domini, ibi est in medio eorum. At ubi quadraginta: quis de divina præsentia dubitaverit? Qui rebus adversis premitur, ad quadraginta confugit; qui secundis lætatur, ad ipsos recurrit: ille ut molestiis levetur; hic ut meliora sibi conserventur. Hic religiosa, piaque scœmina fundendis percibus occupatur: conjugii peregrinanti reditum poscit, valetudinem ægrotanti. Cum Martyrum postulatis vestra jungantur; Juvenes æquales imitentur suos: patres talium esse filiorum parentes exoptent: matres ad prestantissimæ matris formam, atque speciem erudiantur. Unius enim ex beatis viris

ma-

mater, quum animadvertisset alios jam glacie confectos, suum verò filium adhuc spiritum pro virium robore, atque in rebus asperis ferendis fortitudine ducentem, relictum à satellitibus, quasi adhuc posset mutare consilium, eum suis manibus elatum iniecit in currum, in quem reliqui coniecti ad rogam convehebantur. Verè Martyris mater: non enim lacrymas abjectas, humilesque profudit; nihil humile, nihil tempore indignum pronunciavit; Sed abiit, filii, & confice præclarum cum æqualibus, & commilitonibus iter: ne relinquare in chorea: ne te post alios Domino sis. Omnino ex bona stirpe præclarum germen. Ad pietatem se filium optimis institutis aluisse magis, quam lacte mater egregia comprobavit. Atque is quidem ita à pia matre institutus, ita præmissus est. Diabolus verò recessit rubore suffusus: nam quum omnes in illos res creatas incitasset; omnia reperit virorum virtute fuisse superata: noctem gravi, ac vehementi vento agitatam, patriam frigoris difficultatibus arduam, anni tempestatem, corporum nuditatem. O cho-

rum beatum , ò manipulum sacro-  
 sanctum , ò exercitum invictum , ò  
 communes humani generis custodes,  
 ò præclaros curarum socios, preca-  
 tionis adiutores , oratores efficacissi-  
 mos , orbis terrarum astra , ecclesia-  
 rum flores ! vos non terra contexit ,  
 sed cœlum recepit . Apertæ sunt vo-  
 bis Paradisi portæ : spectaculum di-  
 gnum Angelorum exercitu , dignum  
 Patriarchis , Prophetis , Justis . Viri,  
 qui in ipso juventutis flore vitam  
 contempserunt ; Deum plusquam  
 parentes , plusquam liberos amave-  
 runt : quum ætas ipsis spem summam  
 vivendi afferebat , vitam florentem  
 despexerunt , ut Deo in suis mem-  
 bris gloriam deferrent : spectaculum  
 facti mundo , Angelis , & homini-  
 bus . Lapsum excitarunt , vacillantes  
 confirmarunt , in piis , ac religiosis  
 viris studium , ardoremque animi am-  
 plificarunt . Pro pietatis cultu , uno  
 omnes erecto trophæo , una etiam ju-  
 stitiæ corona condecorati sunt , in  
 Christo Jesu Domino nostro , cui  
 gloria , & imperium in omnem æter-  
 nitatem . Amen .

EJUS.





EIVSDEM SANCTI  
**BASILII**  
**MAGNI**

DE GRATIIS AGENDIS  
ORATIO QUARTA.

*Eodem Pomponio Brunello  
Interprete.*



Udistis Apostoli verba,  
quibus totam vitam in-  
stituens, Thessalonicen-  
ses alloquitur. Nam do-  
ctrina quidem ad eos per-  
tinet, in quorum manus ubicum-  
que incidat: utilitas verò, quæ inde  
manat, in hominum vitam redun-  
dat universam. *Semper, inquit,*  
*gaudete: sine intermissione orate: in*  
*omnibus gratias agite.* Et quidem  
quid sit gaudere, quid inde utili-

tatis existat, qua ratione quis possit perpetuò in Deo precando persistere, eidemque de rebus omnibus gratias agere; paulò post, pro viribus differemus. Jam verò, quæ nobis certè ab adversariis objiciuntur, qui hæc præcepta servari non posse calumniantur, ea priùs confutanda sunt. Quæ enim tandem virtus est, inquit, dies, noctesque in animi relaxatione, ac voluptate traducere? qua id ratione fieri potest? quum sexcentis malis obruamur vel inviti, quæ animum demittant, & contrahant necesse est; quibus longè difficilius est, ut quis oblectetur, & gaudeat, quam ut is non doleat, qui in sartagine torreatur: aut is, qui stimulo fodiatur, non crucietur, Et fortassè eorum quispiam, qui hic adsunt, hujusmodi cogitationum morbo laborans, excusationes peccatorum prætexit: qui propter animi segnitiam ad servanda præcepta legislatorem accusare conetur, quasi ea præscribentem, quæ superent vires, ac dicat. Qui possum gaudere semper, quum gaudii causæ non in me sitæ sint? foris enim sunt ea, quæ gaudium afferunt: neque insunt in nobis:

ami-

amici, parentes, parentum diuturna congressio, fortunarum accessiones, honores ab hominibus delati, valetudo ex gravi morbo recuperata, reliqua vitæ prosperitas, domus bonis omnibus cumulata, mensa epulis referta, familiares, ac propinqui lætitiæ participes: quæ audiuntur, & spectantur jucunda, domesticorum valetudo, cæteraque hujus vitæ bona, quæ illis ad voluntatem fluant. Molestiam enim non solum nobis afferunt ea, quæ nobis accidunt adversa, sed etiam quæ amicos, quæ affines conturbant. Quocircà ex iis rebus omnibus animi jucunditas, & lætitia confletur necesse est. Prætereà quum videre contigerit inimicorum casus adversos, insidiatorum plagas, ac vicissim benè de nobis meritis parem gratiam referri: & omninò, si neque molestum, & grave quippiam adsit, neque prorsus impendeat, vitamque perturbet; tum fieri potest, ut in animo gaudium excitetur. Qua ratione igitur nobis imperatum est, quod non libera voluntate præstatur: sed ex aliis præeuntibus rebus consequitur? Quinam sine intermissione orabo: quum cor-

poris necessitates animi cogitationem ad se rapiant; neque fieri possit, ut mens in duas curas eodem tempore distrahatur? Quin etiam de rebus omnibus gratias agere jubeor. Agam ne gratias, si torquear? si diverberer? si extendar in rota? si oculi eruantur? si à malevolo ignominiosum vulnus infligatur? si gelu concrescam? fame enecer? si subito sim liberis orbatus? aut etiam uxore ipsa caream? si ob naufragium repentè fortunis evertar? si in piratas in mari, si in latrones incidam in continente? si plagas accipiam? si calumniis opprimar? si victum precario quæritem? si detrudar in carcerem? Hæc, atque his etiam plura congerunt, qui legislatorem accusant: peccatorum defensionem sibi adornare existimantes, dum imperata, quasi fieri non queant, ita calumniantur. Quid ergò dicamus? Nempe quum aliud Apostolus agat, ac mentes nostras humi stratas in sublime conetur extollere, & ad cœlestem quandam vitæ rationem traducere: qui altam legislatoris mentem non assequuntur, quum in terra, & carne, ut in cœ-

no vermes, volutentur; in corporis perturbationibus exigunt Apostolicarum institutionum facultatem. At is non quemcunq; ad assiduam lætitiā, sed sui similem cohortatur, qui non in se ipse vivat amplius, sed qui in se habeat viventem Christum: nempe illa cum summo bono conjunctio nullum sensum molestiarum corporis admittit. Sed quamvis dilanietur corpus, conjunctionis dissolutio in ea remanet corporis parte, quæ patitur: quum nulla molestia possit ad vim superiorem animi pervenire. Nam si membra nostra, quæ sunt super terram, ut monet Apostolus, mortificamus, & mortificationem Jesu in corpore circumferimus, necesse est, ut corpori mortuo vulnus inflictum, animum ab illius contagione liberum nulla ratione possit attingere. Porro ignominie, damna, domesticorum obitus, mentem non occupabunt, neque animi celsitudinem ad rerum caducarum sensum detorquebunt. Nam si idem, ac vir bonus, sentiunt ii, qui incidunt in res adversas, molestiam alteri non exhibebunt, qui ne ipsi quidem graviter ferant, quæ soleant sibi ipsis ac-

cidere . Quod si secundum carnem vivant , ne ita quidem molestia viros bonos afficient : sed miserandi potius censebuntur , non tam ob calamitates , quam quòd boni viri non fungantur officio . Omninò animus , qui semel sui conditoris amore teneatur , & ejus ornamentis illustrari consueverit , suam lætitiā , ac tranquillitatem propter corporis varias perturbationes nihil immutabit : sed contra potius , res , quæ sunt aliis molestæ , accessionem suæ faciet alacritati : qualis erat Apostolus , qui sibi in infirmitatibus placebat , in ærumnis , in persecutionibus , in necessitatibus , qui suam egestatem materiam , segetemque gloriæ arbitrabatur : in fame , & siti , in frigore , & nuditate , in persecutionibus , & angustiis . Quum quæ cæteri iniquo animo ferunt , ac propterea vitam ipsam sibi acerbam putant , in iis ipse gestiret , & gaudio triumpharet . Qui ergò apostolicam sententiam non assequuntur , neq; intelligunt , nos ab eo ad vitam evangelicam vocari , ii Paulum accusare audent : quasi nobis ea præscribat , quæ fieri nullo modo possunt . Atqui discant justas lætandi

di causas à divina nobis munificentia suppeditari . Quum nihil essemus, editi sumus in lucem , ad conditoris imaginem procreati : mentis, rationisque compotes effecti : qua videlicet nostra natura perficitur , qua Deum agnoscimus , & rerum creatarum ornamenta scitè comprehendimus , iis tanquam literis quibusdam eximiam Dei in rebus omnibus providentiam, ac sapientiam perdocemur, bonorum , ac malorum in nobis inest internoscendi facultas : res nobis utiles , ac salutares eligendi rationem , noxiasque vitandi natura ipsa didicimus . Deum à nobis ob nostra scelera abalienatum reconciliavimus, unici filii sanguine è turpi erepti servitute . Nostra est spes reviviscendi ; nostri angelicorum bonorum fructus, cœli regnum , promissa nobis bona , quæ omnem superant mentis , orationisque facultatem . Cur non his rebus quæso censendum est perpetuæ cujusdam lætitiæ , atque alacritatis nobis præberi materiam ? An verò quispiam putet hominem abdomini fervientem, seque tibiarum, nervorumque concentu oblectantem , atque in molli stertentem culcitra , juncun-

cundam, gaudioquē dignam vitam agere? Ego verò lugendum hisce potius dicerem, rectē sentientium iudicio: beatos verò eos esse existimandos, qui spe futuræ æternitatis hanc vitam perferunt, & res permutant præsentēs cum sempiternis. Etiam si qui sunt cum Deo copulati in flammis degant, ut Babilone tres pueri, etiam si cum leonibus coerceantur, etiam si à cetis devorentur; eos: & à nobis beatos prædicari, & iis ipsis lætandum esse confirmo; non rebus præsentibus dolentes: sed earum expectatione, ac spe, quæ sunt nobis in posterum propositæ gaudentes. Puto enim egregium pugilem, qui semel sit stadium pietatis ingressus, generosè adversariorum ictus perferre oportere, spe gloriæ se, quæ coronam sequitur, sustentantem. Etenim qui in certaminibus gymnics antea sunt palæstræ laboribus assuefacti, plagarum doloribus non succumbunt, sed præconii, gloriæque studio capti, labores brevissimos aspernantur: Ita probo viro, etiam si quid molesti contigerit, ejus tamen gaudio tenebræ non offundentur: quia scilicet ærumna patientiam parit, patientia pro-



probationem, probatio spem, spes autem non confundit. Quapropter etiam alibi molestiam sustinere, spe gaudere ab eodem jubemur. Spes igitur boni viri animum perpetuo gaudio perfundit. At idem Apostolus nos etiam flere cum flentibus jubet, & quum ad Galatas scriberet, flebat super inimicos crucis Christi. Quid proferam Jeremiam? quid Ezechielem dum principum lamentationes Dei jussu conscriberet? quid alios multos è sanctis viris ejulantes? Hei mihi mater, cur me genuisti? & Hei mihi, quòd vir pius de terra sublatus est: & nemo est inter homines, qui rectè agat: & heu mihi, quia factus sum ei persimilis, qui messis tempore stipulas colligit. Denique voces justorum virorum perscrutare; si tibi tristiora verba proloquenter offenderis, persuadeas tibi cunctos hæc res humanas, & fluxas, atque hujus vitæ misérias deplorare. Hei mihi, quia incolatus meus prolongatus est: cupit enim dissolvi, & esse cum Christo. Quare ut lætitiæ impedimentum quoddam produci sibi hanc peregrinationem dolet. David

autem nobis reliquit amici Jonathæ lamentationem etiam carmine comprehensam, quo carmine simul quoque inimici sui calamitatem deplorat. Doleo vicem tuam mi frater Jonatha. Et filiæ Jerusalem Saulem complorate. Hunc enim deflet, ut in peccatis mortuum: Jonatham verò, quod cum eo semper conjunctissimè vixerit. Quid plura? Dominus ipse & Lazarum flevit, & super Jerusalem lacrymas fudit, & lugentes, ac flentes beatos prædicavit. Qua istæc ratione, dices, cum Apostoli dicto consentiunt? semper gaudete. Neque enim lacrymæ, & gaudium ex eodem fonte promanant. Illæ enim velut ex plaga quadam rei inopinatæ solent existere, quæ animum verberet, & contrahat; dum spiritus, qui est in præcordiis angitur, atque comprimitur. At gaudium quidam quasi saltus est animæ, quæ secundis exultet eventibus, è sententia succedentibus. Ergò his non eodem modo afficitur corpus: nam & mœrentibus pallidus, ac livens est color, & corpus ipsum refrigeratum. Exhilaratis verò, & gaudentibus efflorescit, ac rubore suffundi-

ditur corporis habitus: exiliente pro-  
 pemodum anima, ac præ volupta-  
 te foras erumpente. Ad hæc igitur  
 dicimus, sanctorum virorum querimo-  
 nias, & lacrymas ex amore in Deum  
 nasci solere. Quare semper in eum,  
 quem diligunt intuentes, & inde fi-  
 bi lætitiā cumulantes, conservo-  
 rum rebus consulebant, dum delin-  
 quentes deflebant, eosque lacrymis  
 corrigere conabantur. Ut enim qui  
 in littore tuti consistunt, dum eo-  
 rum, qui in mari demerguntur, ca-  
 sus miserantur; non propterea suam  
 abjiciunt securitatem, quod ipsi sunt  
 de alieno periculo solliciti: ita ii,  
 qui alienis delictis ingemiscunt, ni-  
 hil suam imminuunt idcirco lætitiā,  
 sed contra potius augent; quum pro  
 lacrymis, quas pro fratribus fundunt,  
 Domini gaudio dignentur. Propterea  
 beati flentes, & beati qui lugent,  
 quia ipsi solatio afficientur, & quia  
 ridebunt. Risum porro dicit, non  
 eum strepitum, qui buccis, ebul-  
 liente sanguine, editur: sed synce-  
 ram, atque omnis mœroris expertem  
 hilaritatem. Flere igitur cum flenti-  
 bus per Apostolum licet: quoniam  
 hæ lacrymæ tanquam seminarium,

ac

ac fœnus quoddam sunt gaudii sempiterni . Ascende mihi animo paulisper in cœlum, & statum illum angelicum contemplare ; num alia eos deceat vitæ ratio , nisi gaudere , ac lætari ex animo : quoniam digni sunt habiti , qui Deo assistant , & pro creatoris nostri majestatis admirabili pulchritudine perfruantur . Ad illam igitur ut nos vitam incitaret Apostolus , nos gaudere jussit assiduè . Veruntamen quod Lazarum , ac civitatem Dominus fleverit, illud possumus respondere , eundem etiam comedisse , ac bibisse ; non quòd his ipse rebus indigeret : sed ut nobis earum animi affectionum , quæ alioqui sunt necessariæ , modum , finesque statueret . Itaque flevit , ut nimiam eorum , qui se lacrymis , lamentisque totos tradere solent , abjectionem corrigeret . Nam si quicquam aliud ; lacrymæ certè moderatione indigent , quæ à ratione proficiscatur : quibus in rebus videlicet eas adhiberi , quamdiu , quando , & quomodo conveniat . Neque enim Christi lacrymas ex perturbatione manasse , sed ad nos docendos profusas , ex iis verbis liquet : *Lazarus amicus noster dormit :*  
*sed*

*sed vado ut excitem eum .* Ecquis vestrum deplorat amicum dormientem , quem paulò post expectatum speret ? Lazare veni foras , mortuus extemplo revixit : vinctus ambulavit . Quot in uno miraculo miracula ? Vinculis pedes implicitos , nec incedere prohiberi : plus videlicet poterat robur vincti , quam vincula . Qua ratione igitur , qui hæc erat patraturus , rem lacrymis dignam , quæ acciderat , judicabat ? an scilicet , quia undique nostram suffulciens infirmitatem , necessarias hominis affectiones certis quibusdam moderationis terminis circumscripsit : dum , & immitem animum , atque ab omni prorsus commiseratione alienum , tanquam ferinum vitavit , & mœrori , lamentisque deditum , ut abjectum , ac mollem recusavit . Quapropter amici mortem deflevit ; ut & ipse communionem humanæ naturæ præseferret , & nos à vitiosa extremitate utrinque liberaret : ne in affectibus effœminati essemus ; neve sensu omni doloris in rebus tristibus careremus . Ut igitur , & famem in se dominus admisit , dum solidum ipsi alimentum dissiparetur ; & sitim

ex-

expertus est , corporis humore consumpto ; & lassitudinem sensit , musculis , ac nervis exitinorum defatigatione distentis : non quòd divinitas laboraret : sed quòd corpus iis rebus , quæ naturam humanam comitantur , afficeretur ; ita etiam lacrymas effudit : dum quod est naturale , corpori permisit accidere : quod tum demum evenit , quum cerebri concava referta vaporibus ex mœrore contractis , per oculorum meatus , veluti per fistulas quasdam , humoris illius onus extrudunt . Hinc sonitus quidam , vertigines , caligines auribus accidere solent in rebus tristibus , ac præter expectationem , vaporibus iis capite personante , quos vapores contractus in imo pectore calor ad superiora transmittit . Deinde , ut nebula in tenues guttas , ita opinor in lacrymas vaporum densitas illa dissolvitur . Hinc etiam voluptatem quandam mœrentes lugendo percipiunt , dum eis flendo discutitur onus , quo premebantur . Vera porrò hæc esse , quæ dicuntur , experientia comprobatur . Multos enim novimus , qui in summis calamitatibus tenere lacrymas summa vi

co-

conati sunt : quorum deinde alii in morbos insanabiles, apoplexiam videlicet, vel paralyfim inciderunt, alii etiam penitus extincti sunt; ipsorum videlicet virtute, velut infirmo adminiculo, mœroris pondere oppressa, atque diffracta. Quod enim in flamma videre licet, quæ suo ipsius fumo supprimitur; si quidem ille nullum exitum nactus circa ipsam volutetur: idem in ea facultate ajunt fieri, quæ animal regit, & continet: tabescere scilicet eam rebus tristibus, & extinguï; si nullum reperiat exitum respiratio. Ne igitur, qui mœrori nimis indulgent, suæ solatium ægritudini Domini lacrymas objiciât. Ut enim Domini cibus, quo vescatur non est nobis voluptatis occasio; sed contra potius, præclarissimum continentiae, ac frugalitatis exemplum, quo paucis contenti esse discamus; sic lacrymæ quoque non legem, ac licentiam immodicè lamentandi concedunt: sed modum honestissimum, ac perfectam quandam nobis regulam proponunt, ex qua decet graviter, & honestè nos naturæ finibus continentes, res adversas, molestasque perferre. Non igitur

tur viris, non fœminis permittitur plus æquo lacrymis, ac lamentationibus indulgere: sed modicè in rebus tristibus ingemiscere, & lacrymulam aliquam fundere: idque sine ejulatu, non vestem proscindentem, neque se pulvere conspergentem, neque aliquid adhibentem eorum, quæ solent ii, qui minus decenter, & moderatè ferunt res humanas; eum enim, qui divinis sit institutis expiatus, recta ratione, tanquam muro firmissimo, munitum esse oportet, ac fortiter, constanterque talium perturbationum impetum propulsare: non ut in humili aliquo, ac depresso loco subsidentem, abjecto, demissoque animo ægritudinum turbam influentem excipere. Animi est enim pusilli, nullamque habentis è spe divina firmitatem disrumpi dolore, vel succumbere rebus adversis. Ut enim vermes in mollioribus maximè lignis gigni videmus: ita ægritudines in mollioribus animis innascuntur. Nunquid enim fuit corde Job. adamantino? Nunquid ejus viscera ex lapide constabant? Decem ei liberi temporis momento ceciderant, una ruina oppressi, in jucunditatis domo, quo  
tem-



tempore cibum fumebant ædibus in eos decussis à diabolo . Vidit mensam cruore permistam : vidit liberos alios alio tempore in lucem editos , sed unum pariter omnes, eundemque simul exitum vitæ sortitos . Non ejulavit ; non comam vellit : non vocem ullam edidit indecoram : sed celebrem illam gratiarum actionem protulit , atque ab omnibus decantatam : Dominus dedit, Dominus abstulit : sicut Domino placuit , ita factum est : sit nomen Domini benedictum . Numquid erat ab omni sensu doloris , & commiserationis alienus ? Qui fieri potest ? quum de se ipse dicat , ego deflevi quicumque rebus premebantur adversis , num fortè , quum hæc diceret , mentiebatur ? Atqui dat ei veritas ipsa testimonium , præter ceteras virtutes, eum fuisse veracem . Homo enim erat , inquit , expers criminis , justus Dei cultor , verax . Tu verò canticis nescio quibus ad luctum data opera compositis luges , & flebili carmine animum excedere conaris . Atque ut proprium tragœdiarum est , tum scena , tum fictio , quibus rebus theatra captantur : ita decere arbitraris lugentem ,

atram

atram in primis vestem, comam squa-  
 lentem, domum tenebricosam, sor-  
 des, pulverem, cantum lugubrem,  
 qui recens semper doloris vulnus con-  
 servet in animo. Sine illos hæc age-  
 re, qui spem non habent. Tu verò  
 de iis, qui dormierunt in Christo il-  
 lud accepisti: *seminatur in cor-  
 ruptione, surget in incorruptione: se-  
 minatur in infirmitate, surget in vir-  
 tute: seminatur corpus animale, sur-  
 get corpus spiritale*. Quid igitur de-  
 fles eum, qui excessit, ut vestitum  
 mutet? ne que te ipsum deplora,  
 quasi adiutore aliquo, & vitæ socio  
 careas. *Melius enim est, inquit, spe-  
 rare in Domino, quam sperare in ho-  
 mine*. Neque illum lugeas, quasi  
 gravia sit perpessus: nam paulò post  
 eum tuba cœlestis excitabit, & cer-  
 nes eum ad tribunal Christi consiste-  
 re. Mitte igitur istas abjectas voces,  
 atque imperito homine dignas. Heu  
 mala nec opinata. Quis hæc putasset  
 eventura? Quando unquam terræ  
 à me charissimum mihi caput manda-  
 tum iri sperassem? Hæc enim si vel  
 alium proloquentem audiremus: nos  
 erubescere oporteret: quum, & me-  
 moria rerum præteritarum, & præ-  
 sen-

sentium usu ipso didicerimus, quæ sint naturæ mala necessaria. Quare neque mors ullius immatura, neque ulli casus inopinati poterunt nos pietatis ratione instructos conturbare. Erat (inquit ille) mihi filius adolescens, unicus vitæ successor, solatium senectutis, generis decus, flos æqualium, domus firmamentum, erat ætate florentissima, ac venustissima: hic mihi subito est ereptus, in terram, ac cinerem recidit: cujus paulò ante vox mihi erat multò jucundissima, cujus aspectus erat genitori longè dulcissimus. Quid igitur agam? discindam ne tunicam? humi volutabor? quiritabor? stomachabor? exhibebo me iis, qui adsumt, ut puerum quempiam, qui ob verbera vociferetur, & palpitet? an potius animadvertens eorum, quæ eveniunt, necessitatem, mortis legem esse inevitabilem, quæ nulli omnino ætati parcit, quæque omnia, quæ sunt coagmentata, dissolvit; nihil novi mihi arbitrabor accidisse: neque me sinam de statu mentis deturbari, tanquam inopinata plaga fractus, ac debilitatus: quippe qui ante didicerim me esse mortalem, atque adeò mortalem à me filium esse susceptum: ni-

K

hil

hil esse in rebus humanis stabile, nullamque possessionem solere in perpetuum permanere. Quin etiam urbes, & magnæ, & illustres tum splendore munitionum, tum incolarum potentia, tum reliqua rerum ad religionem, forumque spectantium copia præstantes, solis jam parietinis indicia veteris amplitudinis ostendunt. Et verò sæpè navigium è multis naufragiis ereptum, mari sexcenties celeri cursu enavigato, immenso vectigali mercatoribus comportato, uno deinde ventis impetu disjicitur. Exercitus quoque, qui secundis præliis sæpiùs hostes devicerunt, commutata deinde fortuna, miserandum spectaculum, sermonemque præbuerunt. Gentes universæ, atque insulæ, quæ magnam sibi potentiam aliquando pepererant, quam plurimis terra, marique trophæis excitatis, magnis divitiis ex præda collectis, vel temporis diuturnitate contritæ sunt, vel in hostium potestatem redactæ libertatem cum servitute commutarunt. Nullum denique, vel maximum malum intolerabile dixeris, cujus non superiores ætates exempla protulerint. Ut igitur pondera libræ momento dijudicamus,

&amp;

& auri præstantiam lapidis attritu probamus: ita memoriam ad propositam nobis à domino legem, modumque revocantes, nusquam moderationis terminos excedemus. Quamobrem, ubi aliquid præter expectationem acciderit, primùm quidem solerti mentis provisione omnis est animi perturbatio propulsanda: deinde verò spe futurorum bonorum proposita, levius præsentia mala ferenda sunt. Nam ut ii, qui laborant ex oculis, à nimio splendore aciem avertunt, & in floribus, herbarumque viriditate conquiescunt: sic animum oportet non assidue res tristes intueri, neque ad res præsentis, ac molestas adhærescere: sed mentis obtutum ad eorum contemplationem, quæ vera sunt bona, convertere. Ita tibi semper gaudere contigerit: siquidem perpetuò tibi Deus versetur ob oculos, & futuræ spes remunerationis vitæ hujus molestias sublevarit. Affectus es ignominia? Tu verò gloriam respice, quæ patientiæ tibi beneficio est in cælo proposita. Es læsus injuria? cœlestes illas opes intueri, atque thesaurum, quem tibi præclaris actionibus con-

didisti. Solo excidisti? at cœlestem Jerusalem nactus es patriam. Filium amisisti? at Angelos habes, quibuscum ad Dei solium choreas ages, & gaudio sempiterno lætaberis. Ita si rebus tristibus bona, quæ sperantur, oppones; animi constantiam, ac tranquillitatem tenebis, ad quam nos lex Apostoli cohortatur. Quare neque ob rerum humanarum splendorem immodica lætitia tuus animus perfundatur, neque rebus tristibus præter modum mentis celsitudo contrahatur, aut demittatur. Qui enim aliter in rebus humanis fuerit institutus, nunquam vitam tranquillam, pacatamque traducet. Id porro facile consequeris, si hoc præceptum tibi versetur ob oculos, quod te, ut semper læteris, hortatur, si corporis vitiosas molestias repuleris, si animi gaudia consecaberis, & rerum præsentium sensu neglecto, mentem ad spem sempiternarum extuleris, quarum vel una cogitatio satis potest animum explere lætitia, & Angelorum in illum gaudia transfundere: Christi Jesu Domini nostri beneficio, cui gloria, & imperium in omnem æternitatem. Amen.

EJUS-



EJUSDEM SANCTI  
**BASILII**  
**MAGNI**  
 IN SANCTAM  
**IVLITTAM**  
**MARTYREM,**

Et in ea, quæ reliqua fuere  
 in proxima superiore  
 Oratione

DE GRATIIS AGENDIS

ORATIO QUINTA.

*Eodem Pomponio Brunello Interprete.*



UO Beata Martyr præ-  
 conio celebratur, eo con-  
 cionis continetur argu-  
 mentum. Etenim ho-  
 diernum vobis indixi-  
 mus diem, quo magnum certamen

K 3 in

in memoriam revocetur: quod Julitta fœminarum Beatissima decertavit in muliebri corpore fortissimū, quodque, & iis, qui tunc aderant spectaculum exhibuerit, & posteros, qui illud auditione acceperunt, in summam rapuerit admirationem. Si tamen est illa fœmina dicenda, quæ muliebris naturæ imbecillitatem magnitudine animi cohonestavit: à qua communem omnium nostrum adversarium existimo fuisse perculsum, non ferentem se à fœminis vinci: quem cum magnifica illa verba superbè jactaret, seque orbem terrarum posse convellere gloriaretur, ac tanquam pullorum nidum arripere, & velut relicta ova subripere, urbesque universas evertere, apparet esse muliebri virtute superatum. Quam, quum ille tentationis tempore convincere conaretur, quasi præ naturæ infirmitate pietatem in Deum conservare omninò non posset, offendit, facto periculo, fortiolem, quàm natura pateretur, ac tanto magis ipsius terculamenta deridentem, quanto magis iisdem ipse sperabat eam posse terreri. Nam quum ei cum quodam Civitatis Principe lis esset, homine avaro



varo, ac violento, qui sibi divitias ex rapina, & præda paraverat: qui multis terræ jugeris usurpatis, agris, oppidis, pecoribus, famulis, omni- que suppellectili, rerumque copia, quæ ad vitam pertinent, à foemina ad se traductis, judicia calumniatori- bus, falsis testibus munerum corrup- telis fretus, occuparat: At ubi affuit domina; ubi præco diem dixit, & patroni præsto fuerunt ad causam di- cendam parati: quumque illa homi- nis tyrannidem cœpisset ostendere, rationemque veteris possessionis do- cere; temporis diuturnitatem, quo dominium firmaretur, ostendere: deinde vim sibi ab homine allatam, & avaritiam deplorare; accedens hic negavit legitimum esse judicium, aut litem admittendam, neque enim fas esse eos rerum communium esse participes, qui Regum Deos non co- lant, quique Christi religionem, fi- demque non deferant. Rectè is mo- nere, ac necessaria proponere judi- ci videbatur. Extemplò thus, & focus affertur, & condicio litigantibus pro- ponitur; ut siquidem illa Christum neget, legibus, & earum emolumen- tis perfruatur: at si fidem retineat,

neque judiciorum sit particeps, neque legum, neque ullius jure Reipublicæ gaudeat: quippe quæ illorum, qui tum rerum potirentur lege, ignominiiis mulctaretur. Quid hic illa? Num est divitiis delinita? Num quod erat utile ob eum, à quo violabatur injuria, contentiosè desepxit? Num periculo territa est, quod sibi à judicibus imminabat? Minimè verò; at pereant (inquit) facultates: abeant pecuniæ: ne corpus quidem mihi relinquatur, priùs quam vocem impiam proferam in Deum, qui me procreavit. Ergò quo vehementiùs cernebat præfectum hac oratione efferari, & acerbiorè in se ira excandescere; eo majores Deo agebat gratias; quòd quum de perituris opibus disceptaret, bonorum sibi cœlestium possessionem conservari cerneret: terra privari, ut cœlum possideret: ignominia condemnari, ut gloriæ corona dignaretur: corpus cædi, vitæque brevi spoliari, ut spe beata potiretur, & cum sanctis omnibus æterni regni gaudio frueretur. Quumque identidem rogaretur, illa verò eadem sæpiùs iterare, Christianique se ancillam dicere, eos, qui

fē

se ad defectionem sollicitarent, execrari. Tum verò iniquus iudex non modo bona eripuit, quibus injuria fuerat, & contra leges orbata; sed etiam morte, ut putavit, ignis supplicio in eam constituto mulctavit; Illa verò ad nullas unquam hujus vitæ delicias ita properavit, ut ad illam flammam accessit: ut vultu, habitu, verbis, efflorescente quadam hilaritate, animi lætitiā declararet: & eas, quæ tunc aderant fœminas hortaretur, ut ne, laboribus pietatis causa susceptis, emolli-  
rentur: neque imbecillitatem naturæ prætexerent: ex eadem, aiebat, massa, ex qua viri, nos sumus; ad imaginem Dei factæ sumus ut illi: virtutis capaces æquè ac mares sunt fœminæ à conditore procreatæ. Quid? nonne virorum sumus omninò cognatæ? neque enim sola caro ex viro, sed os etiam ex ossibus ad mulieris opificium sumptum est: Quare firmitudo, robur, constantia, patientia non minus à nobis Domino, quam à viris debetur. His dictis in rogem insiluit. Is verò Sanctissimæ fœminæ corpus excipiens, quasi quidam lucidus thalamus animam quidem in cœlestem

illam regionem, atque illam dignam  
 requiem transmisit: pretiosum verò  
 corpus iis, ad quos pertinebat, in-  
 tegrum, syncerumque servavit, quod  
 in pulcherrimo Urbis monumento  
 conditum, & locum ipsum efficit  
 sanctum, & eos, qui illò convene-  
 rint. At felix terra illa, quæ bea-  
 tam hanc fœminam excepit hospitio,  
 aquæ genus quoddam gratissimum è  
 suis visceribus protulit, ut martyr  
 totius civitatis mater effecta, cives  
 omnes tanquam communi quodam  
 lacte aleret, ac sustentaret. Hoc præ-  
 sidio utuntur, qui valent: his deli-  
 ciis, qui temperanter oblectari cu-  
 piunt: hoc solatio, qui ægrotant; quip-  
 pe Elisæi beneficium divinitus Hieri-  
 cuntiis datum, hæc martyr in nos  
 renovatum contulit, cum saluam  
 aquarum naturam, quæ in iis locis  
 nascuntur, in dulcem, ac mollem,  
 benedictionis ope commutavit. No-  
 lite viri pati vos pietate videri fœ-  
 minis inferiores: nolite fœminæ ab  
 hoc exemplo recedere: verum sine  
 ulla tergiversatione pietatem retine-  
 te; quum re ipsa experiamini nus-  
 quam vobis esse naturæ infirmitatem  
 ad res honestas impedimento. Mul-  
 ta

ta me de martyre dicere volentem, hesternæ nobis oratio inchoata non finit in his versari diutiùs. Sic enim sum natura, ut res imperfectas non facile feram. Nam & imago res est visu minus jucunda, quæ dimidia- tam habeat imitationem. Inutilis est peregrinationis labor, nisi viator ad propositum terminum, constitutos- que fines salvus, incolumisque perve- nerit. Et qui in venatione parum abfuit, quin feram ceperit, par est ei, qui nihil cepit: & in stadio cur- rentes uno persæpè gradu superati, præmio caruerunt. Ergò nos quoque quum hesternæ die Apostoli verba, memoria repeteremus, & sperare- mus paucis nos eorum sententiam persequi posse, multo plura esse à nobis prætermissa, quam ea, quæ diximus, compertum est. Quare quæ omissa sunt, necessariò nobis persol- venda esse censemus. Illud igitur ab Apostolo dicebatur. *Semper gaude- te; sine intermissione orate; in omni- bus gratias agite.* Ac semper quidem esse gratias agendas, etsi pro argu- menti dignitate non satis, pro no- stra certè parte satis hesternæ die dictum est. Utrum verò sit perpe-

tuò numen orandum, an imperatum nobis id sit supra vires, & vos parati estis à nobis exigere, & ego pro viribus sententiæ hujus patrocinium, defensionemque sustinebo. Precatio nihil est aliud, nisi id, quod rectè à religiosis hominibus rogatur Deus. Postulatum verò non verbis omninò definimus. Neque enim Deum vèrbis admonendum esse censemus: sed quæ sunt utilia, etiam nobis non petentibus, nosse. Quid igitur affirmamus? nimirum non syllabis precandi munus explendum, sed instituto potiùs, animique proposito, & honestis actionibus, quæ cum omni vita coæquantur, precandi officium exequendum: sive enim editis, sive bibitis, sive quid aliud facitis, omnia in Dei gloriam facite. Dum assides ad mensam, precare. Dum panem apponis, ei, qui dedit, gratias age. Dum vino imbecillitatem corporis fulcis, memento ejus, qui tibi id muneris præbuit ad animum exhilarandum, & ad corporis ægritudines leniendas. Ciborum usus præteriit? memoria quidem certè optimè de te meriti ne prætereat. Dum tunicam induis, largitori gra-  
tias

tias age. Dum amiciris toga, tuus erga eum amor augeatur, qui tum hiberno tempore, tū æstivo peropportuna nobis indumenta suppeditat, quæ & vitam nostram tueantur, & simul deformitatem tegant. Tibi consumptus est dies, illi gratulare, qui & Solem ad munera divina exequenda, & ignem ad noctem illustrandam, atque ad reliquos usus humanæ vitæ concessit. Nox porro tibi nova precandi numinis argumenta subjiciat. Quum cœlum suspicis, & in syderum pulchritudinem intueris, rerum aspectabilium dominum roga, & optimum hujus universitatis opificem Deum venerare, qui cuncta sapienter effecit. Quum animalium genus universum somno correptum videris, rursus eum adora, qui ne cogitantes quidem nos à continentibus laboribus somni beneficio eripit, & modica cessatione interposita, rursus ad vigorem pristinum revocat. Ne sit igitur nox tota quasi pars propria somno prorsus addicta, neque dimidiam vitam inutilem somni stupore labi patiaris; sed nocturnum tibi tempus, tum in quietem, tum in preces dividatur. Quin & somni quies  
ipsa

ipſa ſit exercitatio pietatis. Etenim nescio quomodo ita natura comparatum eſt, ut ſpectra, quæ ſecundum quietem contingunt, extremi quidam ferè ſint curarum diuturnarum ſoni. Ut enim vitæ noſtræ ſtudia, curæ que ſe habent, ita ſomnia ferè neceſſariò conſequuntur. Hac ratione perpetuò divinum numen oraveris; ſi non tam verbo precationem pertexas, quam perpetuò vitæ tenere te ipſum Deo conjungas: ut vita tua ſit aſſidua ſine ulla interruptione precatio. *Verum & in omnibus*, inquit, *gratias agite*. Id verò, dicat quiſpiam, qui fieri poteſt? nempe ut animus calamitatibus preſſus, ac rerum moleſtarum ſenſu veluti conſoſſus, in queſtus, ac lacrymas non prorumpat, ſed pro iis, non ſecus ac ſi eſſent lætæ, ac ſecundæ, quum revera ſint adverſæ, ac deteſtabiles, gratias agat? Qui enim poſſim pro maledictis, & contumeliis, quibus me accepi ab inimico proſciſſum, gratias agere? Infans intempeſtiva morte ſublatus eſt, & angores prioribus partus doloribus acriores matrem ob chariſſimi filij interitum vulnerat. Qua ratione, omiſſis queſtibus



bus voces gratulationis plenas usurpet ? qua ratione ? si cogitet filij ex ipsa geniti magis proprium esse parentem Deum, ac prudentiorem præsidem, vitæque administratorem. Cur ergò non sinimus easdem possessiones arbitrato suo prudentem dominum administrare ? Cur tanquam rebus nostris orbemur, graviter angimur ? Cur mortuos, quasi affectos injuria, miseremur ? Tu verò tecum illud reputa non interiisse filium, sed domino redditum : amicum non esse mortuum, sed emigrasse, & aliquantulum in eo itinere præiisse, quod nobis quoque est paulò post necessario suscipiendum. Esto tibi Dei præceptum familiare, quod veluti lumen, ac splendorem quandam ad res internoscendas, ac dispiendas præbebit assiduè: quod vel procul animi tui occupato præsidio, & veras de singulis rebus inferens opiniones, nulla prorsus earum rerum, quæ eveniunt, auferri te sinet: sed ita præparatum ad omnes eventus animum, tanquam scopulum mari proximum adversus vim ventorum, ac fluctuum, stabilem, atque immotum efficiet. Cur enim non antea

de

de mortali mortalia cogitare consue-  
visti : sed inopinatus tibi filij obitus  
accidit , & præter expectationem ?  
Quum primùm tibi filium natum es-  
se nunciatum est ; si quis ex te quæ-  
sisset , quale tandem esset illud , quod  
natum erat ; quid , oro te , respondis-  
ses , nisi hominem ? quod si homo ,  
idem quoque mortalis : quid igitur  
novum , quid inopinatum , emori  
mortalem ? Nonne Solem vides orien-  
tem , & occumbentem ? Nonne Lunam  
modò crescentem , modò decrescen-  
tem , Nonne terram germinare , dein-  
de tabescere ? Quid tandem stabile  
apud nos , ac diuturnum ? quid est in  
rerum natura mutationis , ac vicissi-  
tudinis expers ? Suspice cælum ; ter-  
ram intueri : ne ista quidem per-  
petuò durant . *Nam cælum , inquit ,  
ac terra præteribit , stellæ de cælo  
cadent : Sol obscurabitur : Luna non  
dabit splendorem suum .* Quid igitur  
mirum , si nos quoque , qui pars  
mundi aliqua sumus , ea , quæ oriun-  
tur ex mundo , sortiamur ? Hæc spe-  
ctans , quum aliquid eorum tibi ob-  
tigerit , quæ sunt cum cæteris omni-  
bus communia , perfer tacitus , non  
dico sine ullo sensu doloris ( quod  
enim

enim stuporis est præmium? ) sed quamvis ærumnis sexcentis affectus, perfer tamen, ut generosus athleta, qui vim, ac fortitudinem præferebat, non modò adversariis cædendis, verùm etiam plagis fortiter perferendis: ac tanquam sapiens, & imperterritus gubernator, qui pro summa navigandi peritia, rectum, quique mergi nequeat animum conservet, atque omni tempestate superiorem. Charissimi filij privatio, aut uxoris dulcissimæ, aut amicissimi cujusque, vel eximia quadam benevolentia conjunctissimi, nihil grave affert ei, qui id multo ante providerit: quique rationem rectam vitæ ducem sequatur, non consuetudine quadam rerum suarum statum metiri velit. Etenim à consuetudine sejungi, vel multis ipsis animantibus esse solet intolerabile. Equidem vidi aliquando bovem suo socio, & ejusdem jugi consorti vita functo illacrymantem. Cætera quoque rationis expertia videre licet vehementer ad consuetudinem adhærescere. Et sanè amicitiam initio, ex longo usu, ac diuturna consuetudine conciliari, non est absurdum. At sepa-

rationem lacrymis prosequi ejus ; qui cum diuturna intercesserit consuetudo , est prorsus alienum . Uxorem exempli gratia nactus eras ad vitæ societatem ; omnia tibi oblectamenta suppeditantem ; quippe quæ animi tranquillitatem , ac jucunditatem conciliaret , rem familiarem augeret , in adversis magnam angoris , ac molestiæ partem averteret : ea jam tibi subito eripitur . Noli ita commoveri , ut immanior factus esse videaris : neque dicas casu res geri , quasi mundi administrationi nemo præsit . Noli improbum quempiam opificem fingere ; noli ex immoderato mœrore comminisci depravatas opiniones : noli pietatis egredi fines . Nam quoniam duo in una carne fuistis , venia quidem danda est ei , qui divisionem , conjunctionisque diremptionem non sine dolore suscipit : non tamen idcirco tibi aut sentire quicquam , quod minus deceat expedit , aut proloqui . Cogita enim Deum , qui nos condidit , atque animavit , suum cuique dedisse vitæ traducendæ modum , atque alios aliis constituisse terminos emigrandi . Alii enim diuturnius vitæ

tem-

tempus tribuit: alium celerius corporis  
vinculis exolvendum decrevit: prout  
inexplicabiles ejus, vel sapientiæ ratio-  
nes, vel justitiæ postulabant. Ut enim  
qui in carcerem inciderunt, alii diu-  
tius illa custodię vexatione concludun-  
tur, alii molestia citius eruuntur: ita ex  
hominibus alii ad longissimum tem-  
pus in vita retinentur, alii ad bre-  
vius, pro cujusque dignitate, sa-  
pienter, & occulto quodam, arcano-  
que consilio, quodque nulla mens  
hominum assequatur; providente,  
quæ ad unumquemque pertinent, no-  
strum omnium procreatore. An non  
audis Davidem, quum dicit; *Educ  
de custodia*, de molestiis videlicet, &  
ærumnis, *animam meam*? An non  
illa de sancto viro audis? *absoluta  
est anima illius*. Quid Simeon, quan-  
do omnium nostrum Dominum ulnis  
excepit, quam tandem emisit vo-  
cem? nonne illam? *Nunc dimittis  
servum tuum Domine*: Nam ad cœ-  
leste illud domicilium properanti hæc  
in corpore commoratio quovis gra-  
vior est carcere, atque supplicio. Ne  
igitur velis, ut quæ de hominum vi-  
ta sunt constituta, ad tuum arbi-  
trium, ac voluptatem accommoden-  
tur:

tur : verùm qui dum viverent aliqua inter se necessitudine fuere conjuncti , quique dein morte sunt accedente distracti , eos viatoribus unum , atque idem iter conficientibus existima esse per similes , qui ob assiduam inter se consuetudinem conjuncti sunt : qui ubi communi confecta via in itineris divortio , quum iis est necessario digrediendum , non propterea consuetudini adhærescunt , vel institutum iter negligunt : sed ejus causæ memores , quæ ipsos initio ad illud iter impulit suscipiendum , ad suum quisque viæ terminum contendit . Ut igitur illis alia fuit initio itineris ratio , atque consilium : sed ex viæ consuetudine est inter eos contracta familiaritas ; ita etiam iis , qui aut matrimonii sunt , aut alia quapiam vitæ societate copulati , proprium est videlicet vitæ propositum ; verùm deinde conjunctionem illam vivendi terminus diremit , atque dissolvit . Est igitur grati animi diremptionem non molestè ferre , sed ei gratiam habere , qui ipsos conjunxit initio . Tu verò æquè quum aderat conjux , sive amicus , sive quicquid illud sit , quod  
jam

jam luges, gratiam pro iis, quæ ad-  
erant, ei, qui dederat, non habebas:  
ac de iis querebaris, quæ tibi de-  
erant, quod si uxor sola obtigerat,  
dolebas liberos non adesse, quos vel-  
les: qui si aderant, te non divitiis  
circumfluere, aut etiam inimicos  
nescio quos cernere fortunatos. Vi-  
de igitur, ne fortè ipsi nobis neces-  
sarias rerum charissimarum orbitates  
acceramus; siquidem neque illas a-  
gnosimus, quum adsunt, & rece-  
dentes pertinaciter amplexamur.  
Nam, quoniam gratias pro Dei præ-  
sentibus beneficiis minus agimus,  
sensum verberet eorum privatio ne-  
cesse est. Ut enim oculi non cernunt,  
quod ipsis propiùs æquo admovetur,  
sed certum quoddam intervallum de-  
siderant; ita etiam ingrati animi,  
bonorum jactura, præteritum bene-  
ficium videntur agnoscere. Quando  
enim Dei beneficiis fruebantur, dan-  
ti non referebant accepta; ea, ca-  
rendo, celebrare, ac prædicare con-  
discunt. At neminem nostrum ulla  
calamitas gratias agere prohibet; si  
quidem grato animo velit unumquod-  
que perpendere. Multas enim cu-  
julque nostrum vita contemplationes  
ha-

habet, easque non injucundas. Quocirca si ea, quæ contigerint, attentius aspicere voluerimus; licebit iis, quibus potimur bonis, cum deterioribus conferendis, quanti sint facienda, cognoscere. Servus es? habes te alium viliores: quod uni præstas, gratias age: quod non ad pristinum damnatus es, quod non plagis afficeris. Non deerit ne huic quidem gratias agendi materia, non enim compedibus tenetur, non cippo constringitur. Vincit vitam retinet, idoneam videlicet grati animi causam; solem cernit, spiritum ducit. De hisce rebus gratias agat. Immerito mulctaris? rerum spes te futurarum consoletur. Jure damnaris? Ita quoque gratias age, quod hic luis facinorum pœnas; non pro delictis momentaneis æterno supplicio reservaris. Eadem proinde ratione in omni vita, atque in cunctis muneribus vir gratus potest benignissimo domino magnas de præsentibus beneficiis gratias agere. Jam verò plerique sunt ita morosi, ut præsentia spernentes, absentia concupiscant, neque enim eos, qui infra se sunt positi recensentes, de his rebus, quas

ha.



habent , gratias divinæ benignitati persolvunt: sed se cum ditioribus, ac beatioribus conferentes; ut si suis rebus orbentur, de iis, quæ aliis adsunt ita queruntur, ac mœrent. Servus non esse se liberum iniquo animo patitur. Qui semper in libertate vixit, se non esse honesto loco natum, neque nobili genere, neque seipsum posse avos deinceps numerare, qui opes in equorum educatoribus, gladiatoribusve consumpserint. Qui claro est ortus genere; quod non est divitiis locuples ægrè fert. Dives, quod non civitatibus, ac gentibus imperet, dolet, atque angitur, Dux exercitus, quia non potitur imperio. Imperator, quod quicquid Solis radiis appellitur, suæ ditioni non paret: quod gentes aliquæ non sint suo sceptro subjectæ. Ex quibus omnibus conficitur, neminem gratum erga Deum benignissimum reperiri. At nos earum rerum, quibus caremus, mœrore deposito, gratias agere de iis, quæ habemus aliquando discamus. In tristiore quidem rerum statu ita sapientem medicum compellemus. In ærumna exigua, disciplina tua nobis adest. Dicamus

camus : *Bonum mihi , quia humiliasti me .* Dicamus : *non ex aquo respondent , quæ hoc tempore patimur , futura gloria , quæ detegetur in nobis .* Dicamus . *Pro iis , quæ deliquimus , paucis vapulamus .* Dominum imploremus . *Corripe nos Domine , veruntamen in iudicio , non in furore , dum enim castigamur , à Domino corripimur , ut non cum hoc mundo damnemur .* In rebus verò prosperis illam Davidis vocem proferamus . *Quid retribuam Domino pro omnibus , quæ retribuit mihi ?* Quum non essem , effecit , ut essem , ratione ornavit : artes nobis ad subsidium vitæ concessit : alimenta profert è terra : pecudum nobis ministerium dedit : nostra causa imbres , nostra causa Sol , montana , campestria , nostra causa vestiuntur , quæ nobis aditum ad montium cacumen aperiunt , flumina nostra causa fluunt ; nostra causa fontes erumpunt : mare nobis ad mercaturam sternitur : metallorum opes : oblectamenta nobis undique colliguntur , dum cunctæ res creatæ suam nobis operam , pro summa erga nos Dei benignitate , ac munificentia , navant . Sed quid ego  
exi-

exigua persequor ? nostra causa inter homines Deus, propter corruptam carnem, *Verbum caro factum est*, & *habitavit in nobis*, cum ingratissimus beneficis, ad captivos liberator: adjacentes in tenebris Sol justitiæ: in crucem qui pati non poterat: ad mortem vita: splendor ad inferos: resurrectio propter lapsos, spiritus adoptionis, donorum distributiones, coronarum denuntiationes: cætera, quæ ne recensere quidem est facile: in quæ omnia prophetæ vox convenit. *Quidnam Domino retribuamus pro omnibus, quæ retribuit nobis*? etenim vel hoc ipsum dedisse non dicitur munificentissimus Deus, sed reddidisse. Quasi verò non ipse prior beneficia dederit, sed compenlarit accepta. Grati enim animi officium adscribitur beneficentiæ: qui & quum pecunias tribuit; eleemosynam te per manus pauperum poscit: & licet sua recipiat, integram tamen pro suis rebus gratiam refert. *Quid igitur Domino retribuemus pro omnibus, quæ retribuit nobis*? neque enim vocem vatis omittam: qui rectè dubitabat, & suam egestatem circumspiciebat: quippe qui nihil ha-

beret , quo parem gratiam referet ei , qui præter maxima , atque amplissima beneficia , quibus hic nos affecit , multis partibus plura , & majora nobis pollicetur in posterum : Paradisi delicias , regni gloriam , honores Angelicis pares , Dei conspectum : quod quidem iis , qui eo dignati fuerint , summum est bonorum omnium : quod ratione prædita natura expetit universa : quod nos etiam consequemur , pravis corporis cupiditatibus expiati . Sed qua tandem ratione , dicet quispiam , humanitatem , ac benevolentiam , quod primum est , ac perfectissimum bonum ( nam plenitudo legis est dilectio ) erga proximum exhibeamus ? siquidem quosdam magnis affectos calamitatibus adeuntibus nobis non modò cum iis non sit flendum , neque lacrymandum ; sed etiam gratiæ agendæ Deo de rebus adversis , quæ ipsis evenere ? Suam enim ipsius calamitatem Deo gratulantem ferre , patientiam , tolerantiamque declarat : at pro alienis calamitatibus Deo gratias agere ; hominis est alienis malis gaudentis , & mœrentes irritantis : præsertim quum Deus nos , ut  
flea-

fleamus cum flentibus, adhortetur.  
 Quid igitur ad hæc respondeamus?  
 An rursus necessariò nobis ipsi Do-  
 mini verba subjiciemus, de quibus  
 nam rebus gaudere, de quibus luge-  
 re jubeamur? *Gaudete*, inquit, &  
*exultate*, quia merces vestra multa  
 est in cælo: & rursùs, *filia Hie-*  
*rusalem nolite flere super me, sed*  
*super liberos vestros flete*. Quapro-  
 pter, ut cum probis viris lætemur,  
 & exultemus, oracula divina per-  
 mittunt: contra verò simul cum iis,  
 qui peccatorum dolore lacrymas fun-  
 dunt, lugere, ac plorare nos jubent,  
 aut eos deplorare, qui omni sensu  
 doloris carent; quòd ne rationem  
 quidem sui interitus noverint. At  
 qui de hominum obitu immodera-  
 tiùs flendo cum lugentibus vocifera-  
 tur, eum non est existimandum pa-  
 rere præcepto. Neque enim medi-  
 cum probo, qui non modò laboran-  
 tibus non opem ferat, sed ipse sibi  
 morbos adsciscat; neque gubernato-  
 rem, qui quum oporteat eum nau-  
 tis imperare, ventis obistere, pro-  
 cellas vitare, timidiores confirma-  
 re, ipse tum nauseet, tum animum  
 una cum iis, qui sunt imperiti na-

vigandi despondeat . Talis est is ,  
qui dolore oppressos adit , neque ul-  
lum suo sermone iis affert emolumen-  
tum : sed ex alienis potiùs perturba-  
tionibus dedecus contrahit . Quare  
consentaneum quidem est , mœrore  
te aliquo affici ob eorum calamita-  
tes , qui in dolore versantur . Ita  
enim te ipse iis , qui affliguntur , si-  
milem reddis , dum te neque rebus  
adversis hilarem præbes, neque ab alie-  
nis calamitatibus alienum . Non ta-  
men præter modum efferri dolore  
cum ipsis decet , qui mœrore conta-  
bescunt, neque cum eo vociferari ,  
ac lamentari , aut in rebus alienis  
eum , cui ægritudo tenebras offude-  
rit, imitari : ut si te domi contineas ,  
atris una cum illo vestibus utaris ,  
humili sed eas , comam negligas . Ita  
enim calamitatem potiùs illius , ac  
dolorem augeas , quam lenias . Non-  
ne vides , ut tubera , lienisque tumo-  
res si vulneribus , aut febribus acce-  
dant dolores augeant : lenis verò ma-  
nuum contrectatio mitiget ? Quocir-  
cà tu quoque cave , ne ægritudinem  
tua præsentia exulceres , neve una  
cum eo , qui corruit , consterneris .  
Qui enim jacentem erigit , excelsior col-

collapsio sit necesse est. Atqui, æ-  
 què atque alter concidit, altero ipse  
 quoque indiget, à quo erigatur.  
 Veruntamen tangi quidem aliquo sen-  
 su doloris ob ea, quæ contigerunt,  
 & placidè rebus tristibus dolere par  
 est: oris habitu, & gravitate, quæ  
 dignitatem habeat, affectionem ani-  
 mi præseferentem: cum verò, qui lo-  
 quitur, non illicò invehi oportet in-  
 crepando, quasi insultantem, & in-  
 jacentes irruentem. Graves enim  
 sunt animo mœrore oppresso repre-  
 hensiones. Et simul ægrè à laboran-  
 tibus excipiuntur, & oratio omni  
 prorsus affectione vacantium, mini-  
 mè est ad persuadendum accommo-  
 data. Verùm, sinendo eum inaniter,  
 frustràque vociferari, ac deplorare;  
 ubi jam se fregerit ægritudo; tum  
 demum accuratè, ac leniter decet ad  
 consolandum accedere. Nam etiam  
 equorum domitores, pullos indomi-  
 tos non illicò habenis cohibere, com-  
 primereque conantur, quod si face-  
 rent; eos mordere frænum docerent,  
 & ascensores excutere. Verùm ce-  
 dentes initio, & unà cum eis ruen-  
 tes, ubi eos vident suo ipsorum im-  
 petu, ac violentia furorem exsaturaf-

se, tum verò edomitos, ac fessos excipiunt, & suo artificio condocesciunt, ut habenis obtemperent. Ita quoque illud Salomonis usu veniet. *Melius est ire ad domum luctus, quam ad domum convivii*. Siquidem scitè, ac leniter quis oratione utens, suam laboranti sanitatem impertiat, non alienæ ipse fiat ægritudinis tanquam lippitudinis particeps. Flere ergò cum flentibus. Quum videris fratrem ex delictorum dolore plorantem, plora tu quoque cum illo, atque illius vicem dolo. Ita enim tibi in alienis morbis tuum corrigere licebit, qui enim pro sui proximi scelere vim lacrymarum profundit, iisdem lacrymis facit sibi ipsi medicinam, quibus fratrem deflet. Hujusmodi erat, qui dicebat: *defectio tenuit me pro peccatoribus, derelinentibus legem tuam*. Pro delicto fleas: hoc morbus est animi, hoc animis immortalibus mortem affert: hoc fletu dignissimum, lacrymisque perpetuis. Propter hoc omnes lacrymæ profundantur; neque gemitus unquam deficiat ex ipsis visceribus, medullisque depromptus. Deflebat Paulus inimicos crucis Christi:



sti: Hieremias eos, qui de populo perierant: qui naturali lacryma non contentus lacrymarum fontem requirebat, remotissimamque solitudinem. *Et sedebo, inquit, & per-euntem hunc populum deflebo dies plurimos.* Hujus generis lacrymas, hujusmodi dolorem, ac fletum nostra commendat oratio: non illam in quamcunque molestiam propensionem, eamque animi affectionem, qua quis quavis de causa in lamentationes prorumpat. Jam verò quosdam ipse vidi ex voluptatis amatoribus, præ nimia intemperantia ad crapulam, & ebrietatem, per speciem ægritudinis converti, suamque incontinentiam Salomonis verbis tueri conantes, quum ait: *date vinum mœrentibus.* At proverbium illud non ebrietatis licentiam, sed humanæ vitæ auxilium præbet. Nam, ut ænigmatis vim Salomonis omittam, qui spiritalem lætitiā eo loco significat; ne prompta quidem, & aperta sententia, exiguam habet utilitatem: ut ne scilicet vi doloris absorpti alimenta negligant, qui gravi luctu oppressi, ægrè solatium admittunt. At enim pane cor lugentis

confirmatur; vino collapsæ vires, facultatesque fulciuntur. At vini amatores, ac temulenti, non ut ægritudinem leniant, sed ut malis mala compensent; mali videlicet mercatores, animorum morbos commutant morbis; atque illos, qui trutinæ momenta, & pondera exæquant, imitantes, tantum de mœrore subtrahunt, quantum accedit ad studium voluptatis. Equidem censeo vino opitulandum esse naturæ; neque tamen concedendum, ut meraciùs fundatur, & mentis consilia tenebris obruantur. Ita enim neque vino pelletur ægritudo, & animo ebrietatis malum accederet. Quod si ægritudinis est medicus ratio; summum profectò sit malum ebrietas, quæ medicinam animi repellit, atque impedit. Verùm, quæ dicta sunt memoria complectere: atque intelliges, quàm sit lex Apostoli facilis, ac salutaris: qua ratione rectam semper sequutus rationem gaudeas: qua ratione Deo assiduè supplices: quo modo de rebus omnibus gratias agas: quo modo afflictos consoleris: ut ex his omnibus perfectus undique sis, & absolutus, Sancti Spiritus ope, & Jesu Chri-

*ET GRATIS AGEND.* 249  
Christi Domini nostri præsidio,  
ac patrocínio , cui glo-  
ria, & Imperium in  
omnem æter-  
nitatem .  
Amen ,



L 5 EJUS-



EJUSDEM SANCTI

**BASILII**  
**MAGNI**  
**ARCHIEPISCOPI**

Cæsareæ Cappadociæ

CONCIO SEXTA

Adversus iracundos.

*Eodem Pomponio Brunello interprete.*



Uemadmodum quæ de corpore curando rectè præcipiuntur, tum demum salutaria esse cernimus, quum illis obtemperamus; ita quæ sapienter de animi salute traduntur, quantam vim habeant ad vitam præclarè instituentiam, atque ad eorum, qui ipsis paruerint animos ornandos, ac perficiendos, experientia solet ostendere.

Qui

Qui enim, quod in proverbiiis aperte dicitur, audimus, iracundia prudentes etiam depravari: qui cohortationes ipsius Apostoli legimus, omnis iracundia, & excandescencia, & clamor, atque omnis nequitia tollatur à vobis: qui Domini voces excipimus, dignum esse, qui in iudicium vocetur, eum, qui temerè fratri succenset; si quando contigerit, ut perturbationis huius impetum experiamur, non qui oriatur in nobis, sed qui tanquam procella quædam in nos improvisa extrinsecus irruat; tum verò maximè admirabilem divinorum præceptorum sapientiam agnoscimus: quum & iracundiæ locum, non secus ac violento fluctui cedimus: & in otio discimus, quam sit illorum indecora commotio, qui hac perturbatione concitantur. Re enim ipsa intelligimus, quàm illud scitè dictum sit: *Ira periculus non honestus*; nam ubi semel, abjecto rationis imperio, principatùm perturbatio ipsa mentis accepit, omninò efferare hominem solet, neque hominem esse patitur eum, qui sit rationis præsidio spoliatus. Quæ enim in venenatis animantibus virus

efficit, ea omnia fieri cernimus iracundia. Impetu feruntur, saltant, quasi canes rabie commoventur, tanquam scorpij subsiliunt, non secus atque angues mordent. Quin & in sacris etiam voluminibus, qui hac ægritudine laborant, belluarum nominibus, appellantur: quibus illi se per improbitatem similes effecerunt. Canes enim mutos, & serpentes viperarum foetus, & alia illis horum similia nomina tribuuntur. Merito enim homines, qui mutuam sibi perniciem, atque exitium parant, quique incommoda cæteris hominibus important, in ferarum, ac venenatorum animalium numero collocentur: quæ solent ab hominibus naturali quodam, atque implacabili odio dissidere. Ex iracundia lingua existit effrenata: hinc perdita ora, hinc manus impotentes, contumeliæ, probra, maledicta, plagæ, aliaque permulta, quæ ne percerferi quidem enumerando possent, ex eodem fonte iracundiæ manant. Ira ensis acuitur: ira homini mors manu hominis intentatur: propter iracundiam fratres à fratribus ignorantur, parentes, ac liberi naturam ipsam obli-

vis-

viscuntur : se ipsi quidem in primis, deinde verò necessarios omnes , qui irascuntur , ignorant . Nam ut quum ad ima torrens aliquis fertur , multa cujusque modi secum rapit ; sic ira incensus , furenti, ac violento in omnes impetu similiter irruit : Non senectutem verentur irati , non vitę, morumque integritatem, non propinquitatem generis : nihil apud eos accepta beneficia , nihil eorum valet, quę habentur in pretio . Brevis quidam furor est ira : siquidem & se ipsi persępè ad interitum apertum præcipites agunt ; quum suam salutem vindictę studio negligunt . Ut enim cęstro quodam , sic eorum à quibus læsi sunt , memoria concitati, animo palpitante, ac gestiente , non ante desistunt ; quam aut ei , à quo sunt laceßiti , aliqua ratione noceant, aut etiam ab eodem , si ita res ferat , malè mulctentur . Nam & ea , quę per vim disrumpuntur , plus multo læduntur sæpè , quam lædant : quum ab iis corporibus feriuntur , quę & vim omnem repellunt , & nihil cedunt . Quis dicendo hujus vim ægritudinis consequatur ? quavis enim occasione iracundi homines e-

ardescunt: vociferantur, & quavis fera venenata impudentiùs irruunt: nec ante desistunt, quam vel magno aliquo, & insanabili malo iracundiæ intumescens, quasi quadam bulla diffracta, virus eruperit. Neque enim autacies, gladii, aut ignis, aut aliud quippiam formidabile possit animum iracundiæ furore percitum cohibere: nihilo plus, quàm eos, qui sunt à malis dæmonibus occupati, à quibus nihil irati, neque habitu, ac figura corporis, neque affectione animi differunt. Qui enim ulciscendi sunt cupidi, jis non aliter sanguis in præcordiis fernet, ac si igni adhibito exaestuaret. Ubi verò in faciem ille ardor invasit, ipsa quoque prorsus immutatur: ut longè diversa, quam solet, figura cernatur, & quasi persona imposita, nonidem vultus, qui est à natura datus, appareat. Non enim iidem sunt oculi, qui esse solent, sed efferrati, ignei, atque micantes. Dentes veluti sues, dum grassantur, exacunt; vultu sunt livente, sanguineque suffuso, tumore corporis increbrescente, venæ propter spiritus agitationem, qui intus commovetur, pænè disrumpuntur. Vox aspera, atque



que contenta: sermo inconstans temerè funditur, inconditus, verbis nulla sæpè significatione subjecta. At simulatque iracundia, tanquam abundantia materiæ, summum incendium excitavit: tum verò spectacula cernuntur, quæ neque oratione explicare fas est, neque re ipsa perferre. Manus quidem violentæ propinquis, ac civibus inferuntur, & per omnes partes corporis distrahuntur: in obvios quosque nullius habita ratione, pedes insiliunt: quicquid occurrerit telum furoris efficitur. Quod si ex adverso, pari aliquem offenderint iracundia, & furore commotum, cum illo ita configunt, atque eam inferunt, & vicissim accipiunt cladem, quæ milites illos decet, qui tali dæmoni semel nomina dederint. Membra enim mutilata, mortemque sæpè dimicantes præmium iracundiæ referunt. Ille prior manus attulit, alter ulciscitur: urget hic, ille non cedit, & corpus quidem vulneribus conciditur, ira tamen sensum doloris excludit. Non enim vacat, quid patiantur, attendere, dum totus est animus in ulciscendæ injuriæ cogitatione defixus. Nolite igitur ægritudini, altero æquè  
gra-

gravi morbo, mederi: neve contem-  
 dite mutua vos calamitate superare.  
 Etenim in turpi certamine longè in-  
 ferior est ille, qui vincit: quum sce-  
 lere obstrictus graviore discedat. No-  
 li ergo malum conferre symbolum,  
 malumve mutuum reddere. Contu-  
 melia te iratus affecit? malum tu si-  
 lentio reprime, tu verò contrà facis,  
 animo enim quasi fluctum quendam  
 illius iracundiam excipis, & ventos  
 imitaris adversis flatibus omnia repel-  
 lentes. Noli esse inimici discipulus:  
 noli, quod odisti, æmulari: noli tan-  
 quam irati speculum fieri; dum in te  
 ipse figuram illius effingis, rubet e-  
 nim ille iracundia. An tu item non  
 es eodem rubore suffusus? illius ar-  
 dent oculi: tui, rogo te, placidi ne  
 sunt, atque tranquilli? vox illa aspe-  
 ra; tibi mitis? ne in solitudine qui-  
 dem ita vox in vociferantes integra,  
 sinceraque refunditur; ut in convicia-  
 torem contumeliæ retorquentur. Quin  
 etiam sonus illic idem redditur; con-  
 tumelia cum accessione revertitur.  
 Quibus enim tandem se inter se jur-  
 gantes contumeliis onerant? Ille hunc  
 obscurum hominem, terræque filium  
 dicit; illum iste vicissim vernam, ver-  
 nis-

nisque prognatum. Hic pauperem, ille mendicum. Hic indoctum, ille dementem: donec eos contumeliæ, tanquam tela deficient. Deinde verò conviciis consumptis, ad manus venit, ac pugnam. Ira enim certamen excitat: certamen convicia parit: ex conviciis plagæ; ex plagis vulnera: ex vulneribus persæpè consequitur cædes. Malum igitur nascens opprimatur à nobis: iracundia ex animo totis viribus depellatur: ita enim pleraque mala extirpaverimus, hac perturbatione radicitus evulsa. Maledicit quispiam? tu hominem collauda. Verberat? perfer. Consputat atque contemnit? tu verò tecum, te ex terra procreatum reputa, & in eandem esse recasurum. Qui enim se hisce cogitationibus instruxerit, quamvis contumeliam, quamvis ignominiam sua intelliget esse indignitate leviolem: ita & repetes ab inimico pœnas ejusmodi, ut nulla te ratione laceſſat in posterum, qui te videat vulnerari non posse; & præclaram tibi contemes patientiæ coronam, dum alterius furorem ad occasionem virtutis colendæ traduces. Quare si me audies, ad contumelias tibi im-

pe-

positas addes aliquid etiam de tuo. Obscuro te loco natum esse dixit, ignobilem, atque infimæ fortunæ hominem? tu te ipse terram esse dices, ac cinerem. Neque enim Abrahamo patre nostro gravior es, qui sibi ista tribuebat. Imperitum te, pauperem, nullius pretii hominem appellavit? te ipse vermem nomina, teque dic initium à sterquilinio ducere, verba Davidis usurpans. his illud quoque Mosis adde præclarum; qui ab Aarone, & Maria contumeliis oneratus, Deum non adversus illos incitare conatus est, sed pro illis est potius deprecatus. Quorum discipulus esse MAVIS? Beatorum ne, Deoque charissimorum virorum, an eorum, qui spiritu malidæmonis agitantur? si quando ad contumeliam sollicitaris, periculum de te fieri puta, utrum velis ad Deum patientia instructus accedere, an per iracundiam te in adversarii castra conferre. Concede menti tuæ spatium ad cogitandum, quo sententiam possit optimam deligere. Aut enim adversario clementia proderis, aut acrius etiam injuriarum despicientia vindicabis. Quid enim adversario accidere possit acerbius, quam inimicum

cum cernere nullo contumeliarum impetu debilitatum ? Noli mentem huc tuam abjicere: noli pati, ut injuriarum tela te, quæ conjiciuntur, attingant. Sine, ut frustrà te inimicus allatret: se ipse disrumpat. Ut enim is, qui nihil sentientem verberat, se ipse potius lædit ( neque enim inimicum ulciscitur, neque exsaturat animum; ) ita qui contumelias ei, qui non dolet, imponit; satisfacere animo, aut levationem ullam invenire perturbationi non potest. Quin contrà, ut dixi, discrucietur vehementius. Ex his verò quæ tandem nomina uterque vestrum sortiatur ? Ille quidem maledicus, tu magnanimus appellaberis: mitis tu idem, ac facilis, iracundus ille, atque difficilis: illum verborum, quæ effutit, aliquando pœnitebit: virtutis te, nunquam pœnitebit. Quid multa ? Illi cœleste Regnum maledictis intercluditur ( maledici enim regnum Dei non possidebunt; ) tibi idem regnum silentio paratur: qui enim ad finem usque pertulerit, salvus erit. Quod si ulcisci velis, parque pari, ut dicitur, conviciatori referre: qua te tandem ratione defendes ? An quod  
 ille

ille te prior laceſſivit ? at quæ tandem huic rei debetur venia ? neque enim ſcortator , ſi culpam in amicam conferat , à qua fit ad peccandum illeſtus , minus idcirco condemnandus eſſe videatur . Neque corona quiſquam in certamine donatur , nemine reluſtante ; neque nullo poteſt aliquis adverſario cadere . Audis Davidem , cum dicat , *Dum conſiſteret peccator adverſus me , non exſandui* , non injuriam propulſavi : ſed obmutui , ſed animos demiſi : ſed ab utilibus etiam rebus dicendis abſtinui . Tu autem exardeſcis iracundia propter contumeliam , quaſi ob rem turpem : eandem rursùs tanquam bonum aliquod amplexariſ . Jam igitur vitio laboras eodem , quod accuſas : aut certè aliena quidem vitia diligenter inſpicis : tua eſſe levia , atque aded nulla putas . Contumelia , malum eſt ? ne imitare : neque enim , quòd alter incœperit , ſatis juſtam habet excuſationem : Quin eo graviùs es , ut ego quidem arbitror , reprehendendus , quòd alter nullum habuit irati alicujus , quo reprimeretur exemplum : tu verò , quum irascentis turpitudinem cernas , nihil tamen ,

cogitas de imitatione vitanda : sed excandescis , stomacharis , vicissim illi succenses , atque ita efficis , ut qui rixari cœpit , perturbatione tua ad se purgandum abuti possit . Is enim , quæ agis , illum culpa liberas , te ipse condemnas . Nam si malum est iracundia , cur non tu illud averfaris ? quare , ut ad vindictam posterior veneris , nihil tibi tamen hoc proderit . Neque enim in certaminibus , qui luctæ initium fecit , sed qui superior ex pugna discessit , is tandem coronatur . Quamobrem non modò damnatur is , qui autor alicui ad facinus aggrediendum fuerit ; verum etiam is , qui ad scelus patrandum sit secutus mali ducis exemplum . Si quis te verè pauperem nominat , quin verum amplexaris ? Sin mentitur : quid ad te illa pertinent , quæ dicuntur ? Utenim falsis laudibus efferi nunquam debes : ita neque vituperatione , quæ te non attingat , commoveri . Nonne vides , ut sagittæ transadigant , si quæ solida corpora offendunt , & quæ impressionem omnem rejiciant : ut contrà in mollibus quibusque , & cedentibus vires amittant ? Perluade igitur

ti-

tibi idem in contumeliis usu venire .  
Qui occurrit , is demum illas excipit ,  
at qui facilitate morum cedit , iis  
improbitalis impetum facile frangit ,  
ac reprimat . Quid verò te cognomen pauperis conturbat ? tua tibi natura veniat in mentem : nudum te in hunc mundum ingressum esse memineris , nudumque discessurum . Quid nudo fieri potest egentius ? Nihil tibi grave objicitur , nisi ad te , quæ dicuntur , existimes pertinere . Quis est in vincula ob egestatem aliquando conjectus ? non paupertas turpis est : sed paupertatem turpe est fortiter ferre non posse . Recordare de Domino , qui quum dives esset , egestatem est nostra causa perpeffus . Si stultum te , atque imperitum quispiam appellaverit , redi in memoriam maledictorum , quibus à Judæis vera sapientia proscindebatur . Samaritanus es , & dæmonium habes . Nam si ad hæc contumelias exandascis ; tua illas iracundia comprobas . Quid enim ira stultius ? Quod si nulla fueris immoderata perturbatione commotus , efficies , ut , qui te violavit , erubescat , quum animi tui moderationem re ipsa declares . Pugnīs



gnis es, aut alapis appetitus? at eadem Dominus, nostra causa pertulit. Conspuitatus es? at noster item Dominus à sputorum foeditate faciem non avertit: falsò insimularis? enim verò etiam iudex. Tunica tibi profissa? meum quoque Dominum exuerunt, ejusque inter se vestes diviserunt. Nondum damnatus es, nondum sublatus in Crucem, distas adhuc ab ejus imitatione longissimè. Hæc igitur tibi in mentem veniant singula, hæc tumorem animi deprimant, ardoremque restinguant. Præparationes enim, ac provisiones hujusmodi, malos animi motus, ac tanquam saltus, pulsusque cordis violentos elidunt, & hominem ad statum mentis revocant sedatum, atque tranquillum. Atque hoc illud est, quod à Davide pronuntiatur: *paratus sum, & non sum turbatus*. Sunt igitur insanæ, ac furiosæ commotiones exemplo beatorum hominum coercendæ. Semei temulentiam vir magnus David quam patienter tulit? Nullum reliquit iracundiæ locum, dum in Deum cogitationem, animumque defigeret: Dominus enim, inquit, semei ut Davidi

vidi

vidi malediceret, imperavit quamobrem, quum se audiret parricidam, ac nefarium hominem appellari, non illi succensēbat: sed ita se ipse potius demittebat, ut meritò in se jactas contumelias arbitraretur. Duo igitur tibi sunt ex animo penitus evellenda; ut neque tibi multum tribuas, magnave tibi deberi judices, neque ullum hominem dignitate longè, quàm te, inferiorem putes. Ita enim nunquam iracundia, si quando jactatur in nos convicium, excitabitur. Grave est profectò, atque indignum, hominem beneficiis maximis affectum ad ingrati animi crimen contumeliarum etiam, ac maledictorum dedecus adjungere: grave quidem, sed malum tamen auctori longè gravius, quàm ei, cui inferitur injuria. Violet, ac maledicat ille: tu ne violari te sine. Tibi sint ad virtutem exercendam illius verba, materia; si enim nihil morderis, animo sanus es, atque integer. Quod si qua ratione commoveris; dolorem animo contine: *in me enim*; inquit, *turbatum est cor meum*: hoc est, non prodit perturbatio, non se ostendit, sed quasi quidam fluctus

Etus intra littus collisus, dissipata est, atque sedata. Comprime igitur cordis, quasi oblatrantis feritatem: perturbationes rationis vereantur aspectum, non secus, ac viri gravis praesentiam immodesti pueri vereri solent. Qua ratione igitur tandem incommoda vitabimus iracundiæ? si effecerimus, ne rationem ira praecurrat: si illud in primis curaverimus, ut mentem illa nunquam antevertat; si ipsam ut equum aliquem moderemur, ut nusquam de sua statione decedens, rationis tanquam fræno regi, & quocumque ratio velit, duci se facile patiat. Nobis enim illa pars animi, in qua est ardor irare, multas ad res perutilis est: siquidem, ut bonus aliquis miles, armis apud Ducem depositis, imperata facere non recuset, ineatque cum ratione contra scelera societatem: nervus est animi quidam, iracundia, quæ robur illi ad honestatem retinendam præbet. Nam, si quando illum voluptate delinitum, ac lascivientem offenderit, tanquam ferri temperatione quadam cohibet, & à remissione illa, atque mollitie ad firmitatem, severitatemque traducit.

M Nun-

Nunquam enim , nisi adversus improbum illum dæmonem animus exardescat, satis magno, ut par est, in illum odio concitaberis. Pari enim, opinor, erga virtutem amore, atque in scelus odio affectos esse nos decet. Ad odium concipiendum iracundia perutilis est, ubi tanquam pastori canis, sic illa rationi libenter obsequatur; mitem se amicis, ac facilem præbeat, seque ab illa revocari sinat: ad alienam vocem, aspectumque torva, & agrestis, quamvis demulceri se sentiat; notorum tamen, atque amicorum vocem, ac præsentiam vereatur. Hanc operam vis irascendi rationi navat egregiam. Nam, qui ita sit affectus, nulla ratione potest insidiatoribus conciliari: nullum cum ipsis habere commercium, nullum unquam cum iis, quæ virtute adversantur, foedus init, nullam contrahit amicitiam, voluptatem, à qua sibi parari sentit insidias, quasi lupum quendam allatrat, atque dilaniat. Hunc igitur prudentes viri fructum ex iracundia capiunt. Nam, & reliquæ animi facultates, ita bonæ, malæve sunt, ut benè iis, vel malè vis utitur. Qui enim ,  
exem-

exempli causa , ea parte animi , in qua inest cupiditas , ad obscœnas corporis voluptates abutitur , execrandus profectò sit , ac flagitiosus : is verò prædicatione , atque admiratione dignissimus , qui eandem vim ad amandum Deum , atque ad bona expetenda conferat sempiterna . Idem de facultate dicendum est , in qua mens , & ratio dominatur . Qui enim præclarè illam regit , is erit prudens : qui autem exacuit ad alios violandos ingenium , is improbè versutus , is vafer jure dicetur . Quamobrem , quæ ad salutem nobis à conditore data sunt , ea nos ne ad perniciem , atque ad scelera convertamus . Ita igitur , si & quo tempore , & quemadmodum oportet , incitetur iracundia ; fortitudinem parit , patientiam , continentiam : sin aliter quàm ratio postulat , adhibeatur , furor efficitur . Psalmus etiam idcirco nos admonet : *irascimini , & nolite peccare* . Et verò Dominus , sine ratione , ac temerè irascenti minatur judicii severitatem : non tamen damnat eos , qui ira tanquam remedio , ubi sit opus , utantur . Illa enim : *inimicitias ponam inter te , & ser-*

## 268 A D V E R S U S

*pentem; & illa: hostes eritis Madianitarum, iracundia nobis, tanquam telo, utendam esse demonstrant. Ergò Moses, qui omnium planè mortalium fuisse mitissimus dicitur, quum poenas ab aurei vituli cultoribus repeteret, ad fratrum cædem, Levitarum manus armavit: gladio se quisque, inquit, accingat, ad portam à porta transite, & reflectite per circuitum castrorum: suum quisque fratrem, suos quisque propinquos de medio tollite: & paulò post, & dixit, inquit, Moses, vestras hodie manus domino consecratis, in suo quisque filio, & in suo quisque fratre, ut detur vobis benedictio. Quid verò Phinees justitiæ laude cohonestavit? Nonne iusta in scortatores ira? qui alioquin mansuetus ferè quum esset, ac per-humanus, quum vidisset stuprum à Zambri, ac Madianitide palam, atque impudenter admitti, ut ne deformitatem quidem occultarent, spe-taculum tam turpe non tulit, oportu-nè usus iracundia utrumque hasta confodit. Samuel verò nonne Regem Amalecis Agagum, quem Saul contra Dei cnservarat iimperium, iusta ira commotus, in medium productum in-tere-*

teremit? Ita est plerumque iracundia honestarum actionum administra. Elias, qui à divini honoris tuendi, atque augendi studio Zelotis nomen invenit, quinquaginta supra quadringentos turpitudinis, ac petulantiae, quadringentos item nemorum sacerdotes, qui à Jezabele alebantur, iusta, & moderata ira, ut Israelis populo universo consuleret, occidit. Tu verò fratri tuo temerè, ac sine ratione succenses. An non enim temerè, quum sit alius, qui agit, atque incitat, alius qui agitur: cui tu tamen irasceris? & quidem canes imitaris, qui jactos in se lapides mordent, eos, à quibus appetuntur, ne attingunt quidem. Qui incitatur miserandus. Is dignus est odio, à quo exagitatur. Transfunde in illum homicidam, in mendacii parentem, in artificem sceleris iracundiam: fratris verò potius vicem dole, quòd cum diabolo sit igni sempiterno, si in peccato perstiterit, addicendus. Jam verò, ut non eadem sunt excandescentiæ, atque iracundiæ nomina, ita, quæ illis notiones subjiciuntur, inter se plurimum differunt. Est enim excandescencia ira nascens, ac modò

existens, quum tanquam exardescit subita perturbatione animus, & inflammatur. Iracundia verò permanens est ægritudo, ac libido puniendi ejus, qui læsit injuria, velut ad vindictam animo turgente. Utroque igitur modo homines peccare quis nescit? aut enim furiosè, atque insanè in se lacescentes concitantur, aut astutè, & callidè insidiantur jis, à quibus injuriam accepere. Nobis autem utrumque vitandum. Quæ igitur tandem ratione perficias, ut quo non oportet, iracundia ne impellaris? qua ratione? si ad omnem animi submissionem instituaris, quam Dominus & oratione præcepit, & re ipsa probavit: modò quum diceret: *qui voluerit inter vos primus esse, sit postremus omnium*: modò quum pulsatus cædentem æquo, ac sedato animo ferret. Cœli enim, terrarumque procreator, ac Dominus, is, quem cœlestes illæ mentes cunctæ venerantur, qui portat omnia verbo virtutis suæ, non vivum illum ad inferorum supplicia, terra discedente, detrudit; sed amicè monet, ac docet: *si malè locutus sum, testimonium perhibe de malo; si autem benè, quid me*



*me cedis?* Si enim consueveris in postremis, ex domini præcepto, consistere, quando unquam quasi de violata dignitate poteris stomachari? Si te maledictis puerulus infectetur, contumeliæ tibi risum movent: si quis delirii morbo laborans, deque statu mentis deturbatus verba in te contumeliosa profundat, commiseratione illum potius, quam odio dignum ducis. Non verborum igitur natura ægritudinem, & molestiam parit: sed ejus, qui nobis maledicit, despicientia, & inanis de vobis ipsis existimatio. Quare si hæc duo ex animo evelleris, inanes quidam verborum strepitus erunt, quæ in te maledicta jaciuntur. Desiste igitur ab iracundia, excandescentiam depone, ne illam cogaris iracundiam experiri, quæ in omnem impietatem, atque injustitiam hominum, divinitus exister. Si enim sapienti consilio acerbæ iracundiæ radices extirpaveris, multas perturbationes cum hoc tanquam capite, sustuleris. Nam dolus, suspicio, perfidia, calliditas, insidiæ, confidentia, aliaque permulta generis ejusdem, quædam sunt hujusce vitii germina. Ne igitur no-

bis malum ipsi inferamus. Gravis est enim animi morbus iracundia: mentis lumen extinguit: à Deo nos abalienat: propinquitatis, ac necessitudinis oblivionem affert: bellorum est causa: calamitates calamitatibus cumulat: malum dæmonem in animos nostros inducit, & quasi quidam impudens inquilinus intima quæque occupat, sanctoque spiritui aditum intercludit. Ubi enim similitudines, lites, iræ, concertationes, contentiones, quæ incredibiliter animos commovent, atque perturbant; ibi spiritus mansuetudinis non requiescit. Verùm beati Pauli præceptis obtemperemus, iracundiam omnem, excandescentiam, clamorem, omnemque planè malitiam abjiciamus. Simus inter nos benigni; nosque inter nos malorum nostrorum misericordia capiamur: ut quæ nobis promissa est, beatam vitam sperare possimus. *Beati enim mites; quoniam ipsi hereditate possidebunt terram*: in Christo Jesu Domino nostro, cui, & patri, qui principio caret, & ipsorum sanctissimo, optimo, ac vivifico spiritui gloria, & imperium in omnem debetur æternitatem. Amen.

EJUS-



EJUSDEM SANCTI

# BASILII MAGNI.

In dictum illud ex Eyan-  
gelio secundum  
Lucam :

*Destruam horrea mea,  
& majora ædi-  
ficabo :*

Itemque de Avaritia,

CONCIO.

*Raphaele Volaterrano Interprete.*

**D**Uplex est tentationum genus.  
Nam vel corda hominum,  
tanquam aurum in fornace,  
afflictis rebus, adversisque  
probantur, quæ per patientiam ip-  
sorum

forum coarguant, ac declarent probitatem: aut certè ipsa vitæ prosperitas sæpenuerò multis tentationis, & experimenti loco est. Equè enim durum videtur, in rerum difficultate minimè dejici, & infractum servare animum, ac in felicitate non extolli ad irrogandam contumeliam. Et quidem prioris exemplum magnus Job invictus Athleta præse tulit, qui omnem diaboli violentiam, veluti torrentis impetum inconcusso corde, firmoque proposito, quum excepisset, tanto major tentationibus apparuit, quanto duriora illi, vixque eluctabilia ab hoste visa sunt objecta illa certamina. Earum verò tentationum exempla, quæ ex lætiore rerum successu contingunt, cum alia multa sunt, tum hujus nobis nunc lecti divitis, qui opes quidem alias habuit, alias verò se habiturum speravit, Dei benignitate ipsum abusque initio tolerante, nec obingritudinem morum condemnante, sed continuò prioribus divitiis alias addente, si quo modo per copię satietatem animum ejus ad liberalitatem, ac mores mansuetiores aliquandò provocaret. *Hominis, inquit, divitis uberes fructus*  
*ager*

*ager attulit, & cogitabat intra se dicens: Quid faciam? destruam horrea mea, & majora edificabo.* Cur igitur abundavit ager hominis nihil boni ex copia facturi? ut major Dei longanimitas appareret: quando usque ad tales quoque ejus bonitas extenderetur: qui pluit super justos, & injustos, & Solem suum oriri facit super bonos, & malos. Talis verò bonitas Dei majus colligit supplicium his, qui perversè agunt. Hujus itaque divitis terræ, per manus avaras cultæ, Deus imbres tribuit, ac Solem, qui semina ad maturitatem sui caloris fotu proveheret, & multiplicaret fruges per fertilitatem. Et talia sunt, quæ Deus largitur; terræ videlicet confert aptitudinem, aeris temperiem, seminum copiam, auxiliarem boum operam, & si qua sunt alia, quibus agricultura felicius promovetur. Hominis verò hujus qualia sunt? Mores amarulenti, in omne hominum genus odium, nulla in proximum liberalis collatio. Hæc miser benefactori rependit. Non communis meminit naturæ: nec quæ supererant putavit egentibus distribui oportere: nec ul-

lam inibat. rationem illius præcepti ,  
*ne desieris benefacere inopi* : Itemque  
*Eleemosynæ* , ac *fides ne te deferant* :  
 item : *frange esurienti panem tuum* :  
 denique Prophetæ , omnesque docto-  
 res clamantes non sunt auditi . Sed  
 horrea multitudine fructuum gravata  
 dirumpebantur : cur autem ejus par-  
 cum , ac tenax minimè exsaturatum  
 est. Semper enim antiquis nova super-  
 addens , & annuis proventibus co-  
 piam augens, in hanc inextricabilem  
 incidit mentis inopiam , ac perplexi-  
 tatem , cum ne vetera quidem prop-  
 ter avaritiam fineret in usus inopum  
 cedere : nec item recentibus propter  
 copiam locus esset : idcirco vana ,  
 & inefficacia ejus consilia , curæque  
 perplexæ fuerunt. *Quid faciam?* in-  
 quit . Quis non misereatur sic mise-  
 rè curis obsessi ? Ipsa fertilitate miser  
 erat , ac timidulus . Miserabilis præ-  
 sentibus , & paratis bonis , misera-  
 bilior ob ea , quæ adhuc expectabat .  
 Num enim proventus ei fert terra ?  
 gemitus ei producit : num fructuum  
 copiam colligit ? imò curas , dolo-  
 res , & graves anxietates . Peræquè  
 enim ac egestate pressi , miser affli-  
 ctatur , & ejulat. An non talis mo-  
 di

di edit vocem, cujusmodi solet, qui angustia pressus mendicat? Quid faciam? alimenta unde? unde indumenta? Hæc secum submurmurat, ac loquitur dives: cor per hæc mœrore conficit, & affligit, dum æstuat anxia solitudine. Cæteros enim, quod assolet lætitia perfundere, id macerat, ac liquefacit avarum. Ex his enim omnibus, quibus domi plenissimè affluit, nihil decerpit gaudii: quin ipse potius undique affluentes divitiæ, & quarum diffusionem non capiunt promptuaria, punctim ejus exstimulant animum, ac lancinant, ne ad externos fortè, vel transcursum aspiciens, in alienos cogatur non-nihil conferre subsidii. Hæc istius animæ misera affectio mihi planè videtur nihilo dissimilis voraci gullæ helluonum, qui ingluvie disrumpi inalint, quam ut vel tantillum ex reliquiis in inopes conferant. Agnosce, ò homo, eum, qui dedit. Fac memineris tui ipsius, tu quis, quid item dispenses, à quo acceperis, qua item gratia tam multis sis prælatus. Dei optimi minister es, tuorum dispensatur conservorum. Ne puta omnia ventri tuo præparari: quæ  
in

in manibus habes , ut aliena , existi-  
ma : parvo te exhilarabunt tempo-  
re , deinde diffluentia præteribunt ,  
quorum ratio abs te acriter exigetur .  
Tu autem omnia simul portis , & re-  
pagulis retines interclusa , iisque si-  
gnaculis obfignatis , & colligatis ad vi-  
gilas anxius . Ex te ipfo captas con-  
filiū : planè imprudenti uteris con-  
filiario . Quid faciam ? Parata tibi  
responsio fuerat : esurientium animos  
explebo , aperiam horrea , & om-  
nes vocabo indigos : imitabor Joseph  
præconio exhibitæ hominibus beni-  
gnitatis celebrem : vocem emittam  
magnificam : Quicumque panibus e-  
getis , venite ad me singuli partici-  
pes futuri , quod satis fuerit , gra-  
tiæ à Deo mihi collatæ , quasi pro-  
filientis è communibus fontium sca-  
tebris . At non tu talis . Unde enim  
tu , qui rerum commoditatem , usum-  
que invides hominibus , improboque  
tecum inito consilio sollicitus es ,  
non quo pacto cuique ea , quæ ne-  
cessaria ad vitam sunt , dispertiaris :  
sed quonam modo omnibus ad te re-  
tractis ; omnes eorum prives uti-  
litate ? Præsto erant , qui animam  
illius è corpore exigerent , & ille cum  
ani-



anima de escis loquebatur . Eadem illa nocte auferenda erat illi anima , & ille multorum annorum delicias sibi ipsi imaginabatur . Permissum illi est , quidvis consultandi , animique sui sententiam exprimendi , ut competentem suo proposito sententiam acciperet . Cave ne idem tibi quoque usu veniat . Hoc namque idè scriptum est , ut simile quid viteamus . Imitare , ò homo , vel terram : ut illa fructus proferto , ut ne illa conspiciaris esse deterior , quæ inanimis est . Sanè illa non in suum usum , aut commodum , sed in tuum ministrare contendit . Tu autem , quemcumque ostenderis beneficentiæ fructum , illum tibi ipsi congregas . Nam benefactorum gratiæ indantes revertuntur : dedisti esurienti ? tibi consuluit : quod dedisti , ad te cum auctario revertetur . Quemadmodum enim frumentum in terram cadens , lucrum projicienti parit : sic & panis in esurientem projectus , multam in posterum tibi reddet utilitatem . Sit agriculturæ tibi finis initium sementis cœlestis . *Seminate* , inquit , *vobis ipsis in justitia* . Quid igitur anxius es ? quid afflictaris lu-

to,

to, & lateribus divitias claudere contendens? *Melius nomen bonum, quam divitiæ multæ*. Si autem divitias ob honorem inde provenientes admiraris, considera quanto ad gloriam magis faciat multorum filiorum parentem appellari, quam mille stateres in marsupio repositos habere. Pecuniam enim hic vel nolens relinques: honorem verò ex benefactis ad Dominum referes: quando populus omnis communem judicem circumstans, te & nutritorem, & in inopes beneficum, & demum omnibus, quæ ad humanitatem pertinent, nominibus appellabunt. Nonne vides quosdam in theatris in pancratiastas, & mimos, & homines cum feris certantes, quos spectare quis abominetur, pro brevis temporis honore, ac populi plausu pecuniam prodigentes; tu autem tam parvi es animi, ut ad sumptus perpetuam tibi gloriam pariturus cuncteris? Deus est, qui recipiet, & Angeli collaudabunt, homines quotquot ab ipsa mundi creatione fuerunt, beatum te prædabunt. Præterea, gloria sempiterna, corona justitiæ, regnum Cælorum, præmia tibi ob harum rerum corrupti.

ptibulum administrationem , erunt : quæ tu nihili ducis . Tanto teneris rerum præsentium studio , ut quæ spe præsumere debes , ne tanti quidem facias præ illis . Age dum ergò , tuas opes in pauperum varios usus dispo- ne , ac dispensa , clarus , & venerabilis ob sumptus in egentes esto . De te illud dicatur : *dispersit dedit pauperibus , justitia jus manet in sæculum* . Noli solito gravius vendere , necessitatibus intentus . Ad horrea tua aperienda noli annonæ caritatem expectare . Nam qui auget pretium annonæ , publicæ execrationi obnoxius redditur . Famem ob aurum ne operitor : noli ob utilitatem privatam , communem inediam affectare . Noli , inquam , institor , caupove humanarum fieri calamitatum ; ne per occasionem cumulandarum opum iram in te accersas Dei . Ne molestiam generes vulneribus eorum , qui flagellis cæsi sunt . Tu verò aurum tantum respicis , fratrem verò tuum non aspicias , & nummi quidem characterem , ac genus cognoscis , probum ab adulterino discernis , fratris verò tui egestatem prorsus nescire quidem vis . Auri renidens color te mirum  
in

in modum oblectat : at quantus te sequatur inopis gemitus non cogitas ? Quomodo tibi ob oculos proponam calamitates pauperis ? Ille circumspexit omnibus videt sibi nihil suppetere auri , sed ne sperat quidem unquam affuturum . supellex porro , ac vestimentum ejusmodi , cujusmodi esse solent pauperis facultatulæ , nimirum pauculis obolis æstimandæ . Quid igitur ? Ad liberos denique oculos reflectit , eos ut ad forum deductos exponat venui , atque illinc qualecunque solamen inveniat impendentis fati . Expende , quæso , hic certamen ex una parte instantis famis , ex altera paterni affectus : cum altera miserabilem mortem intentet , natura verò retrahat , & una cum filiis mori persuadeat , & sæpè concitatus , sæpè repressus , tandem urgente necessitate inevitabili victus , & coactus in id consilii rapitur . Et quæ hic consultat Pater ? Quem primum liberorum vendam ? Quem magis cupiet is , qui frumentum commutat ? si primum : at ætatis honos me reprimat . Juniorem ne ? at me miseret ævi calamitatis adhuc indocilis . Ille apertas habet notas , quibus parentum suorum effi-

effigiem exprimit. Ille aptus est ad disciplinarum studium. Heu ineluctabilem calamitatem! Quorsum evado? Quem nam istorum lædam, & offendam? cujusnam bestię ingenium assumam? Quomodo naturę obliviscar? Jam si cunctos retinere adnitar, cunctos videbo calamitate famis absumi. Si unum vendidero, quibus oculis reliquos aspiciam, cum me jam illis videam de mea erga ipsos fide suspectū? Quomodo domū inhabitabo, qui mihi ipsi orbitatem accersiverim? Quomodo ad mensam accedam, cujus sumptus ex tali mercatura constant? Tandem multis cum lacrymis, charissimum natorum unum venditurus ad te venit. Tu propterea nihil tali calamitate inflecteris? Nulla subit mentem naturę communis ratio? Quin & illum, licet fames premat, ludificas interim cavillis, & comperendinator dissimulas, diuturnioremque illi nectis, & concinnas calamitatem. Quum ille sua tibi viscera pro alimonię pretio offerat, manus tua ex hujusmodi calamitatibus facultatem, & opes captans, non solum non stupet, sed reluctaris, quasi nimium des, & ut multum lucreris minus tum dare.

re conaris , undique miseri gravans incommoda . Non lacrymæ tibi extorquent misericordiam , non suspirium cor emollit : sed inflexibilis , & duricordius aurum respicis , aurum imaginaris . Hoc tibi dormienti insomnium , & vigilianti desiderium . Quemadmodum enim per insaniam mente moti res probè non vident , sed pro morbi sui ratione quævis imaginantur : sic anima tua ab avaritia possessa , cuncta aurum , cuncta argentum respicit ; libentiùs vides aurum , quam solem . Quæcumque vides , in aurum verti cupis , dasque operam , quoad possis , & liceat . Quid enim rerum non moliris , movesque unius auri gratia ? Frumentum tibi in aurum vertitur , vinum in aurum concrescit , lanæ ipsæ transeunt in aurum . Omnis mercatura , studium omne tuum , ac solertia conciliat tibi , suggeritque aurum . Quid ? seipsum denique generat aurum , dum per fœnus tanto redditur auctius . Nec enim satietas , aut finis cupiditatis invenitur . Sæpè numero pueris cibi justo appetentioribus , quæ cupiunt maximè , affatim , & ad saturitatem damus , ita  
ut

ut ex copia fastidio capiantur: avarus autem non ita, sed quanto plus accipit, tanto plura desiderat. *Divitiæ si affluant*, inquit Psal. *nolite cor apponere*. Tu autem præter necessitatem affluentes retines, & exitus obstruis. Deinde sic coactæ, ac occlusæ, & quasi stagnantes, quid tibi faciunt? Rumpunt repagula violenter retentæ, redundantia destituunt horrea, promptuaria solo adæquant, ac si hostis alicunde irruerit. *Sed majora*, inquis, *edificabis*: Incertum: an destructa velut per manus successoris dabit. Nam ipse velocius migrabit hinc abreptus, quam illa juxta avaritiæ ipsius cogitationem erigantur. Sed hic quidem dives finem congruum, ac parem consiliis malis est affecutus. Vos contra, optem à me ut persuadeamini, nempe ut portis omnibus patefactis, promptuariorum, divitiis latissimè patentem transitum exhibeatis, quasi latifundo fluvio frugiferam terram per mille irriguas helices, rivosque clam ingredienti. Itidem & ipsi per multas vias opibus ad pauperum domos aditum date. Nam & putei continuò exhausti, & copiosiore, & pul-

pulchriore admodum fluunt aqua, dimissi verò, & quieti, facile putent: sic & opes conditæ, quiescentesve, inutiles, motæ autem, & translatae publicum commodum, & fructum pariunt, quarum gratia, ò quanta tibi laus ex iis, qui beneficium acceperunt, proveniet! quam tu cave contempseris. Quanta verò à justo iudice merces! cui tu diffidere nolis. Exemplum itaque accusati divitis tibi ubique occurrat: qui quidem præsentia custodiens, & futurorum spe anxie sollicitus, & incertus, num esset victurus crastino, hodie peccando diem antevertit crastinum. Nondum ad hunc inops advenit supplicaturus, & jam antea suam declarat feritatem. Nondum collegit fructus, & jam avaritiæ iudicium, & condemnationem accepit. Terra quidem in ferendis ei fructibus officiosa fuit. Profundam in arvis segetem ostentabat, racemos in palmitibus plurimos tulit. Is verò illi pariter præbens oleam fructibus prægnantem, ac turgidam, & ex genere nucum omni illi promittens omnimodam alimoniam, quum is interim nulli commodus, aut benevolus esset, & sine fructu. Nondum ha-

be-



bebat fructus, & illos jam egenis in-  
videbat. Quanquam quot sunt pericu-  
lis onoxiæ fruges, antequam domum  
comportentur? Nam & grando sæpè  
eligit, atque comminuit, & æstus in-  
gens è mediis eripuit manibus, &  
aqua intempestiva è nebulis fluens in-  
frugi reddidit, & inutiles fructus. Quin  
tu ad Dominum preces effundis, ut mu-  
nus hoc tibi impertitum perfectum  
reddat? imò tute antevertis indignum  
efficere eorum susceptione, quæ tibi  
præmonstrata sunt. Clam loqueris te-  
cum: at tua verba in Cœlo examinan-  
tur: quopropter & inde tibi respon-  
detur. Quæ autem dicit? *Anima*, in-  
quit, *habes reposita tibi multa bona:*  
*comede, bibe, gaude.* O verba stul-  
tissima! ò dementiam singularem, !  
Nam si porcinam habuisses animam,  
quid aliud ipsi enuntiare potuisses?  
Itane pecuinus tu, ita bonorum ani-  
mæ ignarus, eam ut exceptes carna-  
libus epulis, & quæcunque alui seces-  
sus recipit, animæ destines? siquidem  
illa virtutem habet, si plena est bonis  
operibus, si Dei gratiam sibi concilia-  
vit, ac familiariter ascivit, tum sanè  
multa bona habet, tum lætari poterit  
bona lætitia. Jam quando terrena sa-  
pis,

pis, & Deum habes ventrem, totus quoque caro effectus, vitiosis affectibus oblequeris, audite dignam appellationem, quam tibi nullus hominum, sed ipse Dominus indidit: *Stulte, hac nocte animam tuam abs te repetent*. quæ autem præparasti, cujuserunt? Superat æternam pœnam irrisio ista stultitiæ. Qui namque paulò post abripiendus è vita, & ad supplicium abducendus, quale init tacitus consilium? *Destruam horrea, & majora faciam*. Isti ego sanè dicerem, benè facis: nam iniquitatis horrea procul dubio digna sunt, quæ diruantur. Everte miser tuis ipse manibus, quod malè ædificasti. Solve horrea, unde nullus unquam solamen ullum consecutus est. A fundamentis excidito avaritiæ custodem, dirue tectum, everte muros, ostende soli frumentum, quod cariem, situmve contraxit. Educ diutiùs illigatas hæc divitias: produc in publicum tenebris obsita mammonæ domicilia. *Destruam horrea mea, & majora faciam*. Ubi verò & ista frumento adimpleveris, quid, quæso, ampliùs cogitabis? an rursus destrues, & rursus ædificabis? quid stultius, quam laboribus nunquam finiendis se conficere,

ac summo cum studio ædificare, neo minore cura eadem demoliri ? Habes, si vis, apothecas, domos pauperum, thesauriza tibi thesauros in Cælo. Quæ illic reconduntur, ea ne-  
tquam depascuntur tineæ, nulla depopulatur caries, aut erodit, nulli suppilant prædones. Dixeris : atqui tum in indigos dispartiar, quum horrea secunda complevero. Longa tibi vitæ tempora præfixisti : vide ne te illud tempus, quod certo, ac præstituto termino accelerare solet, fortè corripiat. Et profectò vitam sibi hoc modo confidentiùs polliceri, non bonitatis, sed malitiæ est indicium. Vitam namque tibi polliceris, non ut posthac sis liberalior, aut tribuas : sed ut instantem mendicum à te propulses. Jam quando suppetit, quid prohibet, quominus liberaliter impartiare ? Nonne inops adest ? non sunt plena horrea ? non merces à Domino parata ? non mandatum manifestum ? Esuriens fame absumitur, nudus frigore rigescit. Cui repetitur debitum, vinctis obtorto collo adstringitur : & tu Eleemosynam in crastinum differs ? Audi Salomonem : *ne dicas, regressus revertere, & cras*

N

da-

290 *EJUSDEM S. BASILII*  
*dabo: ignoras enim, quid sequens pa-*  
*riet dies. Qualia praecepta contem-*  
*nis, quod aures antea tibi avaritia*  
*obturaris? Quantam te Deo bene-*  
*ficientissimo gratiam habere, quam*  
*hilarem esse te simul, & in inopes*  
*munificum, atque liberalem oportebat,*  
*quod non ipse pro foribus alienis*  
*cogeris obsteperus esse, & querulus,*  
*sed tuas alii occupant? Nunc autem*  
*tristis es, & rogatu difficilis; occur-*  
*sus pauperum vitas, ne forte aliquid*  
*vel modicum è manibus coactò exeat.*  
*Unam tantum nosti vocem: non habeo,*  
*non dabo; nam & pauper ego quoque sum.*  
*Pauper es, profectò pauper, & omnium*  
*egens bonorum. Pauper, inquam, charitate,*  
*pauper benignitate in indigos,*  
*pauper fide erga Deum, pauper aeterna spe.*  
*Quamobrem frumenti quodcunque possides,*  
*tuos fac fratres participes. Cras fortè marcescet:*  
*hodiè egenti da. Avaritiæ genus id*  
*pestimum est, nolle ne ea quidem, quæ*  
*facile corrumpuntur, inopidare. Dixeris:*  
*cui facio injuriam, si mea retineo, conservoque? Quæ illa,*  
*dic mihi, tua? Unde accepta hæc ad traducendam præsentem hanc*

vitam invexisti . Perinde enim facis ,  
 ac si quis in theatro locum spectan-  
 di mox ut antevertit aliis arripere ,  
 cæteros abarceat ingressu , suo unius  
 usus id adjudicans , quod ad omnium  
 communem usum proponitur . Tales  
 & divites existunt : communia nam-  
 que quum priores obtinuerint , pro-  
 pria faciunt occupando . Nam si tan-  
 tum quisque usurparet , quantum ad  
 propriæ necessitatis solatium faceret ;  
 superfluumque egenti tribueret , nemo  
 profectò esset dives , nemo item pau-  
 per . Nonne nudus ex utero matris  
 excidisti , nudusque rursus reverteris  
 ad humum ? Hæc tibi bona præsen-  
 tia unde ? Si à casu dixeris , impius  
 es , eum non agnoscens , qui te con-  
 didit , neque ei , qui dedit , repen-  
 dens gratiam . Quod si ex Deo te ,  
 illa habere fateris , dic mihi , quam-  
 obrem hæc sortitus es ? Non enim in-  
 justus est Deus , qui ea , quæ sunt ad  
 victum , inæqualiter nobis diviserit ?  
 Cur tu dives es , ille pauper ? Pro-  
 fectò non ob aliam causam , nisi ut  
 tu benignitatis , ac fidelis administra-  
 tionis mercedem accipias ; ille verò  
 patientiæ maximis præmiis honore-  
 tur . Tu verò insatiabilis avaritiæ la-

certis omnia circumplexus, & tot homines illis privans, neminem te lædere putas. Quis, quæso, est avarus? Ille, qui eo, quod satis esse debet, non est contentus. Quis verò peculator? Ille, qui ad se unum transfert, quæ singulorum sunt. Tu ergo non avarus? Non tu peculator, cum ea, quæ ad dispensandum, distribuendumque receperis, tibi propria facis? Num qui vestem diripuerit, spoliator nominabitur: qui autem nudum non texerit, modò possit, alterius cujusdam nominis appellatione dignus erit? Esurientis est panis, quem tu retines: nudi est vestis, quam in arca custodis: discalceati calceus, qui apud te marcescit: egentis argentum, quod tu terræ infossum possides. Quare tot injurius es hominibus, in quot poteras opem conferre? Pulchre, inquis, sermo, sed pulchrius aurum. Ut accidit illis, qui apud intemperantes de temperantia differunt, idem & nobis fit. Etenim illi, ubi intellexerint amicam suam explodi, atque traduci, illarum memores, vehementiore concupiscentia inflammantur. Sed quomodo ego tibi ob oculos ponam pauperis affli-

afflictationes, ut planè cognoscas ex quantis tibi suspiriis, & gemitibus hunc corradis thesaurum? O quanto dignum pretiò tibi censebitur die iudicii verbum illud: *venite benedicti Patris mei, possidete regnum vobis paratum à constitutione mundi. Esurivi enim, & dedistis mihi manducare: siti vi, & dedistis mihi bibere.* Quanta rursum trepidatio, ac sudor, quantæ ob oculos tenebræ se tibi circumfundent condemnationem audienti? *Ite maledicti in tenebras exteriores, paratas Diabolo, & Angelis ejus. Esurivi, & mihi non dedistis manducare: siti vi, & non dedistis mihi bibere: nudus eram, & non operuistis me.* Non enim ibi rapax acculatur: sed, qui substantiam non communicaverit, condemnatur. Ego quidem vos horum admonui, quæ videbantur utilia: quibus si obtemperaveritis, bona, quæ vobis promittuntur, procul dubio consequemini. Non audientibus verò, & minæ intentati supplicii jam scriptæ sunt, atque paratæ, quarum ego periculum vos evadere magnoperè cupio, ad meliorem transmutatos mentem, ut animæ vestræ redemptio sint propriæ divitiæ,

294 *EJUSDEM S. BASILII*  
tiæ, & ad bona cœlestia vobis pa-  
rata perveniatis gratia, & benigni-  
tate ejus, qui quosvis vocavit in re-  
gnum suum, cui gloria, & impe-  
rium in æterna sæcula. Amen..

---

EJUSDEM SANCTI  
**BASILII**  
**MAGNI**  
CONCIO.

*Quod Deus non est author  
malorum .*



Lures docendi modi per  
Psalmorum conditorem  
David à sacro, qui in  
illo operatus est, Spiri-  
tu, nobis innotuerunt.  
Nam aliquandò proprias afflictiones  
narrans Propheta, & quemadmodum  
ea, quæ evenerunt, generosè tulerit,  
ipsius exemplo patientiæ nobis  
præceptum clarissimum reliquit: ut  
quando ait: *quid multiplicati sunt,*  
*qui tribulant me?* quandoque verò  
Dei



Dei bonitatem, & ejus auxilii velocitatem, quod verè ipsum inquirentibus præbet, commendat dicens: *Cum invocarem, exaudivit me Deus justitiæ meæ.* Quæ sanè sententia illi similis est, quam alius Propheta habet, dicens: *adhuc te loquente dicit: ecce adsum.* Hoc est, nondum vocare destiti, & finem invocationis aures Dei anteverterunt. Rursus supplicationes simul, & preces offerens Deo, docet nos, quemadmodum fas sit in peccatis existentes Deum placare: *Domine ne in furore tuo arguas me, neque in ira tua corripas me.* In XII. autem Psalmo longum tentationis certamen ostendens, ait: *usquequo oblivisceris me Domine in finem; usquequo avertis faciem tuam à me?* & per totum Psalmum nos docet, ne deficiamus in afflictionibus, sed expectemus bonitatem Dei, sciamusque, quod ille prudenti quadam dispensatione afflictionibus nos dedat, & secundum proportionem uniuscujusque fidei, probationum inducat mensuram. Quoniam igitur dixit: *usquequo, Domine, oblivisceris me in finem? usquequo avertis faciem tuam à me?* statim ad malum eorum, qui

Athei sunt, transit: qui, si quid calamitosum acciderit, instantem in rebus adversis dolorem non ferentes, mox secum perplexi, dubitant, an sit Deus, qui rerum hujus mundi curam gerat, an singula videat, an pro meritis eorum, quæ in vita gesserit, unicuique retribuatur. Deinde ubi se ipsos viderint in iis, quæ nolunt, diù retentos, pravum illud dogma inter se confirmant; & in suis cordibus ita decernunt: non est Deus: *dixit insipiens in corde suo non est Deus.* Hoc itaque cum in animum induxerunt, certatim ad omne reliquum peccati genus ruunt. Si enim nullus est inspector, si nullus, qui pro meritis vitæ cuilibet tribuat, quid prohibet pauperem conculcare, orphanos necare, viduam, & advenam occidere, omne audax facinus tentare, impuris, & abominandis affectibus, omnibus denique pecuniarum cupiditatibus inquinari? idcirco illud, quod talem impietatem, quæ Deum non esse dicit, consequitur, subjungit: *corrupti sunt, & abominabiles facti sunt in studiis suis.* Impossibile namque est à via iusta aberrare eum, qui in suo corde Dei non obli-

obliviscitur . Unde , quæso , gentes traditæ sunt in reprobum sensum , ut faciant ea , quæ non conveniant , ut ait Paulus ? nonne , quoniam dixerunt , *non est Deus* ? Cur in passionēs ignominia ceciderunt , ut fœminæ apud eos naturalem usum mutaverint in eum , qui est contra naturam , mares in mares turpitudinem operantes ? Nonne , quoniam mutaverunt gloriam incorruptibilis Dei in similitudinem volucrum , & quadrupedum , & serpentium ? stultus igitur , & verè à sensu alienus est , qui dixerit : *non est Deus* . Similis item huic est , nec quicquam instultitia differt , qui Deum malorum causam esse dicit , parque priori scelus existimaverit : quoniam ambo bonum Deum similiter negant . Alter quidem non esse omninò dicit : alter verò bonum esse affirmat . Si enim est malorum causa non bonus est : si non bonus , neque Deus : itaque utrobique est negatio Dei . Unde , inquit ille , sunt morbi , interpestivæ mortes , interneciones civitatum , naufragia , bella , pestes ? Hæc enim mala sunt , inquit , & omnia Dei opera . Itaque quem a-

lium possumus præter Deum ineventibus omnibus incusare ? sed age , quando in vulgatam incidimus questionem , ad aliquod confessum , ac certum principium orationem adducen- tes , problema hoc studiosius tractemus , & planam , & explicatam de ipso enarrationem facere tentemus . Unum quidem hoc habere in mentibus nostris præsumptum oportet , quod , cum simus boni Dei opificium , & ab illo constemus , omnia circa nos tam modica , quam magna dispensante , nihil nobis accidat , illo non volente , & quod nihil eorum , quæ nobis accidunt , malum sit , aut tale , ut melius illo aliquid excogitare queamus . Ex Deo , inquiunt , sunt mortes . Non malum omninò mors est , nisi quis malum dixerit peccatoris mortem : propterea quod per illam hinc liberati ad infernalìa supplicia rapiuntur . Rursum autem apud inferos , quæ sunt mala , non Deum causam habent , sed nos ipsos . Principium namque , ac radix est peccati ea , quæ in nobis potestas est , & arbitrii libertas . Nam quibus , si malo abstinuissent , nihil omninò grave pati licebat : *idem,*

dem, si in peccatum per voluptatem ruant, quam rationem decentem adducere poterunt, ne sibi ipsis causam poenarum dedisse dicantur? Malum igitur aliquod est secundum nostrum sensum, aliud natura ipsa. Malum itaque natura ex nobis oritur, injustitia, lascivia, inconsiderantia, timiditas, invidia, cædes, veneficia, astutia, fallacia, & reliqua hujusmodi omnia, quæ animam ad Dei imaginem factam solent inquinare, & ipsius pulchritudinem aliquo modo inficere. Rursus malum dicimus, quod triste, durumque sensibus sit nostris, ut corporis morbum, plagas, egestatem, ignobilitatem, pecuniæ damna, domesticorum amissiones: quorum quodlibet nobis à sapientissimo, & optimo Domino ad utilitatem inducitur. Divitias quidem aufert iis, qui malè illis utebantur, instrumentumque illis injustitiæ fuerant. Morbum inducit iis, quibus magis expedit membra habere impedita, & impetus ad peccandum tardiores. Mors venit, ubi finis adest vitæ jam expletæ, quem cuilibet ab initio fixit justum Dei judicium, longè nostram utilitatem pro-

spicientis . Fames, & siccitates, & inundationes communes quædam, sunt civitatum, ac gentium plagæ, hominum peccata immodica punientes . Ut enim benefacit medicus etiam ubi corpori molestiam, & dolorem infert ( cum morbo namque bellum gerit, non cum ægroto ) sic & bonus Deus salutem omnibus per castigationem, & poenam distribuit . Tu verò nequaquam medico irasceris, si ex membris hæc incidat, illa urat, alia à corpore omninò amputet: sed & pecuniam illi numeras, & servatorem vocas, quòd in parva corporis parte morbum curet, priusquam ad totum corpus morbus perveniat . Quando civitatem videris terræmotu concussam super incolas corruisse, aut navigium una cum hominibus in mari dissolvi, contra verum medicum, & servatorem blasphemam linguam movere non dubitas: quum te intelligere oporteat quod ii morbi laborantium hominum ad curæ beneficentiam, & utilitatem assumuntur, qui & moderati sunt, & sanabiles . Quando verò medicam curam superat morbi malitia, necessaria est inutilis membri alienatio,

ne morbi ejus continuatio cætera corporis vitalia percurrat. Ut igitur incisionis, aut inustionis non medicus est causa, sed morbus: sic item civitatum interitus ex nimia peccantium perversitate originem habentes, Deum ab omni querelæ causa liberant. At, inquis, si malorum non est causa Deus, quomodo dicitur: *ego sum, qui paravi lumen, & feci tenebras: faciens pacem, & creans mala?* & rursus: *descenderunt mala à Domino super portas Hierusalem, & non est malum in civitate, quod Deus non fecerit:* Et in magno canticò Moïsis: *Videte quod ego sum, & non est Deus præter me. Ego interficiam, & vivere faciam: percutiam, & ego sanabo?* Sed nihil horum apud eos, qui rectè scripturæ sensum tenent, Dei ut malorum authoris accusationem habet. Qui enim dicit: *ego præparo lumen, & facio tenebras:* creationis authorem sese per hæc, non mali alicujus conditorem significat. Ne igitur existimes aliam lucis, aliam verò tenebrarum causam esse: se ipsum dixit eorum, quæ contraria inter se videntur, secundum crationem factorem, & opificem esse: ne quæ-  
ras

## 302 QUOD DEUS NON EST

ras alium aquæ, alium aeris, & alium terræ opificem, quòd hæc ob qualitates contrarias inter se quodam modo pugnare videantur. Quod jam quidam ita esse sentientes in plurimum Deorum opinionem venerunt. Facit autem pacem, & creat mala. Maximè quidem in te pacem facit, quando per bonam doctrinam tuam serenat, ac tranquillat mentem, & affectus adversus animam insurgentes conciliat. Creat autem mala; hoc est, transmutat ipsa, & in meliorem statum, exitumque deducit, ut jam mala esse desinant, bonique naturam accipiant. *Cor mundum crea in me Deus*: non dicit: nunc crea, sed in malitia inveteratum renova: & ut duo creet in unum novum hominem, non ut ex non existente faciat, sed ut jam existentes mutet, atque renovet: ac si qua in Christo nova creatura. Et rursus Moïses: *nonne ipse pater tuus, qui possedit te, & fecit te, & creavit te?* Clarè hic post facturam creatio constituta nos docet, creationis nomen sæpe numero pro renovatione positum esse. Itaque pacem faciens: sic pacem facit, ex eo, quod mala creat. Hoc est,  
ex



ex eo, quod mala in meliorem reducit statum. Deinde si pacem intellexeris eam securitatem, quæ sublati bellis datur: & malum dicas labores, qui bellum gerentes sequuntur, expeditiones extorres, vigilias, sudores, vulnera, cædes, captas civitates, in servitutem reductiones, miserabilia captorum spectacula: denique quæcumque tristitia in bellis eveniunt: dico iusto Dei iudicio fieri adversus eos, qui digni sunt supplicio, quod per bella infligitur. An tu non vis flagrasse Sodomam post impietates illas, & flagitia? An non cecidisse Hierusalem, & templum desolatum post horribilem in Dominum crudelitatem? Fieri autem aliter ista quomodo fas erat, nisi per Romanorum exercitum, quibus Iudæi propriæ salutis inimici Dominum nostrum tradiderunt? ex quo quandoque mala ex bello iis, qui digni sunt, jure infligantur. Illud quoque considera. *Ego interficiam, & ego vivere faciam: percutiam, & ego sanabo.* Recipe verbum, si vis, ita ut ex sententia promptum est. Timor enim simpliciores ædificat. *Percutiam ego, & sanabo:* & hoc seorsum confide-

fiderare profuerit, utpote quod plaga timorem generet, sanitas verò ad charitatem excitet. Licet attamen tibi altiùs de his, quæ dicta sunt, sentire? *Ego interficiam*, peccato videlicet, & *vivere faciam*, iustitia. Quantum enim exterior homo noster corrumpitur, tantum interior renovatur. Non igitur alium interficit; & alium vivificat: sed eundem per ea, quæ interficit, vivificat: itemque per ea, quæ percutit, sanat, secundum proverbium illud: *Quoniam tu baculo ipsum percuties, & animam ejus ex morte liberabis*. Caro igitur percutitur, ut anima sanetur. Peccatum perimitur, ut iustitia vivat. Illud autem, quod supra memoravimus: *descendunt à Domino mala super portas Hierusalem*, ex seipso habet expositionem. Quæ mala? sonitus curruum, & equitum. Quando autem audiveris: *non est malum in civitate, quod Dominus non fecerit*: intellige hic Mali nomen vexationem, ac calamitatem significare, quam Deus peccantibus ad delicta corrigenda infligit. *Afflixi*, inquit, & *fame pressi*, ut *beneficiam tibi*, antequam per intemperantiam prorsus per-

perdantur , & injustitiam cohibui , quemadmodum flumen forti quodam solet obice , & obstaculo contineri . Hac itaque de causa civitatum , ac gentium morbi , siccitates aeris , terræ sterilitates , ac qui cuilibet in vita duri casus emergunt , quæ omnia ne malum ulterius progrediatur , efficiunt . Talia itaque mala à Deo immittuntur veris , ac natura ipsa malis resistantia . Hujuscemodi namque secundum corpus afflictiones , & externæ molestiæ ad peccati compescendam licentiam à Domino excoGITATÆ sunt . Extinguit ergò Deus malum , non est ex Deo malum : quoniam , & medicus morbum tollit non morbum corpori infligit , Civitatum verò interitus , terræmotus , inundationes , exercituum clades , naufragia , & omnes denique calamitates illæ , quibus magna hominum multitudo simul absumitur , sive ex terra , sive ex mari , & aere , ex igne , seu quacunque nascuntur causa propter superstitēs ad sobrietatem reducendos eveniunt , ipso Deo publicis pœnis publicam castigante iniquitatem . Malum itaque propriè peccatum , hac verè dignum appellatione

ne

ne à nostra voluntate pendet: propterea quod in nobis situm est, vel abstinere à malitia, vel malum committere. Reliqua verò, quæ appellantur mala, partim ad exercendos dantur bonos, & declarandam fortitudinem (quemadmodum Job filiorum privatio, totius substantiæ brevi tempore amissio, corporis plagæ, ac cicatrices) partim, ut medela eorum, qui deliquerunt, sicuti Davidi accidit domus confusio, injustæ cupiditatis pœnas danti. Rursus autem aliud ex justo Dei judicio maiorum, hoc est, pœnarum genus provenire cognovimus ad homines in vitium pronos prudentiores faciendos, ut Dathan, & Abiron terra vivos devoravit, barathris, & hiatiibus telluris subitus apertis. Nam hic quidem ipsi propterea nihilo meliores evaserunt (quomodo enim, quum ad infernum descenderint) attamen reliquos exemplo cautiores, prudentioresque reddiderunt. Sic & Pharaon una cum omni exercitu in mari periit. Sic demum delecti sunt, qui Palæstinam antea inhabitaverunt. Ex quo, quanquam dicit Apostolus vasa iræ aptata in perditionem, ne factu-

Eturam Pharaonis malam fuisse existimemus. Nam ita culpa justius transferretur in ipsius conditorem. Sed ubicunque audiveris vasa, intellige, quod nostrum quilibet ad aliquem factus est usus. Quemadmodum in magna domo vas aliud est aureum, aliud argenteum, aliud testaceum, ligneum aliud. Hujuscemodi ergo materiis voluntas cujusque comparatur. Nam vas aureum is est, qui mente, moribusque simplex, ac sine dolo est. Argenteum item, qui illo paulò est inferior dignitatis, ac prætii æstimatione. Testaceum est, ac figulinum, qui terrestria sapit, & frangi, conterique sit aptus. Ligneum, qui per peccatum facile foedit, & igni æterno materiam præbet. Sic etiam iræ vas est, qui omnem in se diaboli operationem, quasi vas quoddam suscepit, & propter foetorem, quem habet ex corruptione, ad nullum usum aptari potest, sed dignus est, qui pereat. Quamobrem quando jam ipsum Pharaonem conteri erat opus, sapiens animarum nostrarum rector usque ad eò illum sustinuit, ut clarum, celebreque, omnibus exemplum esset, & aliis  
uti-

308 *QUOD DEUS NON EST*  
utilis ob mala tolerata ( quando ipse  
propter nimiam malitiam insanabilis  
erat ) redderetur . Obduravit eum  
longanimitate , ac pœnæ dilatione  
ipſius intendens malum , ut ad ex-  
tremum ejus iniquitate ad ſummum  
glifcente , juſtius ſuper eum Dei ju-  
diciũm oſtenderetur . Idcirco plagas  
modicè ab initio infligens , ac paula-  
tim adaugens ejus duritiem minimè  
flexit ; quin reperit eum , & initio Dei  
contemptorem , & illatas poſt pœ-  
nas ex conſuetudine tolerantem . Et  
ne ſic quidem morti illum tradidit ,  
donec ipſe ſeſe præcipitem dedit , dum  
cordis arrogantia fretus iter juſtorum  
auſus eſt ingredi , ac exiſtimavit ,  
quemadmodum populo Dei , ſic & ſi-  
bi mare rubrum permeabile fore .  
Hoc itaque tu frater cognoſcens , &  
apud te mali ſpecies diſtinctas habens ,  
noſce unum omninò verè malum eſ-  
ſe peccatum , cujus finis perditio eſt :  
& alterum apparens tantum malum  
ſenſibus afflictionem præbens , vim  
alioqui boni habens , quemadmodum  
ſunt calamitates , & incommoda ,  
quæ vim peccata coercendi habent ,  
quorum fructus ſalus eſt animarum  
æterna . Deſine divinam inculcare ,  
pro-

providentiam, nec omninò velis Deū  
subsistentiæ mali authorem putare,  
aut aliquam mali subsistentiam ima-  
ginari. Non enim subsistit, velut  
animal, iniquitas, neque ipsius es-  
sentiæ subsistentem statuere possu-  
mus. Nam malum boni privatio est.  
Oculus creatus est, cæcitas ex ocu-  
lorum perditione provenit. Ex quo  
nisi oculus corruptibilis fuisset natu-  
ræ, nunquam cæcitas successum ha-  
buisset. Sic, & malum in propria  
subsistentia non est, sed in animæ  
læsionibus gignitur. Non enim in-  
creatum est, sicut impii dicunt, qui  
conditione parem bonæ naturæ ma-  
lum ponunt: siquidem ambo princi-  
pio carènt, & generatione priora  
sunt, neque tamen creatum est. Si  
autem omnia ex Deo, quomodo ma-  
lum ex bono? Non enim turpe ab  
honesto, neque vitium à virtute.  
Lege mundi creationem, & inve-  
nies ibi cuncta bona, imò valdè bo-  
na. Non ergò malum cum bonis  
creatum est. Sed neque creatura in-  
tellectiva à Deo facta cum iniquita-  
te cōmixta est. Si enim corpora-  
lia in seipsis malum simul creatum  
non habuerunt, quomodò intelligibi-  
lia

310 *QUOD DEUS NON EST*  
lia tantum, & puritate ac sanctitate differentia communem cum malo hypostasim habuissent? Sed est malum omnino, & ipsius palam fit actus per omnem vitam diffusus. Unde igitur, inquires, habet essentiam, si neque sine principio est, neque factum est? Interrogentur talia quærentes. Unde morbum? unde corporis læsiones? Non enim increatus est morbus, neque item Dei opus. Sed benè creata sunt animalia convenienti eis præparatione secundum naturam, & membris distincta in vitam prodierunt. In morbos verò secundum naturam ceciderunt à sanitate deficientes, vel ob malam diætā, seu ob aliquam aliam causam, quæ corporibus accidere solet: corpus itaque Deus fecit, morbum minimè fecit: & animam similiter Deus fecit, non autem peccatum. Vitio autem anima contaminata est degenerans ab eo, quod ex natura facta est. Quod autem erat illi peculiare bonum? Quod Deum habebat assidue conjunctum, illique per charitatem coadunata erat: qua excidens, variis, & multimodis se malis contaminavit. Unde autem omnino mali



li capax est ? Quoniam libero facta est arbitrio, quod creaturæ rationis participi maxime conveniebat. Soluta enim hæc omni necessitate, & vitam in sua potestate constitutam ex Deo accipiens, propterea quod ad imaginem ejus creata est, bonum quidem intelligit, & jucunditatem illius novit, potestatemque habet, ac facultatem in boni contemplatione, & spiritualium fruitione manendi, ac vitam sibi connaturalem conservandi: habet autem & à bono defleſcendi quandoque facultatem. Hoc autem ei contingit, quum beatæ oblationis satietate affecta, & veluti veterno quodam gravata, ac è statu superiore delapſa, turpibus se carnis libidinibus immiscet. Erat aliquando Adam in sublimi non loco, sed arbitrio, quando statim anima sumpta in cœlum lætus aspexit, ex iis, quæ vidit maxime gaviſus, ac eum vehementer amans, à quo beneficium tantum, & æternæ vitæ fruitionem acceperat: qui Paradisi interesse delitiis, & æquè cum Angelis, & Archangelis regnare, ac vivere, & divinæ vocis participem effedederat. Cum his omnibus per Deum potiretur,

312 *QUOD DEUS NON EST*  
tur, statim rebus omnibus refertus,  
quasi præ fatietate luxurians, quod  
corporeis videbatur oculis delectabi-  
le intellectuali pulchritudini prætu-  
lit, & ventris saturitatem spiritali  
delectatione potiolem habuit. Ex  
quo statim è Paradiso pulsus, extra  
beatam illam fuit vitam. Non ergò  
ex aliqua necessitate, sed suapte te-  
meritate malus est factus. Quapropter,  
& propter pravam voluntatem  
peccavit; propter peccatum verò  
mortuus est: stipendia namque pec-  
cati mors est. Quantum enim absti-  
tit à vita, tantum morti propinqua-  
vit. Vita namque Deus, vitæ verò  
privatio mors. Itaque mortem sibi  
Adam ob discessum à Deo paravit;  
secundum quod est scriptum: *Ecce*  
*omnes, qui elongant se à te, peribunt.*  
Quamobrem sanè apparet Deum mor-  
tem nequaquam fecisse; sed nosmet-  
ipsi ex mente prava nobis ipsis eam  
spontè attraximus: quam Deus ob  
cas, quas suprà narravimus, causas mi-  
nimè prohibuit, ne immortalem in  
nobis morbum conservaret. Quem-  
admodum vas figulinum rimas osten-  
dens, non prius igni ad perficiendum  
traditur, quàm à figulo reconcinne-  
tur,

tur, emendeturque. Sed cur in structura, inquis, non habuimus, ut peccare non possemus, ita ut ne volentibus quidem contingeret, ut peccaremus? Quoniam, inquam, & tu servos non quando vinctos in custodia retines, benevolos esse tibi existimas, sed cum spontè omnia, quæ erga te oportet, videris agere: sic item Deo eum puta fore amicum, non qui coactus, sed qui sponte sua, virtuteque illi obtemperat. Virtus verò ex voluntate perficitur, non ex necessitate. Voluntas autem ab illis pendet, quæ in nobis sunt sita. Quod verò in nobis situm est, voluntarium, & spontaneum est. Qui ergò factorem reprehendit, quòd non tales nos natura fecit, qui peccare nequeamus, nihil aliud opinari videtur, quàm naturam ratione carentem ea, quæ rationis est particeps, esse potiorrem: & illa, quæ non moventur, nec mente ducuntur iis, quæ eligunt, judicant, conferunt, omninò præstare. Hæc & si per transitum, attamen non ab re dicuntur, ne in profundum inanum cogitationum ruens, præterquam quod quæ inquiris non assequeris, Deum etiam amit-

tas. Definamus ergò eum, qui sapiens est, velle corrigere. Definamus, inquam, meliora quàm Deus fecerit indagare. Quod si ob nostri ingenii debilitatem omnia Dei consilia sigillatim ratione attingere nequimus, illud attamen animis nostris infixum, ac in confesso sit, nihil malum ab eo, qui bonus est, fieri. Hinc consequenter alia quæstio de diabolo nascitur: Unde diabolus sit, si non ex Deo sunt mala. Quid igitur dicemus? Satisfacilis est responsio. Eadem omninò ratio nobis ad istam quoque quæstionem satis erit, quam & de hominis iniquitate suprà commemoravimus. Unde enim iniquus est homo? Ex ipsius libera voluntate. Unde malus diabolus? Ex eadem penitus causa. Habebat enim & ipse liberam vitam, & insitam sibi potestatem aut Deum sequendi, aut à bono discedendi. Gabriel Angelus est, & Deo semper astitit: Satanas item Angelus, & ex ordine suo prorsus cecidit. Et illum propria voluntas in cælo retinuit, hunc verò voluntatis libertas cælo dejecit. Poterat enim & ille à Deo deficere, & iste non excidere. Sed illum insa-

tia-

tiabilis dilectio Dei servavit: hunc à Deo relictum esse ostendit per peccatum alienatio. Malum igitur hoc tantum à Deo alienatio. Nam parva quidem oculi conversio, parvus nutus, ut solis particeps aliquis existat, vel, in umbra remaneat, facit. Nam & illic in promptu est, ut suspiciens illustretur: avertens verò intuitum necessariò in tenebris erit. Sic & diabolus malus Deo adversatur, non ex natura, sed mala voluntate habens malitiam. Quæris igitur unde illi sit contra nos bellum? Quoniam cum omnis ipse mali promptuarium existeret, invidiæ quoque morbum in se recepit, & invidit nobis illatum honorem, nec facile tulit vitam in Paradiso beatam ducere. Quamobrem dolis hominem aggressus, eadem ambitionis cupiditate, quam ipse ab initio habuit, velle similem esse Deo, hac rursus ad decipiendum nos usus lignum ostendit, per cuius degustationem pollicitus est hominem similem fore Deo. *Si comederitis, inquit, eritis veluti dii malum, ac bonum cognoscentes.* Non inimicus igitur nobis à Deo constitutus est, sed ipse ex invidia

## 316 QUOD DEUS NON EST

se nobis opposuit . Animadvertens enim se ex Angelorum ordinibus expulsum , non tulit terrenam creaturam ad Angelorum dignitatem per virtutis profectum exaltari . Quoniam itaque inimicus est factus , inimicitiam nobis Deus erga illum indidit , ubi serpenti , quo ille malus abusus fuerat , dixit , sed ita , ut minas ad Satanam referret : *Inimicitiam ponam inter te , & inter semen illius* . Revera namque noxiæ sunt amicitia , quæ cum malitia contrahuntur . Nam ea est amicitia hujus lex & vis , ut per similitudinem malitiam conjunctis indat . Quamobrem rectè Proverbium dicit : *Corrumpunt bonos mores colloquia prava* . Quemadmodum enim in pestilentibus locis sensim attractus aër latentem corporibus morbum injicit : sic item in prava consuetudine , ac conversatione , maxima nobis mala hauriuntur , etiam si statim incommodum non sentiatur . Idcirco nobis adversus serpentem irreconciliabilis indita est inimicitia . Si autem instrumentum hoc tanto dignum odio est , quanto magis illi nos , qui serpentem adegit , adversari oportebit ? Sed cur , inquis ,

quis, lignum hoc in Paradiso fuit, per quod nos diabolus tentaturus erat? Si enim deceptionis escam, ac materiam non habuisset, quomodo nos sibi obtemperando ad mortem deduxisset? Quoniam mandatum esse oportuit, ut nostram erga Deum probaret obedientiam. Ideò planta pulcherrimis fuit fructibus scattens, ut in abstinentia voluptatis animi continentis virtutem ostendentes, patientiæ coronam promereremur. Cibum autem non solum præcepti contumacia secuta est, sed etiam nuditatis cognitio. *Comederunt, inquit, & aperti sunt oculi eorum, cognoveruntque, quod nudi essent.* Oportebat enim se nudos minime cognovisse, ne mens hominis ad eorum cupiditatem, quæ deesse viderentur, traheretur. Amictum namque nuditatis defensionem, solatiumque esse existimavit, & omnino per carnis curam ab observantia Dei abstractus est. Cur, inquis, non statim eis ab initio amictus sunt præparati? Quoniam hæc nec naturalia esse, neque ex arte decebat. Nam naturalia propria sunt brutorum, ut pennæ, setæ, pellium crassitudines,

318 *QUOD DEUS NON EST*

quæ & frigoribus resistunt, & æstus ferunt, in quibus nihil alterum ab altero distat, æquali omnibus natura existente. Homini autem secundum proportionem in Deum charitatis præstantior bonorum distributio conveniebat. Quæ verò ex arte sunt opera, negotium generant, quod ut maximè homini noxium, vitandum erat. Quamobrem Deus nos ad Paradisi vitam revocans, ex animabus nostris curas evellere conatur, dicens: *Nolite animæ vestre cogitare, quid edatis, aut corpori quid induamini.* Neque itaque vestis ei ex natura, neque ex arte conveniebat. Sed alia parata erant, si virtutem ostendisset homo, insignia, quæ ex gratia Dei erant illum illustratura, utpote fulgores quidam, quales sunt Angelorum, qui omnem florum varietatem, omnem astrorum claritatem superarent. Hac igitur de causa non vestes ei statim præbitæ: quoniam virtutis præmia illi reposita erant, quæ consequi vis diabolicæ tentationis non permisit. Adversarius igitur nobis est diabolus ob antiquam ex ejus insidiis ruinam, ita Domino disponente, ut cum illo lu-

cta



staremur: quò per obedientiam re-  
 dintegrata lucta de inimico trium-  
 pharemus. Utinam quidem non es-  
 set factus diabolus, sed in eo ordi-  
 dine, quo ab initio constitutus fuit, re-  
 mansisset. Postquam verò ab authore  
 suo defecit, inimicus Dei, inimicus  
 item hominis ad ipsius imaginem con-  
 stituti factus est. Nam idè osor ho-  
 minum existit, & idè Deo rebel-  
 lis. Nos verò, ut ejus opus odio per-  
 sequitur, ut ejus imaginem insecta-  
 tur. Ille igitur sapiens, & provi-  
 dentissimus rerum humanarum dis-  
 pensator, ejus utitur ad nostram e-  
 xercitationem malignitate; quemad-  
 modum medicus viperæ veneno ad  
 salutarem medicamentorum præpa-  
 rationem. Sed quisnam erat diabo-  
 lus? Ex quo ordine? Ex qua digni-  
 tate? & unde Satan as cognomina-  
 tur? Satan as igitur, quòd bono ad-  
 versetur, appellatur. Id enim signi-  
 ficat vox Hebræorum, sicut in li-  
 bris Regum dicitur: *Excitavit*, in-  
 quit, *Dominus Salomoni Satan, Ader*  
*regem Syrorum*. Diabolus verò di-  
 citur, quoniam idem, & in pecca-  
 to nobis cooperatur, & accusator  
 noster est. Gaudet ex interitu no-

320 *QUOD DEUS NON EST*  
stro, nosque eorum gratia, quæ com-  
missa sunt, traducit. Natura autem  
ipsius incorporea est secundum Apo-  
stolum, dicentem: *Non est nobis*  
*colluctatio adversus carnem, & san-*  
*guinem, sed adversus spiritualia ne-*  
*quitiae*. Dignitas verò ipsius princi-  
palis est. *Adversus enim principes,*  
*& potestates*, inquit, *adversus re-*  
*tores tenebrarum harum*. Locus au-  
tem principatus aër, sicut idem me-  
morat: *Contra principatus, & po-*  
*testates aeris, Spiritus, qui operatur*  
*nunc in filios inobedientiae*. Idcirco  
& mundi princeps appellatur, quò-  
niam circa terras est ejus imperium,  
quod, & Dominus ipse testatur: *Nunc*  
*judicium est mundi*. *Nunc princeps*  
*mundi hujus ejicietur foras*. Et rur-  
sus: *Venit princeps mundi hujus,*  
*& in me non habet quicquam*. Quo-  
niam autem dicitur de exercitu dia-  
boli ab Apostolo: *Spiritualia nequi-*  
*tiae in cœlestibus*; scire oportet, quod  
scriptura cœlum aerem solet appel-  
lare, ut est illud: *Volatilia cœli*,  
Et alibi: *Ascendunt usque ad cœlos*.  
hoc est, in aeris sublimitatem longè  
tolluntur. Ideò Dominus Satanan  
vidit ut fulgur de cœlo cadentem,  
hoc

hoc est, ex proprio principatu ad imaruentem, ut planè ab iis, qui in Christo sperant, conculcaretur. Dedit enim discipulis suis virtutem serpentes, ac scorpiones conculcandi, & contra omnem inimici potentiam. Quoniam itaque ipsius impia tyrannis expulsa est, & locus hic terrestris ob salubrem ejus passionem purgatus est, qui omnia, quæ in cælo sunt & in terris pacavit: deinceps nobis regnum cælorum nuntiatur, Joanne dicente: *Appropinquavit enim regnum cælorum*. Item Domino ubique Evangelium regni prædicante: & antea clamantibus Angelis: *Gloria in excelsis Deo, & in terra pax*. Sed & ingrediente Hierosolymam Domino nostro collætantes Judæi clamabant: *Pax in cælis, & Gloria in altissimis*. Denique mille sunt victoriæ hujus voces, quæ ultimam inimici eversionem testantur, ut jam nullum negotium, aut certamen nobis relictum sit ad superos conscendendi. Jam via facta est, impedimentis adversarii sublatis, qui à bona nos via avertebat: deinceps lætam continuationem habemus, & de ligno vitæ continuò degustamus,

322 *IN ILLUD MOSIS,*  
cujus, nos esse participes ab initio per  
serpentis, insidias non licuit. Ordina-  
verat enim Deus ardentem gladium,  
qui hujus ligni vitæ viam custodi-  
ret. Quem nos, alacriter sine impe-  
dimento prætereuntes, faciliè in bo-  
norum omnium degustationem, &  
fruitionem ingrediamur, in Christo  
Jesu Domino nostro, cui gloria, &  
imperium in æterna sæcula. Amen.

---

EJUSDEM SANCTI  
**BASILII**  
**MAGNI**  
HOMILIA

In illud Mosis, *Atten-*  
*de tibi ipsi.*

*Godefrido Titmanno Cartus.*  
*interprete.*



Ui nos condidit Deus, in  
hoc impertivit sermonis u-  
sum, ut alius alii sui cor-  
dis arcana revelet, com-  
munisque naturæ intuitu suo quis-  
que proximo ex abstrusissimo recessu  
su

fu pectoris , quasi ex intimo quopiam conclavi sua consilia, cogitationesque depromat: si enim ipsi viveremus anima omnium oculis conspicua , & nuda : inter nos mox conveniret per mutuam cogitationum intelligentiam . Nunc quando anima carnis adoperta velamine multivarias comminiscitur secum , ac versat cogitationes , & verbis opus habet, & nominibus , ut quæ in reconditiore mentis secessu delitescunt, in apertum evulget . Mens igitur nostra mox, ubi vocem apprehenderit cujuspiam rei significativam , perinde ac trajectitia quadam navicula , sermone ipso prætervehitur, qui simul ut trajecit aerem , è loquentis ore ad aurem, usque transmittitur audientis . Quod si tranquillam continget internancisci, altamque quietem : ac si placido succedat portui, & ab inclementia maris seposito navis, ita sermo in discipulorum se insinuat aures, & appellit . E' diverso, si quis à parte auditorum tumultus, quasi procella quædam asperior contra aspirarit : medio in aere dissolutus sermo, veluti naufragio absorptus , pessum ibit . Nunc igitur sermoni huic tranquil-

324 *IN IL LUD MOSIS,*  
lum facite , studio placidæ taciturnitatis . In eo enim aliquid forsan conspicietur utile, nec indignum quod hinc vobiscum exportetis . Veritatis sermo captu est apprimè difficilis , aures minimè attentas præterlabitur facilè , ac fugit . Ita enim Spiritus sanctus suum moderatus est , ac dispensavit sermonem , ut contractus sit , & brevis: quò fit , ut verborum compendio multa explicet , ac proinde propter concisam brevitatem facile memoria tenetur . Est enim sermonis virtus nativa hæc , ut quæ significantur , non occultet obscuritate , nihilque complectatur, quod supervacaneum sit , aut vanum , vel certè circumfluat ullis rebus frustraneis . Hujusmodi sanè est nobis recens lectus ex Moseos libris, cujus item vos memores esse prorsus mihi ipsi persuadeo , qui studiosi estis , nisi forsan ob concisam brevitatem ipsam vox aures vestras prætercurrit . Hoc se habet modo sententia ; *Attende tibi ipsi, ne quando fiat verbum occultum in corde tuo, iniquitas.* ) Facile admodum labimur in peccata , quæ vel cogitatione admittuntur , eoque qui finxit sigillatim corda nostra probe  
con-

*ATTENDE TIBI IPSI.* 325

consciis maximam peccatorum partem solere perfici subitario, & acri illo motu propositi, aut cogitationis improvisæ, principem illam animæ puritatem, quæ præcipua in parte ejus consistit, nobis edixit retinendam, atque tuendam. Qua enim parte alacriores ad peccandum sumus, & toti eò propendemus, tanto illam æstimavit dignam esse majore diligentia, & provida cautione. Ut enim quique rei medicæ experientissimi imbecilliora corpora multò antè morbum præmuniunt præservativis, & salutaribus monitis: itidem, & ille providus, communisque curator, ac varax cum primis animarum medicus, qua nos vidit parte ad peccatum longè esse propensiores, hanc antevertit, ut fortiore quopiam antidoto præservatorio communiret. Quæ etenim corpore perficiuntur actiones, tempus desiderant, non quaecunque, sed opportunum, labores etiam, & cooperarios, reliquum denique commeatum, sive impensam. E diverso, animæ motiones conficiuntur nulla temporis mora: ut nihil fatigeris, aut lassescas, peraguntur: constant nullo tuo negotio, aut molestia:

316 *IN ILLUD MOSIS;*

stia: illis obeundis nullum non idoneum est, nullum intempestivum tempus. Et quidem alicubi invenire sit, qui cum fastu ingredia-  
tur, & arrecto supercilio insolescat. autoritate fretus, idem alioqui externe fucatam speciem præferat moderatæ mentis, desideatque subinde illorum intermedius, qui ipsum virtutis nomine depædicent beatum, cum is interim interiore mentis cursu abit ad peccati locum in retrusissimo illo cordis motu, & agitatione. Quæ studio consecratur, & expetit, sola jam vidit imaginatione, visus est, & unius alicujus secum comminisci, & effigiare congressum familiarem, planè indecorum. Utque semel omnia dicam, quum is intra arcanam illam cordis officinam, evidentem sibi, & confessam voluptatem depinxerit, peccatum jam illud instinctum operatus est, nullius licet testimonio probabile, nempe omnibus eatenus ignotum, tantisper dum veniet, qui revelabit occulta tenebrarum, & manifestabit consilia cordium. Provide igitur, & observa; nequando verbum occultum in corde tuo efficiatur delictum. Qui enim  
in



*ATTENDE TIBI IPSI.* 327

in mulierem oculum defixerit ad concupiscendum eam, jam mœchatus est in corde suo. Quò fit, ut actiones quidem corporis, à non paucis intercidantur: qui autem destinato voluntatis proposito peccat, una cum præpete, & celeri agitatione cogitationum, peccatum jam explevit. Ubi igitur ad peccandum proclivior via est, ibi cautio prærogata est celerior. Palàm enim, ac descripto contestatur Moses, ne quando verbum occultum in corde tuo efficiatur peccatum. Magis verò ad ipsum sermonis recurramus exordium: Ait: *Attende tibi ipsi.* Quod vis tandem animal ad conservandam propriæ substantiæ naturam subsidia accepit ab omnium opifice Deo sibi inserta familiariter. Quin & (si tamen studio propensiore edificare voles) partem multò maximam brutorum deprehendere possis id habere citra doctrinam ullam, ut noxia fugitent, & avertentur: è diverso ad ea naturæ quodam ductu festinè rapiuntur, quæ suo usui sperant profutura: eoque nos erudiens Deus præceptum hoc momenti haugquam mediocris præscripsit, ut quod illis naturæ beneficio, nobis idem  
vel

328 *IN ILLUD MOSIS,*  
vel suffragio rationis fieri contingat:  
quodque citra operam præceptoris ,  
vel à brutis ipsis fit, id ipsum à no-  
bis perficiatur per attentionem, &  
assiduam rationis considerationem ,  
& ut solerter ac strenuè subsidia, quæ  
nobis Deus indulsit , conservemus :  
aversemur quidem peccatum, ut as-  
solent bruta venenatum pabulum :  
justitiam verò affectemur, velut il-  
la herbas edules confectantur . *At-  
tende igitur tibiipsi* , quò discernere  
possis quidvis noxium à salubri. Sa-  
nè attentio duplex cùm sit ( est enim  
harum prior, qua iis fixè intendimus  
oculis corporis, quæ visibilia sunt :  
est & altera , qua per vim animæ  
intellectilem pressius attenti incum-  
bimus contemplationi rerum invisi-  
bilium) si quidem præceptum hoc in  
oculorum actione astruemus esse fi-  
tum: è vestigio deprehendemus nul-  
lo id pacto perfici posse . Qui enim  
possit unus aliquis collustrare se to-  
tum, & omni ex parte deprehende-  
re oculo corporis ? At ne ipse qui-  
dem oculus in seipsum vi visiva uti-  
tur , non ad verticem usque pertin-  
git capitis, terga non videt, aut sca-  
pulas, non totam ipsam faciem, non  
de-

denique in intestina parte reconditorum viscerum dispositionem . Impium proinde sit asserere præcepta Spiritus sancti impossibilia esse observatu . Relinquitur itaque , ut præceptum id de spiritali mentis actione esse sancitum interpretemur . *Attende igitur tibiipfi :* ) hoc est , te ipsum omni ex parte collustra , & circumspice , animæ oculum ad solertem tui ipsius custodiam habeto pervigilem , & infomnem . Per medios ingrederis laqueos , ab inimico occultati laquei nullo non loco defixi sunt . Circumspice igitur , & lustrato omnia , quò è laqueis servere ? Dorcadis instar , & ut avis è funiculis . Neque enim laqueo prehendi possit Dorcas , sive caprea , quòd visus sit acerrimi , cognomen nimirum sortita ab acumine sui visus . Avis porro siquidem sibi attenderit , in sublimelata levitate pennulæ altior redditur aucupum insidiis . Provide igitur , ne brutis animantibus ad attentam tui custodiam conspiciare deterior , ne quando irretitus laqueis , & captus , præda efficiaris diaboli ; vinctus ipsius adstrictus , & ad illius voluntatem abductus . *Attende*

330 *IN ILLUD MOSIS,*  
*ergò tibiipsi:*) hoc est, non tuis, non  
iis item, quæ circa te sunt, sed tibi  
ipsi, & soli attendito. Ipsi enim nos  
& aliud sumus, & aliud nostra sunt,  
aliud item, quæ circa nos conviſun-  
tur. Sanè sumus nos, & anima, &  
animæ mens, quatenus ad condito-  
ris nostri imaginem sumus facti. No-  
strum autem corpus est, & qui per  
ipsum suum munus obeunt, sensus.  
Circa nos porrò sunt pecuniæ, ar-  
tes, & reliqua vitæ suppellex, atque  
apparatus: Quid igitur proposita præ-  
scribit sententia? Attende, non car-  
ni, at neque immodico studio con-  
fecteris ejus commoditatem, putà,  
sanitatem, venustam pulchritudinem,  
multivariam voluptatum fruitionem,  
& oblectationem, non longævitatē,  
neque pecunias, neu gloriam, & di-  
gnitatis amplitudinem admirere.  
At ne tu quæcunque tandem vitæ  
istius temporariæ subsidia tibi suppe-  
ditant uberius, tanti esse duxeris, ut  
præ horum studio, & anxia solici-  
tudine, præcipuam vitæ tuæ portio-  
nem aspernere, & negligas: quin at-  
tende potiùs tibiipsi: hoc est, ani-  
mæ tuæ: hanc adornato, hujus at-  
tentam gerito curam, adeò ut om-  
nem

nem sorditiem, quam ex nequitia contraxit, sedula cum attentione ab ea submoveas, & amoliaris: nec minore studio notam omnem turpitudinis, & dedecoris improbitate malitiæ illi inustam fac obliteres, & expurges: atque ita demum contendito eam elegantia omni, quæ ex virtute profisciscatur, exornare, ac perpolire. In examen te ipsum advoca, quis ipse sis. Tuam ipsius naturam fac ut noveris. Nam corpus quidem mortale, anima verò immortalis est. Scito duplicem nobis propositam esse vitam. Carni quidem propria est vita citato admodum cursu prætercurrens: quæ autem congener animæ est, & cognata, nullam admittit circumscriptionem. Attende igitur tibi ipsi, ut ne his, quæ moritura sunt, quasi sæpiterne bonis fixius adhærere: neu aspernere sæpiterne tanquam aliquando sint desitura. Carnem despice, decidua enim est, & labilis: curæ sit tibi anima, res enim immortalis. Omni cum diligentia tibi ipsi intentus esto, ut quod commodum utrique est, & utile, noveris dispertiri. Carni quidem alimonia, & integumenta: animæ vero

332 *IN ILLUD MOSIS,*  
rò dogmata pietatis, non incivilem  
vivendi canonem, exercitationem  
virtutis, improbarum affectionum  
emendationem. Cave corpus pin-  
guiore opimes sagina, neu studium  
impenderis comparandæ corpori car-  
nulentia. Quum enim concupiscat  
caro adversus spiritum, spiritus ve-  
rò adversus carnem, hæc porrò in-  
ter se pugnant, & adversantur: pro-  
videto, ne fortè dum plus æquo in-  
dulges carni, peiori vires suggeras  
quibus invalescat. Nam quemadmo-  
dum in staterarum momentis con-  
tingit, unam si deprefferis lancem,  
velis nolis illi oppositam tantò red-  
des leviolem: consimilem in modum  
assolet in corpore, & anima contin-  
gere. Unius exuberans copia necesse  
est ut alterum imminuat, & illi ad-  
dat inopiam. Corpore etenim cupe-  
diis, ac lautitiis meliusculè habito, &  
carnulenta obesitate degravato, ne-  
cesse est mentem ad cognatas sibi a-  
ctiones tanto reddi minus strenuam  
atque enervem prorsus. E' diverso,  
anima si commodè habet, perque con-  
tinentem bonarum rerum meditatio-  
nem ad magnitudinem furrigitur ju-  
stam, ac se decentem, consequi vi-  
detur

*ATTENDE TIBI IPSI.* 333

detur per hoc intabescere, & eliquari ejus corporis habitudinem. Hoc ipsum proinde præceptum cum infirmis est utile, tum maximè congruit valentibus robore. Infirmirate enim laborantes adhortantur medici, sibiipsis ut attendant, neu quidvis negligent concernentium medellam, ac sospitatem. Nihilò secius sermo salutaris istius mandati, nempe animarum nostrarum medicus miserè affecta noxa lethalis peccati persanat animam exiguo hoc auxiliari antidoto. Itaque attende tibi ipsi, ut pro delicti proportionem hinc quoque mutueris ex admota tibi medella, valetudinis instaurandę subsidium. Magnum est, & grave peccatum & multa opus habes confessione, lacrymis amarulentis, peracri contentione vigiliarum, indivulso, & continenti jejunio. Levis est, nec intoleranda offensio? Huic quoque exæquetur pœnitentia. Tantum hoc est: Attende tibi ipsi: ut internosse possis, rectène, an secùs valeas. Plerosque enim, cum alioqui ægrotent non mediocri morbo, nec medicabili contingit per nimiam sui incogitantiam nescire hoc ipsum quia ægrotant.

grotant . Sanè ex hoc mandato non leve est, quod decerpitur emolumentum, vel istis quoque, qui ad obeunda quævis munia robore prævalent . Itaque hoc idem, & sanat ægrotos, & sanis robur confirmat, ac perficit . Quisque enim nostrum, qui hac sententia erudimur, administer est unius earum actionum, quæ juxta Evangelii doctrinam in classes distinctæ nobis sunt, & dispositæ . In magna etenim, & illustri familia, in hac nempe Ecclesia non vasa modò convicuntur omnigenæ speciei, aurea, argentea, lignea, & testacea . Sunt insuper, & artes omnigenæ exercitationis . Habet enim domus hæc, quæ Ecclesia viventis est Dei, venatores, viatores, architectos, ædificatores, agricolas, pastores, athletas, milites . Hisce omnibus breve hoc verbum nihil indecorè possit accommodari, singulo cuique ingerens & exactam operis obeundi cognitionem, & ad id absolvendum studium propensæ voluntatis . Venator es à Domino emissus, qui dixit : *Ecce ego mitto multos venatores, & venabuntur eos supra omnem montem* . Attende igitur multa cum diligentia ,  
ne



ne fortè fugiat te præda, ut effera-  
 tos per improbitatem, verbo verita-  
 tis convictos Salvatori offeras. Via-  
 tor es ei assimilis qui orabat: *Gres-*  
*sus meos dirige?* Attende tibi ipsi, ne  
 quà exorbites, neu ad dexteram de-  
 flexeris, aut sinistram, progreditor  
 via regia. Architectus solido, tuto-  
 ve in loco jaciat, & collocet fidei  
 fundamentum, quod est Jesus Chri-  
 stus. Ædificator, quo pacto ædificet,  
 videat; ut ne ligna, non scænum,  
 neque calamum: sed aurum, argen-  
 tum, lapides pretiosos. Pastor es?  
 attende, ne quid te prætereant eo-  
 rum, quæ ad obeundum munus istud  
 pastorale attinent. Hæc porrò quæ  
 tandem sunt? Tribulatum pecus, &  
 erraticum convertito: quod conquas-  
 satum est, & contritum colligato:  
 quod ægrotum, sanato. Agricultu-  
 ræ ne professor? Ficum, infructuosa  
 si est, circumfodito, illique ingerito  
 quæ conductura noveris ad edendos  
 fructus. Miles? collabora Evange-  
 lio milita bonam militiam contra spi-  
 ritus nequitiae, adversum vitiosas car-  
 nis affectiones, induitor omnem ar-  
 maturam Dei, ut probes te ei, sis-  
 que gratosus duci tuo, qui huic te,  
 mili.

336 *IN IL LUD MOSIS,*  
militiæ allegit : provide, ut nullis implicere vitæ iūius negotiosis, & perplexis curis. Athleta es? attende tibiipſi, ne quam ex legibus athletico agoni præſcriptis inveniare transgreſſus. *Nam nemo coronatur, niſi qui legitime certaverit.* Imitare, Paulum, & curſu contendentem, & in palæſtra colluctantem, & in agone pugilari decertantem. Ut ſtrenuus pugil ipſe habeto animæ oculum nuſquam evariantem, ſed attentum, ac pervigilem. Præmuni, ac tuere paſſis manibus partes, quarum plaga lethalis ſit. In adverſarium, immotum oculum intendito fixiùs. In ſtadiario curſu, qui tibi præcurrunt, in eos te extendens fac aſſequaris : *ſic currito, ut prævertas.* In luctamine, repugna inviſibilibus adverſariis. Per vitæ iſtius curriculum talis, ut perſeveres, hæc ſancit ſententia, nimirum animo ut ſis non ſupino, aut concidente, ſed arrecto : nondormituri, ſed pervigili, ac ſobrio, quique multa cum vigilantia præſens ſit, & norit ſibi præeſſe. Cupientem me ſingula percenſere hic me deficiet dies, cum eorum munia, qui Evangelio Chriſti coope-

ran-

rantur : tum etiam vim præcepti illius , ut in omnes omnium ordines nativam suam vim non incongruè exerat . ( *Attende, inquam, tibi ipsi.* ) sobrius esto , præsentis consilio præditus , tenax sis , observansque præsentium , futuri providus : ut ne quod jam suppetit quidem , & in ære tuo est , per socordem , & ignavam segniciem à te excutias , at neque eorum , quæ non sunt , nec futura forsitan sunt , quasi in manibus sint , horum certò tibi promittas fruitionem . Hæc ne animi ægritudo solet istis adolescentibus natura irrepere , ut per mentis levitatem se jam tenere putent , quæ vel spe sola præsumpserunt ? Hi enim si quando otium internanciscuntur vel solitudinis , vel quietis nocturnæ , imaginationem comminiscuntur , & secum effigiant rerum , quæ nusquam sunt . Abeunt in omnia præcipites , & divangantur per facilem mentis inconstantiam . Pro comperto sibi proponunt vitæ splendorem , claras , & illustres nuptias , fœcunditatem proles , longævam senectutem , à nemine non exhibendum honorem . At interim nulla in re quàm spem sistant , ad eâ

P

pro-

gressi, quæ in hominibus habentur præstantissima, majorem in modum intumescunt. *Ædes possident luculentas sanè, & ingenti amplitudine effusas.* Has simul ut omnifaria, & eadem pretiosa supellectile referierunt, tanto cingunt terræ ambitu, quantum vanissima istorum cogitatione ab universa creatura rescindi possit, & disjungi. Rursus copiam omnem commeatus illinc resilientem suis inanibus includunt horreis. *Universæ huic opulentiae pecora addunt, famulitium ingens, servorum gregem numerosum, & qui modum excedat, civiles principatus, præfecturas gentium, militarem præturam, bella, trophæa, ipsum denique regnum.* Hæc ubi omnia secum commenti sunt inanissimis figmentis ( tanta est istorum amentia ) se credunt frui speratis, quasi jam præsentibus, & ad pedes repositis. *Otiosæ prorsus, & cessantis animæ propria est hæc ægritudo, cernere insomnia vigili corpore.* Hanc igitur remissæ mentis laxationem ac tumorem cogitationum depri-  
mens, sermo hic, & quasi fræno quopiâ propellens instabilitatem animi, denuntiat præceptum hoc tibi magnum  
uti-

utique, & sapientiæ plenum : *Tibi ipsi attende*, ut ne ea tibi pollicearis, quæ nusquam consistunt : sed quæ suppetunt, hæc digere in usos tuos tibi profutura. Quin & ipse equidem arbitror legislatorem, cum magnoperè cuperet illam turbulentam affectionem, quæ in consuetudinem jam abierat, ex animis hominum amoliri, & eximere, hac voluisse uti admonitione. Nam quando cuique est proclivius aliena curare negotia, quam quæ sua ipsorum sunt, dispicere, & expendere, ne quid ejusmodi nobis accideret : *Desine*, ait, *unius alicujus mala explorare* : & *inquirere curiosius*, neve inertis, & otiosa cogitatione res vestigandis aliorum morbis : potius *tibi ipsi attende* : hoc est, oculo animæ in se reflexo, te ipsum explora, & inquire solertiùs. Sunt enim nec pauci, qui juxta dominicum verbum, in oculo fratris vel festucam animadvertunt, in proprio ne etiam perspiciunt trabem. Cave igitur cesses aliquando solerti examine excutere tuam ipsius conscientiam : num ad præscriptum istius mandati canonem vitæ tuæ tenor progrediatur : at ne externa qui-

dem ista circunspicito, nuncubi occasionem internancisci queas reprehensionis uni alicui intendendæ, exemplum imitatus superbi illius, & arrogantis Pharisei, qui surrecta ceruice suo se ore justum prædicans, publicanum pro abjecto habebat, ac vili. Quin te ipsum potiùs percunctari ne cesses, & discutere, num qua in re deliqueris per intimos conceptus animi, num labascens lingua mentis considerationi anteverterit, ~~et~~ inconsultò, aut temerè quidpiam admiseris in operibus istiusmodi manuariis. Quod si te in vita hac deprehenderis deliquisse, plurimum (sanè deprehendes prorsus, homo cum sis) nihil addubites depromere publicani orationem: *Dens propitius esto mihi peccatori. Attende igitur tibi-ipsi.* Hoc verbum splendido, ac felici rerum successu utenti, perque tuam omnem vitam, quamlibet secundo flumine naviget, præsentiam sui aliquando exhibebit commodam, & utilem, quasi probus quidam consiliarius suggerens menti humanarum rerum memoriam. Quin etiam si quando calamitatum pondere deprimeris, inque tempore cordi tuo incinue-

cinuerit verbum hoc : neque ad inanem jactantiam per fastum fines te sustolli, nec contra ad degenerem, & ignavum animi mœrorem spe abjecta concides. Luxu profusiore divitiarum insolescis? tibi uni mirè places ob avitæ gentis claritudinem? immodico gaudio subsilis ob patriæ celebritatem, ob elegantiam, decusve corporis, denique ob honores ab omni omnium gradu tibi exhibitum? Attende tibi ipsi; mortalis enim tu, quippe terra es, & in terram abibis. Qui inter eos numerati sunt, quos præ te splendor confimilis, & opum, & dignitatum exornabat, hos tu mihi circumspice diligenter. Ubi jam, dic, qui civitatum magistratus amplissimos capelebant? Ubinam inexpugnabiles illi, atque invicti Rhetores? Ubi item, qui præclara adeò statuerunt, ac benè meriti sunt de publicis istis conventibus? Quò abierunt illustres equorum altores? ubi duces sunt exercituum? ubi Satrapæ? denique tyranni quò concesserunt? Non omnia pulvis? non sunt in fabulam versa omnia? Memoria vitæ istorum in quàm paucis ossibus retinetur? In horum sepulchra de-

342 *IN ILLUD MOSIS,*  
flecte parumper oculos. Posse ne te,  
speras discernere inter famulum, &  
dominum, inter pauperem, & di-  
vitem? Discerne, si qua suppetit vis:  
discernendi inter vinctum, & Regem,  
à quo vinctus fuerat: inter robustum,  
& debilem; inter eleganti quondam  
forma præditum, & deformem. Me-  
mor igitur naturæ, ne quando eleve-  
re in superbiam. Fueris utique tui  
ipsius memor, si tibiipsum attenderis.  
Rursus, unus aliquis degener es, &  
inglorius? è pauperibus pauper? do-  
mo, ac civitate extorrem agis vitam?  
viribusne corporis destitutus? victus  
insuper quotidiani indigus? Horum  
metum intremiscis, qui pro potesta-  
te agunt? nullius non occursum sub-  
vereris: per vitæ tenuitatem tuæ?  
( Scriptura enim teste, pauper non  
fert comminationem. ) Ne tu pro-  
inde desponderis animum, neu spem  
à te omnem bonam excusseris, quod  
nihil suppetit eorum, quæ in vita ex-  
petuntur. Mihi potiùs animum fac  
revoces ad eorum contemplationem  
bonorum, quæ jam in te collata à  
Deo sunt, & subministrata: tum ea  
tecum meditare, quæ in futurum re-  
posita tibi sunt certa illius, & seque-  
stri



stri promissione . Primum quidem , homo es solus sanè à Deo formatus ex omni animantium genere . Numnam id abundè tibi suffecerit ad summam animi oblectationem , ( modò rem tecum sobriè reputes ) quòd Dei manibus formatus sis , ejus , qui universa codidit ? Adde , quia ad imaginem factus tui Creatoris , potes ad honorem Angelicæ dignitati nihilo disparem surlum pertingere , ac pro-vehi , per vitæ rectitudinem , & probitatem . Animam sortitus es intellectili mente præditam , cujus solerti cogitatione Deum agnoscis , rerum indolem , naturamque ratiocinando deprehendis , hinc suavissimum præcerpis sapientiæ fructum . Tibi uni serviunt , tuæque mancipata sunt ditioni animantia : quæcumque tandem usquam sunt , terrestria , naturæ ut sint cicuris , & mansuetæ , aut certè agrestis , quæ in aquis degunt omnia , quæcumque item hunc aëra circumvolitant . Tuumne inventum sunt artes universæ ? Nonne civitates ipse condidisti ? Quæcumque vitæ huic transigendæ commoditates , quæque rursùs conducunt deliciarum fruitio-ni , an non tu excogitasti ? Non ma-

ria præduce ratione tibi pervia red-  
 didisti? Nonne terra pariter, & ma-  
 re vitæ isti tuæ subsidia administrant?  
 Non aer, cælum, denique chorus  
 astrorum omnis suum tibi ostentant  
 ordinem? Quid igitur pusillo es ani-  
 mo? Num quod neutiquam suppe-  
 tit equus argenteo fræno adornatus?  
 Atqui Solem habes toto die cursu per-  
 nicissimo tibi præradiantem, facem-  
 que micantissimam præferentem. Non  
 habes argenti, aurique scintillantem  
 splendorem. Verùm Lunam habes,  
 quæ suo te circumfundat, & illu-  
 stre radiosissimo lumine. Non datur  
 currum innauratum conscendere? At  
 certè pedes tibi sunt domesticum, ac  
 familiare vehiculum, tibi que ipsi con-  
 genitum. Quid igitur est, cur istos  
 deprædices beatos, qui crumenam qui-  
 dem gravi ære differtam possident, sed  
 iidem alienis, non suis, ingrediun-  
 tur pedibus? Non dormis lectica ex-  
 ceptus elephantino ebore confecta?  
 Quin terram habes tantò pretiosiore  
 multo ebore, dulcem etiam super  
 illa requiem capeffis, somnum quo-  
 que velocem, & curæ omnis libe-  
 rum. Non sub contignatione, & la-  
 quearibus aureis datur conquesce-  
 re?

re? Atqui cœlo tegeris, ingenti, nec cuiquam explicabili pulchritudine, stellarum circum irradianti. Quæ quidem hætenus, humana sunt: quæ verò deinceps, tantò sunt his augustiora. Deus propter te inter homines versatus est: sua dona Spiritus Sanctus dispertitò largitus est: dissoluta mors est, & abolita, prærogata spes resurrectionis. Præcepta Dei promulgata sunt, quæ vitam perficiant tuam, & quorum observatione tibi ad Deum properanti iter aperitur: paratum, cœlorum regnum, coronæ justitiæ ei paratæ, qui labores pro paranda virtute minimè defugerit. Si quidem tibiipsum attenderis, & hæc, & his multò ampliora circa teipsum deprehendes: & quidem frui licuerit præsentibus, neque interim per rerum inopiam angeris animo. Quocumque tandem in loco ob oculos mentis tuæ obversabitur præceptum hoc, non mediocri auxilio futurum tibi est. Sit hoc exempli gratia: vicitne irarationis vim? Iracundiæ flamma accensus in verba erumpis prorsus indecora, & ad actiones proflis sævas, ac belluinæ fœritati consimiles? Si attenderis tibiipsum, incandescentem i-

346 *IN ILLUD MOSIS,*  
ram coercebis, haud secus, ac pullum  
pessimè morigerum, atque effrænem  
plaga rationis quasi flagro quopiam  
perurgens: linguam rursus cohibebis,  
manuum injectu haudquaquam in-  
eum involabis, qui te promovit ad  
iram. E diverso, animamne tuam  
quasi æstro quopiam obicœnæ, & im-  
probæ concupiscentiæ exagitantes,  
in omnes omninò impetus incontinen-  
tiæ, atque lasciviæ intrudunt? Sanè  
si attenderis tibiipsi, memor præsen-  
tem hanc illecebram voluptatis oc-  
cursuram tibi, atque in finem conver-  
tendam amaritudinis plenum, & quia  
titilatrix hæc affectio, quæ se nunc  
corpori nostro inserit, è voluptate,  
prognata, hæc inquam venenatum  
vermem gignet nos in gehenna per-  
petuò cruciaturum, carnisque accen-  
sio mater fiet ignis æterni, mox in  
exilium relegatæ abs te se proripient  
voluptates, admirabilisque interna  
quædam tranquillitas, & quies ani-  
mam tuam circumfundet, ac si ad-  
ventante pudica quapiam hera ancil-  
larum lascivientium inter quiescat, &  
sedetur tumultus. Attende igitur ti-  
biipsi, & scito unam quidem animæ  
vim rationalem esse, & intellectilem,  
alte.

*ATTENDE TIBI IPSI.* 347.

alteram verò affectibus obnoxiam simul, & expertem rationis. Illi quidem ut imperet, prærogatum est naturæ beneficio: huic, morem ut gerat rationi, seque ab ea persuaderi sinat. Nunquam igitur siveris mentem abductam in captivitatem servam istarum affectionum fieri, neu rursus permiseris holce turbulentos affectus cooriri adversus rationem, ut ne sibi vindicent animæ imperium. Exacta enim, ac diligens tui ipsius consideratio viam tibi præstret sufficentem prorsus, & idoneam ad cognitionem Dei. Si enim attenderis tibi ipsi, omnium, quæ sunt, nullo apparatu opus fuerit, quo adjutus velut per vestigia agnoscas tuum conditorem. In teipso etenim, tanquam mundo quodam distinctè adornato, licet exiguo, contemplari licebit eximiam conditoris tui, & incomparabilem sapientiam. Contemplatione, tuæ tibi inexistentis animæ incorporeæ mihi cogita Deum esse incorporeum. Deum, inquam, intellige, nullo circumscriptum loco, quando nec tua mens præcisam habet in loco conservationem, etiamsi in loco est per colligationem ad corpus.

Nihil est quod dubites credere Deum esse invisibilem, mox ut tuam ipsius cognoris animam, cum ne ipsa quidem possit corporeis apprehendi oculis. Nullo enim picturata est colore, nullo tecta schemate, nullo comprehensa est corporeo caractere: tantum ex suismet actionibus inrernoscitur. Itaque de Deo nullam per oculos aucuperis cognitionem: sed uni mentis iudicio fide præmissa, sensu tantum spirituali ipsum apprehendito. Hunc admirare artificem, quo is pacto efficacem vim animæ tuæ, veluti compage quadam astrinxerit corpori, sic ut ad extremas usque particulas ejus permeans, vimque suam dispertiens, membra ipsa plurimum licet à se dissipta in unam adducat concordem, & sociam conspirationem. Hic tu mihi velim contempleris, quænam animæ sit ea vis, qua assentitur carni, quæ item à carne consensio ad animam resultans. Considera, quonam modo ab anima in se vitam corrivet corpus: contra, ut dolores à corpore in se anima excipiat. Tecum reputa, qualesnam sint apothecæ, in quibus condit omnem disciplinarum proventum. Qua fit id ratione, ut præ-

præconceptarum rerum cognitioni succedentium, & adjectitiarum accessio nullam offundat caliginem: quin potius utrarumque memoriæ principi animæ parti semel insertæ conservantur inconfusæ, & in suas quæque classes distributæ, ac si columnæ insculptæ essent ærææ. Quo rursus pacto carnis succumbens obscænis affectibus decus perdit, nitoremque propriæ pulcritudinis: cum è diverso eadem dedecore expurgata malitiæ omnis virtutis exercitatione ad sui conditoris similitudinem postliminio se recipit. Secundum hanc de anima contemplationem, (si modò contentaneum videtur) attende, quam solers artifex sit tui corporis constitutio. Demirare tu, quid ita corporis hoc domicilium decorum apprimè, & elegans animæ rationali procreaverit longè optimus artifex. In animantibus cæteris, solum te efformavit rectitudine staturæ eminentem: ut vel doctrice corporis effigiatione condiscas, quia è cœlesti propinquitate tua pendeat vita. Reliquum genus omne quadrupedum, prono vultu terram inspectat, oculis in ventrem depressis: uni homini præ-

roga-

350. *IN IL LUD MOSIS,*  
rogatum est, ut expasso sit, surrecto ve-  
coelum versus vultu: idque eò factū,  
ne ventri, neu ventris illecebris ad-  
vitium prolicientibus indulgeret, sed  
tota animi alacritate sursum versus  
promoveret gressum. Adde quod o-  
pifex summo in loco quum posuif-  
set caput, in eo ipse solidè collocavit  
sensuum organa eorum, qui præ-  
minent. Illic visus, auditus, gustus,  
odoratus. His quatuor sedem finiti-  
mam præscripsit: sic tamen in angu-  
stum retracti loculum sunt, vicini  
ne remorentur actionem, aut ei sint  
impedimento. Et quidem oculi præ-  
cellam illam occuparunt arcem spe-  
culationi destinatam: ne qua partium  
corporis liberum sibi adimeret pro-  
spectum, aut inumbraret, quin ut in-  
directum potiùs è superiore loco, & e-  
minentiore aciem intendant sub tenui  
integumento superciliorum desiden-  
tes. Auditus apertus è diverso, neuti-  
quam se in directum exporrigit, sed  
retorto meatu, & anfractuoso sonos, si-  
ve strepitus in aëre editos apprehendit  
(id quod quis inficietur summæ esse sa-  
pientiæ; ) ut vox quidem citra im-  
pedimentum penetret, aut veriùs in-  
sonet circum concavos anfractus au-  
ris



ris refracta: eorum proinde, quæ intercidunt externè, nihil esse impedimento possit sensui. Linguae insuper condiscito naturam. Ut est mollicula, versatilis, & ad quemlibet usum sermonis depromendi multifaria movendi agitatione sufficiens. Dentes porro mihi expende ut organa sint quidem exponendæ voci accommodata. Tuendæ linguae septum opponunt sanè quam validum. Adde, quod administri alimonix sunt, dum hi frustillatim illam concidunt, isti concisam, & dissectam minutim deterrunt. Ad hunc sanè modum, nullam non corporis particulam percurrens consentanea, ac decenti ratiocinatione doceris, ut attractio aëris per pulmonem calorem in corde conservet, organa concoctioni accommodata, sulcos, canalesve eliciendo sanguini idoneos. Per hæc utique omnia contemplari licuerit impervestigabilem ejus, qui te condidit, sapientiam, adeò ut cum Propheta ipse, tu possis dicere: *Mirabilis facta est scientia tua ex me*. Attende itaque tibi, ut attendas Deo, cui gloria in sæcula sæculorum, Amen.



EJUSDEM SANCTI  
**BASILII**  
**MAGNI,**

*Homilia ad eos habita,  
 qui studio tenentur  
 dītescendi.*



E adolescente hoc, qui Dominum interrogavit, quidnam faciendo vitam haberet æternam, quæ dicta sunt hodierno matutino, & eorum prorsus solers, atque industrius auditor commemorat, quæ discussa tunc sunt, & expensā. Et quidem primum, quod non idem est cum legisperito, de quo apud Lucam scribitur. Hic enim tentator erat, simulatorias, & ironiæ plenas proponens interrogationes. Iste verò salubri-

lubriter quidem interrogans non fivit se persuaderi . Non enim tristis abiisset propter responsa Domini , nisi despiciendo interrogasset . Quamobrem ejus animus varius , mistusque nobis indicatur , cum ex sermone partim laudabilis , partim miser , ac desperans ostendatur . Etenim nosse verum magistrum , & præterita Pharisæorum superbia , Legisperitorum arrogantia , & Scribarum fastu soli vero , & bono magistro hanc appellationem deferre , hoc ipsum erat , quod laudabatur : deinde , & quod curandum sibi putavit , quomodo vitam hereditaret æternam , probabile & hoc est . Quod verò Servatoris consilio non paruit , ac mœstus abiit , hoc demum ejus detegit mentem , quòd non respuerit ad verum bonum , sed ad id , quod multis arridet : nec item salutarem Domini disciplinam suo inscribere cordi , aut omninò sequi curasse : sed tristem inde discessisse , ob eam solum causam , quòd divitias nimium amaret : hoc inquam , ejus morum varietatem pugnantium arguit . Magistrum dicis , & quæ sunt discipuli despicias ? Bonum insuper appellas , & ab eo data negligis ? Atqui is ,  
qui

qui bonus est, bona quoque tradit. Interrogas quidem de æterna, futuraque vita, & præsentis dulcedine vinctus teneri deprehenderis. Sed, quæso, durumve adeò, aut grave tibi verbum is proponit magister? *Vende*, inquit, *quæ possides, & da pauperibus*. Si propoluisset aut agriculturæ labores, aut mercaturæ pericula, vel qualia, qui pecuniis student, tolerare solent, jure gravatus te poteras excusare, ac consilium despicere. Si verò facilis tibi via sudoris, laborisque vacua, ad consequendum æternæ vitæ hæreditatem ostenditur, an salutis facilitate non gaudes, sed dolens, anxiusque discedis, & facis, ut quicquid boni gesseris, inutile, parumque tibi valiturum sit? Si enim, ut ais, non occidisti, non fuisti mœchus, non fur, non testis falsus, cur reliquum studium non addis, quo solo die in regnum poteris facilius pervenire? Nam si medicus membra tibi aliqua non recta, aut ex natura, seu morbo distorta, se corrigere polliceretur, gauderes profectò. At cum ipse animarum maximus medicus te in necessariis deficientem perfectum reddere cupiat,

cupiat, minimè gratiam suscipis, sed ingemis, atque doles. A mandato namque illo servando palam est, quod procul absis, & in te ipso mentiriprehenderis: quod videlicet proximum sicut teipsum diligas. Nam ecce præceptum illud, quod à Domino tibi propositum est, palam te convincit, quod charitate destitutus sis. Si enim teneris adhuc in annis (ut affirmas) fraternitatis charitatem, ac tantum præceptum custodisti, ut ea proximo, quæ tibi ipsi reddideris, unde tibi hæc divitiarum copia? Cura namque egenorum pecuniæ consumptiva est, dum & modicum quisque pro sua necessitate capit, & reliqua in omnes alios dividuntur, quorum quisque suam portionem absumit. Ex quo amans proximum, sicuti seipsum, nihil plus illo possidebit: at tu possessiones multas habere appares. Undenam hæc, nisi quod propria commoda multorum commodis habes omninò potiora? Quò enim plus opibus crescis, eò magis charitate deficis. Nam diù jam pecuniam aliis communicare cogitasses, si proximos, æquè ac te ipsum amasses. Nunc ea tibi magis insita, conjunctaque, quàm corporis membra videtur ..

detur. Idcirco ejus privationem non secus horres, quàm vitalium membrorum amputationem. Si nudum induisses, si esurienti panem præbuissem, si omni hospiti tua janua patuisset, si orphanorum pater extitisses, si denique te inopum, & afflictorum misericordia cepisset, quarum, quæso, opum gratia jam contristatus fuisses? Quomodo ægrè tulisses eorum, quæ adhuc superessent erogationem, si jam olim cogitasses illa impendere egenis. Nundinis quidem nemo trahatur, quòd res suas profundat, & vicissim ea, quibus opus habet, accipiat: sed quanto viliori pretio res emerit pretiosissimas, tanto magis gaudet, ut qui egregiè negotiatus fuerit: at tu & aurum, & argentum, & possessiones distribuere, hoc est, lapides, & terram, pro æterna dare felicitate gravaris. Sed quò tendunt divitiæ? ut pretiosa te veste amicias? At duorum cubitorum tunica tibi fatis est. Unius, inquam, tunicæ commoditas, pro claris, ac multis fuerit vestibus. Ut lautius vivas? At panis unus, idoneus est te, nuem explere ventrem. Quid ergò privari doles? Quæris gloriam? Si terre.

terrenam, humilemque hanc despice-  
re poteris, longè potiolem, ac clario-  
rem, teque in regnum cœlorum de-  
ducentem invenies. Sed, inquis, for-  
tunas ipsas tantùm possidere volu-  
ptas est magna, & si nullum ex eis  
usum capias. Quod itaque stultum  
sit pecuniarum studium, cuivis liquet.  
Verumtamen mirum fortassè, incre-  
dibileque, quod tibi sum dicturus, vi-  
debitur, tamen omni re certius. Di-  
distributæ opes, ut ipse testatur Do-  
minus, firmiores permanere: ama-  
tæ verò, ac cupidius custoditæ, aufer-  
ri solent. si asservabis, non hebe-  
bis. Si dispergas, invenies, ut ait  
Propheta: *Dispersit dedit pauperi-  
bus: iustitia ejus manet in seculum  
seculi*. Sed profectò non vestium,  
aut ciborum causa, à multis affectan-  
tur opes: verùm quædam est diabo-  
li methodus ad suggerendas divitibus  
mille sumptuum inanium occasiones:  
ut ea, quæ ad superflua, & ad rem  
pertinentia non sunt, pro necessariis  
ducantur. Ex quo ad sumptuum ex-  
cogitationem nihil satis homines hu-  
jusmodi habent. Substantiam nam-  
que in præsentem, ac futurum usum  
diducunt, primùm sibi, deinde fi-  
liis

liis accumulanti : rursus eandem in sumptus varios, pro statu, & ordine cujuslibet dividunt. Sit, inquit, res partim in usu, partim condita, sepositaque. Item quæ in usu est necessitatis terminos transcendat. Ista serviat sumptibus domesticis, illa præsto sit ad externam pompam : ut iter facienti ornatus, equitatus, viaticum pro conditione fiant. Hæc domi permanenti vitam reddat splendidam, & illustrem, ita ut mihi miraculum sit, quomodo tot inanes sumptus excogitentur : innumeri instituuntur currus, quibus vel sarcinæ, vel ipsi mortales vehantur, illique ære, vel argento obtecti. Equi comparantur permulti, atque illi è majoribus suis generosi, qualiter homines solent, æstimati : quorum alii delicatos per urbem, ad ostentationem circumvehunt, alii ad venationem, alii ad iter faciendum præparantur, fræna, zonæ, collaria, argentea omnia, aureaque : insuper tapeta purpurea, ipsos veluti sponsores ornantia equos : mulorum quoque multitudo colore distincta : aurigæ illorum, successores invicem qui præcedunt, & qui subsequuntur, servorum infinitus numerus, sum-  
pti-



ptibus eorum cunctis, ac magnificentiae suppeditans: curatores, promi, coloni, ministri cujusvis artis, sive necessariae, sive voluptuariæ periti. Præterea coci, pistores, pincernæ, venatores, fectores, pictores: voluptatis omnimodæ commentores. Camelorum greges partim ad onera, partim ad pascua descripti. Equorum greges, armenta boum, porcorum, ovium, horumque pastores; ac tellus non solum his omnibus pastionibus sufficiens, sed proventus reliquos amplificans: balnea insuper incivitate, balnea in agris. Domus omni marmorum genere coruscantes, Phrygio: Laconico, Thesalico, è quibus alia hyeme calida, alia æstate frigida esse oportet: pavementum calculis ornatum variis, cameræ, laqueariaque, & quicquid parietibus super est auro, picturæque floribus, decorata. Quando igitur in mille supervacuos usus distractæ opes adhuc redundant, in terra conduntur, & in secretis, cavernisque custodiuntur. Incertum est, inquis, quid futurum sit. Necessitati, quæ nos quandoque urgere posset, providendum est. At longè incertior defossi thesauri usus:

nec

nec tamen pœna incerta, quæ tuorum  
morum manet inhumanitatem. Tunc  
quando ad perdendum aurum omnem  
viam excogitaveris, quod supererit  
fodies, atque abscondes? gravis profectò  
infamia. Primùm, in metallis  
aurum latitans omni diligentia in lucem  
proferre, ac ex humo recludere:  
deinde semel effossum rursus in  
terra occultare. Nam quicumque  
hoc facis, profectò & cor simul fodere  
videris, dicitur enim: *Ubi thesaurus  
tuus, ibi est cor tuum*. Idcirco Dei  
mandata tristitiam istis adferunt.  
Nam vitam sibi miseram esse putant,  
nisi inutilibus sumptibus occupentur;  
& in summa, idem mihi evenisse  
huic adolescenti, & illis, qui ejus  
similes sunt, videtur, quod illi solet  
evenire, qui iter facit civitatis  
alicujus spectaculi videndi studio,  
properatque usque ad mœnia, ibi  
reperito diversorio requiescit, modicumque,  
quod restat viæ ob pigritiam, atque  
desidiam ire detrectat, simul, & toleratum  
itineris laborem inanem reddens, & spectaculo  
bonorum, quæ videre poterat in urbe,  
se excludens. Sic & hujusmodi sunt  
homines, qui cetera quidem man-

mandata observant, ad bonorum verò suorum erogationem claudicant. Vidi ergò multos jejunantes, orantes, præteritorum pœnitentia suspirantes, omnem denique sine sumptu pietatem ostendentes: egentibus verò ne obolum quidem præbentes. Quid his cætera virtutum diligentia prodest? Non propterea regnum Dei consequentur: Idcirco, inquit Dominus: *Difficilius est divitem intrare in regnum cœlorum, quam camelum per foramen acus*. Hoc est testimonium validum: qui testatur, verus: persuasi verò pauci. Et quomodo, inquit, vivemus, ubi omnia abjecerimus? qualis autem species, & status erit mundi, si omnes vendant, & omnes res suas abjiciant? Ne me interroga dominicorum præceptorum sententiam. Potuitne legislator id, quod fieri non potest, sub lege comprehendere? Tu verò cor tuum sicut in trutina expendes, an ad vitam futuram, ac veram, seu præsentem, inanemque inclinet. Neque enim secundum voluptatem, sed secundum necessariam dispensationem, divitiarum usum, si quidem prudenter judicare voluerimus æstimare,

Q

con-

convenit, & non minus gaudere, ubi illas erogaverimus, quàm sicubi alienis privati fuerimus, & non ægrè ferre, quasi propria amiserimus. Quid quæso gravaris? Quid doles, quòd audis: *Vende quæ habes?* Si enim te in futurum sæculum sequerentur, profectò præ illis prætiosioribus, quæ ibi reperies, & hæc nihil penderes. Sed quando necesse semel est ea hic remanere, cur non venditis ipsis lucrum inde auferimus? Nam si alacri, lætoque animo das aurum, ut equos possideas, cur id regno Dei potiùs commutari suafus doles, petenti denegas, & abnuis, mille sumptuum occasiones commemorando? Quid miser judici respondebis? parietes vestis, hominem non vestis? Equos phaleris ornas, fratrem tuum laceris amictum pannis aspernaris? Frumentum retinendo perdis, esurientes non respicis? Aurum in terram condis, & oppressum non curas? Quod si uxorem insuper avaram habueris, duplex tibi morbus creverit. Nugas hæc, & delicias ardet, voluptatis illecebras tibi augebit, concupiscentiæ, & supervacanei studii stimulum acuet, dum lapides quosdam

dam excogitat, margaritas, smaragdos, & hyacinthos, & aurum partim fabricatur, partim vestibus intexit, & per omnes ineptias morbum augeat. Neque succisiva huic studio tempora, verum ordinaria noctes atque dies tradit. Mille insuper assentatores illius adfunt desideriis adducentes fuliones, aurifices, unguentarios, textores, discriminatores, qui ex illius imperiis nullo tempore virum respirare sinunt. Nullus item muliebri concupiscentiæ fatis thesaurus, non si è fluminibus fluxerit: quandoquidem unguentum exoticum ex barbaris ita quærunt, ut oleum è foro, & ex mari conchyliis: purpuram, variosque colorum flores, plusquam ex ove lanam habere contendunt. Præterea pretiosos lapides complectens aurum, partim in frontis ornatum cedit ipsis, partim in colli monilia, partim zonas locupletat, partim manus, ac pedes ornat. Gaudent auri cupidæ scæminæ manicis ligari, duntaxat ex auro sit vinculum. Vir igitur muliebrem sequens appetitum, quando animæ curam geret? Sicut enim debilia navigia procellæ, ac tempestates dispergunt, atque inundant, sic

pravi uxorum affectus virorum debiles animas corrumpunt, atque perfundant. Igitur ad hæc tot, taliaque distracta substantia, nugis, ac variis voluptatum inventionibus viro, & uxore inter se certantibus meritò non vacabit, ut & aliorum habeatur ratio. Sed si audieris: *Vende omnia, & da pauperibus, ut vitam habeas aeternam*, mœstus abis. At si audieris: Da pecuniam muliebribus deliciis, lapidicidis, architectis, tessellariis, pictoribus, gaudes, quasi rem pecunia pretiosiore assequaris. Nonne vides hæc mœnia vetustate jam labefactata, quorum reliquæ tanquam scopuli quidam per urbem totam apparent? Quot per civitatem pauperes, dum hæc excitabantur erant, qui ab incolentibus ob ædificandi studium negligebantur? Ubi, quæso, nunc tantus operum splendor, & apparatus? Ubi & ille, cui horum magnificentia studebatur? Nonne hæc dispersa, solo æquata, & abolita, veluti puerorum ludicra, qui inter arenas turres excitant, omnia perierunt: author verò ob rerum vanarum studium ambitiosum, in inferno sepultus est? Contende igitur

tur animam habere magnam, ac locupletem. Muri verò parvi, vel magni eundem præstabunt usum. Ego verò quando transeundo unius alicujus inflati, ac divitis domum conspicio varis stragulis, ac ornamenti fulgentem, intelligo illum nil pretiosius, quàm quod cernitur, possidere: quandoquidem inanimata tanto studio ornare contendat, animam verò immortalem incultam habeat. Quem tandem, quæso, ampliorem usum argentei lecti exhibent, & mensæ argenteæ, lecti eburnei, sellæ eburneæ, ita ut nequeant ullo modo ad pauperes penetrare divitiæ? & quanquam ad tuas veniunt fores, miseram rogando vocem emittentes, tu tamen negas, affirmans rogantibus cunctis non posse sufficere: & cum lingua dejes, manu perjurus argueris. Licet enim illa taceat, mendacium tamen tuum deprædicat, annulo, quem in digito habes conspicua, & illustris. Annulus, inquam, tuus quantum æris alieni posset exolvere? quot domus ob inopiam ruentes conservare? Una tantum tuarum vestium arcula totum populum frigore rigentem amicare posset. Verum sustines

inexoratus abs te pauperem rejicere, nec metuis judicis minas, ac ea, quæ se ille pollicitus est hominibus hujusmodi redditurum. Non te miseret? misericordiam non invenies. Non aperuisti domum tuam? à regno Dei excluderis. Non dedisti panem? non vitam recipies æternam. Sed & pauperem teipsum dicis: & ego tecum sentio. Pauper profectò est, qui multis indiget: pauperes, inquam, insatiabilis concupiscentia reddit. Decem talentis totidem addere contendis, deinde viginti coactis etiam totidem. Nec solum crescendo non expletur, sed ardentior redditur appetitus. Velut ebriis occasio sitiendi est vini copia, & augmentum: sic & qui repente ditatus est, plura possidens plura concupiscit, & dum perpetuò cumulum auget, morbum perpetuò nutrit. Studium namque habendi contrarios eorum voluntati agit effectus. Non enim tantum eos ob jam parta non exilarat, verum ob ea, quæ deesse videntur cupiditati, potius angit. Ex quo anima curis continuò premitur, dum alios superare contendunt: oportebat illos gaudere, & gratos esse,



se, quòd tam multis sunt opulentiores, illi verò mœrent, ac lugent; quòd ab uno, & altero opulentioribus vincuntur. Ubi ditio- rem aliquem adæquarunt, mox & alterum, à quo superantur, adæquare student: & ubi istum quoque transierunt, erga alium ultrà adæquandum rapiuntur. Quemadmodum qui scalas, vel gradus ascendentes, ad ulterio- ra progressuri, continuò ad gradum sequentem vestigium attollunt, nec prius quiescunt, quàm summam attingant: sic & hi à rerum cupidi- tate non prius cessant, quàm in al- tum sublatis sese à ruina firmos, ac se- curos reddant. Conditor omnium, Deus seleucidem avem insatiabilem, ad hominum tamen beneficium con- stituit: tu verò te spontè insatiabi- lem animo reddens, multis profectò damnum facis. Nam quæcumque o- culis aspicit avarus, hæc concupiscit. Nec expletur oculus videndo: neq; avarus accipiendo satiatur. Avarus (ut infernus) nunquam ait satis est. Quando miser jam partis uteris? Quando frueris, aut à curis haben- di cessabis? Væh qui domui vicinam domum, & agrum agro conjungitis

368 *EJUSDEM S. BASILII*

ut aliquid proximo auferatis. Tu verò, quid facis? Non innumera cau-  
saris, ut quæ proximi sunt auferas? Domus, inquis, proximi ædes meas  
obscurat, turbas excitat, aut erro-  
nes suscipit, aut tale quid aliud quod-  
cumque prætexis, quo vexes, & a-  
gites, vellas, ac laceres vicinum, nec  
prius cessas, quam ille necessitate,  
coactus aliò migret. Quam ob cau-  
sam Nabuthas Israëlita occisus est?  
An non propter concupiscentiam A-  
chab, vineam ipsius auferre volen-  
tis? Avarus in urbe malus cohabita-  
tor est, malus est in agris. Nam  
mare terminos habet, nox item le-  
ges antiquas non egreditur. Solus  
avarus nullum circumscribit tempus,  
non terminum noscit, rerum succe-  
ssione non cedit: sed vim, naturam-  
que ignis imitando, omnia compren-  
dit, omnia pascitur. Et veluti flu-  
mina ex parvis initiis exeuntia, dein-  
de paulatim incrementum intolerabi-  
le in processu accipientia, impetu de-  
mum violento quicquid objicitur se-  
cum trahunt: sic & ii, qui in magnam  
provehuntur potestatem, ex eo quod  
jam aliquos oppresserunt, ad mayo-  
ra continuò facinora, majoresque in-  
ju-

jurias progrediuntur , ac reliquos , quos prius præterierant , per oppressos antea lædunt . Quamobrem potentia incrementum fit eis sceleris occasio majoris . Qui enim mala sub ipsis patiuntur , eisdem quoque auxilia ferre inviti in aliorum injurias coguntur . Ex quo mutua inter se incommoda infligunt . Quis vicinus ? quis contubernalis , aut cliens non trahitur ? Nihil enim opum potentia resistit . Omnia tyrannidi cedunt : cuncta potentiam formidant : quum singuli affecti injuria plus solliciti sint , ne quid amplius mali patiantur , quam ut poenas repetant ob ea , quæ sunt perpeffi . Dives verò , ac potentia fidens , & audax ultrò laceffit : boves jungit , arat , ferit , metit ea , quæ ad ipsum minimè pertinent . Tu si resistis , verbera parata . Si quereris , lamentationum , & accusationum tuarum quæstio fiet : In judicium , in carcerem demum traheris . Calumniatores minimè deerunt , qui mortis periculum intentent . Denique ut te hac molestia liberes , libenter adhuc aliud dabis . Igitur ò miser parumper , quæso , à tuo scelere respira , & tuæ conscientia recessus ali-

quantulum perscrutare , tecumque ,  
confidera quis rebus huiusmodi finis?  
quæ fors tuorum studiorum impuden-  
tiæ fuerit? Habes terræ partim ara-  
tro , partim arboribus utilis, tot jüge-  
ra; præterea vineas, montes, campos,  
saltus, flumina , loca amœna. Quid  
ergò post hæc? Nonne telluris tres  
tantùm cubiti te expectant? Nonne  
parvus lapis ad tui miseri corporis  
custodiam satis erit? Cujus gratia la-  
boras? aut pro quo contra jus, falsque  
contendis? Quid manibus inanes sti-  
pulas metis? Sed utinam tantùm ina-  
nes, ac non igni perpetuo materiam.  
Non ex hac ebrietate quandoque re-  
sipisces? non mentis sanitatem reci-  
pies? non tibi ipsi restitueris? non  
ante oculos Jesu Christi judicium ti-  
bi pones? Quomodo causam dicturus  
coram justo iudice te defendes ab iis,  
qui abs te lacessiti acriter instabunt?  
Quid, inquam, ages? aut quos ad-  
vocatos conduces? Quos adduces te-  
stes? Quomodo integerrimum corrup-  
pes iudicem? cum nec orator tibi,  
neque verborum ad persuadendum fa-  
cundia fuerit, quibus illi veritas oc-  
cultari possit. Non te rursus adula-  
tores , non pecunia , non dignitatis  
fa-

fastus sequentur. Ab amicis item, ab auxiliis desertus, sine advocato, sine defensore, sine honore, tristis, pudefactus, dejectus, ac solus relinqueris. Nam quocumque oculos circumferes, umbras ubique, simulachraque malorum aspicies. Hinc orphanorum lacrymæ, illinc viduarum gemitus, aliundè oppressi abs te pauperes, servi, quos lacerasti, vulneribusque affecisti, vicini, quos ad iram provocasti; cuncta hic adversus te consistent. Tuorum scelerum acervus te comitabitur. Sicut enim umbra corpus, sic peccatum animam sequitur, gestorum imaginem manifestam referens. Idcirco illic negatio minimè valebit: sed loquatur os. licet impudenter, obturabitur tamen. Nam ipsa facta non quidem vocem emittentia, sed talia apparentia, qualia à nobis patrata fuere, vitæ testes erunt. Quonam pacto tibi ante oculos exponam horrenda illa, quæ te manent? Si itaque audieris, si emollitus aures præbueris, recordare illius diei, in quo revelabitur ira Dei de cælo: recordare gloriosi adventus Christi, quando qui benèfecerunt in resurrectionem vitæ, qui verò ma-

lè, in resurrectionem judicii excitabuntur. Tunc sempiterna verecundia peccatoribus, & ignis adversarios voraturus aderit. Illa te gravent, non mandatum dominicum de bonis cedendis. Sed jamdudum non audis. Quibus ergò verbis te curabo? Quomodo loquar? Regnum Dei non curas, gehennam non times? quam animæ tuæ medicinam idoneam inveniam? si enim horribilia non metuis: clara insuper, & pulchra despicias, disputamus cum corde lapideo. Infelix homo, pecuniæ naturam aliquantulū inspice. Quid attonitus aurum miraris? Lapis est aurum, lapis argentum, lapis margarita, lapides sunt chrysolithus, berillus, achates, hyacinthus, amethystus, jaspis. Hæc summa, hi flores opum magnarum. Hos partim, cum sint clarissimi, in tenebris abscondis: partim in digitis micantibus, pretio, & splendore gavisus, circumfers. Dic, quæso, quæ utilitas, digitos vertere lapillis coruscantes, atque ostentare? Non erubescis, insolito lapillorum desiderio flagrans, velut malacia laborantes prægnantes mulieres? Nam & illæ lapillos arrodunt, & tu avidus es præstan-

stantiorum quarumque gemmarum, & sardonycas, jaspidas, amethystos omni studio conquiris. Quis pulchritudini, formæque fingendæ studens unam vitæ diem sibi prorogare poterit? aut cui mors ob divitias parcat? à quo morbus ob pecuniam abstinet? Quousque igitur opes erunt animarum laqueus, mortis hamus, peccati esca? quousque divitiæ erunt belli materia, per quas fabricantur arma, & enses acuuntur? Propter opes, inquam, propinqui, & cognati naturam negant, fratres inter se digladiantur, loca deserta grassatoribus referciuntur, mare piratis, civitates calumniatoribus complentur. Quis mendacii pater est? Quis falsæ accusationis minister? quis perjurii genitor? nonne divitiæ, ac circa divitias studium? Quid accidit vobis ò homines? quis ea, quæ vestra sunt, ac in salutem vestram concessa contra vos vertit? Ad subsidium vitæ non malorum incitamentum pecunia data est, animæ redemptio est, non exitii occasio. Sed, inquis, ob filios necessaria est. Plausibilis est ista avaritiæ excusatio: liberos prætexitis, ac interea cordibus

374 *EJUSDEM S. BASILII*  
vêstris satisfacitis . Non ego inson-  
tem accuso filium : proprium habet  
dominum , propriumque rectorem .  
Ex alio vitam accepit , non ex te  
ipso vitæ subsidia expectat . An non  
& iis , qui sunt in connubio id Evan-  
gelicum scribitur ? *Si vis perfectus*  
*esse , vende omnia , & da pauperi-*  
*bns* . Dic , quæso , cùm Deum ora-  
sti , pro fecunditate ; cùm precatus  
es , ut fieres liberorum pater , addi-  
distine illud : da liberos , ut causa  
sint , ne præceptis tuis obediam ? Da  
mihi liberos , ne veniam in regnum  
cœlorum ? Prætereà quis tibi spon-  
sor de ipsorum fuerit voluntate , ac  
ingenio , ut rectè datis , relictisque  
utantur ? Nam multis divitiæ luxu-  
riæ sunt causa . An non audistis Ec-  
clesiastem dicentem ? *Vidi stultitiam*  
*multam , & gravem . Divitias in ma-*  
*lum custodientibus ipsas converti* .  
Et rursus : *Relinquo ego homini post*  
*me , & quis novit , si sapiens erit , aut*  
*stultus* ? Considera itaque , ne cum  
multis ærumnis opes cumulas pec-  
catorum materiam aliis tradas , du-  
plicique plectaris postmodum pœna ,  
& tuorum criminum causa , & alio-  
rum , quibus causam dederis . Nonne  
cun-



cunctis liberis conjunctior est tibi anima tua? nonne omnium familiarissima? Huic tu primas da partes hæreditatis, vitæ videlicet æternæ divitem materiam, deinde filiis victum distribue. Filii namque quandoque domui paternæ minimè succedentes, aliam sibi constituunt: at anima abs te relicta, neglectaque apud quem misericordiam inveniet? Hactenus eos alloquutus sum, qui liberos habent. Qui verò liberis carent, quam parsimoniam obijciunt? Nolo, inquiunt, vendere, nolo pauperibus dare ob vitæ necessarios usus. Non ergò dominus tibi præceptor erit, nec Evangelium formulam vitæ tibi dabit, sed tu tibi ipsi jura dices, ac statues. Cogita in quod incidas periculum. Si ita sentis, ut quæ dominus necessaria nobis præscripsit, tu ut impossibilia taxes, nihil aliud agis, quàm quod te legem hanc ferente sapientiore dicis. Sed, inquis, ego quidem bonis, dum vixero, frui volo: post mortem verò in testamento hæredes facultatum mearum, ac dominos pauperes ascribam. Heu miser, tunc benignus, ac liberalis hominibus eris, cum amplius inter homi-

mi-

mines non ages? cum te cadaver aspiciam, tum fratris amantem appellabo? Scilicet magna dignus eris liberalitatis laude, magnus tibi honor debebitur, aut gratia, si in sepulchro jacens, in terram conversus, magnificus, ac sumptuosus apparebis. Dic cujus mercedem temporis potissimum exposces? vitæne an mortis? Nam si tempore, quod ad promerendum datur, in voluptatibus, ac deliciis absumpto pauperes nequaquam respexisti, mortui quæ tandem est actio? quæ merces operis ei debetur? Ostende opera, & tum primum mercedem repete. Nullus enim post mercatum solutum negotiatur: neque demum post certamen accedens coronatur: nec post bellum fortia gerit: nec item post vitam pietatis laudem, præmiumve capiet. Atramento, & tabulis pulchra opera, & commendanda gerere studes? Sed quis exitus tui tempus nuntiabit? Quis de mortis genere sponzor? Quot videmus repentinò, ac vi, casuve extingui, qui præ doloris, & spiritus angustia ne vocem quidem emittere potuerunt? Quot etiam febris à sensu alienos fecit? Quid igitur tempus ex-

pe-

pectas? in quo sæpè rationis tuæ compos non eris. Enimverò nox profunda, morbus grauis, nullus circa adiutor: imò potiùs, qui hæreditati infidiatur paratus aderit, omnia tantum, quæ ad ejus faciant usum adhortans, ac tua irritare consilia quærens. Tunc tandem destitutum te, videns tuam imprudentiam, ac stultitiam graviter suspiriis damnare incipies, quòd in tale tempus mandatum distuleris, cum & lingua resoluta est, & manus tremula, contractionibus jam quassatâ, ut neque voce, neque literis significare mentem possis. Quod si nihilominus contigerit, ut & verbo, & scripto res tuæ palàm mandentur, una tantum transposita litera, totam sententiam mutare, ac irritam facere valebit: unicum sigillum adulteratum, duo item, aut tres improbi testes totam hæreditatem in alios convertent. Quid igitur miser teipsum decipis? nunc opibus in luxu vivendo abutens, ac tibi ea promittens, quorum postea dominus non eris, ut ex dictis patet. Pravum hoc est consilium, quod capis. Vivens, ais, bonis fruar: decedens peragam imperata. Erras homo. Tunc Abraham

ham tibi quoque dicet: *Recepisti bona tua in vita tua*. Si arcta est via quæ ducit ad vitam, non te divitiis oneratum, ac opum sarcinam fereptem excipiet. Gestans divitias tuas hinc egredieris: non enim illas abjecisti ut jussus es. Cum viveres, mandato te ipsum prætulisti: post mortem, ac dissolutionem mandatum inimicis præposuisti. Etenim ne ille, vel ille, quem nolis, accipiat facultatem tuam, accipiat illam, inquis, Dominus. Et istud quid vocabimus? Vindictamne inimicorum, an proximi dilectionem? Lege testamentum tuum. Vellem, inquis, vivere, ac frui bonis meis. Morti ergò non tibi sit gratia. Si enim immortalis esses, nunquam mandatorum recordatus esses. Nolite errare. Non decipitur, non deridetur Deus. Mortuum ad rem sacram non offeretur. Viventem offer hostiam. Qui ex ejus, quæ supersunt offert, ingratus est. Tu verò post vitam omnem, quæ morti superiunt Deo omnium præbitori tribuis? Si tu nobilem hospitem domui exciperes, eine mensæ reliquias apponeres? Quomodo ergò existimas ex repotiis Deum placari? Igitur vos  
allo-

alloquor divites, ac locupletes, vide-  
te finem amoris pecuniarum, & sic  
erga pecunias affici desinite. Quan-  
to amantior opum fueris, tanto ma-  
gis nihil tibi reliquum fit ex his, quæ  
possides. Fac tua hæc omnia, tecum  
aufer omnia, ne alienis opes relin-  
quas. Ob rem relictam nihilo plus  
te servi honorabunt, sed sepulchrum  
fortalsè, funerisque sumptus negligent,  
hæredi placere studentes, & nova  
quadam philosophia dictitabunt. Quid  
cadaver nihil sentiens multis impen-  
sis honestare contendis? Nonne me-  
lius est vestem hanc pretiosam su-  
perstitibus usui necessario servare,  
quàm frustrà humi cum cadavere ta-  
bescere sinere? Monumento item  
quid opus sumptuoso, aut quæ utili-  
tas inanis sumptus? Oportet illa ad  
vitæ usum superstitibus dare: talia  
dicent, teque morositatis condemna-  
bunt, successoribus tuis gratificabun-  
tur. Itaque ista præveniens teipsum  
sepelito. Bonum sepulchrum est pie-  
tas, omnibus tuis ornatus hinc di-  
scede, fac ornent te tuæ divitiæ. Ha-  
be illas penes te. Crede optimè con-  
sulentì, teque amanti Jesu Christo,  
qui ob nostram salutem egere voluit,  
ut ex

380 *EJUSDEM S. BASILII*  
ut ex ejus paupertate nos divites es-  
semus: qui etiam sese pro nobis redi-  
mendis pretium obtulit. Aut illi sa-  
pienti, nostramque utilitatem intuen-  
ti morem geramus, aut ut amantem  
nos feramus, aut ut erga benefacto-  
rem grati simus. Omnino verò quæ  
præcepta nobis sunt faciamus, ut hæ-  
redes constituamur æternæ vitæ in  
ipso Christo, cui sit gloria, &c.

---

EJUSDEM SANCTI  
**BASILII**  
**MAGNI,**

*Quomodo baptizetur aliquis Bap-  
tismate, quod est in Evan-  
gelio Domini nostri  
Iesu Christi.*



Uoniam mandatum nobis  
Dominus noster Iesus Chri-  
stus dedit, ut nos invicem  
diligamus, sicut ipse nos di-  
le-

lexit, & per Paulum Apostolum nos docet, ut toleremus alius alium in dilectione: pietatis vestræ in Christo præceptum, de gloriosissimo secundum Evangelium Domini nostri Jesu Christi baptismo prompto animo accepi, non tanquam qui pro rei maiestate quicquam dicere queam, sed ut cum vidua illa, quæ æra minuta duo misit, & ipse pro mea mediocritate aliquid conferam, & ad id quoque precibus eorum, qui Dominum diligunt opus habeo, ut optimi Dei, & Christi ipsius gratia, sanctus, ac bonus spiritus, qui suggerit nobis, & docet nos quæcumque à Domino audiverit, mentem nostram in viam pacis, & sermonem sanum ad fidei ædificationem dirigat, ut & in nobis, & vobis dictum illud sapientis adimpleatur: *Da sapienti occasionem, & sapientior erit.* Cæterum sciendum est, quod primum docere, & instruere oporteat, atque ita demum præclarissimo baptismo ritè instructum dignari: nam ita Dominus, ac Deus noster Jesus Christus unigenitus viventis Dei filius discipulis suis ipse præcepit. Necessariò itaque vobis separatim, quæ ab ipso sunt

Do-

Domino de illis, qui discipuli Christi fieri volunt, dicta, ex multis pauca commemorantes tradidimus. Quoniam verò, qui è supernis generantur, promissionem habent videndi regni Dei: qui verò ex & aqua, & spiritu, ingrediendi in regnum Dei, necessarium arbitror, ut modica quædam ex illis, quæ de regno cælorum sunt dicta, adjiciam, ne quovis pacto in acquirendo illo deficiamus. In vitæ namque negotio paululum non est, quod paululum abest, ac ferè dicitur, ut quidam nostrorum sapientum admonuit. Et hoc ex ipsis rebus potissimum liquet, imò & ex absoluta illa sacrorum, & ad oblationem destinatorum animalium integritate, satis habet fidei, quod dico, in quibus ubi modica quædam reperiebatur macula, vel mutilatio non integri alicujus membri, sed partis tantum ipsius, quemadmodum scriptum est, mutilatio summitatis auriculæ, siue homo erat, ad sacerdotium ineptus judicabatur, siue animal, reprobum habebatur ad sacrificium, cum Apostolus dixerit: *hec, quidem illis in figura contigerunt, scripta verò sunt ad nostram*  
ad-



*admonitionem, in quos fines seculorum venerunt: & Dominus aperte excellentiam declaraverit, ubi dixit: Templo majus aliquid hic est, & abundantius nos animæ curam habere debere ostenderit dicens: cui multum concreditum est, ab illo & multum repetent. Commemoremus itaque, quæ de regno cælorum sunt scripta. Dominus noster Jesus Christus, cum ascendisset in montem, & doctrinæ suæ per beatitudinum catalogum initium faceret, primam beatitudinem eam esse prædicavit, quæ promissionem habet regni. Dixit enim: Beati pauperes spiritu, quoniam ipsorum est regnum cælorum. In octava verò beatitudine: Beati, inquit, qui persecutionem propter justitiam patiuntur, quoniam ipsorum est regnum cælorum. Et iterum, ubi quæ futura sit tempore retributionis benedictio electorum per parabolam pastoris prædicit: venite, inquit, benedicti patris mei, hereditate possidete regnum, quod vobis ab initio mundi paratum est. Esurivi namque, & dedisti mihi manducare, & quæ sequuntur. Et in Evangelio Lucæ, alio & tempore, & loco, ut Scriptura*

ra manifestat , iterum beatitudines exponens : *Beati* , inquit , *pauperes spiritu* , quoniam *ipsorum est regnum cœlorum* : & iterum : *Noli timere pusille grex* , quoniam placuit Patri vestro cœlesti dare vobis regnum : *vendite quæ possidetis* , & *date eleemosynam* : *facite vobis sacculos* , qui non *inveterascunt* , thesaurum indeficientem in cœlis . Hęc quidem , & hujusmodi alia sunt , per quæ regno cœlorum quis dignus efficitur : ea verò sine quibus impossibile est , ut regnum cœlorum quisquam ingredia-  
tur , in Evangelio Matthæi declarat Dominus ad hunc modum dicens : *Nisi abundaverit justitia vestra plusquam Scribarum* , & *Phariseorum* , *nequaquam intrabitis in regnum cœlorum* . Et rursus : *Nisi conversi fueritis* , & *efficiamini sicut parvuli* , non *intrabitis in regnum cœlorum* . Et iterum : *Quisquis non acceperit regnum Dei* , sicut parvulus , non *ingredietur in illud* . In Evangelio autem Joannis ad Nicodemum dicit : *Nisi quis natus fuerit denuò* , non poterit videre regnum Dei . Et iterum : *Nisi quis natus fuerit ex aqua* , & *spiritu* , *nequaquam ingredietur in regnum*

gnum cœlorum. De quibus una est sententia, liquet quod idem sit, & periculi omnibus, si unum aliquid ex ipsis defuerit. *Si namque, Dominus dicit, jota unum, aut apex unus handquaquam præteribit à lege, donec omnia fiant: quanto magis ab Evangelio, dicente Domino ipso, cœlum, ac terra transibit, sermones verò mei nequaquam transibunt.* Unde Jacobus Apostolus confidenter denuntiavit dicens: *Quisquis fecerit totam legem, offendat autem in uno, erit omnium reus.* Hoc autem ex eo didicit, quòd post beatitudines Dominus testimoniis, ac promissionibus Petro propter homines datis, comminatus est dicens: *nisi laveris te, non habebis partem mecum.* Paulus verò Apostolus ea, quæ defunt passionum Christi, pro corpore ipsius, quod est Ecclesia, adimplens, & in Christo loquens contestatur, quænam illa sint, quorum potissimum gratia quis regno cœlorum non potiatur, & mortis condemnationi subjiçiat, aliquando quidem definitè dicens, *quod qui talia faciunt, digni sint morte.* Quare verò non dixit, qui ista faciunt, sed,

R

qui

qui talia faciunt regnum cœlorum non possidebunt . Et iterum generalius , *quoniam injusti regnum Dei non possidebunt* : & alibi similiter . Ipse verò Dominus noster Jesus Christus in Evangelio secundum Lucam ita definivit dicens : *nemo manu ad aratrum posita , & retro postea aversus , aptus est ad regnum Dei* . Est autem hic necessario observandum , quod non de multis peccatis , sed de uno est horrendum adeo , & inevitabile judicium , idque ex concessis , ac licitis , & si moram duntaxat , eamque modicam obedientiæ illi quis , quæ absque ullo prætextu , velocissimè , & sine suspensione Domino præstanda est , injecerit . Ex his itaque , & similibus omnibus instrui-  
mur , quod si omnia quis integrè , ac legitimè adimpleverit , quibus regni cœlorum promissio facta est , & sine quibus regni gratia denegata est , & se rursus ab omnibus illis cohibuerit , propter quæ nemo regnum cœlorum hæreditate acquirit , ita demum ut promissione regni dignus habeatur , expectare poterit . Oportet enim certamen hoc beneplacendi Deo , non solum ab omni malitia alie-

lienum, sed & integrum, & immaculatum esse in omni verbo Dei, Paulo Apostolo post magnæ, & ineffabilis Dei, & Christi ipsius erga nos dilectionis ad nostram cum justitiâ, tum salutem declaratæ contemplationem ita subjungente: *nullam aliqua in re dantes offensionem, ne vituperetur ministerium nostrum, sed in omnibus commendemus nos ipsos, tanquam ministri Dei.* Quemadmodum enim pauper spiritu, nisi regeneretur ex aqua, & spiritu non poterit intrare in regnum cœlorum propter Domini sententiam: ita rursus, nisi justitia ipsius abundaverit plusquam Scribarum, ac Phariseorum: aut si talium aliud quicquam defuerit, propter similem sententiam, non habebitur dignus regno cœlorum. Scriptum enim est, ut exhiberet ipse sibi gloriosam Ecclesiam, quæ non haberet maculam, aut rugam, aut talium aliud quicquam, sed ut esset sancta, & immaculata. Talia multa sunt, ex quibus diligens lector adhuc fortius confirmare poterit, quod oporteat eum omnia adimplere, qui regno cœlorum dignus esse cupiat. Quod autem qui abundantè justitia præditus, aut è supernis re-

generatus est , omnium simul virtutum , & earum quoque , quibus beatitudines adscribuntur , ac reliquarum præfectionem adimpleverit , & harum similium patrator sit , in confesso est , & hoc quæ de superna regeneratione paulo post , gratia Dei , dicentur , demonstrabunt . Quoniam verò pietatis vestræ , ut & supra dictum est , mandatum , sermonem , hunc de præclarissimo secundum Evangelium baptisinate à nobis requisivit , post ea , quæ jam de regno cælorum dicta sunt , consequens esse , puto , ut breviter etiam quæ inter Moïsis , & Joannis baptismum sit differentia discamus , ut sic per gratiam Dei digni habeamur , qui admirabilem in baptisinate Domini nostri Jesu Christi excellentiam propter incomparabilem gloriæ abundantiam , cognoscamus . Esse enim templo majus aliquid hic , unigenitus viventis Dei Filius definivit , & majus etiam Salomone hic , & majus quoque Jona hic . Et Apostolus postquam de gloria Moïsis , in ministerio legis , Judæis inaccessa , disseruit , contestatur ita subjungens . *Etenim glorificatum non fuit , quod glorificatum est in hac*

*hac parte , propter excellentem gloriam . Et Joannes Baptista , quo inter natos mulierum major est nemo , testificatur , dicens : nunc quidem illum oportet crescere , me autem minui . Nunc verò , Ego quidem baptizo vos in aqua ad resipiscentiam , ille verò baptizabit vos in Spiritu sancto & igne : & talia multa . Quantum verò discriminis est inter Spiritum sanctum , & aquam , tantundem videlicet est , & inter eum , qui baptizat in Spiritu sancto , & eum , qui baptizat in aqua : ita de ipso baptismo habet , ut ipse Joannes , qui tantus , ac talis , & tantoperè ab ipso Domino deprædicatus est , liberè prædixerit : *Non sum sufficiens ad hoc , ut corrigiam calceamenti illius solvam .* Itaque ex his omnibus manifestum est , quæ sit baptismatis secundum Evangelium Christi eminentia , quam etiam pro dignitate cognoscere impossibile sit , vel pro nostra facultate , eaque ut à Deo nobis subministratur , ex scripturis commendare , pium est , & utile . Baptismus itaque per Moysen traditus , primum peccatorum differentiam observavit . Non enim quævis peccata remissionis gra-*

tiam assequabantur . Deinde verò & differentia sacrificia exigebat . Purificationem studiosè petebat . Impurum , & maculatum aliquandiu à reliquis separabat , dierum , & horarum observantiam statuebat . Et tunc baptismus illis , à quibus accipiebatur quasi quædam purificationis erat ob-signatio . Joannis verò baptisma multis modis excelluit . Nullam enim , prorsùs faciebat peccatorum differentiam . Nullum exigebat sacrificiorum discrimen . Purificationem studiosè non efflagitabat , nec dierum , aut horarum habebat observantiam , nec ulla prorsùs facta dilatione , per gratiam Dei , & Christi ipsius , simul atque accesserat quis , & peccata sua , quantacumque & qualiacumque fuissent , confessus fuerat , in Jordani flumine baptizabatur , & confestim peccatorum remissionem accipiebat . Domini verò baptisma omnem humanam rationem superat , & gloriam habet quodcunque humanum desiderium , ac votum excellentem , ac majore gratiæ , & virtutis supereminetia reliqua superat , quàm solis splendor cæteras stellas excellit . Si verò sanctorum dicta  
ad



ad memoriam revocentur, adhuc exactiùs illa incomparabilem dominici baptismatis excellentiam commendabunt. At propterea nobis tacendum non est, sed necessarium, ut verbis Domini nostri Jesu Christi, quasi viæ ducibus, & veluti per speculum, & in ænigmate ducti, loquamur, non ut per nostram expositionem, & corporis imbecillitatem, sermonemque abjectum, imminuatur gloria baptismatis Christi: sed ut hoc quoque pacto magnitudo lenitatis, ac bonitatis boni Dei celebris reddatur, dum de magnificentia dilectionis, ac gratiæ suæ, quæ in Christo est, balbutientes tolerat. Dixit itaque Dominus noster Jesus Christus: *nisi quis nascatur denuò, non poterit videre regnum Dei*. Et iterum: *nisi quis nascatur ex aqua, & spiritu, non poterit intrare in regnum Dei*. Post resurrectionem verò ex mortuis, adimpleta jam in ipso prophetia Davidis, ex persona Dei, ac Patris dicentis, *filius meus es tu, ego hodie genui te. Pete à me & dabo tibi gentes hereditatem tuam, ac possessionem tuam terminos terræ*. (Quod & factum est, & jam omnium ocu-

lis expositum, discipulis suis deinceps, tanquam aliud mandatum priori opponens, quo in vias gentium abire prohibuerat, præcepit, dicens. *Profecti docete omnes gentes, baptizantes eos in nomen Patris, & Filii, & Spiritus Sancti.* Necessestium autem arbitror, ut singulorum verborum virtutem per fidem intelligamus, & consideremus, loquamurque, prout nobis per communes preces sermo in apertione oris nostri dabitur. Scriptum namque est: *Nisi credideritis non intelligetis.* Et iterum: *Credidi, propter quod & loquutus sum.* Quoniam verò & nominum, & verborum, ac rerum usum, in divinitus tradita scriptura, de Deo, & Christo ipsius, in sanctis Prophetis, Evangelistis, & Apostolis, non utcumque, ac temerè pro communi consuetudine accipiendum, sed ut à Spiritu sancto decretum est, ad scopum piæ sententiæ, idque non universaliter, sed ex parte, & quatenus unumquodque ad propositum sanæ doctrinæ facit, & piè sentiendum, & mentem ad iudiciorum, ac decretorum pietatis cognitionem inducendam esse iudico: necessarium est, ut & nos exquisitè,

& vi.

& vigilanter unicuique dicto attendamus, & eum sensum eligamus, qui supernæ vocationis scopo sèrviat. Et hoc faciemus, siquidem nos, per communes preces, Iesus Christus unigenitus viventis Dei Filius confirmabit, ut & in nobis fiat, quod Apostolus dixit: *Omnia possum in Christo, qui me confortat*. Illud igitur denuo, emendationem præteritæ nativitatis, in peccatorum immunditia factæ, significare puto, dicente Job, quod nemo purus sit à sordibus, etiam si vita sit unius tantum diei: & Davide lugente, ac dicente: *Quoniam in iniquitatibus conceptus sum, & in peccatis concepit me mater mea*: Apostoloque contestante, quod omnes peccaverint, & egeant gloria Dei, iustificati gratis ipsius gratia per redemptionem, quæ est in Christo Iesu, quem proposuit Deus propitiatorium per fidem in sanguine ipsius. Quapropter & credentibus peccatorum remissio datur, ipso Domino dicente: *Hic est ille sanguis meus novi testamenti, qui pro multis in remissionem peccatorum effunditur*. Quemadmodum & Apostolus iterum testatur, dicens: *Secundum beneplacitum vo-*

*lustratis ipsius, ad laudem gloria gratie ipsius, quæ exuberavit in nos. Ut quemadmodum statua obtrita jam, & obtusa, amissa illustri regis figura, denuo à sapiente artifice, & bono opifice fingitur, ut figmenti sui gloriam recuperet, & pristino splendore restitatur: ad istum modum & nos, propter præcepti divini transgressionem depravati, ut scriptum est: Homo cum in honore esset, non intellexit, comparatus est jumentis insipientibus, & similis factus est illis: ad pristinam imaginis Dei gloriam revocemur. Secundum imaginem enim, inquit, & similitudinem Dei fecit Deus hominem. Quomodo verò hoc factum sit, Paulus Apostolus docuit, dicens: Gratia Deo, quod cum fueritis servi peccati, obedistis ex corde, formæ illi, in quam traditi estis, doctrinæ. Ut quemadmodum cera, sculpturæ typo tradita, figuram eam, quæ sculpturæ inest, diligenter exprimit: ita & nos, typo Evangelicæ doctrinæ nos ipsos tradentes, secundum internum hominem figuremur, implentes, quod præcipiendi modo ab illo dictum est: deponentes enim, inquit, veterem hominem cum*  
*acti-*

bus suis, & induiti novum, qui renovatur in agnitionem, secundum imaginem ejus; qui condidit ipsum: & multa talia. Illud verò, ex aqua nasci, Paulus in Christo loquens, decernit, ac tradit dicens, *An ignoratis, fratres, quod quicumque in Christum Jesum baptizati sumus, in mortem ipsius baptizati sumus?* Consepulti itaque, ipsi sumus per baptismum in mortem, ut quemadmodum excitatus est Christus ex mortuis per gloriam Patris: ita & nos in novitate vitæ ambulemus. Si enim complantati sumus ad similitudinem mortis ejus, & resurrectionis quoque participes erimus, scientes hoc, quod ~~vetus noster homo~~ simul crucifixus est, ut destruat~~ur~~ corpus peccati, ut amplius non serviamus peccato. Qui namque mortuus est, justificatus est à peccato. Si verò mortui sumus cum Christo, credimus, quod & victuri sumus cum illo. Scientes, quod Christus excitatus ex mortuis amplius non moritur, mors illi amplius non dominatur. Quod enim mortuus est, peccato mortuus est semel: quod verò vivit, vivit Deo. Ita & vos, reputate vos ipsos, mortuos quidem pec-

cato, viventes verò Deo in Christo Jesu. Ex quibus omnibus, & sensus regenerationis per similitudinem consideratur. Erat autem impossibile denovo nasci, nisi regenerandos prænisset gratia Dei, ut cum ex præcedentibus ipse Apostolus, tum subsequentibus de baptismo capitibus declarat. Exorsus enim ab eo, quo dixit, commendat autem dilectionem suam Deus erga nos, quòd cum adhuc peccatores essemus, Christus pro nobis mortuus est: multo itaque magis justificati nunc in sanguine ipsius servabimur per ipsum ab ira. Si enim cum inimici essemus, reconciliati sumus Deo per mortem Filii ejus: multo magis reconciliati servabimur in vita ipsius. Talia multa, conspicuè, & magnificè amplam, & ineffabilem bonitatem, & humanitatem Dei commendantia, in dono remissionis peccatorum, & potestate, ac virtute eorum, quæ ad gloriam Dei, ac Christi ejus, in spe vitæ æternæ per Jesum Christum Dominum nostrum perfecta sunt, per cujus unius justificationem in omnes homines ad justitiam vitæ, sicut per unius delictum in omnes homines ad

con-

condemnationem, & quæ sequuntur, ubi tradidit, & exposuit, subjungit: *An ignoratis fratres, quod quicumque baptizati sumus in Christum Jesum in mortem ipsius baptizati sumus?* Quamobrem? ut gratia Dei nos præveniente, quæ nostri sunt officii secundum fidem per dilectionem operemur, & conferamus, atque ita perficiatur erga nos beneplacitum divinæ in Christo dilectionis; ad quod magno opus est, ac legitimo certamine, ne talem, ac tantam gratiam dilectionis Dei in Christo frustra accipiamus, eodem Apostolo dicente: *Eum namque, qui peccatum non novit, peccatum pro nobis fecit, ut nos essemus justitia Dei in ipso.* Adjuvantes autem obsecramus etiam, ne frustra gratiam Dei accipiatis. Quoniam, cui multum concreditum est, ab illo & abundantius repetent, ut constanter definivit Dominus. Quod & inculpatè fiet, si quæ in prædictis jam inducta, & quæ ad eandem baptismatis materiam conjunctim dicta sunt diligenter custodiantur, & quæ istis sunt juncta, in virtute gratiæ Dei per Christum Jesum Dominum nostrum in Spiritu sancto, fideliter acceperimus, ut creden-

dentes per gratiam Dei intelligamus, & quæ intelligere promeruerimus, in dilectione Christi faciamus, qui dixit: *Si ista scitis, beati estis, si ea feceritis. Intellectus enim bonus est, ut Propheta testatur, omnibus facientibus ipsum, ipsius unigeniti viventis Dei Filii, terribile, & inevitabile iudicium exponens, quo dixit: Qui scit voluntatem Domini sui, & non facit eam, vapulabit plurimum: imò nec eum, qui per ignorantiam deliquit, impunitum dimittit.* Et ut, quemadmodum prædictum est per manifestiora verba, ac res clariores, ad cognitionem Servatoris, & decreti ipsius in baptismo, ad veritatis certam persuasionem quasi manu duamur, diligenter significata observemus, & ad scopum pietatis omnem sensum adaptemus. *Baptizati sumus, inquit, ut ex ista similitudine veritatem discamus. Quoniam sicut lana tincturæ immersa, ad colorem illius mutatur, imò magis, ut Baptista Joanne, qui de Domino prædixit quod ipse esset nos baptizaturus in Spiritu sancto, & igne, veluti ductore usi illustremur luce cognitionis, ad cognoscendum lucem illam*



iam magnificam, hoc dicamus. Quod  
 sicut ferrum immersum igni, per fla-  
 tum excitato, proditur quidem, num  
 aliquid in se habeat vitii, simul ve-  
 rò, & aptius ad purgationem reddi-  
 tur; & non solum color illius, sed  
 & durities, & intractabilitas ad mol-  
 litiem, ac teneritudinem mutatur, &  
 commodius fit operi manuum artifi-  
 cis, adaptaturque competentius, ac cer-  
 tius ad voluntatem Domini: & relicta  
 nigredine illustrius seipso factum, non  
 solum ipsum jam ignitum est, ac splen-  
 didum, sed & vicina illustrat, & ca-  
 lefacit: ita consentaneum est, ac ne-  
 cessarium, eum, qui baptizatus est in  
 igne, id est, in verbo doctrinæ, quod  
 & peccatorum malitiam arguit, &  
 justificationum gratiam manifestat,  
 odio habere, & execrari injustitiam,  
 sicut scriptum est, & desiderio affici,  
 ut per fidem purificetur in virtute,  
 sanguinis Domini Jesu Christi, ipso  
 dicente: *Hic est sanguis meus, san-*  
*guis novi testamenti, qui pro multis*  
*effunditur, in remissionem peccato-*  
*rum:* & Apostola contestante, in  
 quo habemus redemptionem per san-  
 guinem ipsius, delictorum condona-  
 tionem: & ut non solum ab omni  
 ini-

iniquitate, & peccato, sed & ab omni inquinamento carnis, ac spiritus mundetur, atque ita baptizatum in mortem Domini configurari morti, quod est, mortificari peccato sibi ipsi, ac mundo, ut secundum incarnationem vivens, & corde, & sermone, & operibus, sicut cera sculpturæ, ita doctrinæ Domini nostri Jesu Christi impressus, & adformatus, impleat illud, quod scriptum est: *Gratia Deo, quod cum fueritis olim servi peccati, obedivistis ex corde in eam, in quam traditi estis, doctrinæ formam*: & ita quod priori conjunctum est, custodire promereatur; nempe conscripti igitur sumus per baptismum in mortem. Ad quid? Ut quemadmodum Christus excitatus est ex mortuis per gloriam Patris, ita & nos in novitate vitæ ambulemus. Necesse namque est, ut qui mortuus est sepeliatur, & qui in similitudine mortis sepultus est, per gratiam Dei, quæ in Christo est, resurgat; nec amplius propter peccata interni hominis vultum instar ollæ ferventis habeat: sed manifestatis per ignem peccatis, & accepta per sanguinem Christi remissione, deinceps per vi-

ræ novitatem fulgentes ostendat in  
 Christo justificationes, quovis lapide  
 plurimum pretioso illustriores. Ita-  
 que deposita inobedientiæ duritie, o-  
 stendamus obedientiam, & subjectionem  
 in divinis præceptis, spirituque  
 ferventes resplendeamus, & à te-  
 nebrarum potestate in mortem abri-  
 piente liberemur. Stipendia namque  
 peccati mors, ut & in nobis locum  
 habeat, quod ab Apostolo dictum  
 est, *Absorpta est mors ad victoriam.*  
*Ubi mors stimulus tuus est? ubi tua*  
*est, inferne, victoria?* Domino verò  
 Soli justitiæ obtemperantes, illumi-  
 nemur ab ipso, intellectusque, & vir-  
 tutis gratiam promereamur; ut in  
 ipso justificemur, & non solum ipsi  
 nive reddamur candidiores (est enim  
 verax Deus, qui ita promisit dicens;  
*quoniam si fuerint peccata vestra sicut*  
*purpura rubicunda, velut nix al-*  
*ba erunt*) sed & vicinos nostros illu-  
 stremus, nunc quidem audientes di-  
 centem Dominum, *vos estis lux mun-*  
*di*, nunc verò audientes, ac facien-  
 tes, quod dicit; *Sic luceat lux ve-*  
*niam coram hominibus, ut videant o-*  
*pera vestra bona, & glorificent Pa-*  
*trẽ vestrum, qui in cœlis est.* Tunc  
 &

& Apostolus nos omninò contestabitur dicens, *in quibus apparentis tanquam luminaria in mundo sermonem vitæ habentes, ad gloriationem meam in diem Christi*. Quomodo verò non esset abundantius conspiciua vitæ novitas, non jam ex gentilium tantum, & sæcularium hominum collatione, sed & ex eorum collatione, qui in iustitiis legalibus eximii fuerunt? Quando non solum amplius aliquid extra necessitatem, & accessorium non desiderabimus, quod & homines huius mundi faciunt, sed nec ea, quæ jam præsentia sunt, ac nostra, affectabimus, & ad benefaciendum egenis plusquam lex exigit, contendemus. Non enim proximis solum benefacimus, sed ad inimicos etiam, & pravos sese benignitas nostra extendit, secundum præceptum Domini nostri Jesu Christi facientes, quo præcepit, ut misericordes simus, sicut & Pater noster cœlestis misericors est. Et quomodo non ambulabimus in novitate vitæ, & supra Scribas, & Pharisæos iustitiam perficiemus, si obtemperabimus Domino dicenti, *dictum est antiquis, oculum pro oculo, & dentem pro dente*. Ego ve-

rò

rò dico vobis , ne resistatis malo :  
 sed si quis tibi dexteram maxillam  
 percusserit , obverte illi & alteram .  
 Et si quis tecum iudicio contendere ,  
 & tunicam tibi tollere voluerit , re-  
 linque illi & pallium . Et si quis  
 te vi adegerit ad milliarium unum ,  
 abito cum illo duo . Non solum  
 enim commissa jam in nos delicta ,  
 non ulciscimur , ut Scribæ , & Pha-  
 risæi suadent , hoc lege Mosaica  
 permittente , sed maiorem quoque  
 patientiam ostendemus , alacritate to-  
 lerantiæ ad paria , vel etiam gravio-  
 ra ferenda parati , & expositi . Et hoc  
 pacto utrumque lucratur . Mortem  
 quidem in eo , quod ad indignatio-  
 nem adversus eum , qui primam no-  
 bis plagam intulit , non permovemur :  
 vitæ verò in Domino novitatem , in  
 eo , quod & ad aliam perferendam pa-  
 rati sumus . Quomodo autem non  
 & legi mortuus est , qui sibi non vin-  
 dicat , quod aufertur ? Quomodo non  
 in Christo vivit , qui & pallium a-  
 blatæ tunicæ adjicit ? Docemur au-  
 tem ad hunc modum omnem simul  
 legis justitiam excellere : Quod au-  
 tem nos non mundo solum crucifigi ,  
 sed & legi mori oporteat ab ipsa  
 licet

licet Apostolo discere, qui nunc quidem dicit: *Ego mundo sum crucifixus, & mundus mihi, vivo autem non jam ego, sed vivit in me Christus: nunc verò: ego per legem legi sum mortuus, ut Deo vivam cum Christo sum crucifixus.* Aliquando post multam gloriationem de excellenti in lege claritate, quam olim habuerat, dicit: *sed nunc omnia illa pro stercore duco, ut Christum lucrifaciam, & inveniam in ipso habens non meam justitiam, quæ est ex lege, sed eam, quæ est per fidem Jesu Christi, justitiam ex Deo in fide, ut cognoscam ipsum, & virtutem resurrectionis ipsius, ac communicationem ad afflictionum ejus configuratus morti ipsius, si quo pacto pertingam ad resurrectionem mortuorum.* Et paulo post docens nos, ut idem cum ipso sentiamus, expressius dicit: *quotquot igitur perfecti sumus, hoc sentiamus.* Et alibi vehementius tanquam necessarium dogma exponens dicit: *Itaque & vos mortificati estis legi per Corpus Christi, ut sitis alterius, ejus scilicet, qui excitatus est ex mortuis, ut fructificemus Deo.* Cum enim essemus in carne, affectiones

nes peccatorum , quæ sunt per legem operabantur in membris nostris , ut fructificaremus morti . Nunc verò soluti sumus à lege mortis ejus , in qua detinebamur , ut serviamus in novitate spiritus , & non in vetustate literæ . Litera namque , id est lex , occidit , spiritus verò , id est verba Domini , vivificat . Sicut ipse dicit , caro enim nihil prodest , spiritus est , qui vivificat : verba mea spiritus sunt , & vita . Testatur verò eximius ille inter Apostolos dicens . *Ad quem ibimus ? Verba vitæ æternæ habes . Et nos credimus , & cognovimus , te esse Christum Filium Dei viventis .* Hoc si in veritatis certa persuasione diligentiori cura servaverimus ; horrendum illud judicium effugiemus , quod à Mose quidem cum comminatione prophetice scriptum est . *Prophetam vobis excitabit Deus , sicut me : ipsum audietis in omnibus quæcumque vobis praeceperit . Erit autem ut omnis anima , quæ non audiet Prophetam illum , exterminetur de populo suo .* A Joanne verò Baptista , quo inter natos mulierum major est nemo , terribilius , & expressius est dictum . *Qui credit in filium , habet*

bet vitam aternam : qui verò incredulus est in filio non videbit vitam, sed ira Dei manet super ipsum. Neverò talis in baptisinate mors, & talis in illa sepultura, mœstitiâ in expectatione corruptionis, & interitus exhibeat, sed novitas vitæ jactam, lementem exuperet, & gloriosæ resurrectionis spem confirmet, subjungit dicens. *Si namque insititii facti sumus similitudini mortis ipsius, simul & resurrectionis erimus.* Nam si in tali mortis similitudine Christo commortui, & consepulti in novitate, viæ ambulaverimus, non mortalitatis corruptionem subimus, sed sepulturam, & veluti seminum consitionem imitamur: ac mortificantes nos ipsos operibus nefastis, & fidem per dilectionem efficacem ostendentes, digni reddimur, qui cum Apostolo post ipsorum spem dicamus: *nostra conversatio in cœlis est*: ex quo & Servatorem expectamus Dominum Jesum Christum, qui reformabit corpus humilitatis nostræ, ut conforme reddatur corpori ipsius glorioſo, secundum operationem ejus, qua potest etiam sibi ipsi subicere omnia. Atque ita semper cum Domino erimus, ipso



ipſo Domino noſtro Jeſu Chriſto à Patre hoc petente, ac dicente: *Da Pa-  
ter, ut ubi ego ſum, & iſti mecum  
ſint*: deinde præcipiente ſimul, ac pro-  
mittente, cum dicit: *qui mihi mi-  
miniſtrat me ſequatur, & ubi ego ſum,  
ibi erit & miniſter meus*. Prætereà &  
Paulo Apoſtolo teſtante, & in Chriſto  
prædicente, dum ita ſcribit: *Hoc  
enim vobis dicimus in verbo Domini,  
quod nos, qui vivimus, qui reſidui  
erimus in adventum Domini, non præ-  
veniemus eos, qui obdormierunt*. Quo-  
niam ipſe Dominus cum hortatu,  
in voce Archangeli, & in tuba  
Dei deſcendet de cælo, & qui in  
Chriſto ſunt, excitabuntur primi.  
Deinde nos qui vivimus, qui reliqui  
erimus; ſimul cum illis rapiemur in  
nubibus in occurſum Chriſti, in aëre,  
& ſic ſemper cum Domino erimus.  
Et hoc pacto in iis, qui cuſtodierint  
illud. Si enim complantati facti fue-  
rimus ſimilitudini mortis ipſius, tunc  
promiſſio illa adimplebitur, nimirum,  
ſimul & reſurrectionis erimus parti-  
cipes, quemadmodum & alibi dicit,  
*Si namque commortui fuerimus, & con-  
vivemus: ſi ſuſtinuerimus, & conregna-  
bimus*. Cum autem ſciret Apoſtolus

re-

repetitionem utilem esse audientibus ad certitudinem, dum veritatis persuasionem per eorundem resumptionem firmiorem illis inculcat. De eodem enim illum dicentem audimus: *Eadem vobis scribere mihi quidem non est molestum, vobis verò tutum.* Quemadmodum & à Joseph didicimus bis somnium Pharaoni Regi interpretante: ita historiam insomnii imitatus Apostolus, idem baptismatis dogma iisdem, quibus & antea, considerationibus expendendum tradidit, dicens: *Scientes hoc, quod vetus noster homo una crucifixus est, ut destruatur corpus peccati, ne serviamus ultra peccato.* Et per hæc itaque verba eum, qui baptizatur in Christo, in mortem ipsius baptizari docemur: & quod non solum sepeliatur cum Christo, & complantetur, sed primùm unà crucifigatur, ut & in hoc instruamur, quemadmodum qui crucifigitur à viventibus abalienatur: ita & eum, qui in similitudine mortis cum Christo crucifigitur, abalienari ab omnibus, qui secundum veterem hominem vivunt: Domino quidem præcipiente, ut à Pseudoprophetis nobis caveamus: Apostolo autem admonente, ut sub-

tra-

trahamus nos ab omni fratre inordinatè ambulante, & *non secundum traditionem, quam accepit*, inquit, *a nobis*. Vetus enim homo, quem vocat, omnia simul, & singulatim peccata, & inquinamenta, tanquam sua membra complectitur, & significat. Et quemadmodum qui crucifigitur mortis subjectus condemnationi, ab illis disjungitur, cum quibus aliquando vitæ commercium habuit, sublimior jam illis, qui in terra adhuc repunt, factus: ita & qui cum Christo per baptisma crucifigitur, ab omnibus in universum, qui secundum hoc sæculum vivunt, abalienatus est, sublata jam mente ad cœlestem conversationem exaltatus, ut queat verè, & cum fiducia, quæ in Christo est dicere: *nostra conversatio in cœlis est*. Et iterum subdit Apostolus: *qui enim mortuus est, justificatus est a peccato*, hoc est absolutus est, liberatus est, ab omni peccato repurgatus est, non solum quod operibus, ac verbis, sed quod & ipsis cogitationum affectibus sit commissum. Et alio in loco definivit, scribens: *qui verò Christi sunt, carnem suam crucifixerunt cum concupi-*

stri de peccatorum nostrorum remissione , per incarnationem illius ad mortem usque gravius nos , & robustius instruit , decernens , mortuos quidem esse peccato , viventes autem Deo in Christo Jesu : ut quemadmodum Christus mortuus est propter nos , & excitatus ex mortuis pro nobis , amplius non moritur : ita & nos in mortem in similitudine baptizati , peccato moriamur , & per ascensum ex baptismo , tanquam ex mortuis excitati , vivamus Deo in Christo Jesu , & non moriamur posthac amplius , hoc est non peccemus amplius . Quoniam anima , quæ peccat , ipsa morietur : & quemadmodum mors Christo non dominatur amplius , ita & nobis non dominetur amplius peccatum , hoc est , non faciamus amplius peccatum . Qui namque peccatum facit , servus est peccati . Liberati autem omnino ab ejusmodi servitute , sicut Apostolus manifestavit , dicens : *qui verò Christi sunt , carnem suam crucifixerunt cum concupiscentiis , & animi affectionibus : vivamus Deo in Christo Jesu , qui nos liberavit , sicut scriptum est : Christus nos liberavit à maledicto legis factus pro nobis*

*bis maledictio.* Quoniam autem peccati plurimum præcessit, manifestum est, quod gratia Domini nostri Jesu Christi hoc præstitit, sicut scriptum est: quemadmodum enim per inobedientiam unius hominis peccatores constituti sunt multi: ita per obedientiam unius, iusti constituuntur multi: *state igitur, inquit, & nolite iterum jugum servitutis subire.* Et quemadmodum ipse peccato mortuus est semel, quod autem vivit, vivit Deo: ita & nos in baptismo aquæ, qui crucis, & mortis similitudinem gerit, peccato mortui semel, custodiamus nos ipsos, ne denuò ad peccatum redeamus: perseveremus autem viventes Deo in Christo Jesu, dicente: *qui mihi ministrat, me sequatur.* Quod faciemus, si primum mandatum ipsius custodierimus, quod dicit: *sic luceat lux vestra coram hominibus, ut videant opera vestra bona, & glorificent Patrem vestrum, qui est in Cælis:* deinde & Apostoli denuntiationem, qua sic scripsit; *sive comedatis, sive bibatis, sive quid aliud faciatis, omnia ad gloriam Dei facite.* Assequemur autem horum quodque, si dignè vocatione cœlesti af-

fecti fuerimus , dignèque Evangelio Christi conversemur , ut cum veritate queamus dicere : charitas enim Dei constringit nos judicantes hoc , quod si unus pro omnibus mortuus est, igitur oportet omnes esse mortuos. Et pro omnibus mortuus est , ut qui vivunt amplius sibi ipsis non vivant , sed ei , qui pro ipsis est mortuus , ac resurrexit . Et ita præstabitur hoc : *Manete in dilectione mea . Si mandata mea servaveritis , manebitis in dilectione mea : sicut ego mandata Patris mei servavi , & maneo in dilectione ipsius .* Nullam autem aliqua in re , dantes offensionem , ne vituperetur ministerium nostrum . In omnibus verò commendantes nos ipsos tanquam ministri Dei , sinceram , & veracem ostendemus baptismatis promissionem , si custodierimus , quæ ab Apostolo per consolationem ad eos , qui Christo sunt complantati , & cum eo excitati , ad hunc modum sunt dicta : *ne regnet itaque peccatum in corpore vestro mortali , ut obediat illi ad concupiscentias ipsius . Neque exhibeatis membra vestra arma injustitiæ peccato , sed exhibete vos ipsos Deo tanquam ex mortuis viventes . Et membra vestra*

*arma justitiæ Deo . Et iterum : itaque si consurrexistis cum Christo , quæ sursum sunt querite , ubi Christus est ad dexteram Patris sedens , quæ sursum sunt sapite , & non quæ super terram sunt .* Ita puto nobis Apostolum per anapodoton per ea , quæ paucis commemorata sunt , dilucidare magnam illam immensæ humanitatis Dei gratiam , quæ nos in dilectione Christi Jesu Domini nostri prævenit , cujus nobis ad mortem usque obedientia , sicut scriptum est , facta est redemptio peccatorum , libertas à morte , quæ in peccato mundi regnavit , reconciliatio cum Deo , facultas placendi Deo , justitiæ donum , communio sanctorum in vita sempiterna , regni Cælorum hereditas , & mille aliorum bonorum præmium . Sapienter verò , & solidè nobis per ea , quæ conjunctim adducta sunt , quæ ratio baptismatis aquæ , quod fit in mortem Domini nostri Jesu Christi , tradidit , per quæ nos instruit , ut nos ipsos comuniamus , ne in vacuum tantam , ac talem gratiam accipiamus , cū ea dicit , quorum jam memini . *Ne regnet peccatum in mortali vestro corpore , ut obediatis illi ad concupiscentias*

*ejus , neque exhibeatis membra vestra arma injustitiæ peccato , sed exhibeatis vos ipsos Deo, tanquam ex mortuis viventes : & membra vestra arma justitiæ Deo , & quæ sequuntur . Quibus nos prorsus ab omni peccato , & à legis quoque justitiæ avulsos , arctius justitiæ , quæ secundum Deum est , adducit , cum per horribiles illas minas , tum per bonam , & desideratissimam promissionem , dum dicit ; obsonia peccati mors , donum verò Dei vita aeterna , in Christo Jesu Domino nostro . Imitari rursus Dominum , & per legalem justitiam meliores fieri nos docet subjungens : an ignoratis fratres ( scientibus enim legem loquor ) quod lex dominatur homini , quando ille vivit . Mulier enim , quæ sub viro est , viventi viro alligata est per legem : si verò vir ipse mortuus fuerit , soluta est à lege viri . Vivente itaque viro adultera censetur , si juncta fuerit alteri viro . Si verò mortuus fuerit vir , libera est à lege , ut jam non fiat adultera , si jungatur alteri viro . Itaque , fratres mei , & vos mortui estis legi per corpus Christi , ut suis alterius jam , ejus videlicet , qui ex mortuis , resurrexit , ut fructificemus Deo . Cum enim essemus*  
*in*



*in carne, affectiones peccatorum, quæ sunt per legem, operabantur in membris nostris ad fructificandum mortui. Nunc verò soluti sumus à lege, mortui ei, à quo detinebamur, ut jam serviamus in novitate spiritus, & non in vetustate literæ, & quæ consequuntur: quibus ineffabilem Dei in Christo Jesu humanitatem admirari, & cum majore timore repurgare nos ab omni inquinamento carnis, & spiritus, docemur. Discrimen verò spiritus, ac literæ, alio loco per legis, & Evangelii collationem, pronunciando declarat, dicens; *litera quidem occidit, spiritus verò vivificat*: literam vocans legem, ut per ea, quæ ibi *conscripta* sunt, manifestatur: spiritum autem, Doctrinam Domini, ipso Domino dicente: *verba mea spiritus sunt, & vita*. Quod si legalis justitia diligenter observata, quibusdam, qui se ipsos in baptismo Deo obtulerunt, professique sunt, quod nolint amplius sibi ipsis, vivere, sed ei, qui pro ipsis mortuus est, ac resurrexit, adulterii crimen adfert, ut per prædicta clare demonstratum est: quid dicendum est de traditionibus humanis? Sanè de legali justitia ipse Apostolus acriùs*

pronuntiat, dicens: *Quin omnia damnum esse puto, propter excellentiam cognitionis Christi Jesu Domini mei, propter quem omnia pro damnis duxi, & pro stercore reputo, ut ipsum Christum lucrifaciam, & inveniar in ipso habens non meam justitiam, quæ est ex lege, sed eam, quæ est fidei Christi Jesu, justitiam ex Deo.* Manifestum itaque est de traditionibus humanis judicium ex verbis Domini. De propriis verò consiliis, ac cogitationibus, quæ sunt in sapientia humana, contentiosorem demolitionem facere docuit nos Apostolus, dicens: *Arma namque militiæ nostræ non sunt carnalia, sed potentia Deo ad demolitionem munitiõnum, quibus consilia demolimur, & omnem celsitudinem, quæ extollitur contra cognitionem Dei.* Vel certè in universum de justitia, quæ cuique arridet, etiamsi propter Deum diligenti studio fiat, de qua iterum ipse Apostolus dicit: *Testimonium enim illis perhibeo, quòd zelum Dei habent, at non secundum scientiam.* Ignorantes enim justitiam Dei, & propriam statuere quærentes, justitiæ Dei non sunt subditi. Itaque ex istis, & similibus manifestum est eorum judicium, qui

qui judicia Dei suis commentis enervare volunt . Scriptum enim est : *ut sapientibus apud semetipsos , & in oculis suis intelligentibus : idem* apertiùs pronuntiante Domino , ac dicente : *Quisquis non acceperit regnum Dei sicut parvulus , non ingreditur in illud* . Quapropter necessarium est , ut pariter ab omnibus repurgemur , ac liberemur , sive diabolicis concupiscentiis , sive mundanis fastigiis , sive traditionibus humanis , aut propriæ voluntatis consiliis , etiamsi plausibilia , & speciosa videantur , & legis patrocínio commendentur , si vel modicè à debito , properantique voluntatis divinæ studio , impendant , ut qui in hujusmodi baptismo professi sunt , quod velint cum Christo crucifigi , mori , sepeliri , complantari , excitari , fiduciam habeant cum veritate dicendi : *Ego mundo crucifixus sum* ( multo prius autem diabolo ) *& mundus mihi . Vivo autem non jam ego , sed vivit in me Christus* : quibus verbis eam justitiam docet , quæ legis justitiam excellat , ut digni habeamur regno cœlorum . Tempestivum jam fuerit deinceps ad eam considerationem transire , qua per fidem Christi

intelligentiam acquiramus, cognoscamusque quid sit baptizari in nomen Patris, & Filii, & Spiritus sancti. Primum itaque necessarium est, ut separatim, quod sit uniuscujusque nominis significatum declaremus. Deinde sciamus, quod in nomine Spiritus sancti baptizari, quid sit, Dominus ipse declarat, dicens: *Quod natum est ex carne, caro est, & quod natum est ex spiritu, spiritus est.* Quod ideò fit, ut carnalis nativitatis serie exempli vice proposita, ex re manifestiore pietatis dogma clarè, ac verè discamus, scientes, ac certò persuasi, quod quèadmodum quod secundum carnem natum est ex aliquo, tale est, quale id, ex quo natum est: ita & nos necessariò ex spiritu natos, spiritum fieri. Spiritum dico, non secundum immensam illam, & humano sensui incomprehensibilem Spiritus sancti gloriam, sed secundum eam, quæ in divisione charismatum Dei per Christum ipsius, unicuique ad utilitatem facta, & in illorum omnium operatione, per ænigma conspicitur, ut & in aliis dictis similiter, de quibus nos ipse spiritus, secundum mandata Dei, quæ per Dominum nostrum Jesum Christum

stum denuntiata sunt, admonet, ac docet, ipso Domino nostro Jesu Christo dicente : *Ipse vos docebit, & de omnibus admonebit, quæ dixi vobis.* Deinde Apostolus latius tradit, per quos sensus aliquis spiritus fieri possit, dum scribit aliquando quidem : *Fructus autem spiritus est charitas, gaudium, pax, animi lenitas, & quæ sequuntur, cum præmisisset: Qui verò spiritu aguntur, non sunt sub lege.* Et alibi : *Si spiritu vivimus, spiritu & ambulemus.* Aliquando verò : *Ha-lentes autem charismata, secundum datam nobis gratiam Dei, differentia, sive prophetiam, secundum proportionem fidei, sive ministerium in ministrando, & quæ subsequuntur.* Per hæc & similia Dominus ex spiritu natos, spiritum fieri dicit. Attestatur autem & Apostolus dicens : *Hujus gratia flecto genua mea ad Patrem Domini nostri Jesu Christi, ex quo omnis paternitas in cælo, & in terra nominatur, ut det vobis, juxta divitias gloriæ ipsius, virtute corroborari per spiritum ipsius, ut in interno homine habitet Christus : si verò spiritu, inquit, vivimus, spiritu & ambulemus, ut hoc pacto sancti Spiritus capaces facti Christum confiteri*  
que-

queamus: propterea quod nemo potest Dominum dicere Jesum, nisi in Spiritu sancto. Igitur ad hunc modum Dominus cum per seipsum, tum per Apostolum, ex spiritu natos, spiritum fieri docuit. Rursus & in hoc imitabimur carnalem generationem. Primum quidem ut locum mutemus, & vivendi modum transformemus, per hoc, quod spiritus confirmat internum hominem, ut possimus dicere. *Nostra conversatio in cælis est*. Nam licet corpus in terra tanquam umbram aliquam circumferamus, animam tamen cum cœlestibus agentem conservamus: deinde & ab illis, qui in terra nobiscum agunt, secedentes, cum Davide dicamus: *Eum, qui occultè proximo suo detrahit, persequerbar, cum superbo oculo, & insatiabili corde, cum hoc non edebam. Oculi mei ad fideles in terra, ut, ipsi sedeant mecum. Qui ambulat in via immaculata, hic mihi ministrabat: non habitavit in medio domus meæ, qui facit superbiam. Qui loquitur injusta, prosperè non egit in conspectu oculorum meorum: & quæ alibi similia dicit: & quæ Apostolus constanter denuntiat: Si quis frater nominatus, aut fornicator,*

tor fuerit, aut avarus, aut conviciator, aut vinosus, aut raptor, cum ejusmodi ne cibum quidem sumite. Et ubi talia sepe numero adversum ejusmodi scelera præscripsit, præmissa de immensa, & gloriosa benignitatis Christi, & humanitatis gratia dissertatione clarè, ac solidè tradit, quibusnam nobis, & qualibus convivendum sit, cum dicit: *Ipse enim est pax nostra, qui fecit ex utriusque unum, & medium parietem macerie sustulit*: inimicitiam scilicet, in carne sua, legem præceptorum in decretis sitam amolitus, ut duos conderet in se unum hominem, faciens pacem, & reconciliaret utroque Deo in uno corpore per crucem, interempta inimicitia in seipso. Et venit, & evangelizavit pacem vobis, qui procul, & qui propè sunt. Quoniam per ipsum habemus utrique accessum in uno spiritu ad Patrem. Itaque non estis amplius advenæ, & peregrini, sed estis concives sanctorum, & domestici Dei, ædificati supra fundamentum Apostolorum, & Prophetarum, ubi summus angularis lapis est ipse Christus Jesus, in quo omnis ædificatio coagmentata crescit in tem-

templum sanctum Domino, ut hoc pacto Christo in similitudine mortis complantati, & in nomine sancti Spiritus baptizati, & secundum internum hominem in novitate sensus regenerati; denique supra fundamentum Apostolorum, ac Prophetarum ædificati digni habeamur, qui baptizemur in nomine unigeniti Dei, promereamurque magnum illud Dei donum, de quo Apostolus tradidit dicens: *Quotquot baptizati estis in Christum, Christum induistis.* Non est jam Græcus, Judæus, circumcisio, præputium, barbarus, Scythæ, servus, liber, sed omnia in omnibus Christus. Necessarium enim est, ac consequens, ut qui natus est, indumento quoque amiciatur: tantum si quemadmodum tabella è qualicumque sit materia, deposita, primum inæqualitate, & detracta asperitate, ita demum picturam regię imaginis induit, & tunc imaginis præstantia neque secundum ligni, aut auri, vel argenti valorem, judicatur: sed secundum exactam ad archetypum similitudinem, cum multa diligentia secundum artis facultatem certò, & accuratè expressam,



lam; per quam & materiæ differentiam, licet plurimum ea distet ab archetypo, abscondit, & ad celebritatem suam inspectores attrahit, & honoratior fit quovis principatu, ac potentatu: ita & qui baptizatur, sive Judæus sit, sive Græcus, sive masculus, sive fœmina, sive servus, sive liber, sive Scythia, sive barbarus, sive alius quisquam quacunque generis differentia nominatus, exutus in sanguine Christi veterem hominem cum actibus suis, & per doctrinam ipsius novum in Spiritu sancto indutus, qui secundum Deum conditus est in iustitia, & sanctitate veritatis, ac renovatur ad agnitionem secundum imaginem ejus, qui condidit ipsum, dignus reddatur, qui pertingat ad beneplacitum Dei, de quo tradidit Apostolus dicens: *Scimus enim, quod diligentibus Deum omnia cooperantur in bonum iis, qui secundum propositum vocati sunt. Quoniam quos præscivit, eos & præfinivit, ut conformes fierent imagini filii ipsius, ut sit ipse primogenitus inter multos fratres. Tunc enim tanquam filium Dei indutus, perfectum gradum promeretur, & baptizatur in*

nomen patris ipsius Domini nostri Jesu Christi , qui secundum testimonium Joannis , potestatem dedit , filios Dei fieri , qui dicit . *Exite de medio eorum , & separamini , & immundum ne tetigeritis , & ego suscipiam vos , & ero vobis in Patrem , & vos eritis mihi in filios , & filias ,* dicit Dominus omnipotens , quod fit gratia ipsius Domini nostri Jesu Christi unigeniti viventis Dei filii , in quo neque circumcisio quicquam valet , neque præputium , sed , ut scriptum est , *Fides* , quæ per dilectionem operatur , per quam prospero successu assequimur , quod mandato baptismatis mox è vicino à Domino Jesu Christo subjunctum est , dicente : *Docentes eos servare quæcunque mandavi vobis* , quorum observantiam argumentum esse dilectionis nostræ erga se , Dominus ipse definivit , dicens : *Si diligitis me mandata mea servate* . Et iterum : *Qui habet mandata mea , & custodit ea , ille est , qui diligit me* . Et rursus : *Si quis me diligit , sermonem meum servabit , & hunc Pater meus diliget* . Et majore serio , & gravius : *Manete* , inquit , *in dilectione*

ne mea . Si quis mandata mea servaverit , manet in dilectione mea , quemadmodum & ego praecepta Patris mei servavi , & maneo in ipsius dilectione . Si verò necessaria dilectionis nostræ erga Christum demonstratio in observantia mandatorum ipsius sita est , vehementer hic nobis timendum est , quod sine dilectione etiam celebrium illorum charismatum , supernarum , ac cœlestium virtutum , ipsiusque fidei summa efficacia , & mandatum hoc quoque , quod perfectos reddit , inutile est , ipso Paulo Apostolo , qui in Christo loquitur , ita dicente : *Si linguis hominum , & Angelorum loquar , charitatem autem non habeam , factus sum as resonans , aut cymbalum tinniens . Et si habuero prophetiam , & cognovero mysteria omnia , & omnem scientiam , & si habuero omnem fidem , ita ut montes transferam , charitatem verò non habuero , nihil sum . Et si erogavero omnem substantiam meam , & tradidero corpus meum ut comburam , charitatem autem non habuero , nihil inde utilitatis capiam .* Quæ quidem arbitror Apostolum definitoriè dixisse memorem Domini dicentis : *quoniam multi ve-*  
ni.

nient in illa die dicentes, Domine Domine, non in nomine tuo prophetizavimus, & in nomine tuo Daemonia ejecimus, & in nomine tuo virtutes multas fecimus? & comedimus coram te, & bibimus? & in plateis nostris docuisti? Et respondebo illis. Nunquam agnovi vos: discedite à me operarii iniqui; ita ut conspicuum sit, & irrefragabile, quod sine dilectione, etiam si praecepta Dei, & justificationes fiant, etiam si mandata Domini custodiantur, & magna operentur in nobis charismata, hæc omnia opera iniquitatis reputabuntur. Non quòd hæc sit ratio charismatum, & justificationum Dei, sed propter scopum eorum, qui istis ad suos affectus abutuntur, dicente eodem Apostolo; *Nunc quidem, qui questum esse putant pietatem, nunc verò, quidam, quidam propter invidiam, & contentionem, quidam autem & propter bonam voluntatem Christum prædicant: quidam autem ex contentione Christum annuntiant non sincerè putantes se hoc pacto afflictionem adferre vinculis meis.* Et alibi: *Non enim sumus, inquit, ut multi, cauponantes verbum Dei.* Et iterum per negationem dixit: *Neque enim unquam fuimus in sermone adu-*  
lan-

landi apud vos, ut scitis, neque in prætextu avaritiæ. Deus est testis, neque gloriam quæſivimus ab hominibus, neque à vobis, neque ab aliis, cum possemus graves esse, veluti Christi Apostoli. Ex istis autem, ac similibus locis conspicuè declaratur, quàm justè sit Christus ita responsurus, ac dicturus: *Discedite à me operarii iniqui*. Propterea quod per charismata Dei propriæ voluntatis negotium, qui tales sunt, agunt perinde, ac si quisquam medicis instrumentis, ac condimentis, quæ singula ad certas passiones, & sanitatis curam, ac salutem parata sunt, ad cædem, & interitum abutatur, nec mandatum Apostoli custodiunt, dicentis; *Sive edatis, sive bibatis, omnia ad gloriam Dei facite*. Omnino itaque necessaria est interni hominis cura, ut submissa sit mens, & ad scopum gloriæ Dei intenta, ut servantes mandatum Domini dicentis: *Facite arborem bonam, & fructum ejus bonum*. Et iterum: *Pharisee cæce, munda primum quod intus est in populo, & tunc quod extra ipsum est mundum erit totum*. Ex abundantia boni cordis fructum adferamus, alius quidem centuplum, alius sexagecuplum,

plum, alius verò trigecuplum, five id fiat operibus, five verbis, ad gloriam Dei, & Christi ipsius; ubique hoc fatagentes, ne contristemus sanctum Spiritum. Et hoc pacto evademus judicium Domini dicentis: *Vae vobis, quoniam similes estis sepulchris dealbatis*, quæ quidem externè speciola apparent, internè verò plena sunt ossibus mortuorum, & omni spurcitia: ita & vos externè apparetis hominibus justi, internè verò pleni estis hypocrisi, & iniquitate. Quapropter ante baptismum instructio præmittenda est, & primùm quæ doctrinam, ac disciplinam impediunt removenda, ut ita ad instructionem idoneos nos ipsos præparemus, ipso Domino nostro Jesu Christo per exempla præmissam sententiam confirmante, & iterùm dogmaticè inferente: *ita quisquis ex vobis non renuntiaverit omnibus suis facultatibus, non potest meus esse discipulus*. Et iterùm cum præcepto; *Si quis venit ad me, abneget semetipsum tollat crucem suam, & sequatur me*. Et iterùm cum definitione: *Qui non accipit crucem suam quotidie, & sequitur me, non est me dignus*. Istis, ac similibus acribus sermonibus Domini

ni nostri Jesu Christi dicentis: *ignem veni mittere ad terram, & quid volo, nisi ut ardeat* ? manifestat peccatorum malitia, & declarata virtute eorum, quæ ad gloriam Dei, & Christi ipsius rectè geruntur, pervenimus omninò ad desiderium, & assensum verborum Apostoli, quibus dicit: *Miser ego homo, quis me liberabit à corpore mortis hujus* ? Gratias ago Deo per Jesum Christum Dominum nostrum, qui dixit: *Hic est sanguis ille meus, sanguis novi testamenti, qui pro multis effunditur in remissionem peccatorum*, attestante Apostolo, cum dicit: *In quo habemus redemptionem per sanguinem ipsius, remissionem peccatorum*: & tunc accedimus ad baptismum aquæ, qui est crucis, mortis, sepulturæ, ac resurrectionis ex mortuis similitudo, & factis sponsonibus, ac pactis, & servantes quoque, quæ Apostolus in talis baptismatis decisione obsignavit, cum dixit: *scientes quod Christus excitatus amplius non moritur, mors illi ultra non dominatur*: *Quod enim mortuus est, peccato mortuus est semel, quod verò vivit, vivit Deo*: ita & vos reputate vosipsos mortuos quidem peccato, viventes autem Deo in Christo

sto

sto Jesu. Ne regnet itaque peccatum in  
 mortali vestro corpore, ad obediendum  
 illi ad concupiscentias ipsius, neque exhi-  
 beatis membra vestra arma injustitia  
 peccato, sed exhibete vos ipsos Deo, tan-  
 quam ex mortuis viventes, & mem-  
 bra vestra arma justitia Deo, & quæ  
 sequuntur. Tunc scilicet promerebi-  
 tur quis, ut baptizetur in nomine Spi-  
 ritus sancti, & regeneratus mutet &  
 locum & mores, & pristinæ vitæ socios,  
 ut spiritu ambulantes promereamur  
 baptizari in nomine filii, & Christum  
 induere. Oportet enim, & vestem ac-  
 cipere eum, qui natus est, sicut Aposto-  
 lus dixit: quotquot in Christum bapti-  
 zati estis, Christum induistis. Et ite-  
 rum: Exuti veterem hominem cum acti-  
 bus suis, & induti novum, qui renova-  
 tur ad agnitionem, juxta imaginem ejus,  
 qui condidit ipsum, ubi non est Græcus,  
 & Judæus. Postquam verò filium indui-  
 mus, qui potestatem dat filios Dei  
 fieri in nomine Patris baptizamur,  
 & filii Dei declaramur, qui præce-  
 pit, ac denuntiavit, sicut Propheta  
 dixit: quapropter exite de medio ipso-  
 rum, & separemini dicit Dominus, &  
 immundum ne tetigeritis, & ego su-  
 scipiam vos, & ero vobis Pater, &  
 vos



vos eritis mihi filii, ac filiae, dicit Dominus omnipotens. Has itaque, dilecti, promissiones habentes, inquit Apostolus, repurgemus nos ipsos ab omni inquinamento carnis, & spiritus, perficientes sanctimoniam in timore Dei. Et iterum denuntiat dicens: omnia facite sine murmuratione, ac disceptatione, ut sitis inculpati, ac sinceri, irreprehensibiles filii Dei, in medio nationis pravae, ac perversae, in quibus lucetis, tanquam luminaria in mundo, vitae sermonem habentes, ad gloriationem meam, in diem Christi. Et rursus: Si ergo surrexistis cum Christo, quae sursum sunt quaerite, ubi Christus est ad dexteram Patris sedens: quae sursum sunt sapite, non quae sunt super terram. Mortui enim estis, & vita vestra abscondita est cum Christo in Deo. Quando Christus apparuerit vita vestra, tunc & vos apparebitis cum ipso in gloria, quae ab ipso est Domino promissa, qui dixit: Tunc fulgebunt iusti sicut sol, &c.



T EJUS.



EJUSDEM SANCTI  
**BASILII**  
**MAGNI**  
*HOMILIA*  
 IN MARTYREM  
 MAMANTEM.

**N**on ignoro quanta sit encomiorum publici conventus magnitudo. At ut illam scio, ita & imbecillitatem meam sentio. Causa namque ipsa exigit, ut dignum quid dicatur his, qui convenerunt, & quod spei respondeat, quam illi de nobis conceperunt, & ipsi demùm argumento, quod tractandum est. Quoniam enim maxima ex parte martyrum hodie memoriam agimus, erecta est cujusque  
 T mens,

mens, & paratus auditus, expectans, ut dignum aliquid tanto martyre dicatur, quod & Ecclesiam desiderio circa illum permovet. Ita namque comparati sunt sinceri, & candidi filii, ut magnifica de parentibus suis exigant encomia, nec facile ferant amplitudinem eorum, quæ deprædicanda sunt, per dicentis periclitari humilitatem. Quapropter quanto major est animorum ad audiendum aviditas, tanto majus imminet dicenti periculum. Quid igitur faciemus? Quomodo & desideriis satisfaciemus, & ne ipsi in præsentiarum nihil utilitatis ad ea, quæ tractanda jam sunt adferentes, inutiles appareamus, cujusque animum adhortabimur, ut quæ in cognitione habet ad memoriam revocans, ac mente renovans, ex seipso sibi alimoniam paret, ut propriis exhilaratus subsidiis domum revertatur. Memores estote Martyris, quotquot illo per somnia potiti estis; quotquot in hoc loco constituti adiutorem ipsum ad præcandum habuistis; quibuscumque, ex nomine advocatus ipsis adfuit operibus: quotquot aberrantes ad viam reduxit: quoscunque sanitati restituit,

quibuscumque filios jam mortuos ad vitam reductos reddidit, quotquot vitæ terminos prorogavit. Collectis in unum his omnibus ex communi Symbolo, martyri encomium construite. Conferte inter vos mutuò, quæ quisque novit illa subministret ignoranti, quæ ignorat, illa accipiat ab eo, qui novit, atque ita quasi ad convivium, quod quisque habet, conferentes, nostræ ignoscite imbecillitati. Ista namque demùm sunt martyris encomia, spiritalium charismatum divitiæ. Non enim est, quod illum more sæcularium, & externorum encomiorum, cohonestemus. Non est, cur patres, ac progenitores illustres proferamus. Nam turpe est aliunde ornare eum, qui propria ipse virtute illustris est. Lege namque consuetudinis talia inter encomia usurpant. Alioqui veritatis lege, quæ cuique sint propria, adferenda encomia exiguntur. Neque enim velocem equum reddit, quòd is, unde natus est, ad cursum aptus fuit, nec canis encomium est, ex velocissimis prognatum esse. Sed quemadmodum, & aliorum animantium virtus in unoquoque propria consideratur, ita & propria viri laus est, cum

cùm ex rebus ab ipso benè gestis testimonium habet. Quid filio confert, de illustri natum esse parente? Ita hic Martyr non accepit aliunde, quem habet splendorem, sed ipse per vitæ conversationem gloriæ faculam accendit. A Mamante reliqui, non ab aliis Mamas gloriam habet. Hi pueri, qui pietatem ab illo sunt edocti, per illum sunt in honore. Nam ipse ex seipso virtutem quasi scaturigine quadam producit. Non habet, ut torrens, qui ex alieno confluxu gloriosus apparet, sed fons est, decorem suum ex propriis venis effundens. Celebremus virum non alieno, sed proprio ornamento decoratum. Vides claros equorum nutritores? vides alba illorum monumenta, quomodo lapides sunt neglecti? Ad martyris verò memoriam, & tota regia mota est, & ad illius festum diem urbs universa immutata gestis. Neque cognati divitum ad majorem suorum sepulchra declinant, sed omnes ad pietatis locum tendunt. Patrem hunc veritatis ducem, & non eos, qui corporum sunt parentes, & duces appellitant. Vides honorem constare ex virtute, non ex divitiis.

Ita Ecclesia, in quibus eos, qui præcesserunt honorat, ad ea ipsa sectanda admonet præsentēs, ac si dicat: noli divitias sectari, noli deditus esse sapientiæ hujus mundi, quæ abolebitur: neque gloriæ, quæ caduca est, ac fluxa. Hæc enim unà cum ipsa vita intereunt. Sed pietatis esto studiosus operator: illa enim te ad cælum usque extollet, illa & immortalem tibi memoriā, & perennem apud homines gloriā per hoc parabit, quòd eos, qui præcesserunt, honore afficit. Si quisquam igitur pastoris memor est, ne admiretur divitias. Convenimus enim, non ut divitem laudemus, ne divitem admiratus domum abeas, sed ut paupertatem cum pietate conjunctam extollamus. Pastorem esse, nihil habet magnificū, nihil, quod sapientiæ, & industriæ referat exercitium. Neque iratus probri vice dicerēs ei, qui te irritasset, pastor es. Pastor nihil amplius quotidiano victu possidet, peram appensam habet, & clavā gestat, & diurnum viaticum, nullam craftini curam gerit, bestiis hostis, animalibus mansuetis contubernalis, forum, ac tribunalia fugiens, sycophantarum, ac mercatu-

turę ignorans , divitas nesciens , proprium tectum non habens , sed sub eo , quod mundo commune est , agens , noctu ad cœlum suspiciens , & per astra conditoris admirabilem potentiam considerans . Ne pudeat nos veritatis . Ne fabulatores illos profanos imitemur , ne veritatem verborum ornatu obvelemus . Nuda est veritas , absque patrocinio ipsa seipsam declarans . Humilitatem illius multo sermone , imò magis encomio celebrabis . Pastor , ac pauper , hæc sunt homini Christiano ornamenta . Si doctrinæ pietatis duces inquisieris , piscatores invenies , ac Publicanos . Si Discipulos , sutores sunt pauperes . Nusquam splendor . Hæc omnia cum ipso mundo abolentur . Vide igitur , cujus hominis diem festum agamus , cujus gratia alacres omnes simus , propter quem immutata sit ratio vitæ nostræ . Quoniam videlicet pastoris mentionem fecimus , ne audita appellatione contemnas . Qui Deo primus placuit , Abel , pastor fuit . Quis illum imitatus est ? Moses magnus ille legislator , qui , ut periculum declinaret , quod à Pharaone imminabat , aufugit , qui contubernaliū in-

fidias odio habuit, ille, inquam, pecudes pavit in monte Oreb, & dum pasceret ad colloquium Dei pervenit. Angelum in rubo non iudicio disceptans, sed pastorem agens, cœlesti colloquio dignatus vidit. Quis post Moysen? Jacob Patriarcha, qui pecudes pascendo pro veritate patientiam ostendit, & in modica imagine universam vitam suam, quasi quodam charactere obsignavit. Cui conversationi huiusmodi zelum post se reliquit? Davidi. David à pastortia vita pervenit ad regnum. Sorores quædam sunt vita pastortia, & regni administratio. Nisi quod illa, irrationalium, ista verò rationalium animantium curam habet. Ita scilicet ad maiorem illa scientiam transitum habet. Quapropter Dominus utrumque complexus, & pastor est, & Rex, irrationales pascens, maiori ratione præditos sub regni gubernationem includens. Vis discere quantæ dignitatis sit pastor? *Dominus*, inquit, *pascit me*. Quomodo verò regis gubernationis soror est pastortia vita? *Quis est iste*, inquit, *Rex glorie*? Qui illic pastor, hic Rex dicitur. Nec putes, illum ab aliis quidem



dem pastorem vocari, ipsum verò id appellationis pudoris gratia non agnoscere, quin ipse degeneres pastores compescens, in seipsum veræ pastoralis vitæ testimonium transfert: *Ego, inquit, sum pastor ille bonus. Ego sum, & non mutatus sum. Quomodo cum magna dicit; Ego manu mea firmavi terram, ego cælum extendi solus: quemadmodum cum alia dicit, quæ de Deo dici digna sunt, sic dicit: Ego sum pastor ille bonus. Rejicit spurios, & veritatem sibi ipsi vendicat. Ego sum pastor ille bonus. Disce quis sit pastor, & quis sit bonus ille. Ipse hoc interpretatur. Verus pastor animam suam ponit pro ovibus suis. Mercenarius verò, & qui non est pastor, cujus non sunt oves propriæ, illi nihil est curæ, quando lupum venientem videt. Hic quærit Ecclesia, si Dominus pastor est, quis sit mercenarius pastor. Num diabolus? Et si diabolus mercenarius pastor est, quis sit lupus. At lupus diabolus est bestia immitis, rapax, infidiosa, communis omnium hostis. Habeat igitur propriam appellationem mercenarius pastor. Tunc quidem mercenarios pastores Dominus*

eos vocavit , qui tunc degeneraverant . Sunt verò & nunc , atque ,  
 utinam non essent , quibus propriè  
 mercenariorum appellatio convenit .  
 Tunc principes Sacerdotum notaban-  
 tur , & Pharisei , & omnis illa Ju-  
 daica secta . Illos dixit mercenarios  
 esse pastores , qui non veritatis , sed  
 quæstus sui gratia pascendi potesta-  
 tem usurparant , qui vano prætextu  
 precationibus instabant , ut panem  
 comederent viduarum , & orphanor-  
 um : mercenarii sunt , qui proprium  
 compendium curant . Qui præsentia  
 sectantes ad futura non aspiciunt ,  
 mercenarii sunt , non pastores . Et  
 nunc mercenarii multi sunt , qui pro  
 misera gloriola vitam suam impen-  
 dunt , ac produnt , qui jam quoque  
 contra sana Domini verba schisma  
 suscitant . Cum enim tum eadem  
 Dominus dixisset , schisma inter Ju-  
 dæos oriebatur . Quidam dicebant ,  
 dæmonium habet : quidem verò dæ-  
 mon oculos cæcos , ut videant , illu-  
 minare non potest . Vides veterem  
 hunc esse schismatis morbum ? Mox  
 enim ventilabrum adest . Paleas se-  
 cernit à frumento , & quod leve ,  
 est , & instabile sejungit ab eo , quod  
 alen-

alendi vim habet. Quod autem spiritali conveniens est alimonix, agricolis deputatur. Quapropter schisma factum est, & alii isto, alii alio modo diffidebant. Judæorum est in partes scindi: Ecclesia verò Dei tunicam inconsutilem desuper contextam adepta, quæ à militibus ne scinderetur conservata est, Christumque induta, vestimentum illius ne scindat. *Et cognosco oves meas, & cognoscunt me meæ.* Et hæc ad blasphemix suæ structuram rapuit hæreticus. Ecce, inquit, dictum est, cognoscunt me, meæ, & cognosco oves meas. Quid ergo vocat cognoscere? An essentiam intelligere? An magnitudinem emetiri? An ea de divinitate intelligere, quæ tu ore impudenti, & temerario pronuntiasti? An non ex præcedentibus mensuram cognitionis hujus intelligis, quid in Deo cognoscamus? *Oves meæ*, inquit, *vocem meam audiunt.* Ecce quomodo cognoscatur Deus. Ex eo, quod præcepta illius audimus, ex eo, quod illa audientes opere adimplemus. Hæc demùm est cognitio Dei, observantia videlicet præceptorum Dei, non inanis illa curiositas, non essentix Dei, & supra-

mundanorum investigatio, non rerum invisibilium consideratio. *Cognoscunt me mea, & cognosco meas.* Satis tibi sit scire, pastorem esse bonum, animam suam posuisse pro ovibus. Terminus hic sit divinæ cognitionis. Quantus verò sit Deus, & quæ illius mensura, & qualis essentia, talia sciscitanti sunt periculosa, ei, qui rogatur, perplexa, & talium medicina est silentium. *Oves meæ vocem meam audiunt.* Audiunt, inquit, non disputant. Hoc est, non sunt inobedientes, non contendunt. Audisti filium, ne mihi generationis modos proferas. Neque igitur vel à me petere, vel ipsi rationi subicere, de quibus nulla potest haberi rationatio, neque per schisma, quod conjunctum est, separare velis. Hac te ratione præoccupans Evangelista communivit, ac cautum reddidit. Audisti nuper, & continuò audis. *In principio erat verbum*, ne filium humanam esse progeniem putes, quæ ex non existente provenerit, *Verbum* illum esse dixit, propter impassibilitatem: *Erat*, tibi dixit, quòd non cæperit in tempore: *principium*, tibi dixit, ut natum patri conjungeret. Vides

des morigeram oviculam, quomodo audiat vocem Domini ? *In principio*, inquit, & *erat*, & *verbum*. Ne dicas, quomodo erat ? Etsi erat, genitus non est. Et si genitus est, non erat. Ovicula non est ista dicens. Pellis ovilla est, intus verò lupo latet. Qui hæc dicit, pro insidiatore habeatur. *Oves meæ, vocem meam audiunt*. Audisti filium ? Intellige similitudinem, quam habet ad patrem, similitudinem dico propter imbecillitatem valentiorum corporum. Et alioqui veritas ita habet. Non enim vereor accedere veritati. Non sum ad syncopantiam commodus. In sermone Patris, & Filii identitatem servo. Proprietatem in subsistentia Filii, formam intellige paternam, ut exactè imaginis rationem custodias, ut competenter de Deo sentias. *Ego in Patre*, inquit, & *Pater in me est*. Non confundit essentias, sed vel similitudinum identitatem exprimit. At enim, dilecti, res ista summè videtur contraria, utpote quod vestra audiendi obedientia imbecillitatem nostram adegit in medium aliquid afferre, ac dicere, ut potentia Dei, in organi imbecillitate potissimum

num illustraretur . Nam hac fors-  
san ratione imbecillitas nostra super-  
abundavit , ut hoc amplius glorifi-  
cetur , qui , quod infirmum est , cor-  
roborat . Qui verò nostram hanc pane-  
gyrim reduxit , & finem fecit anni  
præteriti votis , ac initium dedit tem-  
pori jam imminenti . ( Hæc namque  
dies præteriti nobis temporis circu-  
lum terminat , & rursus initium est  
jam advenienti ) qui & nos huc con-  
gregavit , & futuri effectum largi-  
tur , in illo nos custodiat indemnes ,  
illæsos , & à lupi rapacitate securos ,  
& Ecclesiam hanc immotam , ac ma-  
gnis Martyrum turribus munitam ,  
conserve , & omnes furentium hæ-  
reticorum insidias , & incursus in-  
tranquillitate , ac silentio avertat ;  
nobis verò donet , ut divina ora-  
cula discamus , & doceamus ; submi-  
nistrata à Spiritu sancto gratia , cui  
cum Patre , & Filio sit gloria , &  
imperium nunc , & semper , & in  
sæcula sæculorum . Amen .



EJUS-



EJUSDEM SANCTI

# BASILII MAGNI

*HOMILIA*

IN SANCTUM

BAPTISMA.



Uia Baptizatur, in Trini-  
 tatem baptizatur, in Pa-  
 trem, & Filium, ac San-  
 ctum Spiritum: non in  
 principatus, non in vir-  
 tutes, nec in reliquas aliquas crea-  
 turas. Sciat ergo manifestè, quod su-  
 pra creaturas sit sancta Trinitas, nec  
 quicquam illius creaturis connume-  
 rare conetur. Memor sit etiam Do-  
 mini, qui Spiritum sanctum insuf-  
 flavit, perque illam insufflationem  
 spi-

spiritum esse divinæ essentiæ, & non creatæ naturæ ostendit. Reputet etiam secum Apostolicam de Trinitate expositionem, in qua videmus unam esse operationem Patris, & Filii, & Spiritus sancti, ut neque Filius, neque Spiritus creatus sit, aut factus secundum naturam. Non enim Deus, ut suam operationem absolvat, sua ipsius opus habet creatura. Dicit autem Apostolus: *Divisiones donorum sunt, & idem Spiritus*. Et divisiones sunt ministeriorum, & idem Dominus. Et divisiones sunt operationum, idem verò Deus, qui operatur omnia in omnibus. Itaque, quæ Deus operatur, eadem operatur & Spiritus: *Omnia, inquit, operatur unus, ac idem Spiritus dividens unicuique ut vult*. Non itaque servituti deputet Spiritum, cum audiat illum omnia, quæ Dei sunt, operari, quemadmodum vult. Et iterum dicit: *Dominus autem Spiritus est*. Ubi verò Dominus spiritus est, ibi & libertas est. Etenim nisi divinitatem habitare in nobis diceret per spiritum, qui in nobis habitat, dicente Joanne: *In hoc cognoscimas illum in nobis esse: ex spiritu*



videlicet , quem dedit nobis , omnem nobis spem adimeret . Si enim Deus in nobis non est , neque vita , neque ullis bonis sempiternis potiemur . Dicit autem iterum Paulus : *An ignoratis , quod templum Dei estis , & spiritus Dei habitat in vobis ?* Rursus : *Corpora vestra templum Spiritus sancti sunt , qui in vobis est , quem habetis a Deo .* Creatura quidem revelatione opus habet , ut quæ Dei sunt cognoscat . Spiritus verò nobis illa revelat : *Deus , inquit , revelavit vobis per Spiritum suum .* Et in nobis scrutatur : nam in ipso scrutationem facimus : *spiritus , inquit , scrutatur etiam profunda Dei .* A seipso autem cognoscit , quemadmodum & noster spiritus . *Quis enim hominum , inquit , novit ea , quæ sunt hominis , nisi spiritus , qui in ipso est ?* Ita & quæ Dei sunt nemo novit , nisi spiritus Dei . Vivificat etiam Deus . Dicit enim Paulus : *Denuntio coram Deo , qui omnia vivificat .* Vitam dat autem & Christus , qui dicit : *Oves meæ vocem meam audiunt , & ego da illis vitam eternam .* Vivificamur verò & per Spiritum , teste Paulo , qui dicit : *Is , qui Christum excitavit ex mortuis , vi-*  
vi-

vificabit , & mortalia vestra corpora per spiritum suum , qui habitat in vobis . Vivificaris itaque à Deo per Christum in spiritu . Quapropter & quoniam omnis operatio Filii per Spiritum manifestatur . Dominus nominatur Spiritus nomine Domini , & Christus nomine Christi , quem admodum jam diximus . Dominus autem spiritus est . Dictum est autem , & hoc : *Vos non estis in carne , sed in spiritu : siquidem spiritus Dei in vobis est . Si quis autem spiritum Christi non habet , hic non est ejus .* Deinde subjungit : *Si verò Christus in vobis est ,* pro eo , quod consequenter debebat dicere , *si verò spiritus in vobis est .* Non est divina vox , quæ spiritum facturam esse docet . Quod enim alibi dicitur : *Omnia per ipsum facta sunt ,* de multitudine creaturarum dictum est . Spiritus verò in multitudine non comprehenditur , sed cum dualitate Patris , ac Filii , Trinitatem adimplet , & alienus est à consortio creaturarum , ac plurimum supereminet , utpote creaturas sanctificans , & vivificans , & unctio in nobis existens , imò , & in ipsa Domini carne . Non autem per creaturam

ram Dominus noster Jesus Christus sanctificatur, ut Petrus dicit: *Jesum à Nazareth, quem unxit Deus Spiritu sancto, ac virtute*: nec per creaturam potens est, sed dicit: *In spiritu Dei ejicio Dæmonia*: neque per creaturam ducitur. Scriptum est enim: *Ductus est per spiritum in desertum*. De autoritate Dei veteres quidem Prophetæ clamarunt: *Hæc dicit Dominus*: Posteriores verò, ac novi, *Hæc dicit Spiritus sanctus*. Et Apostoli dixerunt: *Visum est Spiritui sancto, & nobis*. Quapropter & Apostolus, ut ostendat se divina verba proloqui, aliquando dicit: *An experimentum queritis ejus, qui loquitur in me, Christi?* aliquando: *Puto me spiritum Dei habere*. Est autem, & veteris testamenti scriptura spiritus glorificatione referta: *Verbo Domini*, inquit Psaltes, *cœli firmati sunt, & spiritu oris ipsius omnis virtus eorum*. Et in libro Job scriptum est: *Spiritus verò divinus, qui me fecit*. Quemadmodum autem non potest præter Filium aliud poni Verbum, quo cœli facti sunt (alioqui jam non essent per Dominum Jesum facti, si per aliud verbum facti essent) ita

ne-

neque alius substituendus est Spiritus, qui cum Verbo virtutes cœlorum confirmet. Cum verò spiritum oris audimus, non humani quicquam intelligimus, sed prout divinæ majestati convenit, quemadmodum & in verbo faciendum est. Non enim verbum hoc est, quod dissolvitur, sed, ut Psaltes ait, In sempiternum: *Domine verbum tuum permanet in cœlo*. Neque spiritus diffusus quidam flatus est, sed constans, ac permanens. *Quo enim ibo à spiritu tuo*, inquit David, videlicet existente, & plenitudine sua obtinente omnia, inque divina majestate constituto. Quod namque de spiritu dixit, idem & de facie, ac dextera Dei dicit, consequenter subjungens: *Et quo à facie tua fugiam? Si ascendero in cœlum, tu illic es. Si descendero in infernum, ades. Si sumpsero alas meas diluculo, & habitavero in extremis maris locis: etenim, & illic manus tua deducet me, ac tenebit me dextera tua*. Et vox Dei est, de se ipso pariter, & Spiritu suo dicentis: *Ego sum in vobis*, inquit Dominus, & *spiritus meus præsto est in medio vestri*. Neque igitur alienus est à gloria

ria Dei spiritus, ex ineffabili ore ineffabiliter prolatus, neque ipse Deus est, sed Dei spiritus, & apud Deum, qui & à Deo mittitur, & per Filium nobis suppeditatur. Quemadmodum ex persona Patris dicitur: *Spiritus meus, qui supra te est*. Dicitur & ab ipso Domino: *Mittam vobis Paracletum*, quem vocat etiam spiritum veritatis. Unum itaque Patrem, unum Filium, unum & Spiritum secundum divinam traditionem confiteri oportet, non duos patres, non duos filios, quandoquidem spiritus non est filius, neque filius nominatur. Non enim à spiritu aliquem accipimus, quemadmodum à filio spiritum, sed ipsum nos accedentem, & sanctificantem suscipimus, divinitatisque cum illo communionem, adoptionis filiorum Dei participationem, sempiternæ hæreditatis arrhabonem, ac futurorum bonorum primitias. Neque igitur quisquam extra sacra hæc nomina curiosè quicquam introducat, neque Filii appellationem, aut generationem ad spiritum detorqueat, sed in spiritus appellatione, & similitudine contentus quiescat.

F I N I S.

399897

BIBLIOTHECA  
ROMANA  
EX LIBRIS





